

4 2004

10 ₸

АБАЙ

ЖУРНАЛЫНЫң
КИТАПХАНАСЫ
AMANAT



ӨЛЕҢ – СӨЗДІН
ПАТШАСЫ

أبا

أبا



ХАЛЫҚАРАЛЫҚ АБАЙ КЛУБЫ
МЕЖДУНАРОДНЫЙ КЛУБ АБАЯ
ABAI INTERNATIONAL CLUB

**«АМАНАТ» журналы кітапханасының
редакциялық кеңесі**

Роллан Сейсенбаев
(Қазақстан) –
Бас редактор –
Кеңес басшысы

Әбіш Кекілбаев
(Қазақстан)
Анатолий Ким
(Ресей)
Аятолла Хьюбш
(Германия)
Валентин Распутин
(Ресей)
Владимир Берязев
(Ресей)
Иманғали Тасмағамбетов
(Қазақстан)
Клара Серікбаева
(Қазақстан)
Кэндзабуро Оэ
(Жапония)
Леон Робель
(Франция)
Мырзатай Жолдасбеков
(Қазақстан)
Мұрат Әуезов
(Қазақстан)
Мұхтар Құл-Мұхаммет
(Қазақстан)
Олжас Сүлейменов
(Қазақстан)
Пентти Холоппи
(Финляндия)
Ричард МкКейн
(Ұлыбритания)
Равиль Бухаров
(Ұлыбритания)
Синтара Исихара
(Жапония)
Тимур Зульфикаров
(Тәжікстан)
Шыңғыс Айтматов
(Қырғызстан)

**Қазақстан Республикасының
10 жылдығына арналады**

АБАЙ
(Ибраһим Құнанбаев)

ӨЛЕҢ – СӨЗДІҢ
ПАТШАСЫ

ШЫГАРМАЛАРЫНЫң БІР ТОМДЫҚ ЖИНАҒЫ

ХАЛЫҚАРАЛЫҚ АБАЙ КЛУБЫ
ЖИДЕБАЙ • 2006

«AMANAT» ЖУРНАЛЫНЫҢ КИТАПХАНАСЫ

Әлем халықтарының әдебиеті, өнері,
тарихы, фәлсафасы, білімі һәм діні

XIX ФАСЫР ПОЭЗИЯСЫ

ББК 84 КАЗ 7-5
Қ 76

Қазақстан Республикасының мәдениет және ақпарат
министрлігінің жоспарына сәйкес шығарылып отыр

Қосымша білім берудің оқу құралы ретінде
Қазақстан Республикасының Білім министрлігі ұсынған

Жобаның авторы, шығармаларды басылымға
дайындалған көркемдеген Роллан Сейсенбаев

Құрастырушысы, редакторы: Клара Серікбаева

Көркемдеуші, беттеуші: Айтолқын Сейдахмет

Алғысөз: Мұхтар Әуезов

Соңғы сөз: Роллан Сейсенбаев

Кітапта Қазақстанның айтулы суретшілері: С. Айтбаев, Н. Хлудов, Т. Тогысбаев, З. Түсіпова, М. Қасымбеков, Ә. Қастеев, А. Бергер, М. Кенбаев, В. Третьяков, К. Ческидов, Б. Урманче, Л. Леонтьев, Г. Чернецов, М. Қисамединов, В. Тропинин, Клюндер, Н. Крутильников, А. Мартова, Т. Ордабеков, Қ. Қожықов, Ә. Ысмайлов, А. Ненашев, К. Баранов, В. Григорьев, И. Исабаев, А. Гурьев, Н. Гаев, Б. Пак, А. Рахманов, К. Шаяхметов, М. Алин, Ю. Мингазитинов, Е. Сидоркин, Н. Крутильников, Ш. Ниязбеков, М. Әлиақпаров, Н. Нұрмұхаммедовтың суреттері пайдаланылған.

© Абай. Өлең — сөздің патшасы. 2006.

© Халықаралық Абай клубы. 2006.

К 4702250202
00(05)-04

ISBN 9965-611-32-

КИТАП — ЕҢ САБЫРЛЫ ҰСТАЗ

Адамзат баласының алдында үш айғақты зор міндег тұр: бірі — бе й б і т ш і л і к т і, екіншісі — р у х а н и я т т ы, үшіншісі — т а б и ғ а т т ы қорғау һәм сақтап қалу. Бұлардың қай-қайсысы да біздің тіршілігіміздің басты бағдары. Бір-бірін толықтыратын ұғымдар. Осы үш бастауға Казақстанның ғана емес, бүкіл Әлемнің болашағы байлаулы.

Бола ма, жоқ па деген Адамзат тіршілігіне бағытталған Гамлет күмәні: егер біз оған мән беріп, құлақ аспасақ, адамзат алдында мәңгі шешілмес сұрақ болып қалатыны сөзсіз. Техникалық даму әлемде құлашын кеңге жайды, осыған орай адам да табиғатты құл қылуға барын салуда. Үлы бабаларымыз қолдан соққан әлемдік мәдениет пен ойдың көзсіз мұхитын меңгеруде біздер олқы түсіп жатырмыз. Өкінішке орай, әлем халықтары бастарына төнген қатерді аңғаруда мешеулік танытуда. Интеллектуалдық және идеологиялық көзсіздік қоғамда болып жатқан ақиқаттан алыстатып, адамды апат жолына — моральдық, адамгершілік, рухани дағдарысқа белшесінен батырды.

Үшінші мыңжылдық біздің ортақ үйіміз — Жер—бесігімізде төтенше өзгертулер енгізуі талап етеді.

Өзінің биік, таза, рухани қасиетімен Кітап — мәдениет пен руханиятты қорғауда теңдесі жоқ қару болып табылады.

Кітап — адамзат баласына ағарту һәм білім сыйлай береді.

Кітап беттерінде адамзат тіршілігінің сан қылышы сирлары сақталған.

Кітап — уақыт пен кеңістіктің тынысына толы адамзат ойының жемісі.

Адамзат кітапқа өзінің қасиетті сезімі мен жан жылуын сеніп тапсырған. Кітап біздің алға жылжұмызыда, катализмдардан арылууымызыда, адамгершіліктің биік шыңына көтерілуде өлшеусіз ақыл қосады.

Кітап — ең сабырлы үстаз.

Тек кітап қана қайырымдылық пен айуандықтың, ақиқат пен жалғанның ара жігін айналауда танып білуге үйретеді.

Халықаралық Абай клубының «АМАНАТ» журналы жанынан шығып жатқан 200 томдық Кітапхана Қазақстанның тәуелсіздігінің 10 жылдық торқалы тойына лайық тарту.

Отанымыздың болашағы — жастарға аманат қылыш — Кітап қалдырамыз.

Мен Абай клубының адамгершілік әрекетін қолдаймын. Қазақтың көрнекті жазушысы Роллан Сейсенбаевтың «АМАНАТ» журналы мен 200 томдық Кітапхана шығарудағы ұлагатты бастамасына шын жүргіммен қуанатынымды білдіргім келеді. Отанымыздың рухы мен мәдениеті үшін барын салған жазушыны Қазақстанның ұлтжанды, нағыз патриоттары қолдайтынына сенімім зор.

Жаңа басылымға ойшыл да, рахымды оқырман тілеймін.


«АМАНАТ» журналының 200 томдық Кітапханасы — Элем халықтары әдебиетінің, өнерінің, тарихының, философиясының алгаушы томдары — дүниеге келуі тілге тиек етер, шын қуанар, үміт артар үлкен әлеуметтік құбылыс.

Кітапты аялайық, құрметтейік, кітапқа адал болайық!

Нұрсұлтан Назарбаев

Қазақстан Республикасының Президенті

14 наурыз, 2001 жыл Астана



ҚАЗАҚ ХАЛҚЫНЫҢ ҰЛЫ АҚЫНЫ

Жүргімнің түбіне теред бойла,
Мен бір жұмбақ адаммын, оны да ойла.
Соқтықпалы, соқпақсыз жерде өстім,
Мыңмен жалғыз алыстым кінә қойма.

Абай болашақ ұрпаққа сөзін осылай арнады. Бұл өткеннің құлазыған ғасырларынан өзіне бейтаныс, басқа, бірақ жарқын болашаққа сенімді жол салған ақынның айтқан сөзі еді. Даланы торлаған нағандық түнегіне ол шам-шырақтай сәуле текті және таңы атып, күні шығатын жаққа апаратын жолды өз халқына талмастан көрсетті.

Іә, өзі өмір кешкен және өлең жазған ғасыр үшін Абай жұмбақ болды. Ал ол біз үшін жұмбақ па?

Біз Абайды қазір қараңғы жұмбақ ретінде емес, қазақ әдебиетінің шам-шырағы ретінде қабылдаймыз. Біз үшін Абай өткен күннің ғана ақыны емес, халықтың алға қарай қажырлы ұмтылуында ақын онымен бірге болды — ал мұндай ақын өлмек емес, өйткені оның шығармаларына уақыт шек қоя алмайды.

Қазақ халқы бір кезде адамның өмірін мүшелмен санаған. Ал поэзияның аңыз болған қайнары Әбіл-хаяттан мәңгі сусын татқан жыршы үшін мүшел ғасырлармен өлшеңенеді. Өзінің еңбегін жете бағаламаған және аз түсінген замандастарын артқа тастап, Абай дәл бүтінгідей, біздің қасымызда тұр.

Халқының күресі мен азабын, тағдырын өз үлесіне аяған ақынның есімін біздің әділетті халқымыз аса қастерлейді.

Өзінің көптеген тұстастарының айтуына қарағанда, Абай өлеңді өте ерте, он екі жасынан бастап шығарған. Оның бұл кезеңде шығар-

ғандарының көпшілігі бізге жеткен жоқ. Абайдың жас кезіндегі өлеңдерінің кейбіреулері және бірқатары ұмытылған, болмаса жоғалып кеткен шығармаларының аттары гана сақталған. Мысалы, сүйікті қызы Тогжанға арналған өлеңдерінің тек бастапқы жолдары гана белгілі, жас Абайдың ақын қызы Қуандықпен айтысының ауызша мазмұны гана сақталған. Қазақстанда ол кезде жазу-сызу нашар дамығандықтан бізде Абайдың жас кездегі өлеңдерін сақтаған, оның өмір тарихын баяндайтын, тұстастары жазған мемуарлар, хаттар, жазбалар жоқ. Үстем тап өкілдерінің ақынға деген қатынасының да салқыны бұған аз тиғен жоқ. Егер халық поэзияны қастерлеп, ақын атын жоғары бағаласа, ру байлары; «Құдайға шүкір, біздің рудан бір де ақын, бір де бақсы шыққан жоқ» деп күпінетін. Поэзияга осындағы көзқарастың әсерімен Абай өзінің қөптеген өлеңдерін жас достарының атынан таратқан.

Жиырма сегіз жасқа келгенде Абай әкесінен біржола ажырасады. Ол енді тағдырын өзі белгілеп алатын болады.

Оның жаңа достары, негізінен, кедей руладан шыққан талантты жастар, ақындар, жыршылар және орыс интелигенциясының таңдаулы өкілдері болады. Есейген, мәдениеті оскен Абай орыстың классикалық әдебиеті мен Шығыстың халық творчествосын оқы бастайды.

Отыз бес жасқа келгенде гана Абай творчествоға қайта оралады. Бірақ бұл кезеңде де Абай өз өлеңдерін жас достарының атынан таратады. Тек 1886 жылы, қырық жастан асқан соң «Жаз» деген атақты өлеңді жазғаннан кейін гана Абай шығармаларына өз атын қояды.

Отыз жасқа келгенде Абай феодалдық-рулық ортадан біржола түзіледі. Ол патша үкіметі тұтандырып отырган рулық тартистың халық үшін өте ауыр согатынын анық көреді.

Нағыз ақын, әрі патриот Абай халыққа оның неге қасірет шегетінін түсіндіруге тырысты. Өзінің, өлеңдерінде ол феодалдық-рулық билеп төстеушілерді аяусыз әшкерелейді және халықты өнер-білімге шақырады.

Абай орыстың жер ауып келген жетпісінші-сексенінші жылдардағы революционерлерімен танысады. Олар — революцияшыл интелигенцияның өкілдері, Чернышевскийдің жолын қуушылар еді. Солардың бірі Е. П. Михаэлис-Шелгуновтың жақын досы, белсенді қызметтесі болған.

Михаэлис те, сондай-ақ Семейге кейінрек жер ауып келген оның пікірлестері де жас адамдар болатын. Абайдың олармен таныстығы кешікпей ұлken достыққа айналады. Орыс достары Абайдың өз бетімен білім алудына ерекше назар аударып, зор көмек көрсетеді. Олар Абайдан қазақ халқының тарихы, поэзиясы, әдет-ғұрпы және искусствоны жайын-

да көп мәлімет алады, өздеріне бейтаныс өлкенің табиғи-географиялық, экономикалық жағдайларын, тұрмысын зерттейді. Мешеу қалған қыырдағы өлкеге орыс мәдениетін түңғыш таратушылар да, халықтың өмірі мен тұрмысын өзгертудің, оны ағартудың жақтаушылары да солар болды. Біз Михаэлистің көптеген еңбектерін және Леонтьевтің «Обычное право у киргизов» деген көлемді зерттеуін білеміз. Орыстың демократиялық интеллигенциясының бұл өкілдері халықты ағартуды царизмге қарсы күрестің маңызды құралы деп санады. Абай сияқты адамдарды орыс әдебиеті классиктерінің және орыс мәдениетінің басқа да алдыңғы қатарлы өкілдерінің мұрасымен таныстыру — олар үшін, әрине маңызды міндеп болды.

Абайдың бұл достары орыстың ұлы жазушылары мен алдыңғы қатарлы саяси-әлеуметтік қайраткерлерінің еңбектері мен ойларында бейнеленген орыс халқы туралы шындықты қазақ өлкесінің қалың еңбекші бұқарасына жеткізуге тырысты. XIX ғасырдағы азаттық идеяларға толы орыстың классикалық әдебиетінің асқан гуманизмі мен терең революцияшылдығы, оның царизмге қарсы өшпендейділігі, оның езілген бұқараны қорғап көтерген өшпес дауысы Сібірде де, Қазақстанда да қоғамдық ойды өмірге оятты, тәрбиеледі.

Ал, Абай болса қазақ халқының ғасырлар бойғы қарандылықтан құтылатын бірден-бір дұрыс жолы — орыс және қазақ мәдениетінің жақындастырунда деп білді. Ұлы ақын-ағартушы халықтардың туысқандығы мен достығы идеяларын жақтаушы болды. Өзінің өлеңдерінде ол қазақ халқына орыс халқын патша отаршылдарынан айыра білуді көрсетуге тырысты.

Тура тілді кісіні дейміз орыс,
Жириеніп, жылмаңдықты демес бұрыс.
Жылпылдақтап айрылып, сенісе алмай
Адамдықты жоғалтар ақыр бұл іс.
Сенімі жоқ серменде сырды бұзды,
Анық таза көрмейміз — досымызды.
Қылт етпеге көнілдің кешуі жоқ,
Жүрегінде жатады өкпе сзызы.
Дос асықтың болмайды бөтендігі
Қосылған босаспайды жүрек жігі.

Орыс халқының рухани мәдениетінің нағыз бағалылықтарын тауып, таныған шақта Абайдың ой өрісі мейлінше көңеиді. Абай Пушкин мен Лермонтовтың, Крыловтың, Салтыков-Щедрин мен

Лев Толстойң құштар ардақтаушысы болады. 1886 жылдан бастап ол Крылов, Пушкин, Лермонтовтың шығармаларын қазақ тіліне аударады.

Абай тек қана ақын емес, сонымен бірге музыкант, қазақтың халық музыкасын терең білген, жете бағалаған адам болды. Ол бірқатар мелодиялар шығарды. Ақынның мелодиялары, негізінен, оның қазақ поэзиясына жаңалық енгізген өлеңдеріне («Сегізаяқ», «Алтыаяқ» т. б.) арналған еді. Ол өзінің «Евгений Онегиннің» жасаған үзінді аудармаларына да осындай мелодиялар шығарған. 1887—89 жылдарда Пушкин есімі және оның геройлары Онегин мен Татьянаның есімдері сол әндермен бірге бүкіл далага кең тарапады, қазақ халқы үшін қазақ ақындары мен қазақ эпикалық поэмаларының геройларындаі үйікті жақын болып кетті.

Сексенінші жылдардың аяқ кезінде ақын, ойшыл, музыкант Абай халық жақсы білетін әрі аса қадыр тұтатын кісі болады. Оған тіпті алыс жерлерден ақындар, музыканттар, жыршылар келеді. Даңқты Біржан, соқыр ақын Ажар, Қуандық, Сара және басқалар оның өлеңдерін бүкіл кең далага таратады.

Мұқа, Ақылбай, Кәкітай, Магауия сияқты жас талаптар, ақындар, жыршылар Абайдың тоғырғіне тоңталады. Олардың кейбіреулері Абайдан үлгі алып, өздігінен білімін көтереді, орыс әдебиетін оқып үйренеді, тарихи, романтикалық және салт поэмаларын жазады.

Абайдың маңына тек қазақтарға емес, шығыс халықтарының құғынға ұшыраған (көбіне татар жастары), азат ойлы адамдары да келеді. Сібірдегі жер аударылудан өз еліне қашып бара жатқан кавказдықтар Абай ауылышында айлап жатып қонақ болады. Абайдың ауылды бірте-бірте Шығыстың прогрессіл ойдағы, алдыңғы қатарлы адамдары келетін орталыққа айналады.

Абайдың талантын бағалаушылардың саны жыл сайын молая береді. Тек Абайдың өз өлеңдерін ғана емес, сонымен бірге достарының да шығармаларын ел ішінде көшіріп алып, жаттап, әнге қосып айтады. Батыс және орыс жазушыларының Абай оқыған романдарының мазмұнын тыңдаушы — ертекшілер ауызша түрде бүкіл далага таратады. Орыс халқының ұлы Петр туралы ертегісі, Лермонтовтың поэмалары, Лессаждың «Хромой бес», тіпті Дюманың «Үш мушкетер», «Генрих Наварский» сияқты шығармалары (сонғыларын Абай орысша аудармасынан оқыған), шығыстың «Шаһнама», «Ләйлі — Мәжнүн», «Көроғлы» сияқты поэмалары даға осылайша келген.

Абай өзінің балаларын орыс мектебінде оқытады. Әбдірахман де-ген баласы Петербургтағы Михайлор артиллерия училищесін бітірген.

Ал Ақылбай, Мағауия сияқты балалары әкесінің жолын құып, ақын болады. Ақылбай «Дағыстан» атты сюжеттік романтикалық поэма жазады. Мағауия шығармаларының ішіндегі ең тәуірі — Абайдың ақыл-кеңесімен жазылған, құлдың қожасы плантатормен күресін суреттейтін «Медғат—Қасым» поэмасы (Поэманың оқиғасы Нілдің жағасында болған).

Абайдың және оның достарының ақындық, агартушылық және әлеуметтік қызметі феодалдық ауылдың ескілігіне, рушыл даугерлерге, халықты қанауышыларға және соларға сүйенген царизмге қарсы бағытталады.

Абайдың еңбектері, оның әлеуметтік қызметі және үстем тапқа өшпенділігі, царизмнің сенімді жалдаптары дала феодалдарының ызасын келтірді. Олар білімді, қайсар ақын ту еткен идеяларға және ақынның өзіне қарсы лас, зұлымдық тартыс жүргізді. Абайдың бұл жаулары чиновниктермен, билеуші таптың интеллигенциясымен бірлесе отырып қимылдады.

Абай, царизм үшін қауіпті адам қатарында, далалық өлкенің генерал-губернаторына дейін жетеді. Шындықтың батыл жаршысы, әлеуметтік тәртіптің әшкереleушісі болған ақынды приставтар, урядніктер, болыстар үнемі аңдуға алады.

Бірақ ақынның жаулары халықтың Абайға деген сүйіспен-шілігінен қаймықты, сондықтан олар ақынға қарсы ашық, қимыл жасай алмады. Олар тартыстың не бір опасыз түрлерін пайдаланды. Ру басыларының бірі, Абайдың қас жауы — Оразбай өз маңына даланың Абайға қарсы азулыларының барлығын топтайды. Олар ақынның достарын қудалады, ал Абайдың үстінен губернаторға, уезд бастықтарына, патша соттарына айыптау арыздар, домалақ хаттар жолдады, ақынның өз басын «ақ патшаның жауы», «бұлікшіл», «әкелер мен ата-бабалардың әдет-ғұрпын, салт-жоралғысын бұзушы» деп кінәлады. Осындағы арыздардың салдарынан бірде Абайдың ауылына Семей қаласы полицмейстерінің өзі жанына жандармдар отрядын ертіп келіп, тінту жасайды. Ал, 1897 жылды билеушілердің көрінеу-көзге демеуімен феодалдар Абайға қарсы опасыз қастандық жасайды.

Семейдің губернаторы да Абайға талай рет көрін тікті. Бірақ ақынның өз халқы арасындағы беделінен қаймығып, ол Абайды жер ауып келген достарынан айырумен, олардың тығыз байланысын үзүмен ғана шектелді.

Абайды халықтан бөліп алуға болмайтын еді. Тіпті алыстағы уездерден көптеген адамдар Абайды іздең келіп, ақыл-кеңес сұрайтын. Ру арасындағы ұлken-ұлken дау-тартыстарда ел ең әділ би Абайдың

үкіміне, соның төрелігіне құлақ асатын. Мысалы, Қектұма, Қара мола, Балқыбек съездерінде Абай әділетті үкім айтып, қалың халық бұқарасының мұддесін қорғайды.

Абайдың әлеуметтік қызметі мен ақындық шығармалары дала жастарының арасында, әсіресе, белгілі болды. Қоптеген жиындарда, ойын-тойда, қызы ұзатып, келін түсіргендеге жыршылар мен ақындар Абай өлеңдін айтатын. Абайдың өз ауылының қыздары ұзатылғанда өздерінің жасауларының ішінде Абайдың өлеңдері мен поэмаларының, нақыл сөздерінің қолжазба жинақтарын ала кететін болған. Мысалы, Әсия, Үәсила, Рахила сияқты және басқа да қыздардың сондай қолжазба жинақтары осы қүнге дейін сақталған.

Даланың атқамінерлері мен байлары Абайдың даңқы халық арасына кең тарағанын көре алмай, ақынды және оның достарын құғынға ұшыратқанын жоғарыда айттық. Олар Абайдың жақындарын, тіпті агасы Тәкежанды да ақынға қарсы жауықтырады, өсек-аяң, отірік-жаламен достарын Абайдан алыстаратады, сөйтіп ақын жүргегін терең жаралайды.

Өшпендейлік пен қастандықтың осындай түнек ауырлығында жүрген Абайға орыстың алдыңғы қатарлы қогамдық, халықтық-демократиялық ой-пікірінің таңдаулы дәстүрлеріне тәрбиеленген, өз ісінің болашақ мұрагері, талантты баласы Әбдірахманың олімі аса ауыр қайғы болып тиеді. Петербургте оқып жүрген кезінде-ақ туберкулезге шалдықдан Әбдірахман Верный қаласында дала артиллериясының поручигі болып, аз уақыт қана қызмет істейді. Ол 1895 жылы, 27 жасында қайтыс болады. Оның өліміне арнап Абай қоптеген әсерлі өлеңдер шыгарады. Бұл өлеңдерде ол өзінің баласынан ғана емес, сонымен бірге үміткер досынан, мұрагерінен айрылған әкениң, халық бақыты үшін құрескериң қайғысын білдіреді.

Топас, дөрекі жауларының құғынға ұшыраган, ауыр тартыс қалжыратқан Абай ауыр өлімнің қайғысынан серпіліп болмай-ақ тағдыр оны тағы да қатты соққылайды: Абайдың екінші баласы, талантты ақын Магауия қайтыс болады.

Осындай бақытсыздық қатты жаншып, еңсесі түскен Абай өзінің қайғы-қасіретінен бой жаза алмайды. Магауия өлгеннен кейін қырық күн өткен соң, алпыс жасқа қараганда, өзінің туған даласында ақын қайтыс болады.

Абайдың сүйегі Шыңғыс тауының бауырындағы өзінің Жидебай деген қыстағының жанына қойылады.

Абайдың өлеңдер мен поэмалардан, аудармалар мен ғақлиялардан тұратын әдеби мұрасы ұлken-ұлken екі том болып басылды. Ақынның көп жылдар бойындағы ойлары мен толғаныстарының, ізгі

жаны тебіренуінің аса бір қымбатты нәтижесіндегі бұл еңбектері енді, тарихи түрғыдан қарағанда, қазақ, халқының рухани мәдениетінің жиынтығы сияқты болып көрініп отыр. Тұған халқының өткендеңі ауызша, жазбаша ескерткіштерде сақталған ақындық мұрасына терең бойлаған Абай сол мәлдір бұлақтан құнарлы нәр алып, өз поэзиясын молықтыра білді. Қазақ халқына ол кезде жете таныс бола қоймаған тәжік, азербайжан, өзбек сияқты шығыс халықтарының классикалық поэзиясы да Абай поэзиясына прогресші ықпал жасады. Бірақ қазақ мәдениетінің келешекте өркендеуінің кепілі, оның тарихи дамуы жолында сенімді жолбасшысы болған орыс мәдениетіне (ол арқылы бүкіл европалық мәдениетке), ең алдымен, оған дейін қазақ халқына мұлде белгісіз орыстың ұлы классиктері қалдырыған мұрага Абайдың үміт артуы орасан маңызы бар факты еді. Ерекше дарынды, кемел ойлы Абай, жаңа мәдениетті ақыл сарабынан өткізе, өз бойына сіңіре білді. Осындай асыл қазынаны қабылдаудан суретші Абайдың өзіндік айқын ерекшелігі есіп, көркейе берді.

Абай, қазақ халқы әлі меңгеріп жетпеген мәдениеттерге бой ұрғанда, жаңа көркемдік суреттеу құралдарымен ғана молықкан жоқ, рухани дүниесін жаңа идеялармен де байытты. Өзінің идеялық және творчестволық байлығының асылына келгенде, Пушкин сияқты, Абай да қалың жұртқа ортақ, сонымен бірге анық ұлттық, халықтық ақын.

Абайдың сексенінші жылдардан өлеңдерінің көвшілігі қазақ қогамының тағдырына арналды. Сонымен қатар, ақын халқының бүкіл рухани қатынасын терең көркемдік-сыншылдықпен қайта қарап, өзінің ақындық жаңа программасын ұсынды.

Бұл шығармаларында Абай қалың бұқараға жақын келеді. Алайда оның поэзиясының халық творчествосынан зор айырмасы барын дәл осы тұста айқын көреміз. Абай бірде-бір өлең жолында халық, творчествосының қалыптасқан дәстүрлі сөз жүйесі мен ақындық ой бітімін қаз-қалпында ала салмайды. Абай ауыз әдебиетіндегі сөздерді де, образ жүйесін де, стиль тәсілдерін тереңдетіп, жаңа ой, сезімдер мен толықтырады, оның өлеңдерінде өзгеше бір идеялар мен жан сезімдері жүреді. Ең алдымен, бұл шығармалардан ақынның ескілік әдет, билеуші феодалдардың азғындық мінездері, қараңғылық, дау-жанжал жайлаган еңбекші бұқара мұқтаждық пен жоқшылықта өмір сүрген сол кездегі қазақ ауылының қоғамдық қалпына бітіспес көзқарасы айқын көрінеді. Абайдың, көптеген өлеңдерінде («Қартайдық, қайғы ойладық», «Қалың елім, қазагым, қайран жұртым», «Құлембайға», «Көжекбайға», тағы басқалар) надандық, дәүкестік, парапорлық, арамтамақтық, қазақ халқын билеп-төстеушілердің рухани бишаралығы

өлтіре сыналады. Семьяға, ата-анага, жас ұрпақты тәрбиелуғе, әсіресе, әйелге жаңа көзқарас қазақ әдебиетінің тарихында тұңғыш рет соншама айқындықпен, соншама моральдық тереңдікпен айтылады.

Шығыс әйелдерінің халық поэмалары мен тұрмыс-салт жырларында суреттелең қайғылы, бақытсыз халі Абай творчествосында жаңа мағынага ие болады. Өз поэзиясында Абай әйелдің, жан-жүйесін көрсетеді, ал бұл жөнінде бұрынғы поэмалар мен жырларда аз айтылатын да, әйелдің қасіретті тағдырына сырттай ғана баса көніл бөлінетін. Абай сүйген адамын өзі қалаған әйелдің маҳаббаты қаншалықты жан тебірентерлік, кіршіксіз, таза, терең болатын, оның қыыншылықпен қолы жеткен бақыты үшін күресте қажырлы, берік екенін көрсетеді. Абай қазақ әйелін, аナンЫ — семьяның тірекі ретінде жырлайды, оның жанқиярлығын, даналығын, шын көнілмен берілген достыққа беріктігін, оның адал, тамаша жанының тұтастығын мадақтайты. Қалыңмалға, көп қатын алушылыққа, әйелді құндікке ұстаушылыққа жан-тәнімен қарсы шыға отырып, ақын өлеңдерінде әйелдің қоғамда тең праволы болуы үшін күреседі.

Абай бұрынғы ауылдың ғасырлар бойғы ескіліктерін, енжарлық пен жалқаулықты қатты түйреумен бірге, ақылды бар, бойында қүші бар адамға қажетті қасиет ретінде еңбекті сүюшілікті жырлайды.

Ол өзіне дейінгі дидактикалық, уағыз поэзияның канондарын бұзды. «Мен жазбаймын өлеңді ермек үшін», «Өлец — создің натијасы, сөз сарасы», «Біреудің кісісі өлсе, қаралы ол» атты өлеңдеріндегі өзінің ақындық программасында Бұқар жырау, Шортанбай, Дулаттарды қatal сынап, олардың поэзиясын ешбір ойлы сөзі жоқ «құрап-жамау» деп атайды. Абай оларды жас ұрпаққа рухани азық бермей, халықтың қоғамды қайта құру күресіне зиянны тигізгені үшін өткен, құлдық заманды жырлап, дәріптегені үшін айыптайты. Абай жаңа поэзияның биік мақсаты, міндепті — халыққа қызмет ету, адамды қайта тәрбиелейтін және қоғамды қайта құруға көмегі тиетін жаңалыққа шақыру деп біледі. Халықтың еңбек етіп, өз правосы үшін күресуі ғана дала кедейне тәуелсіздік әпереді, білімге, аянбай оқуға ұмтылу ғана жас ұрпақтың қолын жақсы өмірге жеткізеді.

Оқуга шақыруды Абай жалаң уағызben айтпады. Абайдың бүкіл поэзиясы, оның жаңа лебізді, орамды өлеңінің, өмірлік қуатқа толы образдарының күші қазақ қоғамын ескірген идеялар мен сезімдер шеңберінен шығарды, ауыл еңбекшілерінің ортасынан шыққан адамдардың басын қатырған мұсылман медреселерінің схоластикасы мен балдыр-батпақтарын аяусыз шенеді.

Жаңа туып келе жатқан ең бір көртартпа діни-саяси ағым

панисламизм мен пантүркизмге Абай сол жылдардың өзінде-ақ дұрыс баға берे білген еді, бұл ағымды қазақ молдалары, қожалары, дала феодалдары жанын сала қолдайтын. Бұл бағытқа қарсы, Абай өз халқы мәдени прогрессе орыс халқының ұлы мәдениетін үйрену арқылы жететінін насиҳаттан, өзі де соны жүзеге асырды — бұл ретте ол өмірінің ақырына дейін дәйекті, табанды болды. Ол панисламизм мен пантүркизмді шығыс халықтарының ғасырлар бойғы оқшаулығы мен мешеулігін тапжылтпай, нығайта түсетін топас фанатизм деп есептеді.

Ұлтының және діни нағымдарының өзгешелігіне қарамастан барлық халықтардың бейбіт, тату тұруына негізделген ағарту ісі үшін нағыз жалынды құрескер Абайдың көзқарастары мейлінше кең, әрі батыл, еркін болды. Элеуметтік және мәдени өмірдің барлық мәселелерін езілген бұқараның тұрғысынан қараган ойлы, дана художник Абай — қазіргі күнде өзінің «ғажайып» жамылғысынан айрылып, халықаралық империализмге жалданған, буржуазияшыл-кертартпалық ұтшылдық мәнін әшкере еткен панисламистік және пантүркистік идеялардың залалды әсерін сол кездің өзінде-ақ алдын-ала көре білді.

Орысша аудармалар арқылы Абай Гете мен Байронды, Батыс Европаның басқа да классиктерін білді, орысша аудармалар арқылы ол ежелгі замандардағы әдебиетпен де танысты. Ақынның достарының айтуы бойынша, Абай Батыс философиясымен де қызықсынған көрінеді (мысалы, Спиноза мен Спенсерді оқығаны, Дарвин жайын сұрас-тығаны мәлім).

Қазақ әдебиетінің өркендеуі үшін Абайдың аудармашылық жұмысының зор маңызы болды, бірақ оның орыс әдебиетімен байланысы мұнымен ғана тамамдалмайды. Бұл мәдениет пен көркемдік дәстүрлердің аса құшті ықпалын Абайдың өз творчествосынан іздеу керек. Мысалы, Пушкинді, Абай басқа орыс классиктерінен гөрі сиректеу аударған. Солай бола тұрса да, оның орыс ақынымен байланысы өз творчествосында әрі терең, әрі айқын көрінеді. Оның лирикалық ойға шомуларында, табиғат суретін реалистікпен беруінде, махабbat иесі әйелдің жүргегін терең түсінуінде, әлеуметтік сарындардың адамгершілік үнінде Пушкиннің көптеген сипат белгілері бар.

Бұкіл дүние жүзінің алдыңғы қатарлы ақындық мәдениетінің маңызды элементтерін қамтыған Абай шығармалары қазақ әдебиетін, оның бұкіл мәдениетін ғасырлық оқшаулану, мешеулік қалпынан шығарып, жоғары тарихи сатыға көтерді. Абайдың халықтығы мынада: ол өз халқының рухани көзі болып, алысты көре білді, халық үшін ойлап, халық үшін сезіне жүріп, оның тарихи келешегін көрсетіп берді.


Қорыта келе айтарымыз, Абайдың өмірі мен творчествосын зерттеу

проблемасы негұрлым кең, принципиалды, жан-жақты талқыланса, оның мұрасын зерттеу нәтижелері солғұрлым келісті, елеулі бола бермек.

Поэзияда, музыкада, қоғамдық-азаттық ой-пікір саласында өлмес-өшпес шығармалар берген Абай қазақ халқының өткен замандағы өмірін зерттеуші біздің ұрпаққа таңгажайып тұлға болып көрінеді. Ол өз халқының тарихында тау шынарындағы биік тұр. Ол қазақ халқының ғасырлар бойғы мәдениетінің таңдаулы нәрін алды және бұл қазынаны орыстың және Батыс Еуропа мәдениетінің иғі әсерімен молықтырды.

Қазақтың жаңа мәдениетінің негізін салушы, қазақтың классикалық поэзиясының шұғылалы шыңы — Абайдың мәңгі өшпес даңдырының ең асқақ айғагы, міне, осында.

Мұхтар ӘУЕЗОВ



ОЛЕНДЕР

K

ансонарда бүркітші шығады аңға
Тастан тұлқі табылар аңдығанға.
Жақсы ат пен тату жолдас — бір ғанибет,
Ыңғайлы ықшам киім аңшы адамға.
Салаң етіп жолықса қайтқан ізі,
Сағадан сымпың қағып із шалғанда.
Бүркітші тау басында, қағушы ойда,
Іздің бетін түзетіп аңдаганда.
Томағасын тартқанда бір қырымнан,
Қыран құс көзі көріп самғағанда.
Төмен ұшсам тұлқі өрлең құтылар деп,
Қандыкөз¹ қайқаң қағып шықса аспанға,
Көре тұра қалады қашқан тұлқі
Құтылмасын білген соң құр қашқанға,
Аузын ашып, қоқақтан, тісін қайрап,
О да талас қылады шыбын жанға.
Қызық көрер, көңілді болса аңшылар.
Шабар жерін қарамай жығылғанға,
Қырық пышақпен қыржындал тұрған тұлқі,
О дағы осал жау емес қыран паңға.
Сегіз найза қолында, көз аудармай,
Батыр да аял қылмайды ертең таңға
Қанат, қүйрек сүйледап, ысқырады,
Көктен қыран сорғалап құйылғанда.
Жарқ-жүрқ етіп екеуі айқасады,
Жеке батыр шыққандай қан майданға.

¹ Қандыкөз — бүркіт.

Біреуі — көк, біреуі — жер тағысы,
 Адам үшін батысып қызыл қанға.
Қар — аппақ, бұркіт — қара, тұлкі — қызыл,
 Ұқсайды хасса² сұла шомылғанға.
Қара шашын көтеріп екі шынтақ,
 О да бұлк-бұлк етпей ме сыйпанғанда,
 Аппақ ет, қып-қызыл бет, жап-жалаңаш,
Қара шаш қызыл жүзді жасырғанда.
 Қүйеуі ер, қалыңдығы сұлу болып,
 Жіне үқсар тар төсекте жолғасқанға.
 Арт жағынан жаурыны бұлкілдейді,
Қыран бүктеп астына дәл басқанда.
Құсы да иесіне қоразданар,
 Алпыс екі айлалы тұлкі алғанда.
 «Үйірімен үш тоғыз» деп жымыңдал,
 Жасы үлкені жанына байланғанда.
 Сілке киіп тымақты, насыбайды
 Бір атасың қөнілің жайлланғанда.
 Таудан жиде тергендей ала берсе,
 Бір жасайсың құмарың әр қанғанда.
 Көкіректе жамандық еш ниет жоқ,
 Аң болады кеңесің құс салғанда.
 Ешкімге зияны жоқ, өзім көрген
 Бір қызың ісім екен сүм жалғанда.
 Көкірегі сезімді, қөнілі ойлыға
 Бәрі де анық тұрмай ма ойланғанда.

Ұқпассың үстірт қарап бұлғақтасаң,
 Суретін көре алмассың, көп бақпасаң.
 Көлеңкесі түседі көкейіңе,
 Эр сөзін бір ойланып салмақтасаң.
 Мұны оқыса, жігіттер, аңшы оқысын,
 Біле алмассың, құс салып дәм татпасаң.

² Хасса, қас (арабша) — кемелге жеткен сұлулық.

* * *

Қақтаған ақ күмістей кең маңдайлы,
Аласы аз қара көзі нұр жайнайды.
Жіңішке қара қасы сызып қойған,
Бір жаңа ұқсатамын туған айды.
Маңдайдан тура түскен қырлы мұрын,
Ақша жүз, алқызыл бет тіл байлайды.
Аузын ашса, көрінер кірсіз тісі,
Сықылды қолмен тізген, іш қайнайды.
Сөйлесе, сөзі әдепті, әм мағыналы,
Күлкісі бейне үлбұл құс сайрайды.
Жұп-жұмыр, ақ торғындай мойыны бар,
Үлбіреген тамағын күн шалмайды.
Тақтайдай жауырны бар, иығы тік,
Екі алма кеудесінде қисаймайды.
Сорақы ұзын да емес, қысқа да емес,
Нәзік бел тал шыбықтай бұрандайды.
Етіндей жас баланың білегі бар,
Әжімсіз ақ саусағы іске ыңгайлы.
Қолаң қара шашы бар жібек талды
Торғындаи толқын ұрып көз таңдайды.

Қандай қызда ләззат бар жан татпаған?
Сұлуы бұл заманның тек жатпаған.
Он сегіз, он тоғызға келгеннен соң,
Алмасы өкпе болар қол батпаған.
Бұлардың кейбірінің мінездері —

Еш нәрсе көрмегенсіп бұртақтаған.
 Кейбірі жайдары, ашық боламын деп,
 Орынсыз адамдармен жыртақтаған.
 Әуелде сұлу жайы бізге мәлім,
 Жігітті жұрт мақтаған қыз жақтаған.
 Кей жігіт мақтан үшін қылыш қылмай,
 Бойына майдалықпен сыр сақтаған.
 Кей жігіт арсыздықпен ұятсынбай,
 Қолы жетпес нәрсеге тыртақтаған.
 Орынды іске жүріп, ой таппаған,
 Не болмаса жұмыс қып, мал бақпаған.
 Қасиетті болмайды ондай жігіт
 Әншейін құр бекерге бұлғақтаған.



* * *

Жасымда ғылым бар деп ескермедім,
Пайдасын көре тұра тексермедім.
Ержеткен соң тұспеді уысыма,
Қолымды мезгілінен кеш сермедім.
Бұл махрұм¹ қалмағыма кім жазалы,
Қолымды дөп сермесем, өстер ме едім?
Адамның бір қызығы — бала деген,
Баланы оқытуды жек көрmedіm.
Баламды медресеге біл деп бердім,
Қызмет қылсын, шен алсын деп бермедім.
Өзім де басқа шауып, төске өрледім,
Қазаққа қара сөзге дес бермедім.
Еңбегінді білерлік еш адам жоқ,
Түбінде тыныш жүргенді теріс көрmedіm.

¹ Махрұм — бос, құр, бос қалу, құр қалу.

* * *

Сап, сап, көңілім, сап, көңілім!
 Саяламай, сай таппай,
 Не күн туды басыңа
 Күні-түні жай таппай?
 Сен жайыңа жүргенмен,
 Қызы өле ме бай таппай?
 Тұн кезгенің мақұл ма,
 Жан-жаяңа жалтақтай?
 Өлемін деп жүрмісің,
 Мұнан басқа жан таппай?

Сап, сап, көңілім, сап, көңілім?
 Сабыр түбі — сары алтын.
 Сабыр қылсаң, жайыңды
 Білер ме екен бескатым?
 Көңіл аулап, сөз айтар
 Арадағы тілхатым,
 Ағын судай екпіндеп,
 Лайы жоқ суатым,
 Ауру да емес, сау да емес,
 Құрыды әл-қуатым.

Сап, сап көңілім, сап, көңілім!
 Сана қылма бекерге.
 Сан қылғанмен пайда жоқ,
 Дүние даяр өтерге,

Ажал даяр жетерге.
 Қош, қыз алсын қойнына,
 Бейнет көрмей, дәulet жоқ.
 Элі барып кетерге,
 Оныменен бойыңа
 Иман, дәulet бітер ме?
 Адалды сатсаң арамға,
 Құдай қабыл етер ме?
 Қыз сүйеді мені деп,
 Оған көңіл көтерме!

Сап, сап, көңілім, сап, көңілім!
 Сарқа берме санасын.
 Бәрін өзің білсөң де,
 Элі-ақ өзің танаңың.
 Өртөнесің, жанаңың.
 Өз-өзіңнен бейнетке
 Өз басыңды салаңың.
 Қай мезгілде тойғыздың
 Аюдайын ағасын,
 Қатыны мен қалашын?
 Қарсақ жортпас қара адыр,
 Қарамай неге шабасың?
 Сонда тәуір бола ма,
 Ұстап ап біреу сабасын?
 Киімінді тонасын,
 Елге де күлкі боласың.

Сап, сап көңілім, сап, көңілім!
 Сағынышқа сарғайма!
 Жай жүрсөң де қыз қумай,
 Сені біреу қарғай ма?
 Қыз іздесең, қалың бер,
 Мұным ақыл болмай ма?
 Көріп алсаң көріктіні,
 Таңдал алсаң тектіні,
 Сонда да көңіл толмай ма?

* * *

Қартайдық, қайғы ойладық, үйқы сергек,
 Ашуың — ашыған у, ойың — кермек.
 Мұңдасарға кісі жоқ сөзді ұтарлық,
 Кім көңілді көтеріп, болады ермек?

Жас қартаймақ, жоқ тумақ, туган өлмек,
 Тағдыр жоқ өткен өмір қайта келмек.
 Басқан із, көрген қызық артта қалмақ,
 Бір құдайдан басқаның бәрі өзгермек.

Ер ісі — ақылға ермек, бойды жеңбек,
 Өнерсіздің қылышы өле көрмек.
 Шыға ойламай, шығандап қылыш қылмай,
 Еріншек ездігінен көпке көнбек.

Жамандар қыла алмай жүр адал еңбек,
 Ұрлық, құлық қылдым деп қағар көлбек.
 Арамдықтан жамандық көрмей қалмас,
 Мың күн сынбас, бір күні сынар шөлмек.

Адамзат тірілікті дәулет білмек,
 Ақыл таппақ, мал таппақ, адал жүрмек.
 Екеуінің бірі жоқ, ауыл кезіп,
 Не қорлық құр қылжаңмен күн өткізбек?

Наданға арам — ақылды құлаққа ілмек,
Бұл сөзден ертегіні тез үйренбек.
Рас сөздің кім білер қасиетін,
Ақылсыз шынға сенбей, жоққа сенбек.

Қызыл арай¹, ақ күміс, алтын бергек
Қызықты ертегіне көтерілмек.
Ақсақалдың, әкенің, білімдінің,
Сөзінен сырдаң тартып, тез жиренбек.

Ақылды қара қылды қырыққа бөлмек,
Әр нәрсеге өзіндей баға бермек.
Таразы да, қазы да өз бойында,
Наданның сүйенгені — көппен дүрмек.

Алашқа іші жау боп, сырты құлмек,
Жақынын тіріде аңдып, өлсе өкірмек.
Бір-екі жолы болған кісі көрсে,
Құдай сүйіп жаратқан осы демек.

Ел бұзылса, құрады шайтан өрмек,
Періште төменшіктеп, қайғы жемек.
Өзімнің иттігімнен болды демей,
Женді ғой деп шайтанға болар көмек.

Сырттансынбақ, қусынбақ, өршілденбек,
Сыбырменен топ жасап бөлек-бөлек.
Арамдықпен бар ма екен жаинан аспақ,
Өзімен өзі бір күн болмай ма әлек?

Қолдан келе бере ме жұрт менгермек,
Адалдық, арамдықты кім теңгермек?
Мақтан үшін қайратсыз болыс болмақ,
Иттей қор боп, өзіне сөз келтірмек.

¹ Арай (парсыша) — көркем, әдемі.

* * *

**Қартайдық, қайрат қайтты, ұлғайды арман,
Шошимын кейінгі жас балалардан.
Терін сатпай, телміріп, көзін сатып,
Теп-тегіс жүрттың бәрі болды аларман.**

**Бай алады кезінде көп берем деп,
Жетпей тұрған жерінде тек берем деп.
Би мен болыс алады құшін сатып,
Мен қазақтан кегінді әперем деп.**

**Жарлы алады қызметпен өткерем деп,
Елубасы шар салып¹ леп берем деп.
Жалаңқая жат міnez жау алады,
Бермей жүрсөң, мен сені жек көрем деп.**

**Дос алады бермесең бұлт берем деп,
Жауыңа қосылуға сырт берем деп,
Бұзылған соң мен оңай табылмаспын,
Не қылышпен оңайлықпен ырың берем деп.**

**Сұм-сұрқия — сұмдықпен еп берем деп,
Сүйер жансып, сүйкімді бет берем деп.**

¹ Елу үйдің атынан сайланған елубасылар кішкене тасты (шарды) екі ұялы жәшікке салу арқылы болысты сайлауға дауыстарын беретін болған. Оны жүрт сол кезде «шар салу» деп атаған.

Жұз қараға екі жұз аларман бар,
Бас қатар бас-аяғын тексерем деп.

Ел жиып, мал сойыңыз ет берем деп,
Ет берсем, сен мендік бол деп берем деп.
Қара қарға сыйылды шуласар жүрт,
Кім көп берсе, мен соған серт берем деп.

Бұзыларда ойламас бет көрем деп,
Ант ішуді кім ойлар дерт көрем деп.
Қабаган итше өшігіп шыға келер,
Мен қапсам, бір жерінді бексерем деп.

Орыс айтты өзіңе ерік берем деп,
Кімді сүйіп сайласаң, бек көрем деп.
Бұзылмаса, оған ел түзелген жоқ,
Ұлық жүр бұл ісінді кек көрем деп.

Жүрт жүр той арамдықты еп көрем деп.
Тоқтау айтқан кісіні шет көрем деп.
Бар ма екен жай жүрген жан қанағатпен,
Құдайдың өз бергенін жеп көрем деп?

Атаны бала аңдиды, ағаны — іні,
Ит қорлық немене екен сүйткен құні?
Арын сатқан мал үшін антүрғанның
Айтқан сөзі құрысын, шыққан үні.

Алыс-жақын қазақтың бәрі қанғып,
Аямай бірін-бірі жүр той аңдып.
Мал мен бақтың кеселі ұя бұзар,
Паруардигәр жаратқан несін жан қып!

Ант ішіп қунде берген жаны құрсын,
Арын сатып тіленген малы құрсын.

Қысқа қунде қырық жерге қойма қойып,
Қу тілмен қулық сауған заны құрсын.
Бір атқа жұз құбылған жұзі қүйгір,
Өз үйінде шертиген паны құрсын.

* * *


Қыран бүркіт не алмайды, салса баптап,
Жұрт жүр ғой күйентай мен қарға саңтап.
Қыран шықса қияға, жібереді
Олар да екі құсын екі жақтап.
Қарқылдаپ қарға қалмас арт жағынан,
Күйентайы үстінде шықылықтап.
Өзі алмайды, қыранға алдырмайды,
Құні бойы шабады бос салақтап.
Тиіп-шығып, ыза қып, ұстапаса,
Қуанар иелері сонда ыржақтап.
Не таптық мұныменен деген жан жоқ,
Түні бойы күңкілдер құсын мақтап,
Басқа сая, жанға олжа дәнеме жоқ,
Қайран ел осынымен жүр далақтап.

* * *

Қалың елім, қазағым, қайран жұртый
 Ұстарасыз аузыңа түсті мұртың.
 Жақсы менен жаманды айырмадың,
 Бірі қан, бірі май бол енді екі ұртың.
 Бет бергенде шырайың сондай жақсы,
 Қайдан ғана бұзылды сартша сыртың?
 Ұқпайсың өз сөзіңнен басқа сөзді,
 Аузымен орақ орган өңкей қыртың.
 Өзімдікі дей алмай өз малыңды,
 Күндіз күлкін бұзылды, түнде — үйкың.
 Қорсекызар келеді байлауы жоқ.
 Бір күн тыртың етеді, бір күн — бұртың.
 Бас-басына би болған өңкей қиқым,
 Мінеки бұзған жоқ па елдің сиқын?
 Өздерінді түзелер дей алмаймын,
 Өз қолыңнан кеткен соң енді өз ырқың.

Ағайын жоқ нәрседен етер бұртың,
 Оның да алған жоқ па құдай құлқын?
 Бірлік жоқ, береке жоқ, шын пейіл жоқ,
 Сапырылды байлығың, бақсан жылқың.
 Баста ми, қолда малға талас қылған,
 Құш сынасқан құнестік бұзды-ау шырқын.
 Оңалмай бойда жүрсе осы қыртың,
 Әр жерде-ақ жазылмай ма, жаным, тырқың?
 Қай жеріңнен көңілге қуат қылдық,

Қыр артылmas болған соң, мінсе қырқын?
 Тиянақсыз, байлаусыз байғұс қылпын,
 Не түсер құр күлкіден жыртын-жыртын.
 Ұғындырар кісіге кез келгенде,
 Пыш-пыш демей қала ма ол да астыртын?



* * *

Байлар жүр жиган малын қорғалатып,
 Өз жүзін, онын беріп, алар сатып,
 Онын алыш, тоқсаннан дәме қылышп,
 Бұл жүртты қойған жоқ па құдай атып?
 Барып келсе Ертістің сұын татып,
 Беріп келсе бір арыз бұтып-шатып,
 Елді алыш, Еділді алыш есіреді,
 Ісіп-кеуіп, қабарып келе жатып.
 Әрі-бері айналса аты арықтап,
 Шығынға белшесінен әбден батып.
 Сұм-сүрқия, қу, білгіш атанбаққа
 Құдай құмар қылышты қалжыратып.
 Қорғаласа, қорықты деп қоймаған соң,
 Шаптырады қалаға бай да аңдатып.
 Күшті жықпақ, бай жеңбек әуел бастан,
 Қолға түсер сілесі әбден қатып.
 Жаны аяулы жақсыға қосамын деп,
 Әркім бір ит сақтап жүр ырылдатып.

* * *

**Көнілім қайтты достан да, дүшпанинан да,
Алдамаған кім қалды тірі жанда?
Алыс-жақын қазақтың бәрін көрдім,
Жалғыз-жарым болмаса анда-санда.**

**Пайды үшін біреу жолдас бұғін таңда,
Ол тұрмас бастан жыға¹ қисайғанда.
Мұнан менің қай жерім аяулы деп,
Бірге тұрып қалады кім майданда?**

**Ендігі жұрттың сөзі — ұрлық-қарлық,
Саналы жан көрмедім сөзді ұғарлық.
Осы күнде осы елде дәнeme жоқ
Мейір қанып, мәз болып қуанарлық.**

**Байлар да мал қызығын біле алмай жүр,
Жаз жіберіп, күз атын міне алмай жүр.
Сабылтып, күнде ұрлатып, із жоғалтып,
Ызаменен ыржиып күле алмай жүр.**

**Саудагер тыныштық сауда қыла алмай жүр,
Қолдан беріп, қор болып, ала алмай жүр.**

¹ Жыға — батырлардың дұлығасының төбесіне қадап қоятын зат. Ақын адам басынан бағы таюды, басына іс түсуді бейнелеп айтқан.

Ел аулақта құш айтқан, топта танған,
Арсыз жүрттан көнілі тына алмай жүр.

Естілер де ісіне қуанбай жүр,
Ел азды деп надандар мұңаймай жүр.
Ала жылан, аш бақа күпілдектер,
Кісі екен деп ұлкеннен ұялмай жүр.

Бектікте біреу бекіп тұра алмай жүр.
О дағы ұры-қарды тыя алмай жүр.
Қарсылық қүнде қылған телі-тентек,
Жаза тартып ешбірі сұралмай жүр.

Қарындас қара жерге тыға алмай жүр,
Іште жалын дерт болып, шыға алмай жүр.
Арақ ішкен, мас болған жүрттың бәрі,
Не пайды, не залалды біле алмай жүр.

Жетілтіп жаз жайлайға қона алмай жүр,
Құз күзеу де жанжалсыз бола алмай жүр.
Қыс қыстауың — қып-қызыл ол бір пәле,
Оралып ешбір шаруа оңалмай жүр.

Жасы кіші ұлкеннен ұялмай жүр,
Сұрамсақтар нәпсісін тыя алмай жүр.
Сәлем — борыш, сөз — құлық болғаннан соң.
Қандай жан сырттан сөз бол, сыналмай жүр?

* * *

**Адасқанның алды — жөн, арты — соқпақ,
Оларға жөн — арамның сөзін ұқпақ.
Қас маңғаз, малға беккен кісімсініп,
Әсте жоқ кеселді істен биттей қорықпақ.**

**Бір аршопкен¹ шапаны сондай шап-шақ,
Мүшесінен буынып, басады, алшақ.
Қас алдына жымырып келтірем деп,
Ақ тымақтың құлағы салтақ-салтақ.**

**Жаздығуні ақ бөркі бүктелмейді-ақ
Қолында бір сабау бар, о дағы аппақ.
Керегеге сабауды шашып қойып,
Бөркін іліп, қарайды жалтақ-жалтақ.**

**Қу шалбар құлығына болған айғақ,
Тізесін соғылайды қалталанса-ақ.
Ұстаудағы кісідей мезгілі бар,
Құні бойы шешініп, бір т...-ақ.**

**Тірі жанға құрбы бол жап-жасында-ақ,
Қалжыңдамақ, қасынбақ, ыржандамақ.
Бет-аузын сөз сөйлерде жүз құбылтып,
Қас кермек, мойын бүрмақ, қоразданбақ.**

¹ Аршопке — аршын деген сөзден алғынған, өлшем мағынасында.

Осындай сидаң жігіт елде мол-ақ,
 Бәрі де шаруаға келеді олақ.
 Сырын түзер біреу жоқ, сыртын түзеп,
 Бар өнері — қу борбай, сымпыс шолақ.

Олардың жоқ ойында малын бақпақ,
 Адал еңбек, мал таппақ, жұртқа жақпақ.
 Жалғыз атын терлетіп, ел қыдырып,
 Сәлемдеспей, алыстан ыржан қақпақ.



* * *

**Бір дәурен кемді күнге — бозбалалық,
 Қартаймастай көрмелік, ойланалық.
 Жастықта көкірек зор, уайым жоқ,
 Дейміз бе еш нәрседен құр қалалық.**

**Бар ойы — өлең айтып, ән салалық,
 Біреуді қалжың қылышп қолға алалық.
 Қызды ауылға қырындаң үйір болса —
 Көңіліне зор қуаныш бір бадалық¹.**

**Демендер өнбес іске жұбаналық,
 Ақыл тапсақ, мал тапсақ, қуаналық.
 Қызды сүйсөң, бірді-ақ сүй, таңдаң тауып,
 Көрсе қызар, күнде асық — диуаналық.**

**Жастықта бір құлгенің — бір қаралық,
 Құлкі баққан бір көрер бишаралық.
 Әуелі өнер ізделік, қолдан келсе,
 Ең болмаса еңбекпен мал табалық.**

**Той болса, тон киелік, жұр, баралық,
 Бірімізді біріміз аударалық.**

¹ Бада (парсыша) — мақтанушылық.

**Ат арықтар, тон тозар, қадір кетер,
Құлкіні онша қүйлеп, шуламалық.**

**Уайым — ер қорғаны, есі барлық,
Қының бұл дүниенің — қолы тарлық.
«Еңе-еңеге» елірме, бозбалалар,
Бұл бес күндік бір майдан ер синарлық.**

**Салынба, қылсаң дағы сан құмарлық,
Алдында уайым көп шошынарлық:
Жарлылық, жалынышты жалтаң көздік,
Сүйкімі, икемі жоқ шалдуарлық.**

**Әсем салдық өлгенише кім қыларлық,
Оған да мезгіл болар тоқталарлық.
Ұрлық қылар, тентіреп тاماқ асырап,
Болмаған соң жұмыс қып мал табарлық.**

**Басында әке айтпаса ақыл жарлық,
Ағайын табылмаса ой саларлық,
Қалжыңбассып өткізген қайран дәурен,
Түбінде тартқызбай ма ол бір зарлық?**

**Осы елде бозбала жоқ сөзді үгарлық,
Үзілмес үмітпенен бос қуардық.
Әйтеір ақсақалдар айтпады деп
Жүрмесін деп, аз ғана сөз шығардық.**

* * *

**Жігіттер, ойын арзан, күлкі қымбат,
Екі түрлі нәрсе ғой сыр мен сымбат.
Арзан, жалған күлмейтін, шын күлерлік
Ер табылса жарайды, қылса сұхбат.**

**Кейбіреу тыңдар үйден шыққанынша,
Кейбіреу қояр көңіл үққанынша.
Сөз мәнісін білерлік кейбіреу бар,
Абайлар әрбір сөзді өз халынша.**

**Шын көңілмен сүйсе екен, кімді сүйсе,
Бір сөзімен тұрса екен, жанса-күйсе.
Қырмызы, қызыл жібек бозбалалар,
Оңғақ пұлдай былғайды, бір дым тисе.**

**Керек іс бозбалага — талаптылық,
Әр түрлі өнер, мінез, жақсы қылыш.
Кейбір жігіт жүреді мақтан күйлеп,
Сыртқа пысық келеді, көзге сынық.**

**Кемді күн қызық дәурен тату өткіз,
Жетпесе, біріндікін бірің жеткіз!
Құншілдіксіз тату бол шын көңілмен,
Қиянатшыл болмақты естен кеткіз!**

Бір жерде бірге жүрсөң басың қосып,
Біріннің бірің сөйле сөзің тосып.
Бірінді бірің ғиззәт¹ құрмет етіс,
Тұрғандай бейне қорқып, жаның шошып.

Жолдастық, сұхбаттастық — бір ұлken іс,
Оның қадірін жетесіз адам білмес.
Сүйікті ер білген сырын сыртқа жаймас,
Артыңнан бір ауыз сөз айтып күлмес.

Күйлеме жігітпін деп үнемі ойнас,
Салынсаң, салдаурлық қадір қоймас.
Ер жігіт таңдал тауып, епнен жүрсін,
Төбетке өлеңшіннің бәрі бір бәс.

Біреуді көркі бар деп жақсы көрме,
Лапылдақ көрсекзызар нәпсіге ерме!
Әйел жақсы болмайды көркіменен,
Мінезіне көз жетпей, көңіл берме!

Көп жүрмес жеңісікқойлық, әлі-ақ тозар,
Жаңғырап жеңісіккүмар, жатқа қозар.
Күнде көрген бір беттен көңіл қайтар,
Қылт еткізбес қылышты тамырышы озар.

Толқынын жүрегіннің хаттай таныр,
Бұлк еткізбес қалайша соқса тамыр.
Жар көңліне бір жанын пида қылышп,
Білместігің бар болса, қылар сабыр.

Шу дегенде көрінер сұлу артық,
Көбі көпшіл келеді ондай қаншық.
Бетім барда бетіме кім шыдар деп,
Кімі паңдау келеді, кімі — тантық.

Ақыл керек, ес керек, мінез керек,
Ер үялар іс қылмас қатын зерек.

¹ Ғиззәт, ғиззат (арабша) — қадір, сый.

Салақ, олақ, ойнашы, керім-кербез,
Жыртаң-тыртаң қызылдан шығады ерек.

Қатының сені сүйсе, сен де оны сүй,
Қоржан суық келеді кей сасық ми.
Ері ақылды, қатыны мінезді боп,
Тату болса, риаз² үстіндегі үй.

Жоқ болса қатыныңың жат өсегі,
Болмаса мінезінің еш кесегі.
Майысқан, бейне гүлдей толықсыған,
Кем емес алтын тақтан жар өсегі.

Жасаулы деп, малды деп байдан алма,
Кедей қызы арзан деп құмарланба.
Ары бар, ақылы бар, ұтты бар
Ата-ананың қызынан ғапыл қалма.

Үйіңе тату құрбың келсе кіріп,
Сызданбасын қабақпен имендіріп.
Ері сүйген кісіні о да сүйіп,
Қызмет қылсын көңілі таза жүріп.

Құрбыңың тәуір болсын өз мінезі,
Абыройлы қалжыңмен келсін сөзі.
Сен оған мойын бұрып сөз айтқанда,
Қатыныңда болмасын оның көзі.

Кей құрбы бүгін тату, ертең бату,
Тілеуі, жақындығы — бәрі сату.
Көкірегінде қаяу жоқ, қиянат жоқ,
Қажымас, қайта айнымас қайран тату!

Пайда деп, мал деп туар ендігі жас,
Еңбекпен терін сатып түзден жимас.
Меліш³ сауда сықылды құлкі сатып,
Алса қоймас, араны тағы тоймас.

² Риаз (арабша) — гүлбақша мағынасында.

³ Меліш (орысша) — мелочь, ұсақ-түйек.

Асық ұтыс сықылды алыс-беріс —
 Тірі жанның қылғаны бүгін тегіс.
 Бірі көйтке⁴ таласып, бірі арам қып,
 Төбелескен, дауласқан жанжал-керіс.

Жас бала әуел тату бола қалар,
 Ата-анадан жақын боп, ертіп алар.
 Бірін бірі құшақтап шуылдасып,
 Ойын тарқар кезінде ұрыс салар.

Біреуі жылап барса үйге таман,
 Ата-анасы бүркүлдар онан жаман.
 Татулығы құрысын ойыны мен,
 Дәл соларға үқсайды мына заман.

Жаман тату қазады өзіңе ор,
 Оған сенсек, бір күні боларсың қор.
 Ары бар, ұяты бар ұлкенге сен,
 Өзі зордың болады ығы да зор.

Қазақтың қайсысының бар санасы?
 Қылт етерде дап-дайын бір жаласы.
 Пысықтықтың белгісі — арыз беру,
 Жоқ тұрса бес бересі, алты аласы.

⁴ Кейт — асық ойынында қарыз алу. Ұтылып қалса, көйт ойыннан құылады.

* * *

Патша құдай, сыйындым,
 Тура баста өзіңе.
 Жау жағадан алғанда
 Жан көрінбес көзіме.
 Арғын, Найман жиылса,
 Таңырқаған сөзіме.
 Қайран сөзім қор болды,
 Тобықтының езіне.
 Самородный¹ сары алтын,
 Саудасыз берсең алмайды
 Саудыраған жезіне.
 Саудырсыз сары қамқаны,
 Садаға кеткір сұрайды
 Самарқаннның бөзіне.
 Кеселді түйін шешілсе,
 Кердең мойын кесілсе,
 Келмей кетпес кезіне.
 О да — құдай пендесі,
 Тұспей кетер деймісің,
 Тәңірінің құрган тезіне?

¹ Самородный (орынша) — таза, қоспасыз деген мағынада.

* * *

Базарға, қарап тұрсам, әркім барап,
Іздегені не болса, сол табылар.
Біреу астық алады, біреу — маржан,
Әркімге бірдей нәрсе бермес базар.
Әркімнің өзі іздеген нәрсесі бар,
Сомалап ақшасына сонан алар.
Біреу үқпас бұл сөзді, біреу үғар,
Бағасын пайым қылмай аң-таң қалар.
Сөзді үғар осы күнде кісі бар ма?
Демеймін жалпақ жүртқа бірдей жағар.
Жазған соң жерде қалмас тесік моншақ,
Біреуден біреу алышп, елге тарап.
Бір кісі емес жазғаным, жалпақ жүрт қой,
Шамданбай-ақ, шырақтар, үқсан жарап.
«Ит маржанды не қылсын» деген сөз бар,
Сәулесі бар жігіттер бір ойланар.

* * *

Фылым таппай мақтанба,
 Орын таппай баптанба,
 Құмарланып шаттанба,
 Ойнап босқа қулуғе.
 Бес нәрседен қашық бол,
 Бес нәрсеге асық бол,
 Адам болам десеніз.
 Тілеуің, өмірің алдыңда,
 Оған қайғы жесеніз.
 Өсек, өтірік, мақтаншақ,
 Еріншек, бекер мал шашпақ—
 Бес дұшпаның, білсеңіз.
 Талап, еңбек, терең ой,
 Қанағат, рақым, ойлап қой —
 Бес асыл іс, көнсеңіз.
 Жамандық көрсөң нәфрәтлі¹,
 Суытып көңіл тыйсаныз.
 Жақсылық көрсөң гибрәтлі²,
 Оны ойға жисаңыз.
 Фалым болмай немене,
 Балалықты қисаңыз?
 Болмасаң да үқсап бақ,
 Бір ғалымды көрсөңіз.

¹ Нәфрәтлі (арабша) — жиіркенішті.

² Гибрәтлі (арабша) — үлгілі, өнегелі.

Ондай болмақ қайда деп,
 Айтпа ғылым сүйсөніз.
 Сізге ғылым кім берер,
 Жанбай жатып сөнсеніз?
 Дүние де өзі, мал да өзі,
 Ғылымға көніл берсөніз.
 Білгендердің сөзіне
 Махаббатпен ерсөніз.
 Ақыл сенбей сенбеніз,
 Бір іске кез келсөніз.
 Ақсақал айтты, бай айтты,
 Кім болса, мейлі, сол айтты—
 Ақылменен жеңсөніз—
 Надандарға бой берме,
 Шын сөзбенен өлсөніз.
 Аят, хадис емес қой,
 Құпір³ болдың демес қой,
 Қанша қарсы келсөніз.
 Көп орында көріне айтпа,
 Біздің сөзге ерсөніз.

Мұны жазған кісінің
 Атын білме, сөзін біл!
 Осы жалған дүниеден
 Шешен де өткен не бұлбұл.
 Қәсем де өткен не дұлдул.
 Сөз мәнісін білсөніз,
 Ақыл — мизан⁴, өлшеу қыл.
 Егер қисық көрінсе,
 Мейлің таста, мейлің күл.
 Егер түзу көрінсе,
 Ойлап-ойлап, құлаққа іл.
 Ақымақ көп, ақылды аз,
 Деме көптің сөзі пұл.
 Жақынның сөзі тәтті деп,
 Жақынның айтты дей көрме.
 Надандықпен кім айтса,

³ Құпір (арабша) — діннен шығу.

⁴ Мизан (арабша) — таразы.

Ондай түпсіз сөзге ерме.
 Сізге айтамын, хаупім — бұл.
 Өзің үшін үйренсең,
 Жамандықтан жиренсең,
 Ашыларсың жылма-жыл.
 Біреу үшін үйренсең,
 Біреу білмес, сен білсең,
 Білгеніңнің бәрі — тұл.
 Сөзіне қарай сөз алма.
 Шын сөз қайсы біле алмай,
 Эр нәрседен құр қалма.
 Мұны жазған білген құл —
 Фұламаңи Дауани¹,
 Солай депті ол шыншыл.
 Сөзін оқы және ойла,
 Тез үйреніп, тез жойма,
 Жас уақытта көніл — гұл.



¹Фұламаңи Дауани — Шығыс ғалымы

* * *

Шоқпардай кекілі бар, қамыс құлақ,
Қой мойынды, қоян жақ, бөкен қабақ.
Ауыз омыртқа шығыңқы, майда жалды,
Ой желке, үңірейген болса сағақ.

Теке мұрын, салпы ерін, ұзын тісті,
Қабырғалы, жотасы болса күшті.
Ойынды еті бөп-бөлек, омыраулы,
Тояттаған бүркіттей салқы төсті.

Жуан, тақыр бақайлы, жұмыр тұяқ,
Шынтағы қабырғадан тұрса аулақ.
Жерсоғарлық, сіңірлі, аяғы тік,
Жаурыны етсіз, жалпақ тақтайдай-ақ.

Кең сауырлы, тар мықын, қалбағайлы,
Алды-арты бірдей келсе ерге жайлы.
Құлте құйрық, қыл тұбі әлді келіп,
Көтендігі сығыңқы, аламайлы.

Ұршығы төмен біткен, шақпақ етті,
Өзі санды, дөнгелек келсе көтті.
Сырты қысқа, бауыры жазық келіп,
Арты талтақ, ұмасы ұлпершекті.

Шілдерлігі жуандау, бота тірсек,
 Бейне жел, тынышты, екпінді, мініп жұрсек.
 Екі көзін төңкеріп, қабыргалап,
 Белдеуде тыныш тұрса, байлан көрсек.

Тығылмай әм сүрінбей жұрсе көсем,
 Иек қағып, еліріп басса әсем.
 Шапса жүйрік, мінсе берік, жуан, жуас,
 Разы емен осындаіт мінбесем.

Аяңы тымақты алшы кигізгендей,
 Кісіні бол-бол қағып жүргізгендей.
 Шапқан атқа жеткізбес бөкен желіс,
 Ыза қылдың қолыма бір тигізбей.

ЖАЗ

**Жаздыгун шілде болғанда,
 Көкорай шалғын, бәйшешек,
 Ұзарып өсіп толғанда;
 Құркіреп жатқан өзенге,
 Көшіп ауыл қонғанда;
 Шүрқырап жатқан жылқының
 Шалғыннан жоны қылтылдан,
 Ат, айғырлар, биелер
 Бүйірі шығып, ыңқылдан,
 Суда тұрып шыбындан,
 Құйрығымен шылпылдан,
 Арасында құлын-тай
 Айнала шауып бұлтылдан.
 Жоғары-төмен үйрек, қаз
 Ұшып тұрса сымбылдан.
 Қызы-келіншек үй тігер,
 Бұрала басып былқылдан,
 Ақ білегін сыйбанып,
 Әзілдесіп сыңқылдан.
 Мал ішінен айналып,
 Көңілі жақсы жайланаип,
 Бай да келер ауылға,
 Аяңшылы жылпылдан;
 Сабадан қымыз құйдырып,
 Ортасына қойдырып,
 Жасы ұлкендер бір бөлек
 Кеңесіп, күліп сылқылдан.
 Жалшы алдаған жас бала,**

Жағалайды шешесін
Ет әпер деп қыңқылдал.
Көлеңке қылыш басына,
Кілем тәсеп астына,
Салтанатты байлардың
Самаурыны бұрқылдал.
Білімділер сөз айтса,
Бәйгі атындаған қылдал,
Өзгелер басын изейді,
Әрине деп мақұлдал.
Ақ көйлекті, таяқты
Ақсақал шығар бір шеттен
Малыңды әрі қайтар деп,
Малшыларға қанқылдал.
Бай байғұсым десін деп,
Шақырып қымыз берсін деп,
Жарамсақсып, жалпылдал.
Шапандарын белсенген,
Асау мініп теңселген
Жылқышылар кеп тұрса,
Таңертенен салпылдал.
Мылтық атқан, құс салған
Жас бозбала бір бөлек
Су жагалап қутындал.
Қайырып салған көк құсы
Көтеріле бергенде,
Қаз сыпырса жарқылдал.
Өткен күннің бәрі ұмыт,
Қолдан келер қайрат жоқ,
Баганағы байғұс шал
Ауылда тұрып құледі,
Кошемет қылыш қарқылдал.

* * *

Интернатта оқып жүр
 Талай қазақ баласы —
 Жаңа өспірім, көкөрім,
 Бейне қолдың саласы.
 Балам закон білді деп,
 Қуанар ата-анасы,
 Ойында жоқ олардың
 Шаригатқа шаласы.
 Орыс тілі, жазуы —
 Білсем деген таласы.
 Прощение¹ жазуга
 Тырысар, келсе шамасы.
 Үнсапсызға не керек
 Истің ақ пен қарасы?
 Нан таппаймыз демейді,
 Бұлінсе елдің арасы.
 Иждињатсыз², михнатсыз
 Табылмас ғылым сарасы.
 Аз білгенін көпсінсе,
 Көп қазаққа епсінсе,
 Кімге тиер панаы?
 Орыс теріс айтпайды,
 Жаман бол деп оларды.

¹ Прощение (орысша) — арыз, өтініш.

² Иждиват (арабша) — талап, жігер.

Қаны бұзық өзі ойлар
 Қу менен сүм боларды,
 Орыста қалар жаласы.
 Бұл іске кім виноват³.
Я Семейдің қаласы,
Я қазақтың аласы?
 Ойында жоқ бірінің
 Салтыков пен Толстой,
Я тілмаш, я адвокат
 Болсам деген бәрінде ой,
Көңілінде жоқ санасы.
Ақылды кімнің бар болса,
 Демес мұны тілі аңы.
Айтыңызшы, болсаңыз
Здравомыслящий⁴,
Ақыл айтпай ма ағасы?

Пайды ойлама, ар ойла,
 Талап қыл артық білуге.
Артық ғылым кітапта,
 Ерінбей оқып көруге.
Военный⁵ қызмет іздеме,
 Оқалы киім киүге.
Бос мақтанға салынып,
 Бекер көкірек керуге.
Қызмет қылма оязға,
 Жанбай жатып сөнуге.
Қалай сабыр қыласың,
Жазықсыз күнде сөгүте?
Өнерсіздің қылышы —
 Тура сөзін айта алмай,
Қит етуге бата алмай,
 Корлықпенен шіруге.
Аз ақшаға жалданып,
 Өнбес іске алданып,
Жол таба алмай жүргүге.

³ Виноват (орысша) — кінәлі, айыпты.

⁴ Здравомыслящий (орысша) — зерек, әр істі ақылмен ойладап шешетін адам.

⁵ Военный (орысша) — эскери.

Алыс та болса іздең тап,
 Кореннойға⁶ кіруге,
 «Талапты ерге нұр жауар»,
 Жүріп өмір сұруге.
 Я байларға қызмет қыл,
 Ерінбей шауып желуге.
 Адал жүріп, адал тұр,
 Счетың⁷ тұра келуге.
 Жаныңа жақса, соңынан
 Жалқауланба еруге.
 Қисық болса, закон бар
 Судьяға беруге.
 Ол да оязной емес қой,
 Алуға теңдік сенуге.
 Я өз бетіңмен тәуекел,
 Занимайся прямотой⁸.
 Женіл көрме, бек керек
 Оған дағылым, оған да ой,
 Қалайынша қайдада енуге?

⁶ Коренной (орысша) — ежелгі, негізгі, тұрақты. Бұл жерде істің ең орындысын табу деген мағынада.

⁷ Счет (орысша) — есеп.

⁸ Занимайся прямотой (орысша) — турашыл, батыл бол деген мағынада.

* * *

Өкінішті көп өмір кеткен өтіп,
 Өткіздік бір нәрсеге болмай жетік.
 Ойшылдың мен де санды бірімін деп,
 Талап, ойсыз, мақтанды қалдым күтіп.

Үлгісіз жұртты үйретіп, қалдық кейін,
 Көп надандар өзіне тартар бейім.
 Арылмас әдет болды күлкішілдік,
 Ұңраң-қылжаң ит мінез дегендейін.

Тура тілді кісіні дейміз орыс,
 Жириеніп, жылмаңдықты демес бұрыс.
 Жылпылдақтан айырылып, сенісе алмай,
 Адамдықты жоғалтар әқыр бұл іс.

Сенімі жоқ серменде¹ сырды бұзды,
 Анық таза көрмейміз досымызды.
 Қылт етпеге көңілдің кешуі жоқ,
 Жүргегінде жатады өкпе сызы.

Дос-асықтың болмайды бөтендігі,
 Қосылған босаспайды жүрек жігі.

¹ Серменде — сенділіп босқа жүрген адам. Негізі парсының шаърбант — деген сөзінен шыққан.

Біздің доспыз, асықпыш дегеніміз—
Жалғандықтан жасалған көніл жүгі.

Сеніскең досым да жоқ, асығым да,
Ақыры өлең қылдым, жасыдым да.
Көрмеген көп дүние көл көрінді,
Кірлемеген көнілдің ашығында.

Құдай берген бұл достық — кәннің² бірі,
Мұндақсанда қалмайды көніл кірі.
Қолдан достық жасап ем болар-болмас,
Итмұрындай наданның жыртты бірі.

Сол досты сая таппай іздейді жан,
Жоқтайды күніреніп, қозғалып қан.
Жау жабылса бұзылмас жан көрмедім,
Артық жолдас таппадым татулықтан.

² Қен (арабша) — кен, кениш (рудник). Ауыспалы мағынада: мейірімділік бастауы, қайырымдылық, ізгілік; негізгі мағынасында Құдаидың эпитеті.

* * *

Сабырсыз, арсыз, еріншек,
Көрсекызыар, жалмауыз,
Сорлы қазақ сол үшін
Алты бақан, ала ауыз.
Өзін-өзі күндейді,
Жақынын жалған міндейді,
Ол — арсыздық белгісі.
Ұятсынбай, ойланбай,
Қой дегенге тіл алмай,
Іс қылмай ма ол кісі?
Бір-ақ секіріп шығам деп,
Бір-ақ ырғып түсем деп,
Мертігеді, жатады.
Ұрлықпен мал табам деп,
Егессе ауыл шабам деп,
Сүйтіп құдай атады.
Бұл нең десе біреуге,
Жоқ нәрсені шатады.
Құтылам деп ісінен,
Бәрін көріп кісіден,
Шығынға әбден батады.
Бұл болмаса онысы,
Аударылыш қонысы,
Алыстан дәм татады.
Қызмет қылышп мал таппай,
Ғылым оқышп ой таппай,

Құр үйінде жатады.
 Ел қыдырып ас ішіп,
 Еркек арын сатады.
 Бала-шага, ұргашы
 Үйде жаурап қатады.

Еңбегі жоқ, еркесіп,
 Бір шолақпен серкесіп,
 Пысық деген ант шықты.
 Бір сөз үшін жау болып,
 Бір күн үшін дос болып,
 Жұз құбылған салт шықты.
 Пысық кім деп сұрасаң —
 Қалаға шапса дем алмай,
 Өтірік арыз көп берсе,
 Көргендерден ұлмай.
 Сыбырдан басқа сырғы жоқ,
 Шаруага қыры жоқ,
 Өтірік, өсек мақтанға
 Ағып тұрса бейне су.
 Ат-шапаннан кем көрмес,
 Біреу атын қойса «қу».
 Қу нәпсісін тыя алмай,
 Атым шығып жүрсін деп,
 Берекеге қас болса,
 Желіктірген айтакқа
 Арақ ішпей мас болса
 Ел тыныш болса азады,
 Ерігіп өле жазады.
 Үйде отырса салбырап,
 Тұзге шықса албырап,
 Кісіні көрсө қылжандап,
 Қалжыңшылсып ыржыңдап,
 Өз үйінде қипаңдап,
 Кісі үйінде күй таңдап.
 Ақылы бар кісіні
 Файбаттайды, даттайды.
 Ауқаты бар туғанды
 Қайырсыз ит деп жаттайды.

Мал мен бақтың дүшпаны,
 Кеселді пысық көбейді,
 Құшік иттей үріп жүр,
 Кісіден кеммін демейді.
 Қу тілменен құтыртып,
 Кетер бір күн отыртып,
 Қызмет қылған кісісін
 Құрытуға таяйды.
 Қылыш жүрген өнері:
 Харекеті — әрекет.
 Өзі оңбаган антүрған
 Кімге ойлайды берекет?
 Кімді ұялып аяйды?
 Расы жоқ сөзінің,
 Ырысы жоқ өзінің,
 Өңкей жалған мақтамен
 Шынның бетін бояйды.
 Бұл сөзімде жалған жоқ,
 Айттылмай сөзім қалған жоқ,
 Абайлаңыз, байқаңыз —
 Елдің жайы солай-ды.

* * *

Бөтөн елде бар болса
 Ежеттесің, сыйласың,
 Сыбырлас, сырлас көп болған
 Көптен тату қимасың,
 Басыңа жұмыс түскен күн
 Татулықты бұрынғы
 Не қылыш ол ойласын?
 Ашып берер жауыңа
 Өзі көрген қоймасын.
 Желіккен жауға кез болса
 Араздығы сөз болса,
 «Бәрекелді батыр» деп,
 «Мықты боп бара жатыр» деп,
 Мақтап-мақтап қоздырар.
 Ескі досын көргенде,
 Есебі жоқ ант ішіп,
 Аруақ, құдай айтысып,
 Сыр алғалы айттым деп,
 Жауыңды алдаң қайттым деп,
 Құдайдан қорықпай, антүрған,
 Иман жүзін тоздырар.
 Келіп-кетіп көп жүріп,
 Мен досыңмын деп жүріп,
 Дұспандығын оздырар.
 Алдайды деп жауыңа,
 Ел тарттырмай баурыңа,

Көрінгенді азғырар.
 Кеселді болып бітеді
 Жақсыға біткен жақындар.
 Жау жағадан алған күн
 Өздері иттей тақымдар.
 Үйде отырып ескенде,
 Бәрі шешен қақылдар.
 Аулаққа шығып біріне
 Бірі сөзін мақұлдар.
 Жау көп болса басында,
 Бірі қалмас қасында.
 Жетектесең, табандар.
 Далага шығып өзінді
 Жаудан бетер жамандар.
 Жалбарынып күн көріп,
 Жақынын сатып, жөн көріп,
 Қалтаң-құлтаң амалдар.
 Тұысқанға кекшілі
 Жас баладан бетер-ді,
 Ойлау да жоқ, білу жоқ
 Келер менен кетерді.
 Жақынға еріп, мал салмай,
 Жауды көріп, жан салмай,
 Қайдан ғана біледі
 Ауыр менен жеңілдің
 Арасымен өтерді?
 Жолдас аз боп сасқанда,
 Әуел сонан есітесің
 «Ат үстінен көтерді».
 Ауыр жұмыс кез болса,
 Араздығы сөз болса,
 Араз кісі болғансып,
 Сылтау етер бекерді.
 Үйренбейді кісіден
 Кіржіңдеп жүріп кекер-ді.
 Оңалып егер алдыңыз,
 Әр жерден-ақ көбейер
 Ажарлыңыз, малдыңыз.
 Пәленшені ұрам деп,

Түгеншені қырам деп,
 Таршылықта қайраңдап,
 Кеңшілікті ойрандап,
 Көп батырға қалдыңыз.
 Егер тілін алмасаң,
 Бықсып шірір ішінен.
 Әркімде-ақ бар ғой туысқан,
 Қайсысы жауды қуысқан?
 Құн ашықта мойныңда,
 Арылмас міндет болған соң,
 Әркімнің көнілі суысқан.
 Жақсыға біткен ағайын
 Өз үйінде кезексіз
 Шешен келер сартылдан.
 Біреу білер жер келсе,
 Сөз таба алмас қалтылдан.
 Қалжыңға келер шорқақтау,
 Жауга келер қорқақтау,
 Еркін жерде ызақор.
 Томырық келер тарқылдан.
 Әдеппенен тамылжып,
 Мінезі тәтті болмайды,
 Сасық паңдау келеді,
 Қырт, мактаншақ онбайды,
 Кісімсініп жалпылдан.
 Біреуге өктем іс қылса,
 Өз күшім деп ойлайды.
 Егер күші жүрмесе,
 Бағанағы жақсының
 Қылғаны деп қоймайды.
 Жат айбынар ісі жоқ,
 Жау айдынар күші жоқ,
 Өз еркіне жіберсөң,
 Ешиәрсеге тоймайды.
 Қалжыңы — теріс, сөзі — ұрыс,
 Айтқан сөзге көнбейді.
 Өз тентегін көрмейді,
 Қазан бұзар бір қырыс.
 Сондай кесел туысқан

Қай жерінен болады
 Қөңілге медеу, ол тыныс?
 Жалығуды пәледен
 Жұрт ұмытты біржола.
 Шыныменен тамам ел
 Кете ме екен ит бола?
 Ішкені мас, жеген тоқ,
 Уайым айтар біреу жоқ,
 Тым болмаса болмады
 «Бұлт ала, жер шола».
 Келелі кеңес жоғалды,
 Ел сыбырды қолға алды.
 Ел ішінде бітімші
 Түгел алып қайтпайды
 Сұрай келген бір малды.
 Ел жамаған билер жоқ,
 Ел қызырып сандалды.
 Астыртын барып жолғасқан,
 Ақша беріп жалғасқан,
 Ақысын әрең сол алды.
 Орыс сияз қылдырса,
 Болыс елін қармайды.
 Қу старшын, аш билер
 Аз жүрегін жалғайды.
 Орыссыз жерде топ болса,
 Шақырган кісі бармайды.
 Бітім қылып бір кісі
 Адал малын алмайды.
 Қызығы кеткен ел бағып,
 Қисыны кеткен сөз бағып,
 Ендігі атқа мінгендер.
 Құнде ертеңге талмайды.
 Бас қосылса арысқа,
 Кім шабады намысқа?
 Жатқа қарап беті жоқ,
 Жалынбай тұрап к... жоқ,
 Ісі кетер шалысқа.
 Ел бұлігі Тобықты
 Қөп пысыққа молықты.

Малдының малын көре алмай,
 Борышын түгел бере алмай,
 Көрінгенге обықты.
 Қазақтың малын сапырып,
 Көп бәлеге шатылып,
 Кесепатқа жолықты.
 Өзінен шыққан жақсылар
 Тұзей алмай зорықты.
 Бөтен елдің адамы,
 Тынбаған соң арамы,
 Көңілі әбден торықты.
 Саудагер қашты бұл елден,
 Несиесін жия алмай.
 Бұралқылар сандалды,
 Жуандарға сыя алмай.
 Сенімсіз болды алашқа,
 Барымтас-тын тыя алмай.
 Нанымы жоқ, анты бар,
 Ел нұсқасы кетті ғой,
 Елмін деген салты бар,
 Әлі күнге уайым
 Қылған жан жоқ, үялмай.

* * *

**Өлең — сөздің патшасы, сөз сарасы,
 Қыыннан қыстырыр ер данасы.
 Тілге женіл, жүрекке жылы тиіп,
 Теп-тегіс жұмыр келсін айналасы.**

**Бетен сөзбен былғанса сөз арасы,
 Ол — ақынның білімсіз бишарасы.
 Айтушы мен тындаушы көбі надан,
 Бұл жұрттың сөз танымас бір парасы.**

**Әуелі аят¹, хәдис² — сөздің басы,
 Қосарлы бәйітмисал³ келді арасы.
 Қисынымен қызықты болмаса сөз
 Неге айтсын пайғамбар мен оны Алласы.**

**Мешіттің құтпа⁴ оқыған ғұламасы,
 Мұнәжәт⁵ уалилердің⁶ зар наласы.
 Бір сөзін бір сөзінен қыстырыр,
 Әрбірі келгенінше өз шамасы.**

¹ Аят (арабша) — құран сөзі.

² Хәдис (арабша) — Мұхаммед пайғамбардың сөзі.

³ Бәйіт (арабша) — өлең. «Бәйітмисал» — мисал өлең, ұлғі-өнеге өлең.

⁴ Құтпа, хотба (арабша) — уағыз оқу, сөйлеу мағынасында.

⁵ Мұнәжәт, монежат (арабша) — Аллаға жалбарыну, мақтау сөз айту.

⁶ Уәли (арабша) — әулие, пайғамбар.

Өлеңге әркімнің-ақ бар таласы,
Сонда да солардың бар таңдамасы.
Іші алтын, сырты күміс сөз жақсысын
Қазақтың келістірер қай баласы?

Бұрынғы ескі биді тұрсам барлап,
Мақалдан айтады екен, сөз қосарлап.
Ақындары ақылсыз, надан келіп,
Көр-жерді өлең қыпты жоқтан қарман.

Қобыз берен домбыра алып топта сарнап,
Мақтау өлең айтыпты әркімге арнап.
Әр елден өлеңменен қайыр тілеп,
Кетірген сөз қадірін жүртты шарлап.

Мал үшін тілін безеп, жанын жалдап,
Мал сұрап біреуді алдап, біреуді арбап.
Жат елде қайыршылық қылыш жүріп,
Өз елін бай деп мақтар құдай қарғап.

Қайда бай мақтаншаққа барған таңдап,
Жиса да, бай болмапты, қанша малды ап,
Қазаққа өлең деген бір қадірсіз,
Былжырақ көрінеді соларды аңдан.

Ескі бише отырман бос мақалдан,
Ескі ақынша мал үшін тұрман зарлан.
Сөз түзелді, тыңдаушы, сен де түзел,
Сендерге де келейін енді аяңдан.


Батырды айтсам ел шауып алған талап,
Қызды айтсам, қызықты айтсам қыздырмалап,
Әншейін күн өткізбек әңгімеге
Тыңдар едің әр сөзін мыңға балап.

Ақыл сөзге ынтасыз, жүрт шабандап,
Көнгенім-ақ соған деп жүр табандап.
Кісімсінген жеп кетер білімсіз көп,
Жіберсем, өкпелеме, көп жамандап.

Амалдап қарагайды талға жалғап,
 Эркім жүр алар жердің ебін қамдап.
 Мақтан қуған, малқұмар нені ұға алсын,
 Шықпаса мыңдан біреу талғап-талғап.

Мал жиып арамдықпен үрлап-қарлап,
 Қусың десе, қуанып жүр алшаңдап.
 Қақса-соқса бір пайды түсе ме деп,
 Елдің байын еліртіп «жаяу мұндалап».

Ынсан, ұят, ар, намыс, сабыр, талап —
 Бұларды керек қылмас ешкім қалап.
 Терең ой, терең ғылым іздемейді,
 Өтірік пен өсекті жүндей сабап.



* * *

Біреудің кісісі өлсе, қаралы — ол
 Қаза көрген жүрегі жарапы — ол.
 Көзінің жасын тыймай жылап жүріп,
 Зарланып неге әнге салады ол?

Күйеу келтір, қыз ұзат, тоғынды қыл,
 Қыз таныстыр — қызыққа жүрт ыржанышыл.
 Қынаменде, жар-жар мен беташар бар,
 Өлеңсіз солар қызық бола ма гүл?

Бала туса, күзетер шілдехана,
 Олар да өлең айтар шулап жана.
 Бұрынғы жақсылардан өрнек қалған,
 Биде тақпақ, мақал бар, байқап қара.

Тұғанда дүние есігін ашады өлең,
 Өлеңмен жер қойнына кірер денең.
 Өмірдегі қызығың бәрі өлеңмен,
 Ойлансаншы, бос қақпай елең-селең.

Өлеңді айтпақ түгіл, ұға алмайсың,
 Айтсаң да, үддасынан¹ шыға алмайсың.

¹ Үдда (арабша) — шек, шегі деген сөз. Бұл арада ауыспалы магынада, яғни шегіне жетер, жеткізу деген ұғымда қолданылған.

Сен білмейді екен деп айтпасын ба,
Неге мұнша сіресіп құп алмайсың?

Өлең деген — әр сөздің ұнасымы,
Сөз қосарлық, орайлы жарасымы.
Сөзі тәтті, мағынасы түзу келсе,
Оған кімнің ұнасар таласуы?

Қарны тоқ хасса² надан ұқпас сөзді,
Сөзді ұғар көкірегі болса көзді.
Қадірін жақсы сөздің білер жанға
Таппай айтпа оған да айтар кезді.

Сый дәметпе, берсе алма еш адамнан,
Нең кетеді жақсы өлең сөз айтқаннан?
Сүйсінерлік адамды құрмет қыл,
Аулақ бол әнін сатып нәрсе алғаннан.

Көп топта сөз танырлық кісі де аз-ақ,
Ондаі жерде сөз айтып болма мазақ.
Біреуі олай, біреуі бұлай қарап,
Түгел сөзді тыңдауға жоқ қой қазақ.

Шортанбай, Дулат пенен Бұқар жырау,
Өлеңі бірі — жамау, бірі — құрау.
Әттең дүние-ай, сөз таныр кісі болса,
Кемшілігі әр жерде-ақ көрініп түр-ау!

Мақсұтым — тіл ұстартып, өнер шашпақ,
Наданның көзін қойып, көңілін ашпақ.
Үлгі алсын деймін ойлы жас жігіттер,
Думан-сауық ойда жоқ әуел баста-ақ.

² Хасса (арабша) — нағыз айқын.

КҮЗ

Сұр бұлт түсі сұық қаптайды аспан,
 Құз болып, дымқыл тұман жерді басқан.
 Білмеймін тойғаны ма, тоңғаны ма,
 Жылқы ойнап, бие қашқан, тай жарысқан.

Жасыл шөп, бәйшешек жоқ бұрынғыдай,
 Жастар күлмес, жүгірмес бала шулай.
 Қайыршы шал-кемпірдей түсі кетіп,
 Жапырағынан айрылған ағаш, қурай.

Біреу малма сапсиды, салып иін,
 Салбыраңқы тартыпты жыртық киім.
 Енесіне іртіп шуда жібін,
 Жас қатындар жыртылған жамайды үйін.

Қаз, тырна қатарланып қайтса бермен,
 Астында ақ шомшы¹ жүр, ол бір керуен.
 Қай ауылды көрсөң де, жабырқаңқы,
 Құлкі-ойын көрінбейді, сейіл-серуен.

Кемпір-шал құржан қағып, бала бүрсөң,
 Қөнілсіз қара сұық қырда жүрсөң.
 Кемік сүйек, сорпа-су тимеген соң,
 Үйде ит жоқ, тышқан аулап, қайда көрсөң.

¹ Шомшы — астық екпеген ел басқа елге түйемен барып астық алғып қайтады, сонда түйе бос барады да, шом артады.

Күзеу тозған, оты жоқ елдің маңы,
 Тұман болар, жел соқса, шаң-тозаңы.
 От жақпаған үйінің сұры қашып,
 Ыстан қорыққан қазақтың құрысын заңы.



* * *

**Қараша, желтоқсан мен сол бір-екі ай —
Қыстың басы бірі ерте, біреуі жәй.
Ерте барсам жерімді жеп қоям деп,
Біқтырмамен күзеуде отырағ бай.**

**Кедейдің өзі жүрер малды бағып,
Отыруға отын жоқ ұзбей жағып.
Тонған иін жылтырып, тонын илеп,
Шекпен тігер қатыны бүрсөң қағып.**

**Жас балаға от та жоқ түрған маздалап,
Талтайып қақтана алмай, өле жаздалап.
Кемпір-шалы бар болса, қандай қиын.
Бір жағынан қысқанда жел де азынап.**

**Кәрі қой ептеп сойған байдың үйі,
Қай жерінде кедейдің тұрсын күйі?
Қара қидан орта қап ұрыспай берсе,
О да қылған кедейге үлкен сыйы.**

**Қар жауса да, тоңбайды бай баласы,
Үй жылы, киіз тұтқан айналасы.
Бай ұлына жалшы ұлы жалынышты,
Ағып жүріп ойнатар көздің жасы.**

Бай үйіне кіре алмас тұра ұмтылып,
 Бала шықса асынан үзіп-жұлып,
 Үлкә жағынан сол үйдің ұзап кетпес,
 Үйген жүктің күн жағын орын қылып.

Әкесі мен шешесі баланы аңдыр,
 О да өзіндей ит болсын, азғыр-азғыр.
 Асын жөндеп іше алмай қысылады,
 Құрбысынан ұялып өңшен жалбыр.

Жалшы үйіне жаны ашып, ас бермес бай,
 Артық қайыр артықша қызметке орай.
 Байда мейір, жалшыда пейіл де жоқ,
 Аңдыстырган екеуін құдайым-ай!

Алса да аяншақтау кедей сорлы,
 Еңбек білмес байдың да жоқ қой орны.
 Жас бала, кемпір-шалын тентіретпей,
 Бір қыс сақта, тас болма сен де о құрлы.

ҚЫС

**Ақ киімді, денелі, ақ сақалды,
 Соқыр, мылқау, танымас тірі жанды.
 Үсті-басы ақ қырау, түсі суық,
 Басқан жері сықырлап, келіп қалды.
 Дем алысы — үскірік, аяз бен қар,
 Кәрі құдаң — қыс келіп, әлек салды.
 Ұшпадай¹ бөркін киген оқшырайтып,
 Аязбенен қызырып ажарланды.
 Бұлттай қасы жауып екі көзін,
 Басын сіліксе, қар жауып, мазанды алды.
 Борандай бүрк-сарқ етіп долданғанда,
 Алты қанат ақ орда үй шайқалды.
 Әуес көріп жүгірген жас балалар,
 Беті-қолы домбығып, үсік шалды.
 Шидем мен тон қабаттап киген малшы
 Бет қарауға шыдамай теріс айналды.
 Қар тепкенге қажымас қайран жылқы
 Титығы құруына аз-ақ қалды.
 Қыспен бірге тұмсығын салды қасқыр.
 Малшыларым, қор қылма итке малды.
 Соныға малды жайып, қүзетіңдер,
 Ұйқы өлтірмес, қайрат қыл, бұз қамалды!
 Ит жегенше Қондыбай, Қанай жесін,
 Құр жібер мына антүрған кәрі шалды.**

¹ Ұшпа — бұлт, шоқ-шоқ болып жөндіген бұлт.

* * *

Желсіз түнде жарық, ай,
 Сәулесі суда дірілдеп,
 Ауылдың жаны терең сай,
 Тасыған өзен күрілдеп.

Қалың ағаш жапырағы
 Сыбырласып өзді-өзі,
 Көрінбей жердің топырағы,
 Құлпырған жасыл жер жүзі.

Тау жаңғырып, ән қосып
 Үрген ит пен айтаққа.
 Келмене пе едің жол тосып
 Жолығуға аулаққа?

Таймаңдамай тамылжып,
 Бір сұнынып, бір ысып,
 Дем ала алмай дамыл қып,
 Елең қағып, бос шошып.

Сөз айта алмай бөгеліп,
 Дүрсіл қағып жүрегі,
 Тұрманап па еді сүйеніп,
 Тамаққа кіріп иегі?

* * *

Ішім өлген, сыртым сау,
 Көрінгенге деймін-ау.
 Бұтінгі дос — ертең жау,
 Мен не қылдым, япырмау?!

Θз үйінде өзендей
 Құркірейді, айтса дау.
 Кісі алдында кірбенде,
 Шабан, шардақ және шау.

Мұндай ма едің ана күн,
 Мұның қалай, батыр-ау?
 Үш күн арқаң босаса,
 Бола қалдың бас асай.

Жан қысылса, жайтаңдан,
 Жанды еріткен жайдары-ау.
 Жан жай тапса, сен неге
 Жат мінезсің жабырқау?

Ұрлық пенен құлыққа
 Байлағанда, кестің бау.
 Берерменде бесеусің,
 Аларманда және алтау.

Топ болғанда көресің
 Тұрлі дауды жүз тарау.
 Аяғында сендейлер
 Көрмей жүр ме ханталау?

ЖАЙТА КІРЕР ЕСІКТІ
ҚАТТЫ СЕРІППЕ, ЖАРҚЫН-АУ!
ЖЕТИЛСЕН ДЕ, ЖЕТСЕН ДЕ,
КЕРЕК КҮНІ БІР БАР-АУ.



КҮЛЕМБАЙҒА

Болыс болдым, мінеки,
Бар малымды шығындал.
Түйеде қом, атта май
Қалмады елге тығындал.
Сүйтсе дағы елімді
Ұстай алмадым мығымдал.
Күштілерім сөз айтса,
Бас изеймін шыбындал.
Әлсіздің сөзін салғырсып,
Шала ұғамын қырындал.
Сыяз бар десе, жүргегім
Орнықпайды суылдал.
Сыртқыларға сыр бермей,
Құр күлемін жымындал.

Жай жүргенде бір күні
Атшабар келді лепілдеп:
«Ояз шықты, сыяз бар»,
«Ылау» деп, «үй» деп дікілдеп.
Сасып қалдым, күн тығыз,
Жүрек кетті лұпілдеп.
Тың түяқ күнім, сүйтсе де,
Қарбаңдадым өкімдеп.
Старшын, биді жиғыздым:
«Береке қыл» деп, «бекін» деп,
«Ат жарамды, үй жақсы
Болсын, бәрің күтін» деп.
Қайраттанып халқыма

Сөз айтып жүрмін күпілдеп:
 «Құдай қосса, жүртыхының
 Ақтармын осы жол сүтін» деп,
 Қайраттысып, қамқорсып,
 Сайманымды бүтінде.

Оңашада оязға
 Мақтамаймын елімді,
 Өз еліме айтамын:
 «Бергем жоқ, — деп, — белімді».
 Мақтанамын кісімсіп,
 Оязға сөзім сенімді.
 Көрсеттім деймін, ымдаймын
 Кәдік қылар жерімді.
 Сөз көбейді, ұлғайды,
 Мақтанның к... көрінді.
 Қазақты жеген қайратты «ер»
 Ұрынды да берінді.
 Әрлі-берлі тартысып,
 Ісі арамы жеңілді.
 Алқыны күшті асаулар
 Ноқтаға басы керілді.
 Үлкен-кіші ақының
 Бәрі сөз бол терілді.
 Қайрауы жеткен қатты би
 Қайрылып нетсін көңілді.
 Өз малым деп қойған мал
 Иесіне берілді.
 Ақылы жандар қамалап,
 Кептірді сонда ерінді.
 Арызшылар көбейді,
 Болыстың к... шөмейді,
 Қайтсін байғұс демейді,
 Бір кептірмей терімді.

Күн батқанша шабамын
 Әрлі-берлі далпылдан.
 Етек кеткен жайылып
 Ат к... жалпылдан.

Оязга жетсін деген бол,
 Боқтап жүрмін барқылдалап.
 Кейбіреуге таяғым
 Тиіп те кетті бартылдалап.
 Пысықтың көбі бұғып жүр,
 Беттесе алмай шаңқылдалап.
 Ашылып омырау, күн ыстық,
 Қойын кетті алқылдалап.
 Елі жөнді болыстар
 Мақтанып жүр тарқылдалап.
 Құлкісі жақсы қарқылдалап,
 Үні бөлек сартылдалап.
 Сөйлесе кетсе бір жерде,
 Ағыны қатты аңқылдалап.
 Оязға кірсе, өзгеден
 Мерейі үстем жарқылдалап.
 Елің бұзық болған соң,
 Ояз жатыр шартылдалап.
 Табаныңдан тозасың,
 Құр жүгіріп тарпылдалап.

Антұрганмын өзім де,
 Бір мінеәбен өтпеймін.
 Момындық құшті екенін,
 Қөрсем дағы күтпеймін.
 Сыяздан соң елімді
 Қысып алып кетпеймін.
 Әуелде к... бос кәпір,
 Мықтыға не қып беттеймін?
 Жуанды қойып, жуасты
 Біраз ғана шеттеймін.
 Ояз бардағы қылықты
 Ояз жоқта етпеймін.
 Кәкір-шүкір, көр-жерді
 Пайда көріп етпеймін.
 Мынау арам, тентек деп,
 Еш кісіні теппеймін.
 Өзімдік бол деп ел жиып,
 Құрастырып, септеймін.

**Бұзақының бүлігін
«Жақсы ақыл» деп, «құп» деймін.**

Сүйегім жасың, буын бос,
Біраз ғана айлам бар.
Айлам құрсын, білемін —
Болыстықтың жолы тар.
Қайтіп көмек болады
Антұрган өңкей ұры-қар?
Көргенім әлгі, ойлашы,
Ұят, намыс, қалды ма ар?
Ендігі сайлау болғанда,
Түсे ме деп тағы шар,
Бұл күніме бір күні
Боламын гой деймін зар.
Ақыл айтар туғандар,
Бұл сөзімді ойландар.
Кәтелешке көбейді,
Сөгіс естіп, тозды ажар.
Мынау елді ұстарлық
Кісі емеспін, кел, құтқар!
Қолдан келмес қорлыққа
Неге болдым мұнша іңкәр?
Ел жайылды, жетпей ме
Оязға да бір хабар?
Тағы бүйтіп кеттің деп
Қозғау салар, қолға алар.
Қатты қысым қылған соң,
Басым сотқа айналар.
Кірлі болып түскен соң,
Көрген күнім не болар?
Өзіне мәлім, тентектер
Өз бетімен не табар?
Қағаз берер, қарманар,
Аяғында сандалар.

Бұрынғыдай дәурен жок,
Ұлық жолы тараиды.
Өтірік берген қағаздың

Алды-артына қарайды.
Өз қағазы өз көзін
Жоғалтуға жарайды.
Тауып алыш жалғанын,
Қылмысынды санайды.
Өзі залым закүншік
Таныш алды талайды,
Көрмей тұрып құсамын
Темір көзді сарайды.

* * *

Біреуден біреу артылса,
 Өнер өлшенип тартылса,
 Оқыған, білген — білген-ақ,
 Надан — надан-ақ сан қылса.

Оқыған білер әр сөзді,
 Надандай болмас ақ көзді.
 Надан жөндіге жөн келмей,
 Білер қайдағы шәргезді.

Надан қуанар, арсаңдар,
 Таңырқап тұра қалсаңдар.
 Татымды ештеме болмас,
 Адамсып босқа талтаңдар.

Ақыл жоқ, қайғы жоқ онда,
 Ісі жоқ — теріс пе, он ба?
 Тіленіп, телміріп ізденер,
 Тиын ба, яки бір сом ба?

Ит көрген ешкі көзденіп,
 Елерме жынды сөзденіп.
 Жасынан үлгісіз шіркін.
 Не қылсын өнер ізденіп.

Кісімсіп белгілі білгіш,
Біреуге сондай-ақ құлгіш.
Бұлықсып, бұлданып босқа,
Өзімшіл, оңбаған шерміш.

Кісіде бар болса талап,
Отырмас ол бойын балап,
Жүрер, әрқайдан ізденер,
Алар өз сүйгенін қалап.



* * *

**Мәз болады болысың,
Арқага ұлың қаққанға.
Шелтірейтіп орысың,
Шенді шекпен жапқанға.**

**Күнде жақсы бола ма,
Бір қылышы жаққанға?
Оқалы тон тола ма,
Ар-ұятын сатқанға?!**

**Құлмен қағып қасқайып,
Салынып ап мақтанға.
Таң қаламын қампайып,
Жоқты-барды шатқанға.**

**Үйі мәз боп, қой сойды
Сүйіншіге шапқанға.
Әуре қылды, салды ойды
Үйдегі тыныш жатқанға.**

**Еш нәрсе емес жұбанар
Ақыл көзбен баққанға.
Жас баладай қуанар,
Бір дәмдіні татқанға.**

Көзі барлар ойының
Құлер к... ін ашқанға,
Қасиетін бойының
Бекер төгіп шашқанға.

Қуанаарлық қызы емес
Жылтырауық таққанға.
Өзгелерді, біз емес,
Түсірмекші қақпанға.

Осы да есеп бола ма
Ар, абұйыр тапқанға?
Миың болса жолама
Бос желігіп шапқанға.

Бір бес надан, оңбассың,
Нансаң, онын қосқанға.
Жасық, жаман болмассың,
Жамандықтан қашқанға.

Ол «болдым-ақ» дей берер,
Бұлғақ қағып басқанға.
Елең қағып елбірер,
Елертіп көзді аспанға.

Жайы мәлім шошқаның,
Тұрткенінен жасқанба.
Бір ғылымнан басқаның
Кеселі көп асқанға.

Одан үміт кім қылар,
Жол табар деп сасқанда?
Үйтіп асқан жолығар
Кешікпей-ақ тосқанға.

* * *

**Білімдіден шыққан сөз
Талаптыға болсын кез.
Нұрын, сырын көруге
Көкірегінде болсын көз.**

Жүргегі — айна, көңілі — ояу,
Сөз тында мас ол баяу.
Өз өнері тұр таяу,
Үқпасын ба сөзді тез?

Әбілет басқан елерме
Сөзге жуық келер ме?
Түзу сөзге сенер ме
Түзелмесін білген ез?

«Айтшы-айтшылап» жалынар,
Үққыш жансып шабынар.
Үқпай жатып жалығар
Үйқылы-ояу бойкүйез.

Жас баладай жеңсікқой,
Байлаулы емес ақыл, ой.
Ойлағаны — айт пен той,
Ыржан-қылжаң ит мінез.

Сұлу қыз бен я батыр
 Болмаған соң, тәйірі алғыр,
 Шығып кетер, я қалғыр,
 Оған ақыл — арам без.

Жақсыга айтсаң, жаны еріп,
 Үғар көңіл шын беріп,
 Дерптті ішіне ем көріп,
 Неге алтынды десін жез.

«Ой, тәңір-айшыл» кер есек,
 Құлық, сұмдық не өсек,
 Болмаған соң, бір есеп —
 Мейілі қамқа, мейілі бөз.



СЕГІЗ АЯҚ

**Алыстан сермен,
 Жүректен тербеп,
 Шымырлап бойға жайылған;
 Қиуадан шауып,
 Қисынын тауып,
 Тағыны жетіп қайырган —
 Толғауы тоқсан қызыл тіл,
 Сөйлеймін десен өзің біл.**

**Откірдің жұзі,
 Кестенің бізі
 Өрнегін сендей сала алмас;
 Білгенге маржан,
 Білмеске арзан,
 Надандар бәъра¹ ала алмас.
 Қиналма бекер, тіл мен жақ,
 Қөнілсіз құлақ — ойға олақ.**

**Басында ми жоқ,
 Өзінде ой жоқ,
 Құлқішіл кердең наданның;
 Көп айтса көнді,
 Жүрт айтса болды —
 Әдеті надан адамның;
 Бойда қайрат, ойда көз
 Болмаған соң, айтпа сөз.**

¹ Бәъра (парсыша) — пайды, білімнен үлес.

Қайнайды қаның,
Ашиды жаның,
Мінездерін көргенде;
«Жігерлен, сілкін,
Қайраттан, беркін»
Деп насихат бергенде;
Ұятсыз, арсыз салтынан,
Қалғып кетер артынан.

Аулақса шықпай,
Сыбырлап бұқпай,
Мейірленбес еш сөзге;
Пайдасыз тақыл —
Байлаусыз ақыл,
Атадан бала ойы өзге;
Санаңыз, ойсыз, жарым ес,
Өз ойында ар емес.

Тасыса өсек,
Ысқыртса кесек —
Құмардан әбден шыққаны;
Күпілдек мақтан.
Табытын қаққан² —
Аңдығаны, баққаны;
Ынсан, ұят, терең ой
Ойлаған жан жоқ, жауып қой.

Болмасын кекшіл,
Болсайшы көпшіл,
Жан аямай кәсіп қыл;
Орынсыз ыржан,
Болымсыз қылжан
Бола ма дәulet, нәсіп бұл?
Еңбек қылсаң ерінбей,
Тояды қарның тіленбей.

² Табытын қаққан — кісі өлімі сирей бастаса, мешіттің ашкөз, надан мәзендері мешіт қоймасында тұратын өлген адамды салып шығартын табытты таяқпен қағып, өлім шақыратын жаман әдеті болған. Ақын соны аудиспалы мағынада қолданған.

Егіннің ебін,
Сауданың тегін
Үйреніп, ойлап, мал іэде;
Адал бол — бай тап,
Адам бол — мал тап,
Куансаң қуан сол кезде;
Бірінді, қазақ, бірің дос
Көрмесең, істің бәрі бос.

Малыңды жауга,
Басыңды дауга
Кор қылма, қорға, татулас;
Өтірік, ұрлық,
Үкімет зорлық
Күрысын, көзің ашылмас;
Ұятың, арың оянсын,
Бұл сөзімді ойлансын.

Тамагы тоқтық,
Жұмысы жоқтық
Аздырап адам баласын;
Таласып босқа,
Жау болып досқа,
Кор болып, құрып барасың;
Өтірік шағым толды ғой,
Өкінер уақытың болды ғой.

Жұмыссыз сандал,
Еріксіз малды ал
Деген кім бар сендерге?
Кұлықты көргіш,
Сұмдықты білгіш
Табылар кісі жөндерге.
Үш-төрт жылғы әдетің
Өзіңе болар жендетің.

Ауырмай тәнім,
Ауырды жаным,
Қаңғыртты, қысты басымды;

Тарылды көкірек,
 Қысылды жүрек,
 Ағызды сығып жасымды;
 Сүйеніп құлқі тоқтыққа,
 Тартыпты өнер жоқтыққа.

Қайратым мәлім,
 Келмейді әлім,
 Мақсұт — алыс, өмір — шақ;
 Откен соң базар,
 Қайтқан соң ажар,
 Не болады құр қожақ?!
 Кеш деп қайтар жол емес,
 Жол азығым мол емес.

Бір кісі мыңға,
 Жөн кісі сүмға,
 Элі жетер заман жоқ;
 Қадірлі басым,
 Қайратты жасым
 Айғаймен кетті, амал жоқ;
 Болмасқа болып қара тер,
 Қорлықпен откен қу өмір.

Сөзуар білгіш,
 Закүншік, көргіш,
 Атанбақ — мақсұт, мақтанбақ;
 Жасқанып, қорқыш,
 Жорғалап, жортыш,
 Именсе елің, баптанбақ;
 Қарғаганын жер қылмақ,
 Алқаганын зор қылмақ.

Хош, қорықты елің,
 Қорқытқан сенің
 Өнерің қайсы, айтып бер;
 Ел аңдып сені,
 Сен аңдып оны,
 Қылт еткізбей бағып көр;

Ойнашы қатын болса қар,
Аңдыған ерде қала ма ар?

Көмексіз көзің,
Бір жалғыз өзің
Баға алмай, басың сандалар;
Сырында тартқан,
Сырынды айтқан
Сырласың сырт айналар;
Ол қаны бұзық ұры-қар,
Қапысын тауып сені алар.

Басы-көзі қан боп,
Арқа-басы шаң боп,
Және тұрып жылпылдалап;
Жығылып тұрып,
Буыны құрып,
Тағы қуып салпылдалап —
Абұйыр қайда, ар қайда?
Әз басыңа не пайды?

Ит үрсе, бала
Таяғын ала,
Куады итпен кектесіп;
Ұрысқансып «ой» деп,
«Ұят» деп, «қой» деп,
Үлкендер тыяр; «тек» десіп.
Оны білсең, мұның не?
Мен де үят іс қылдым де.

Білгенге жол бос,
Болсайшы қол бос,
Талаптың дәмін татуға;
Білмеген соқыр,
Қайғысыз отыр,
Тамағы тойса жатуға;
Не ол емес, бұл емес,
Мениң де күнім — күн емес.

Ғылымды ізден,
Дүниені көзден,
Екі жаққа үңілдім;
Құлағын салмас,
Тілінді алмас
Көп нағаннан түңілдім;
Екі кеме қүйрыйн
Ұста, жетсін бүйрыйн.

Жартасқа бардым,
Күнде айғай салдым,
Онан да шықты жаңғырық;
Естісем үнін,
Білсем деп жөнін,
Көп іздедім қаңғырып.

Баяғы жартас — бір жартас,
Қаңқ етер, түкті байқамас.

Жаяуы қапты,
Аттысы шапты,
Қайрыйлыш сөзді кім үксын;
Іште дөрт қалың,
Ауыздан жалын
Бұрқ етіп, көзден жас шықсын;
Күйдірген соң шыдатпай,
Қоя ма екен жылатпай?

Мамықтан төсек,
Тастай боп кесек,
Жамбасқа батар, үйқы жоқ;
Сыбыр боп сөзі,
Мәз болып өзі,
Ойланар елдің сыйқы жоқ;
Баяғы құлық, бір алдау,
Қысылған жерде — жан жалдау.

Атадан алтау,
Анадан төртеу,
Жалғыздық көрер жерім жоқ;

Ағайын бек көп,
Айтамын епте,
Сөзімді үгар елім жоқ;
Моласындай бақсының
Жалғыз қалдым — тап шыным!



* * *

Сәулең болса кеуденде,
Мына сөзге көніл бөл.
Егер сәулең болмаса,
Мейлің тіріл, мейлің өл.
Танымассың, көрмессің,
Қаптаған соң көзді шел.
Имансыздық намазда —
Қызылбастың¹ салған жол.
Көп шуылдақ не табар,
Билемесе бір кемел?
Берекелі болса ел —
Жағасы жайлай ол бір көл.
Жапырағы жайқалып,
Бұлғақтайды соқса жел.
Жан-жағынан күркіреп
Қүйип жатса аққан сел,
Оның малы өзгеден
Өзгеше боп өсер тел.

Берекесі кеткен ел —
Суы ашыған батпақ көл.

¹ Қызылбастар — қызылбashi (түрікше) — Иран жеріндегі көшпелі түріктерден құрылған, шах Исмаил бірінші мемлекетінің ең басты күші болады. Қызылбастар әскери жауынгерлерінің ерекшелік белгісі — он екі қызыл жолақты сәлде болған. Парсы жүртyn қызылбастар деп атая осыдан шыққан.

Құс қаңқылдап, жағалап,
 Сурай алмас жазғы төл.
 Оның сүйн ішкен мал
 Тышқақ тиіп, аспас бел.
 Көл деп оны кім жайлар,
 Суы құрсын, ол бір — шөл.

Единица² — жақсысы,
 Ерген елі бейне нөл.
 Единица нөлсіз-ақ,
 Θз басындық болар сол.
 Единица кеткенде,
 Не болады өңкей нөл?
 Берекенді қашырма,
 Ел тыныш болса, жақсы сол.
 Рас сөзге таласып,
 Ақжем болма, жаным, кел!

² Единица (орысша) — бір; жалғыз, дара мағынасында.

* * *

Мен жазбаймын өлеңді ермек үшін,
 Жоқ-барды, ертегіні термек үшін.
 Көкірегі сезімді, тілі орамды,
 Жаздым үлгі жастарға бермек үшін.
 Бұл сөзді тасыр үқпас, талапты үғар,
 Көнділінің көзі ашық, сергек үшін.

Тұзу кел, қисық-қыңыр, қырын келмей,
 Сыртын танып іс бітпес, сырын көрмей.
 Шу дегенде құлағың тосаңсиды,
 Өскен соң мұндаі сөзді бұрын көрмей.
 Таң қаламын, алдыңғы айтқанды үқпай,
 Және айта бер дейді жүрт тыным бермей.

Сөз айттым «Әзірет Элі», «айданаарсыз»,
 Мұнда жоқ «алтын иек, сары-ала қыз».
 Кәрілікті жамандап, өлім тілеп,
 Болсын деген жерім жоқ жігіт арсыз.
 Әсіре қызыл емес деп, жиренбеніз,
 Тұбі терең сөз артық, бір байқарсыз.

Батырдан барымташы туар даңғой,
 Қызышыл да, қызықшыл да әуре жан ғой.
 Арсыз, малсыз, ақылсыз, шаруасыз,
 Елірмелі маскүнем байқалған ғой.

Бес-алты мисыз бәңгі¹ күлсө мәз боп,
Қинамай қызыл тілді кел, тілді ал, қой!

Өлеңі бар өнерлі інім, сізге
Жалынамын, мұндай сөз айтпа бізге.
Өзге түгіл өзіңе пайдасы жоқ,
Есіл өнер қор болып кетер түзге.
Сәнкөй, даңғой, ойнасшы, керім-кербез,
Қанша қызық болады өзіңізге?



¹ Бәңгі (парсыша) — нашақор.

* * *

Әуелде бір сұық мұз — ақыл зерек,
Жылыштан тұла бойды ыстық жүрек.
Тоқтаулылық, қалыпты, шыдамдылық,
Бұл — қайраттан шығады, білсенд керек.
Ақыл, қайрат, жүректі бірдей ұста,
Сонда толық боласың елден бөлек.
Жеке-жеке біреуі жарытпайды,
Жол да жоқ жарыместі жақсы демек.
Ақыл да, ашу да жоқ, күлкі де жоқ,
Тулап, қайнап бір жүрек қылады әлек.
Біреуінің күні жоқ біреуінсіз,
Ғылым сол үшеуінің жөнін білмек.

* * *

Ғашықтық, құмарлықпен — ол екі жол,
 Құмарлық бір нәпсі үшін болады сол.
 Сенен артық жан жоқ деп ғашық болдым,
 Мен не болсам болайын, сен аман бол.

Көңілімнің рақаты сен болған соң,
 Жасырынба, нұрыңда жан қуансын.
 Бірге жаққан біреуге жақпаушы еді,
 Сүйкімді тірі жанға неткен жансың?!

Ғашықтық келсе, жендер бойынды алыш,
 Жұдетер безгек ауру сықылданыш.
 Тұла бой тоңар, суыр, ұміт үзсе,
 Дәмеленсе өртенер күйіп-жаныш.

* * *

Қор болды жаным,
Сенсіз де менің күнім,
Бек бітті халім,
Тағдырдан келген зұлым.
 Тағдыр етсе Алла,
Не көрмейді пәндә?

Сайрай бер, тілім,
Сарғайған соң бұл дерттен.
Бүгілді белім,
Жар тайған соң әр серттен.
 Қамырықты көніл,
Қайтсе болар жеңіл?

Сағындым сені,
Көрмедім деп көп заман.
Адам деп мені,
Салмадың сен хат маған.
 Жай таба алмай жүрек,
Жасыған соң сүйек.

Бұл қылған зарым
Барса жардың маңына,
Ол — қылған дәрім
Фашығымның жанына.
 Оңалдырып ойды,
Түзетпей ме бойды?

* * *

**Сен мені не етесің?
 Мені тастап,
 Өнер бастап
 Жайыңа
 Және алдаң,
 Арбаң,
 Өз бетіңмен сен кетесің.
 Неге әуре етесің?
 Қосылыспай,
 Басылыспай,
 Байыңа
 Және жаттан
 Бай тап,
 Өмір бойы қор етесің.**

**Ет жүрек өртенді,
 От бол жанып,
 Жалын шалып
 Ышіме.
 Иттей қормын,
 Зармын,
 Сен үздің ғой бұл желкемді.
 Кім білер өртенді?
 Өлім айтпас,
 Келсе қайтпас кісіге.
 Бүгінгі күн**

Бармын,
Жолдас еттің сен бөтенді.

Фашықтық — қының жол.
Жетсең — жеттің.
Жетпей өттің,
Не болды?
Арманда өмір
Өтті,
Ойлар ма екен бір мені сол?
Салдырап аяқ-қол,
Жетпей сертке,
Ішім дөртке
Тез толды.
Ажал уақыты
Жетті,
Мен өлейін, сен сау-ақ бол.

Шын жүрек — бір жүрек,
Қайта толқып,
Жолдан қорқып
Айнымас.
Шегінісіп
Қайтпас,
Өлсе бір сөзбен, не керек?
Білесің, сен зерек,
Мен пәндеңе,
Болды деме,
Кел, қарас.
Ешкім сөгіс
Айтпас,
Рахым қылсаң, кел ертерек!

Шын ғашық мен саған!
Кейіп жүрсем,
Сені көрсем,
Ләм-мим деп
Бір сөз айтар
Хал жоқ,
Еріп кетер бой сол заман.

Ойынды сен маған
 Бір бөлмедің,
 Тез келмедің,
 Мені іздең.
 Ішінде ыстық
 Қан жоқ,
 Тас бауыр жар, бол қош аман!

Жар, сениң көңілің тоқ,
 Ақ етіңді,
 Нұр бетіңді
 Меншікті
 Қылмаған соң
 Алла,
 Өзі сорлы етсе, амал жоқ.
 Сен аттың жәнсіз оқ,
 Тәңірі — қазы
 Тас таразы,
 Тентекті
 Сұрамас деп
 Қалма,
 Серт бұзганның, біл, орны — шоқ.

ЖІГІТ СӨЗІ

Айттым сәлем, қалам қас,
Саған құрбан мал мен бас.
Сағынғанин сені ойлап,
Келер көзге ыстық жас.

Сенен артық жан тумас,
Туса туар — артылmas.
Бір өзіңнен басқаға
Ынтықтығым айтылmas.

Асыл адам айнымас,
Бір бетінен қайрылmas.
Көрмесем де, көрсем де,
Көнілім сенен айрылmas.

Көзім жатқа қарамас,
Жат та маған жарамас.
Тар төсекте төсінді
Ііскер ме едім жалаңаш?

Иығымда сіздің шаш,
Айқаласып тай-талас,
Ләззат алсақ болмай ма,
Көз жұмулы, көніл мас?

Сізде сымбат, бізде ықылас,
Осы сөзім бәрі рас.

Сіздей жардың жалғанда,
Қызығына жан тоймас.

Етің етке тигенде,
Демің тиіп сүйгенде,
Тән шымырлап, бой еріп,
Ішім оттай күйгенде.

Жүрек балқып игенде,
Ішкі сырды түйгенде,
Іздел табар сұңқармын,
Жарастықты шүйгенде.

Қылышында жоқ оғат,
Қарап тойман жұз қабат.
Ұстық тартып барасың,
Бір сағаттан бір сағат.

Сіз — қырғауыл жез қанат,
Аш бетінді, бері қарат.
Жақындаі бер жуықтап,
Тамағынан аймалат!

ҚЫЗ СӨЗІ

Қиыстырып мақтайсыз,
Ойласаң ие таптайсыз?
Бізде ерік жоқ, өзің біл,
Әлде неге бастайсыз.

Біз де әркімді байқаймыз,
Тап бергеннен тайқаймыз.
Сіздей асыл кез болса,
Қайтіп басты шайқаймыз?

Ақылыңда сөзің сай,
Сіз — жалын шоқ, біз — бір май.
Үштың сөзің кірді ішке,
Май тұра ма шыжымай.

Қабыл көрсөң, көңілім жай,
Тастан кетсөң, япырмай,
Ит қор адам болар ма,
Бұл жалғанда сорлындаї?

Тілегімді бермесең,
Амалым не жерлесең?
Үйір қылма бойыңда,
Шыны жақсы көрмесең.

Қайғың болар шермен тең,
Қара көңілім жермен тең.

Сенсіз маган жат төсек
Болар бейне көрмен тең.

Сіз — бір сұңқар шаңбаз¹,
Жер жүзінен алған баж²
Біздей ғаріп есепсіз,
Есігіңде жүр мұқтаж.

Көңілің тұрса бізді алыш,
Шыныменен қозғалыш,
Біз — қырғауыл, сіз — түйғын,
Тояттай бер, кел де алыш.

Тал жібектей оралыш,
Гүл шыбықтай бұралыш.
Салмағыңнан жаншылып,
Қалсын құмар бір қаныш

Мұны жаздым ойланыш,
Ойда бардан толғаныш.
Кірсе ішіңе оқи бер,
Бозбалалар, қолға алыш.

Мұны оқыса кім таныш,
Жүргегіне от жаныш,
Сөзді үғарлық жан тапса,
Айтса жарап ән салыш.

Өлең жиган тырбаныш,
Ән үйренген ыргалыш.
Сорлы Көкбай қор болды-ау,
Осыншадан құр қалыш.

¹ Шахбаз (парсыша) — қаршыға, лашын, сұңқар және ержүрек батыр мәғынасында да қолданылатын сөз.

² Баж (парсыша) — алым-салық. Бұл жерде тоят алу, тояттау деген ауыспалы мәғынада қолданылған.



* * *

Білектей арқасында өрген бұрым,
Шолпысы сылдыр қағып жүрсө ақырын.
Кәмшат бөрік, ақ тамақ, қара қасты,
Сұлу қыздың көріп пе ең мұндай түрін?

Аласы аз қара көзі айнадайын,
Жүрекке ыстық тиіп салған сайын,
Үлбіреген ақ етті, ашық жүзді,
Тісі әдемі көріп пе ең қыздың жайын?

Бұраң бел, бойы сұлу, кішкене аяқ,
Болады осындаï қыз иекен-саяқ.
Піскен алма секілді тәтті қызды
Боламын да тұрамын көргендей-ақ.

Егер де қолың тисе білегіне,
Лұпілдеп қан соғады жүрегіңе.
Бетінді таяп барсаң тамағына,
Шымырлап бу енеді сүйегіңе.

* * *

**Қажымас дос халықта жоқ,
Айнимас серт қайда бар?
Алда көрген артта жоқ,
Мысқыл, өсек, айла бар.**

**Жақсылығың күнде ұмыт,
Бір жаңылсаң, болды кек.
Пайдасынан бой сұыт,
Өзі тимей жүрсе тек.**

**Пайды, мақтан өзінен,
Артыла ма ант ұрып?
Жарыса өсек сөзінен,
Айта берсін шарқ ұрып.**

**Кімге достық көп еттім,
Тұбі болды бір кейіс.
Жақсы өмірім әуарә¹ еттің,
Жар таба алмай бір тегіс.**

**Жау қожаңдал бүртайып,
Дос құбылып, әуре етер.
Кімі тентек, кімде айып,
Тексере алмай өмір өтер.**

¹ Әуарә (парсыша) — сергелденгे салу.

Сыйласарлық тектінің,
Кім танымас нұсқасын?
Күнде өзімшіл ептінің,
Несін адам ұстасын...



* * *

**Жастықтың оты, қайдасың,
Жүректі тұртіп қозғамай?
Фылымның біліп пайдасын,
Дүниенің көркін болжамай?**

**Адамның тауып айласын,
Кіслікті ойламай.
Қаруын көніл сайласын,
Колға ол түспес бойламай.**

**Махаббат, қызық кім көрер,
Оның да дәмін татпаса?
Біржола басты кім берер,
Жаныңа қайғы батпаса.**

**Аямай жанын дос ерер,
Жолдастықты ақтаса.
Алдыңа айдал кім келер,
Ерінбей жүріп бақпаса.**

**Мал бақпақтық шаруа бол,
Адал тауып асықпай.
Құр айғаймен әуре бол,
Өнердің жайын баса үқпай.**

Енді нені істейміз,
Бәрінен де бос қалдық?
«Ауызға келіп түс» дейміз,
Қылыш жүріп құр салдық!



* * *

**Жарқ етпес қара көнілім не қылса да,
Аспанда ай менен күн шағылса да,
Дүниеде, сірә, сендей маган жар жоқ,
Саған жар менен артық табылса да.**

**Сорлы асық сарғайса да, сағынса да,
Жар тайып, жақсы сөзден жаңылса да,
Шыдайды риза болып жар ісіне,
Корлық пен мазағына табылса да.**

* * *

Тұлпардан тұғыр озбас шабылса да,
Оған да үкі, тұмар тағылса да.
Қыжыртпай мені сырттан жүре алмайды,
Кім желігіп, қай шеттен қағынса да.

Күшік ит бөрі ала ма жабылса да?
Тәңірі сақтар, табандап тап ұрса да.
Арсыз адам арсаңдап, арсыладайды,
Әр жерде-ақ керегеге таңылса да.

Құтырды көпті қойып азғанасы,
Арызшы орыс — олардың олжаласы.
Бірде оны жарылқап, бірде мұны,
Қуды ұннаны-ау Семейдің бұл қаласы.

* * *

Бай сейілді,
 Бір пейілді
 Елде жақсы қалмады.
 Елдегі ерек,
 Босқа селтек
 Қағып, елін қармады.

Жөнді, жөнсіз,
 Сөз теңеусіз,
 Бас пен аяқ бір қисап.
 Үрысса орыс,
 Елге болыс,
 Үйден үрген итке ұсан.

Өзі ұлыққа
 Қадірі жоққа
 Қарамай, өз халқына
 Сөз қайырмай,
 Жөнді айырмай,
 Жұртқа шабар талпына.

Танымадық,
 Жарымадық
 Жақсыға бір іргелі.
 Қолына алып,

**Пәле салып,
Аңдығаны өз елі.**

**Шашты барын,
Берді малын
Боларында жұртына.
Еміреніспес,
Енді піспес,
Үқсамас еш сыртына.**

**Ер де жаман,
Ел де жаман —
Аңдығаны өз елі.
Елде — сыяз,
Ойда ояз,
Оңбай-ақ түр әр түрі.**

**Кетті бірлік,
Сөнді ерлік,
Енді кімге беттемек?
Елің — ала,
Отты шала,
Тайса аяғың, кім көмек?**

**Өтті өмірім,
Қайтты көңілім
Бұл дүниенің ісіне.
Жасы құрбы,
Жаны тұргы,
Дос па деген кісіге.**

**Ел керексіп,
Сөзге емексіп,
Не болады мақтаның?
Пейілі шикі,
Ақылды қүйкі,
Осы жұрт па тапқаның?**

* * *

Ем таба алмай,
 От жалындей,
 Толды қайғы кеудеге.
 Сырласа алмай,
 Сөз аша алмай
 Пендерге.

Босқа ұялып,
 Текке именіп
 Кімді көрсем, мен сонан,
 Бетті бастым,
 Тұра қаштым
 Жалма-жан.

Ұйқы, тамақ
 Қалды тым-ақ
 Керегі жоқ іс болып,
 Жай жатпағым,
 Тыныш таппағым
 Күш болып.

Жас жүргім
 Жанды менің,
 Жай таба алмай, япырым!
 Өзің онда

Жақсы жолға

Ақырын.

**Жас теректің
Жапырағы
Жамырайды, соқса жел.
Түсті мойын,
Толды қойын
Ақты сел.**

**Мен паң едім,
Бейқам едім,
Еш нәрседен қайғысыз.
Тез дерттендім,
Кейде өртендім,
Кейде мұз.**



* * *

Келдік талай жерге енді,
 Кіргүз-ақ қалдық көрге енді.
 Қызыл тілім буынсыз,
 Сөзімде жаз бар шыбынсыз,
 Тыңдаушымды ұғымсыз
 Қылып тәңірім берген-ді.
 Осы жасқа келгенше,
 Өршеленіп өлгенше,
 Таба алмадық бір адам
 Біздің сөзге ергенді.
 Өмірдің өрін тауысып,
 Білімсізбен алысып,
 Шықтық міне белге енді.
 Енді аяңда, жығылма,
 Сыймас жерге тығылма,
 Қой бұрынғы желгенді!
 Қайғы шығып иыққа,
 Қамалтасын түйікқа,
 Сергі, көнілім, сергі енді!
 Балапан құстай ондалып,
 Қанатыңды қомданып,
 Жатпа ұяды қорғанып,
 Ұш, көнілім, көкке, кергі енді!
 Көнілде қайғы, қалың, зар,
 Айтатұғын сөзім бар,
 Салсын құлақ ұққандар,
 Өрбі, сөзім, өрбі енді!

Іште қайғы дөрт пысып,
 Көкіректі өрт қысып,
 Айтуға көңілім тербенді.
 Өзің жалғыз, надан көп,
 Үқтырасың сен не деп
 Эулекі, арсыз елге енді?
 Тыныштық сүймей қышынып,
 Өтірікке тұшынып,
 Пәледен тұрмас шошынып,
 Тұл бойын желік женғен-ді.
 Туған жерді қия алмай,
 Тентекті жеңіп, тыя алмай,
 Элі отырмыз ұялмай,
 Таба алмадық өңге елді.
 Әзелде тәнірім сорлы етті,
 Арсыз елмен әуре етті,
 Жалғыз үйде күңірентті,
 Тағдырға білдік көнгенді.
 Адам деген даңқым бар,
 Адам қылмас халқым бар,
 Өтірік пен өсекке
 Бәйге атындаі аңқылдар —
 Тұла бойым шіміренді.
 Барма топқа шақырмай,
 Жат үйінде шатылмай,
 Шыдармын ба, япырмай,
 Жатуға шықпай үйде енді?
 Қатыныңың ойнасын
 Қөрсөң, білсең қоймасын,
 Не ойлар едің, өз басың,
 Сонымен тең біз де енді.

* * *

**Өзгеге, көңілім, тоярсың,
Өлеңді қайтіп қоярсың?
Оны айтқанда толғанып,
Іштегі дерпті жоярсың.**

**Сайра да зарла, қызыл тіл,
Қара көңілім оянсын.
Жыласын, көзден жас ақсын,
Омырауым боялсын.**

**Қара басқан, қаңғыған,
Хас надан нені ұға алсын?
Кекірегінде оты бар,
Құлағын ойлы ер салсын.**

**Тыңдамаса еш адам,
Өз жүргім толғансын.
Әр сөзіне қарасын,
Іштегі дертім қозғалсын.**

**Әуелесін, қалқысын,
От жалын боп шалқысын.
Жылай-жырлай өлгенде,
Арттағыға сөз қалсын.**

**Мендей ғаріп кез болса,
Мойын салсын, ойлансын.
Қабыл көрсө сөзімді,
Кім таныса, сол алсын.**

**Не пайда бар — мың надан
Сырттан естіп таңдансын.
Онан дағы бір есті
Ішкі сырын аңгарсын.**

**Өздерің де ойлаңдар,
Неше түрлі жан барсың.
Ғылым да жоқ, ми да жоқ,
Даладағы аңдарсың.**

**Жүргегіңмен тыңдамай,
Құлагыңмен қармарсың.
Соны көріп, соларға,
Қайтіп қана сарнарсың?!**

* * *

**Кейде есер көніл құрғырың,
Махаббат іздеп талпынар.
Ішем деп бейнет сусынын,
Асая жүрек алқынар.**

**Тартқан бейнет, өткен жас,
Жүректің отын сөндірмес.
Махаббат — өмір көркі, рас,
Өлген соң ол да үн демес.**

**Махаббатсыз — дүние бос,
Хайуанға оны қосындар.
Қызықтан өзге қалсаң бос,
Қатының, балаң, досың бар.**

**Жүрегі жұмсақ білген құл,
Шын дос таппай тыншымас.
Пайды, мақтан бәрі — тұл,
Доссыз ауыз тұщымас.**

ЖАЗФЫТҰРЫ

Жазғытұры қалмайды қыстың сызы,
Масатыдай құлпырар жердің жүзі.
Жан-жануар, адамзат анталаса,
Ата-анадай елжірер күннің көзі.

Жаздың көркі енеді жыл құсымен,
Жайраңдасып жас құлер құрбысымен.
Көрден жаңа тұрғандай кемпір мен шал,
Жалбаңдасар өзінің тұрғысымен.

Қырдағы ел ойдағы елмен араласып,
Құлімдесіп, көрісіп, құшақтасып.
Шаруа құған жастардың мойыны босап,
Сыбырласып, сырласып, мауқын басып.

Түйе боздап, қой қоздап — қорада шу,
Көбелекпен, құспенен сайда ду-ду.
Гүл мен ағаш майысып қарағанда,
Сыбдыр қағып, бұранданап ағады су.

Көл жағалай мамырлап қу менен қаз,
Жұмыртқа іздел, жүгіріп балалар мәз.
Ұшқыр атпен зырлатып тастағанда,
Жарқ-жүрқ етіп ілінер көк дауыл баз¹.
Құс қатарлап байлаған қанжығага
Қыз бұранданап жабысып, қылады наз.

¹ Баз (парсыша) — қаршыға.

Жазға жақсы киінер қыз-келіншек,
Жер жүзіне өң берер гұл-бәйшешек.
Қырда торғай сайраса, сайды бұлбұл,
Тастағы үнін қосар байғыз, көкек.

Жаңа пұлмен жамырап саудагерлер,
Диханшылар жер жыртып, егін егер.
Шаруаның бір малы екеу болып,
Жаңа төлмен көбейіп, дәulet өнер.

Безендіріп жер жүзін Тәңірім шебер,
Мейірбандық дүниеге нұрын төгер.
Анамыздай жер иіп емізгенде,
Бейне әкендей үстіңе аспан төнер.

Жаз жіберіп, жан берген қара жерге
Рахметіне Алланың көңіл сенер.
Мал семірер, ақ пенен ас көбейер,
Адамзаттың көңілі өсіп көтерілер.

Қара тастан басқаның бәрі жадырап,
Бір сараңнан басқаның пейілі енер.
Тамашалап қарасаң Тәңірі ісіне,
Бойың балқып, ериді іште жігер.

Кемпір-шал шуақ іздеп, бала шулар,
Мал мазатсып, қуанып, аунап-қунар.
Жыршы құстар әуеде өлең айтып,
Қиқу салар көлдегі қаз бен қулар.


Күн жоқта кісімсінер жұлдыз бен ай,
Ол қайтсін қара түнде жарқылдамай.
Таң атқан соң шығарын құннің біліп,
Өңі қашып, бола алмас бұрынғыдай.

Күн — күйеу, жер — қалыңдық сағынышты,
Құмары екеуінің сондай күшті.
Түн қырындан жүргенде көп қожандап,
Күйеу келді, ай, жұлдыз к... қысты.

Ай, жұлдызға жылы жел хабар беріп,
 Жан-жануар қуанар тойға елеріп.
 Азалы ақ көрпесін сілке тастап,
 Жер күлімдер, өзіне шырай беріп.

Күн — күйеуін жер көксеп ала қытай,
 Біреуіне біреуі қосылышпай,
 Көңілі күн лебіне тойғаннан соң
 Жер толықсып, түрленер тоты құстай.

Адам тіктеп көре алмас күннің көзін,
 Сүйіп, жылып тұрады жан лебізін.
 Қызыл арай сары алтын шатырына,
 Күннің кешкे кіргенін көрді көзім.



* * *

**Асқа, тойға баратұғын,
Жаны асығып жас жігіт.
Қолға кетті жауға бір күн,
Тірі адамның ісі — үміт.**

**Қозгады жау батыр ерді,
Жауға сойқан салғалы.
Қалыңдығы қала берді,
Жатыр еді алғалы.**

**Асықсан да, шырағым,
Саған деген құданың
Жазылған қандай жарлығы,
Есіткен жоқ құлағың.**

**Қалыңдық құшып, суюге,
Қүйеуіне ынтызар.
Келісімен тиуге
Дайындалған ойы бар.**

**Көйлегін ақтан тіккіштеп,
Құні-тұні дем алмай,
Бітіруге жүр күштеп,
Асыққансып, тоқталмай.**

**Сен асыққан екен деп,
Алла әмірін өзгертпес.
Айтқаның болар ма екен деп,
Мен қорқамын, көз жетпес.**

**Жара басты кеудені,
Жаудан өлді ар үшін.
Ескермей өзге дүниені,
«Аы!» деп өтті жар үшін.**

**Жамандық тұрмас құттіріп,
Ел есітті, қызы білді.
Ақ көйлекті бітіріп,
Кебінім деп киді, өлді...**

**Қол жетпеген некені
Сүйіп кеткен жан екен.
Көзің, неге жетеді,
Қосылмақ онда бар ма екен?**

**Шыны ғашық жар болса,
Неге өлдім деп нальымас.
Онда екеуі кез келсе,
Бірін бірі танымас.**

* * *

Ата-анаға көз қуаныш —
 Алдына алған еркесі.
 Кекірегіне көп жұбаныш,
 Гүлденіп ой өлкесі.
 Еркелік кетті,
 Ер жетті,
 Не бітті?

Оқытарсың молдага оны,
 Үйретерсің әр нені.
 Медеу етіп ойы соны,
 Жаны тыныштық көрмеді.
 Жасында күтті,
 Дәме етті,
 Босқа өтті.

Ата көңіл жанбаса бір,
 Артық өнер шықпаса.
 Ел танымай, үй танып құр,
 Шаруасын да ұқпаса —
 Үміті қайда?
 Соны ойла,
 Абайла!

Сүйер ұлың болса, сен сүй,
 Сүйінерге жарап ол.

Сүйкімі жоқ құр масыл би
Сүйретіліп өтер сол.

Табылmas қайла,
Ойбайла —
Не пайда?

Зарланарсың, ойланарсың,
Не болам деп енді мен.
Құрбылардан қорланарсың,
Тәңірі ісіне сен де көн.

Қайғысыз пенде
Көрдің бе
Өмірінде?

Тәңірі сорлы етсе, пенде
Не бітірер құр жылап.
Жігері жоқ ақылы кенде,
Жамбасыңнан жат сұлап.

«Бір жаман мен бе?»
Дедің бе
Көңілінде?

* * *

Тайға міндік,
 Тойға шаптық,
 Жақсы киім киініп.
 Үкі тақтық,
 Құлқі бақтық,
 Жоқ немеге сүйініп.
 Қүйкентай күтті,
 Құс етті,
 Не бітті?

Атамыз бар,
 Молдамыз бар,
 Айтқанына көнбедік.
 Арт жағында
 Біз соған зар
 Боламыз деп білмедік.
 Ұрланып қаштық,
 Жолғастық,
 Шуластық.

Жазу жаздық,
 Хат таныдық,
 Болдық азат молдадан.
 Шала оқудан,
 Не жарыдық,
 Қалғаннан соң, құр надан?

**Бағасыз жастық —
Бозбастық,
Адастық.**

**Боҙбалалық —
Қызың қарадық,
Қалжың, әзіл сөйлестік.
Ат жараттық,
Сән тараттық,
Әуейілік күйлестік.
Көңілге келер,
Кім жолар,
Кім көнер?**

**Қайын бардық,
Қатын алдық,
Енші тиді аз ғана.
Шаруа атандық,
Енді ойландық,
Қала берді бозбала.
Бұрынғы қайды?
Ойбайла —
Не пайда?**

* * *

**Заман ақыр жастары,
Қосылмас ешбір бастары.
Біріне бірі қастықда —
Қойнына тыққан тастары.**

**Саудасы — ар мен иманы,
Қайрат жоқ бойын тыйғалы.
Еңбекпен етті ауыртпай,
Құр тілменен жиғаны.**

**Өнімсіз іске шеп-шебер,
Майданға түспей несі өнер?
Сиырша тойса мас болып,
Өреге келіп сүйкенер.**

**Күлмендеп келер көздері,
Қалжыңбас келер өздері.
Кекектеп секек етем деп,
Шошқа туар сөздері.**

* * *

Көзінен басқа ойы жоқ,
Адамның надан әуресі.
Сонда да көнділі тым-ақ тоқ,
Жайқаң-қайқаң әр несі.

Білмейсің десе, жел өкпе,
Дейді дағы — Тәңірі ісі.
Бірінен бірі бөлек пе
Иемнің әділ пендесі?

Жүректің көзі ашылса,
Хақтықтың¹ түсер сәулесі,
Іштегі кірді қашырса
Адамның хикмет² кеудесі.


Наданның көнділін басып тұр
Қараңғылық пердесі.
Ақылдан бойы қашық тұр,
Ойында бір-ақ шараусы.

¹ Хақ (арабша) — көп мағыналы сөз: а) тұра, шын, дұрыс; ә) баға; ғ) үлес, сыйбаға; в) Алла; г) хұқық. Бұл арада дұрыстық, шындық мағынасында.

² Хикмет (арабша) — көп мағыналы сөз. Пәлсапа (философия). Бұл арада білім, сыр, керемет мағынасында.

Кітапты молда теріс оқыр,
Дағарадай боп сәлдесі.
Малқұмар көңілі — бек соқыр,
Бұркіттен кем бе жем жесі?

Жүректе айна жоқ болса,
Сөз болмайды өнгесі.
Тындағыш қанша көп болса,
Сөз үтарлық кем кісі.



* * *

Жастықтың оты жалындал,
Жас жүректе жанған шақ.
Талаптың аты арындал,
Әр қыынға салған шақ.

Уайым аз, үміт көп,
Ет ауырмас бейнетке.
Бүгін-ертең жетем деп,
Көңілге алған дәuletке.

Қайратпен кіріп жалынбай,
Ақылмен тауып айласын,
«Мен қалайға?» салынбай,
Жылды жүзбен жайнасын.

Қайратқа сеніп қақтықпай,
Жазасын тауып жауласар.
Қатынша тілмен шаптықпай,
Майданға шықса жарасар.

Жалыны қайтар дененің,
Үнемі тұрмас осы шақ.
Талайғы кәрі дүниенің
Бір кетігін ұстап бақ.

Құйрығы шаян, беті адам,
 Байқамай сенбе құрбыға!
 Жылманы сыртта, іші арам,
 Кез болар қайда сорлыға.

Досыңа достық — қарыз іс,
 Дүшишаныңа әділ бол.
 Асығыс түбі — өкініш,
 Ойланып алмақ — сабыр сол.

Ақ көңілді жақсыдан
 Аянбай салыс ортага.
 Ақылды, ары тапшыдан
 Қу сөзін алма қолқаға.

Сұм-сүрқия, қу заман
 Гүл көрінер жігітке.
 Қызықты өмір жайнаған,
 Кеудесі толып үмітке.

Бір нәрсені ұнатса,
 Қайта ойланып қарамас.
 Мақтатып жүртты шулатса,
 Құмары сол қызба бас.

Сенісерге келгенде,
 Сене берер талғамай.
 Жүртты құргыр сенгішке
 Тұра ма құлық жалғамай?

Ары кеткен алдағыш,
 Мені-ақ алда, сөкпейін.
 Балы тамған жас қамыс
 Ормасаңшы көктейін!

Сені жақсы көрмесе,
 Сенер ме еді сөзіңе?
 «Япымай!..» деп терлесе,
 Ар емес пе өзіңе?

* * *

**Қызырып, сұрланып,
Лұпілдеп жүрегі.
Өзгеден үрланып,
Өзді-өзі керегі.**

**Екі асық құмарлы,
Бір жолдан қайта алмай.
Жолықса ол зарлы,
Сөз жөндеп айта алмай.**

**Аяңдал ақырын,
Жүрекпен алысып,
Сыбдырын, тықырын,
Көңілмен танысып.**

**Дем алыс ысынып,
Саусагы суынып.
Белгісіз қысылып,
Пішіні құбылып.**

**Иығы тиісіп,
Тұмандал көздері.
Үндемей сүйісіп,
Мас болып өздері.**

Жанында жапырақ,
Үстінде жұлдыз да.
Елбіреп-қалтырап,
Жігіт пен ол қызы да.

Өзге ойдан тыйылып,
Бірімен бірі әуре.
Жүрекке қүйылып
Жан рахат бір сәуле.

Жүргегі елжіреп,
Буындар босанып.
Рахатпен әлсіреп,
Көзіне жас алып.

Жүйрік тіл, терең ой,
Сол күнде қайда едің?
Фашыққа мойын қой,
Женілдің, жеңілдің!...



* * *

Көзімнің қарасы,
Көңілімнің санасы,
Бітпейді ішімде,
Фашықтың жарасы.

Қазақтың данасы,
Жасы үлкен ағасы.
Бар демес сендей бір
Адамның баласы.

Жылайын, жырлайын,
Ағызып көз майын.
Айтуға келгенде,
Қалқама сөз дайын.

Жүректен қозғайын,
Әдептен озбайын.
Өзі де білмей ме,
Көп сөйлем созбайын.

Терендеп қарайсың,
Телміріп тұрмайсың.
Бихабар жүргенсіп,
Бек қатты сынайсың.

Сан кісі мұңдайсын,
Сабырмен шыдайсың.
Күйемін, жанамын,
Еш рахым қылмайсың.

Ақылсыз би болмас,
Сәулесіз үй болмас.
Жүректе оты жоқ,
Адамда ми болмас.

Шын ғашық сый болмас,
Сый болса, сыр болмас.
Арызымды айтайын,
Қүй болар, қүй болмас.

Кең мандай, қолаң шаш,
Я бір кез, я құлаш.
Ақ тамақ, қызыл жұз,
Қарагым, бетінді аш!

Қара көз, имек қас,
Қараса жан тоймас.
Аузың бал, қызыл гүл,
Ақ тісің кір шалмас.

Қыр мұрын, қыпша бел,
Солқылдар соқса жел.
Ақ етің үлбіреп,
Өзгеше біткен гүл.

Қарагым, бермен кел,
Бізге де көнілің бел,
Қалқамның нұсқасын,
Көр, көзім, бір кенел.

Қайғың — қыс, жұзің — жаз,
Боламын көрсем мәз.
Құлқініз бойды алар,
Бұлбұлдай шықса әуез.

**Кісімсіп дүрдараң,
Бұрандаң қылма наз.
Мал түгіл басымды,
Жолыңа берсем де аз.**

**Иісің гүл аңқыған,
Нұрың күн шалқыған.
Көргенде бой еріп,
Сүйегім балқыған.**

**Қаяусыз қалпынан,
Өзі артық даңқынан.
Қызыл тіл шыға алмас,
Мактаудың шартынан.**

**Сенсің — жан ләззәті,
Сенсің — тән шәрбәті.
Артықша жаратқан,
Алланың рахматы.**

**Көрік — тәңірі дәулеті,
Қылса ұнар құрметі.
Сұлуды сүймектік —
Пайғамбар сұндеті¹.**

**Не десем саған еп?
Гашығың да қайғы жеп,
Өртенген жүрекке,
Бір көрген болар сеп.**

**Біздердей ғашық көп,
Қайсысы саған дөп?
Жөндеп те айтпадым,
Жүрегім лұпілден.**

**Назына кім шыдар?
Бұрандаң жүр шығар.**

¹ Сұндет, сұннат (арабша) — Мұхаммедтің істеген ісі мен айтқан сөзі. Бұл жерде дәстүр деген мағынада.

Қасқая күлгені,
Қылады тым құмар.

Ер емес қымсынар,
Әркім-ақ ұмсынар.
Құдай-ау, бұл көнілім,
Күн бар ма бір тынар?



* * *

Менсінбеуші ем наданды,
Ақылсыз деп қор тұтып.
Түзетпек едім заманды,
Өзімді тым-ақ зор тұтып.

Таппадым көмек өзіме,
Көп наданмен алысып.
Көнбеді ешкім сөзіме,
Әдетіне қарысып.

Жан шошырлық түрінде,
Бәрі бірдей еліріп.
Үстай алмадым бірін де,
Кекиді кейін шегініп.

Әринемен ел кетті,
Қоқиланды, мақтанды.
Қуат бітті, күн өтті,
Жарылқа, құдай, жатқанды.

Мен — қажыған арықпын,
Қатын-бала қонағы.
Сендерге де қанықпын,
Жұртың анау баяғы.

Жарлы емеспін, зарлымын,
Оны да ойла толғанып.
Жұртым деуге арлымын,
Өзге жүрттан ұялып.

Барымта мен партия —
Бәрі мастық жүрт құмар.
Сызыра елірме, сұрқия,
Көп пияншік нені ұғар?

Татулықты, тыныштықты
Қоңыр көрер, кем көрер.
Ұрлық пенен құлықты
Қызық көрер, өңі енер.

Мұндай елден бойың тарт,
Мен қажыдым, сен қажы!
Айтып-айтып өтті қарт,
Көнбеді жүрт, не ылажы?



* * *

**Не іздейсің, көнілім, не іздейсің?
Босқа әуре қылмай, шыныңды айт.
Шарқ ұрып, тыныштық бермейсің,
Сырласалық, бермен қайт.**

**Абұйыр, атақ сол жанда,
Кімді көп жүрт мақтаса.
Ол мақтаудан не пайды,
Көп мақтауын таппаса?**

**Көп тәңірі атқан мақтай ма,
Ол тәңірі атқан болмаса?
Жоқты-барды шатпай ма,
Көптің өзі онбаса?**

**Мақтау — жел сөз жанға қас.
Қошеметшіл шығарған.
Бір мақтаса боктамас
Ел табылса, құмарлан.**

**Жүрттың бәрі сөз сатқан,
Сатып алып не керек?
Екі сөзді тәңірі атқан —
Шыр айналған дөңгелек.**

Сатып алма, сөз сатса,
Ол асылды аңдамас.
Біләткенің байы — ақша,
Ер жақсысын таңдамас.

Мен мақтанның құлы емес,
Шын ақылға зорлық жоқ.
Антүрған көп пұл емес,
Өлім барда қорлық жоқ.

Өмір, дүние дегениң,
Ағып жатқан су еken.
Жақсы-жаман көргенің,
Ойлай берсең, у еken.



* * *

**Жүргегім, ойбай, соқпа енді!
Бола берме тым күлкі.
Көрмейсің бе, тоқта енді,
Кімге сенсең, сол — шикі.**

**«Жетім қозы — тас бауыр,
Тұңілер де отығар».
Сорлы жүрек мұнша ауыр,
Неге қатты соқтығар?**

**Сенісерге жан таба алмай,
Сенделеді ет жүрек.
Тірлікте бір қана алмай,
Бұл не деген тентірек?**

**Жоқ деп едің керегің,
Топ жиып ең бір бөлек.
Кезек келер демедің,
Ендігі керек қай керек?**

* * *

Қайғы шығар ілімнен,
 Ыза шығар білімнен.
 Қайғы мен ыза қысқан соң,
 Зар шығады тілімнен.
 Қайтіп қызық көремін
 Эуре-сарсаң құнімнен?
 Қайырылып қарап байқасам,
 Ат шаба алмас мінімнен.
 Қайғылы, қартаң біздей шал,
 Қарай берсең, қайда жоқ?
 Есер, есірік болмасаң,
 Тіршіліктен пайда жоқ.

Ақыл бітпес дәuletке,
 Дәulet бітпес келбетке.
 Болымсыз қулық тойымсыз
 Болады балаң жөргекте.
 Ішімен жау боп, сыртымен
 Кім тояр қылған құрметке?
 Кеңшіліктегі туган жоқ
 Шықсын деген жел бетке,
 Тарлықта қанша тайпалса,
 Қадірі болмас, әлбетте.

Сыйласа елің ұлықтап,
 Аralасаң қызықтап,

Қызық пенен тыныштыққа
 Қазақ тұрмас тұрықтап.
 Қанқылдаپ біреу ән салса,
 Біріне бірі жуықтап.
 Тебінісіп қамалар,
 Тоқтатып болмас сырғықтап.
 Тұзу бол деген кісіге
 Тұзу келмес ырықтап.
 Сырдан тартып қашады,
 Үстайсың қайтіп құрықтап?

Ел жайын біліп қансаңыз,
 Айтайын құлақ салсаңыз:
 Кейбіреуі дүрсіп жүр,
 Жер тәңірісіп кер мағыз.
 Кейбіреуі — зәкүншік,
 Ондырмассып, берсе арыз.
 Кейбірі пірге қол берген,
 Іші залым, сырты абыз.
 Кейбірі қажыға барып жүр,
 Болмаса да қаж парыз.
 Мұсылмандық ол ойлап,
 Отеген қашан ол қарыз?

Дәuletі жоқ бурыл шаш,
 Үйіңе кет, топтан қаш!..
 Ағайынның ішінен
 Шыға қалса тай-талас,
 Партия жиып, мал сойса,
 Бата оқисың, жейсің бас.

Басалқа сөз сенде жоқ,
 Айтқан сөзің «малың шаш»
 Итше індеп тілемей,
 Жат үйіңде, өлсөң де аш!

Ойлап-ойлап қарасам,
 Осындай шал қайда жоқ?
 Қозғау салып қоздырғыш,
 Кезбе шалдан пайды жоқ.

ОСПАНГА

Жайнаған түң жығылмай,
Жасқанып жаудан тығылмай,
Жасаулы жаудан бұрылмай,
Жау жүрек, жомарт құбылмай,
Жақсы өмірің бұзылмай,
Жас қуатың тозылмай,
Жалын жүрек сүйнбай,
Жан біткеннен түңілмей,
Жагалай жайлай дәuletің
Жасыл шөбі қуармай,
Жарқырап жатқан өзенің,
Жайдары жүзің жабылмай,
Жайдақтап қашып сабылмай,
Жан біткенге жалынбай,
Жақсы өліпсің, япырмай!

* * *

**Кешегі Оспан,
Бір бөлек жан,
Үйі — базар, түзі — той.
Ақша, нәрсе
Ала берсе,
Ат та мінсе, көнді ғой.**

**«Ала берден»,
«Келе көрден»
Бір күн басын бұрды ма?
Келді қаптап,
Алды сап-сап,
Кетті мақтап, тұрды ма?**

**Жауға мылтық,
Досқа ынтық,
Жан асағ ма осыдан?
Қорықпай өтті,
Жанға жетті,
Арман етті досынан.**

**Ел тамағын,
Жұрт азабын
Жеке тартқан кетті ер.
Сондай ерді —**

«Ала берді»
 Табар енді біздің ел!

Өлді Оспан,
 Кетті шопан,
 Енді кім бар бақ қонар?
Үрла-қарла,
Жүртты шарла,
Ойла, барла — не болар?

Жүрт тынымсыз,
 Бәрі ұғымсыз,
 Енді оларға сөз де жоқ.
Сырты абыз бар,
Желқабыз бар,
Алты ауыз бар — өзге жоқ.

* * *

Құлімсіреп аспан түр,
Жерге ойлантып әр нені.
Бір себепсіз қайғы құр
Баса ма екен пендені?

Қапамын мен, қапамын,
Қуаныш жоқ көңілде.
Қайғырамын жатамын,
Нені іздеймін өмірде?

Қайтты ма көңіл бетімнен,
Яки бір қапыл қалдым ба?
Откен күнге өкінбен,
Әм үміт жоқ алдымда.

Іздегенім тәтті үйқы,
Дүниені ұмытып.
Өлімнің сұық тым сыйқы,
Тұрсын өмір жылдытып.

Көз үйқыда, ой тыншып,
Дем алып жатсын көкірек.
Кім таласса, кім ұрсып,
Көрсем оны — сол керек.

Өзім аулақ бетінен,
Бір орында оңаша,
Дүние деген не деген —
Қыла жатсам тамаша.

Мансап іздер, мал қуар,
Бәрі мақтан іздеген.
Мақтанынан не туар,
Ыза қылып өзгеден?



* * *

**Ысытқан, сұытқан
Бойынды бір көңіл.
Дүниені ұмытқан
Құмарың тозар, біл.**

**Әуелгі кезінде
Қайтпаган көңілдің,
Есептеп өзің де,
Тұрінен өмірдің.**

**Бір жақсы күнім деп,
Қызықпен сөйлесіп.
Артынан «ол нем?» деп
Ұялып кезнесіп¹.**

**Бір ақымақ әңгіме
Сықылды көрінер.
Онысын өңгеге
Айтуға ерінер.**

**Айтуға білсе, ерінбес,
Надандықпен жеңілмес.
Білген кісі айтса оған,
Надандығы кемімес.**

¹ Қысылу, қызару мағынасында.

* * *

Бойы бұлғаң,
Сөзі жылмаң
Кімді көрсем, мен сонан
Бетті бастым,
Қатты састьим,
Тұра қаштым жалма-жан.

Өз ойында,
Тұл бойында
Бір міні жоқ пендесіп,
Түзде мырзаң,
Үйде сырдаң,
Сөзі қылжаң еркесіп.

Бас құрасып,
Мал сұрасып,
Бермегенмен кетісер.
Адам аулап,
Сыпыра саулап,
Байды жаулап жетісер.

Сөз қыдыртқан,
Жүрт құтыртқан,
Антын, арын саудалап.

Бұтты-шатты,
Үй санатты,
Байдан атты алмалап.

Кедейі — ер,
Кеселі зор,
Малды байдан сорлы жоқ.
Аш көмектің,
Жемдемектің,
Босқа әлектің орны жоқ.

Ел қағынды,
Мал сабылды,
Ұрлық, өтірік гуде-гу.
Байы — баспақ,
Биі саспақ,
Әулекі аспақ сыпыра қу.

Ақы берген,
Айтса көнген,
Тыныштық іздер елде жоқ.
Аққа тартқан,
Жөнге қайтқан,
Ақыл айтар пенде жоқ.

Әз тұтуға,
Сыйласуға
Қылмады жан бір татыр.
Сыпыра батыр,
Пәле шақыр,
Болдың ақыр тап-тақыр.

Су жағар ма,
Сөз үғар ма,
Сыпыра жылмаң желбуаз?
Айтты — көндім,
Алды — бердім,
Енді өкіндім — өзіме аз.

* * *

**Жақсылық ұзақ түрмайды,
 Жамандық әр кез тозбайды.
 Үміттің аты елеріп,
 Қос тізгінді созбайды.
 Қанша тепкі салсаң да,
 Уайымнан озбайды.
 Бір қайғыны ойласаң,
 Жүз қайғыны қозгайды.
 Жер қорығыш желгек шал
 Желіп жүріп боздайды.**

**Құрсаған бұлт ашылмай,
 Аспанның жүзі көгермес.
 Үрпейген жүрек басылмай,
 Талапты көніл елемес.
 Шырайды қайғы жасырмай,
 Күлкінің ерні кезермес.
 Шыдасаң есті қашырмай,
 Құлдатып, қор қып жібермес.**

**Кез келсе қайғы қат-қабат,
 Қаңғыртпай қоймас адамды.
 Қасиетсіз туған — о да жат,
 Құңқілден берер сазанды.**

Бәрінен де сол қымбат,
 Қайтерсің өңкей нағанды.
 Сыпыра батыр сүм құрбәт¹
 Мақтанмен алды мазамды.

Сүмде жаңа балдар
 Балшылар боласын.
 Сүмде де сұбады,
 Еуралың үсті ессе.

Пәннегер таңырым.
 Табиғаттың тәсілі.



¹ Құрбәт, көрбәт (парсыша) — жақындық, тұысқандық.

* * *

**Антпенен тарқайды,
Жиылса кеңеске.
Ор қазып байқайды
Туа жау емеске.**

**Антасып алқайды¹
Сен тентек демеске.
Кім анттан шалқайды
Амал жоқ жемеске.**

**Аз адам шаршайды,
Ебіне көнбеске.
Бас ыңғай қайқайды,
Амал жоқ өлмеске.**

**Ел састы, аңқайды,
Би тартты егеске.
Жүрттагы мал жайды
Ой қылар бермеске.**

**Өсімге қол жайды,
Тай алып серкешке.
Алмаса ол тайды,
Дап-дайын көрмеске.**

¹ Алқайды — қостайды, қолдайды деген мағынада.

**Кедей би жантайды
Сауыр мен өркешке.
Саумаққа ол байды,
Кенесер би кешке.**

**Қайғы қып болмайды,
Өкпелеп білмеске.
Сүйтсе де онбайды,
Бұрынғы түсті еске.**

**Пысықтар шалқайды,
Таласып теңдеске.
Қағысып шонтайды
Өзімен жемдеске.**

**Таласып тарқайды
Ақшадан төрт-беске.
Бірлікті шайқайды,
Араз боп өнбеске.**

* * *

**Қарашада өмір тұр,
Тоқтатсаң тоқсан көнер ме?
Арттағы майдың көнділ жүр,
Жалынсаң қайтып келер ме?**

**Майдың жұрттың іші — қар,
Бәйшешек қарға өнер ме?
Ішінде кімнің оты бар,
Қар жауса да, сөнер ме?**

**Талаппен ұшып, талпынып,
Шартарапты көзdemес.
Пайданы қуып алқынып,
Өзгені әсте сөз демес.**

**Кеудесі — толған құлық ой,
Бәрі де пысық, езбе емес.
Құмары оның айт пен той,
Пайда мен мақтан, өзге емес.**

**Алдадым, ұрдым, қырдым деп,
Шалықтап, шалқып, шаттай ма?
Қапысын аңдып тұрдым деп,
Құлығын бұлдан саттай ма?**

Момыннан жаман қорқақ жоқ,
«Қу», «пысық» деген ат қайда?
Арсыз болмай атақ жоқ,
Алдамшы болмай бақ қайда?



* * *

Жас өспірім замандас қапа қылды,
 Сабыр, ар жоқ, аял жоқ, ілді-жұлды.
 Тұрлау қылып еш нәрсе басқара алмай,
 Сенімі жоқ серменде өңкей жынды.

Жамандық, жақсылық пен — оған бір бәс,
 Дін ісін, құдай ісін айыра алмас.
 Арын сатып, ант үрып іздегені —
 Бір семіз ат, аяғы бір табақ ас.

Тұрлаусыздың қолынан не келеді?
 Үнтасыз қайтіп өнер үйренеді?
 Енбекі жоқ, еппенен мал табам деп,
 Сендерге алмай, сене алмай, сенделеді.

Онда оны алдайды, мұнда мұны,
 Жанын берсе, табылмас сөздің шыны.
 Алты жақсы жүз жылқы болған басы
 Бір семіз ат болады оның құны.

* * *

Ғашықтың тілі — тілсіз тіл,
Көзбен көр де, ішпен біл.
Сүйісер жастар қате етпес,
Мейлің илан, мейлің күл.

Ол тілге едік оңтайлы —
Қаріпсіз біліп сондайды.
Біліп-ақ, ұғып қоюшы ек,
Енді ішіме қонбайды.

* * *

Әсемпаз болма әр неге,
 Өнерпаз болсаң, арқалан.
 Сен де — бір кірпіш, дүниеге
 Кетігін тап та, бар қалан!

Қайрат пен ақыл жол табар,
 Қашқанға да, құғанға.
 Әділет, шапқат¹ кімде бар,
 Сол жарасар туганға.


Бастапқы екеу соңғысызыз
 Біте қалса қазаққа,
 Алдың — жалын, артың — мұз,
 Барар едің қай жаққа?

Пайданы көрсөң бас ұрып,
 Мақтанды іздеп, қайғы алма.
 Мінінді ұрлап жасырып,
 Майданға түспей бәйгі алма.

Өзінде бармен көзге ұрып,
 Артылам деме өзгеден.
 Құнестігін қоздырып,
 Азапқа қалма езбеден.

¹ Шапқат, шәфхат (арабша) — аяу, рахым ету.

Ақырын жүріп, анық бас,
 Еңбегің кетпес даға.
 Ұстадық² қылған жалықпас
 Үйретуден балаға.



²Ұстад, өstad (парсыша) — 1) үйретуші, оқытушы, тәрбиеші; 2) ұста;
 3) профессор.

ЕСКІЛІК КИІМІ

**Ойланып, ойға кеттім жұз жылғы өткен,
Тон қабаттап кигенім — шидем шекпен.
Жейде-дамбал ақ саңнан, жарғақ шалбар,
Жырым балақ матамен әдіптеткен.**

**Мықшима аяғымда былғары етік,
Киіз байпақ тондырмас ызғар өтіп.
Үлкен кісе белімде жез салдырған,
Шақпағым, дән дәкуім¹ жарқ-жүрқ етіп.**

**Құләпера бастырған пүшпақ тымақ,
Ішкі бауын өткізген тесік құлақ.
Тобылғыдан кесіп ап, жіппен қадап,
Артын белге қыстырған бар құрысқақ².**

**Қалмақ қара үзенгі, биік қасты ер,
Қанжығамда байлаулы жілтеп шідер.
Жарғақ жастық, көпшігім, жезді пыстан³,
Бір келісті сайманым топқа мінер.**

¹ Дән дәкуім — кісенің оқшантаймен қатар тұратын былғары қалтасы.

² Құрысқақ — тобылғы тиек.

³ Пыстан — бәстән (парсыша). Ердің үстіндегі көпшікті алды-артынан бастырып қоятын, үстіне жез қапталған, былғарыдан істелген тұрман.

ӘБДІРАХМАН НАУҚАСТАНЫП ЖАТҚАНДА

Я, құдай, бере көр,
Тілеген тілекті.
Қорқытпай орнықтыр
Шошыған жүректі.

Шын жүрек елжіреп,
Алладан тілеймін.
Шын қалқам осы күн
Болып түр керекті.

Жүргегім сұылдан,
Сүйегім шымырлан,
Алладан тілеймін
Құпия сыйырлан.

Зар етсе пендесі,
Бермей ме Алласы.
Тән саулық қалқама,
Қабыл боп көз жасы.

Не жазам, япырмау,
Қол шорқақ, тіл мақау.
Сәләмат өзінді
Кешікпей көрсем-ау.

Бір сұып, бір ысып,
Барады іш пысып,

**Жүзінді бір көріп,
Сүйгенше бір құшып.**

**Бір үміт, бір хауіп,
Көңілге жол тауып,
Кірген соң сөз қынын,
Әр неге ой ауып.**

**Екі ай-ақ не қылышп,
Басқаша ауырып,
Япырмай, докторлар
Жүрмесін жаңылып.**

**Жарылып ауыз ашты,
Жарасы жарасты.
Жарасыз біреуі
Неліктен үйқы ашты.**

**Алмаса докторға
Нанбаңыз соққырға.
Визитке төлемей,
Шырағым, бос қалма.**

**Ол жесін, ол жұтсын,
Шырайын жылтыссын.
Ақшаны аяма,
Үйқыны тыншытсын.**

**Әбсәмет жиенің,
Ол — сениң біреуің.
Достығын достықпен
Өтемек — тілеуім.**

**Көңілдің, хоштығы —
Ол оның достығы.
Барар ем, қолымның
Болмады бостығы.**

Сарғайды жүзіміз,
 Сарылды көзіміз.
 Қатайып сауықсан
 Сағынған өзіңіз.

Хатымды көріңіз,
 Көңілді бөліңіз.
 Қуатың ерік берсе,
 Кешікпей келіңіз.

Тау өскен жеріңіз,
 Тұысқан еліңіз
 Зар боп түр көруге,
 Үнатса көңіліңіз.

Уайым жеуліміз,
 «А, Құдай» деуліміз.
 Жазылып келсеңіз,
 Гұлденер өміріміз.

ЭБДІРАХМАНҒА

**Алланың рахматын
Жар тұтып әр неге.
Әр рахман¹ ол атын
Үйреткен жүмлеге²**

**Дұганың қуатын
Жіберме өндеге.
Әбіштің сыйхатын³
Беркітсең кеудеге.**

**Рәушан сипатын
Тез көрсет пендеге.
Осындай шапқатын
Ұмытам мен неге?**

**Зар хатым — бұл хатым,
Бізді тыныш жүр деме.
Азайып қуатым,
Денем жүр көрмеге.**

**Бұл — жазған сұңғатым⁴,
Көңіл ашар бір наме⁵.
Менің сол рахатым
Көзіме сүрмелеге.**

¹ Рахман (арабша) — аяушы, мейірім етуші (Алланың бір аты).

² Жүмле, жөмәле (арабша) — жалпы, жиынтық.

³ Сыйхат (арабша) — есендік, саулық, сәлеметтік.

⁴ Сұңғат, сангат (арабша) — көркем шығарма мағынасында.

⁵ Наме (парсыша) — хат, жазылған нәрсе, кітап мағынасында.

ӘБДІРАХМАНҒА КӘКІТАЙ АТЫНАН ХАТ

Тілім, саған айтайын,
 Осы сөздің келісін тап.
 Қолым, сені қайтейін,
 Қаламды тұрдың қатты үстап.

Жүректің сөзін сөйле, тіл,
 Жалғаны жоқ бояма.
 Қу көсे¹ қандай өзімшіл,
 Бір сынамай қоя ма?

Махаббатпен қарап бақ,
 Тамыр соқса солқылдаپ.
 Мен жазайын сізге хат,
 Оқып көрсін ол шындал.

Оқып көріп байқасын,
 Мағынасы ішке кіре ме?
 Үрлаған сөз деп айтасың,
 Сөз үрлыққа жүре ме?

Кісі айтпаған сөз бар ма,
 Тегіс үғар қай құлақ?
 Сөккениң оны ұнап ма,
 Үйренген сөзге мен де ортақ.

¹ Өзінің құрдасы Мағауияға әзіл.

Тұла бойым, балқи көр,
 Эбіш ағам дегенде.
 Мейлің, Магаш, шалқи бер,
 Не десен де сөгем бе?

Көріскен соң бір дидар,
 Алла оңғарып келгенде,
 Сынаушы сонда табылар
 Мұнда жатқан елден де.

Төсекке менің жатуым —
 Үйқыға әбден талған соң,
 Үстазым мен татуым
 Сен екеуің болған соң.

Жас жүргім қозғалса,
 Бір Аллаға тілегім.
 Ол қарағым оңалса,
 Тыншыр еді жүргім.

Жүздерінді сау көрсем,
 Екі көзім нұры еніп.
 Қосылысып бір жүрсем,
 Эр нәрсені үйреніп.

Жерің алыс, жете алмай,
 Магаштан да мен сорлы.
 Қызметінді ете алмай
 Қалмас едім сол құрлы.

ӘБДІРАХМАНҒА КӘКІТАЙ АТЫНАН ХАТ

Көзімнің нұрысызыз,
Сілсіз жоқ қуаныш.
Өмірдің гүлісіз,
Көңіліме жұбаныш.

Зар қылып тілеймін
Рақыматын Алланың.
Елжіреп жылаймын,
Көңілін аш пенденің.

Сыйхатын қалқама,
Бере гөр, я, рахим.
Тілегім — бұл ғана,
Қайғымды қыл шағын.

Ағатай, сағындым,
Есен-сау көрмекке.
Сөз таппай аңырдым,
Оқыңыз ермекке.

Осы күн өмірімнің
Ешбір жоқ қызығы.
Жаралы көңілімнің
Жазылмай сызығы.

Мақсатым хатымды
Аз уақыт болса ермек.
Сөзім жоқ татымды,
Хошлықпен көріспек.

ҚЫЗДАРҒА

**Қойдан қоңыр, жылқыдан торы Бәкен,
Адалдыққа бар елдің зоры Бәкен.
Ұры-қары көбейіп, к... шемейтіп,
Неге болды бар елдің қоры Бәкен?**

**Лекер, Бітімбай мен Аталақты,
Жанқожадан кім көрген қапалықты?
Байұзақ одан соңғы адамы еді,
Бәрі де кісі-ақ еді хасалықты¹.**

**Дауылбай Қыздар менен айпар-жайпар,
Екеуі бітім десе басын шайқар.
Екі елерме бітімге жөн келер ме,
Ақылы болмаған соң артын байқар?**

**Сөзіңің басы ыржаң, соңы қылжаң,
Жүгендің жүре бермек — сенің ырзаң.
Сенен күшті кісілер не боп жатыр,
Заманыңың тарлығын ойла, мырзам.**

**Шотқара кірсе алдаң, шықса күлген,
Елірмелі Досаққа кісімсінген.
Бұл топта маған айтар кісі бар ма,
Дауылбай мен Қыздардың жөнін білген?**

¹ Келісті, кемел.

Айтқожаның құлығы сені елірткен,
Бір дем салса, күшіктей соңына ерткен.
Менің терім тарылыш келе жатыр,
Бұрын кісім емес ең жалғыз шерткен.



Он көрді де дәлде, алаңда, шаңда.
Ал көңілкөз үршін күрді, күрдіңің
Бірдей ойнады, солынды, шынайы да
Диңгелек, шынайы да, көз дүккен, шынайы да.

Шынайы да, көз дүккен да, көз дүккен да.
Мендер білес, сөйкештің түрі Айна да.
Көрдің көзін бірнеше күйрек шынайы да.
Күйрек шынайы да, күйрек шынайы да.

* * *

**Талай сөз бұдан бұрын көп айтқанмын,
Түбін ойлап, уайым жеп айтқанмын.
Ақылдылар арланып ұялған соң,
Ойланып түзеле ме деп айтқанмын.**

**Қазақтың өзге жүрттан сөзі ұзын,
Бірінің бірі шапшаң ұқпас сөзін.
Көздің жасы, жүректің қаныменен
Ерітуге болмайды ішкі мұзын.**

**Жүртим-ай, шалқақтамай сөзге түсін,
Ойланшы, сыртын қойып, сөздің ішін.
Ұржандамай тыңдасаң нең кетеді,
Шыгарған сөз емес қой әңгіме үшін.**

**Адасып алаңдама, жол таба алмай,
Берірек түзу жолға шық, қамалмай.
Не ғылым жоқ, немесе еңбек те жоқ,
Ең болмаса кеттің ғой мал баға алмай.**

* * *

Аш қарын жұбана ма майлы ас жемей?
Тоқ тұра алмас дәмдіден дәмді іздемей.
«Бір тойған — шала байлық» деген қазақ,
Ет көрінсе, қайтеді қүйсей бермей?

Еңбек жоқ, харекет жоқ қазақ кедей,
Тамақ аңдып қайтеді тентіремей?
Ет пен қымыз сықылды ас жоқ дейді,
Ол немене жоқтықтың әсері емей?

Ет, қымыз тамақ болса әркімге арзан.
Тәтті, дәмді іздер ең онан да әрман.
Өз пұлышмен халіқ жоқ қүнде тояр,
Құлдық ұрып асайсың асы бардан.

Өз үйінен тоярга қолың қысқа,
Ас берер ауыл іздеп жүрсің босқа.
Бір жілік пен бір аяқ қымыз берген
Дереу сені жұмсайды бір жұмысқа.

Жалға жүр, жат жерге кет, мал тауып кел,
Малың болса, сыйламай тұра алмас ел.
Қаруыңның барында қайрат қылмай,
Қаңғып өткен өмірдің бәрі де жел.

Тәуекелсіз, талапсыз мал табылмас,
 Еңбек қылмас еріншек адам болмас.
 Есек к... и жусаң да, мал тауып кел,
 Қолға жүқпас, еш адам кеміте алмас.

Кұлық, сұмдық, ұрлықпен мал жиылмас,
 Сұм нәпсің үйір болса, тез тыйылмас.
 Зиян шекпей қалмайсың ондай істен,
 Мал кетер, мазаң кетер, ар бұйырмас.

Асаған, ұрттағанға ез жұбанар,
 Сенімді дәulet емес сен қуанар.
 Еңбек қылмай тапқан мал дәulet болмас,
 Қардың суы сықылды тез суалар.

Мінер атын, киімін ып-ықшам қып,
 Сымбаттанып, сымпиып тاماқ аңдып,
 Бұрандарап жылды жүзін асқа сатқан
 Антурғанға қосылмай кетсін қаңғып.

Құлдіргіштеу, құлкішіл, қалжынға ұста,
 Кезеген ит тым-ақ көп біздің тұста.
 Өз үйінен жиреніп, қашып жүрген
 Антурғанға қосылма қапылыста.

* * *

Балалық өлді, білдің бе?
Жігіттікке келдің бе?
Жігіттік өтті, көрдің бе?
Кәрілікке қоңдің бе?
Кім біледі, сен кәпір,
Баяндыдан сөндің бе,
Баянсызға төндің бе?
Әлде, айналып, кім білер,
Боталы түйе секілді,
Қорадан шықпай өлдің бе?

* * *

Лай суга май бітпес қой өткенге,
 Құлеміз қасқыр жалап, дәметкенге.
 Сол қасқырша алақтап түк таппадым,
 Көңілдің жайлалауынан ел кеткен бе?

Берген бе Тәңірім саған өзге туыс?
 Қыласың жер-жиһанды бір-ақ уыс.
 Шарықтап шартараптан көніл сорлы
 Таппаған бір тыянақ не еткен қуыс?

Күні-түні ойымда бір-ақ Тәңірі,
 Өзіне құмар қылған оның әмірі.
 Халиқ¹ махлұқ ақылы жете алмайды,
 Оймен білген нәрсенің бәрі — дәърі².

Өзгені ақыл ойға қондырады,
 Біле алмай бір Тәңіріні болдырады.
 Талып ұйықтап, көзінді ашысымен,
 Талпынып тағы да ойлап зор қылады.

Көнілге шек, шүбәлі ой алмаймын,
 Сонда да оны ойламай қоя алмаймын.

¹ Халик (арабша) — Алланың есімдерінің бірі.

² Дәъри (арабша) — ақыретке сенбейтін құдайсыз, дінсіз. Бұл жерде сенімсіз, күдікті деген мағынада.

Ақылдың жетпегені арман емес,
Құмарсыз құр мұлгуге тоя алмаймын,

Мекен берген, халық қылған ол ләмәкан³
Түп иесін көксемей бола ма екен?
Және оған қайтпақсың, оны ойламай,
Өзге мақсат ақылға тола ма екен?

Өмір жолы — тар соқпақ, бір иген жақ,
Иілтіп екі басын ұстаған хақ.
Имек жолда тыянақ, тегістік жоқ,
Құлап кетпе, тура шық, көзіңе бақ.

³ Ләмәкан (арабша) — мекенсіз.

* * *

**Өлсө өлер табиғат, адам өлмес,
Ол бірақ қайтып келіп, ойнап-күлмес.
«Мені» мен «менікінің» айрылғанын
«Өлді» деп ат қойыпты өңкей білмес.**

**Көп адам дүниеге бой алдырған,
Бой алдырып, аяғын көп шалдырған.
Өлді деуге сыя ма, ойланғаршы,
Өлмейтұғын артына сөз қалдырған?**

**Кім жүрер тіршілікке көңіл бермей,
Бақи¹ қоймас фәнидің² мінін көрмей.
Міні қайда екенін біле алмассың,
Терен³ ойдың телміріп соңына ермей.**

**Дүниеге дос ақиretке бірдей болmas,
Екеуі тап бірдей боп орныға алmas.
Дүниеге ынтық, мәхшарға³ амалсыздың
Иманын түгел деуге аузым барmas.**

¹ Бақи (арабша) — мәңгілік, мәңгі жасаушы.


² Фәни (арабша) — өзгеретін, бітетін, өткінші жалған дүние.

³ Мәғшар (арабша) — ақыр заман болғаннан кейін адам баласының күнәсі тек серілетін орын.

ӘБДІРАХМАН ӨЛГЕНДЕ

Арғы атасы қажы еді
Бейіштен татқан шәрбәтті.
Жарықтықтың өнері
Айтуға тілді тербетті.
Адалдық, ақыл жасынан
Қозғапты, тыныштық бермепті,
Мал түгіл жанға мырза еді,
Әр қыынға серменті.
Мұнды, шерлі, жоқ-жітік
Аңсап алдын кернепті.
Бәрінің көңілін тындырып,
Біреуін ала көрмепті.
Әділ, мырза, ер болып,
Әлемге жайған өрнекті.
Тәубесін еске түсіріп,
Тентекті тыйып, жерлепті.
Қазақтың ұлы қамалап,
Іздең жүзін көрмек-ті.
Ақылынан ап қайтқан
Өлгеніше болар ермекті.
Ол сыпатты қазақтан
Дүниеге ешкім келмепті.
Өлмейтін атақ қалдырып,
Дүниеге көңілін бөлмепті.
Жарлығына Алланың,
Ерте ойлаған көнбек-ті.

Олар да тірі қалған жоқ,
 Тірлік арты өлмек-ті.
 Оны да алды бұл өлім,
 Сабырлық қылсақ керек-ті.





* * *

Кешегі өткен ер Әбіш
Елден бір асқан ерек-ті.
Жүргегі — жылды, бойы — құрыш,
Туысы жаңнан бөлек-ті.
Өнері оның жүрт асқан,
Фылымға көңілі зерек-ті.
Аямаған ғаріптен
Қолдан келген көмекті.
Кісіге сідет¹ жүктетпей,
Еңбекпен тапқан қоректі.
Біреудің қылған қарызын
Айтқызбай артық төлепті.
Боямасыз ақ көңіл,
Кірлетпей кетті жүректі.
Ойламаған өлімнен
Жасқанамын демек-ті.
Тағдырға тәбділ² бола ма,
Сабырлық қылсақ керек-ті.

¹ Сідет (арабша) — міндепт.

² Тәбділ (арабша) — өзгеру (өзгерту), ауысу (ауыстыру).

ӘБДІРАХМАН ӨЛГЕНДЕ

Тұла бойың ұят-ар едің,
Ескеріп істеп, ойлаған.
Тәуекелге нар едің,
Талаппен терең, бойлаған.
Ерлікке де бар едің,
Үйренуге тоймаған.
Жасқа жас, ойға кәрі едің,
Атаңың атын жоймаған.
Замана, неткен тар едің,
Сол қалқамды қоймаған?!

ӘБДІРАХМАН ӨЛГЕНДЕ

Жиырма жеті жасында
Әбдірахман көз жұмды.
Сәулең болса басында,
Кімді көрдің бұл сынды?

Дүниелікке көңілі тоқ,
Ағайынға бауырмал.
Тәкаппар, жалған онда жоқ,
Айнымас жүрек, күлкің — бал.

Ғылым оқып білгенше
Тыным, тыныштық таппаған.
Дүниені кезіп көргенше
Рахат іздел жатпаған.

Ұзақ өмір не берер,
Көрген, білген болмаса?
Жатқан надан не білер,
Көнілге сәуле толмаса?

Петербурда-ақ кідірмей,
Біліпті дерттің барлығын.
Тәуекел қып білдірмей,
Күтіпті тәнірі жарлығын.

Қалжыны, шыны аралас,
Өмірім аз деп білдіріп,

Бөтен көзде көрсө жас,
Ойнаймын деп, күлдіріп.

Аз өмірін ұзайтқан,
Фылымға бойы толған соң.
Көрген жерін молайтқан,
Оқып, біліп болған соң.

Қырым, Кавказ, Түркістан,
Ресей, Сібір қалмады.
Хабарланып әр түстен,
Көрмей дамыл алмады.

Қүйрықты жұлдыз секілді,
Туды да, көп түрмады.
Көрген, білген өкінді,
Мін тағар жан болмады.


Тәуекел зор, ақыл мол,
Қорықпай тосқан тағдырын.
Қынысынбай өлімді ол,
Білдірмеген еш сырын.

Ата-ананың қызметін,
Алған жардың қарызын,
Өтемей кеткен бейнетін,
Қағазға жазған арызын.

Көргені мен білгени
Жүзге келген шалдан көп.
Бізге уайым жегені —
Арманда боп қалды деп.

Жаңа жылдың басшысы — ол,
Мен ескінің арты едім.
Арман деген аңы сол,
Сүйекке тиді, қарт едім.

Қайғы болды қүйгендей
Ол қуатым еді рас.
Көзге қамшы тигендей,
Шыр айналды артқы жас.



ӘБДІРАХМАН ӨЛГЕНДЕ

Талаптың мініп тұлпарын,
Тас қияға өрледің.
Бір ғылым еді іңкәрің,
Әр қынға сермедің.

Көзінді салдың тұргыға,
Бейнетін қыны көрмедің.
Бірге оқыған құрбыға
Бас бәйгені бермедің.

Бала болдың, жас болдың —
Жалғандыққа ермедің.
Төре болдың, бас болдың —
Көкірегінді көрмедің.

Ел ішіне сау келсөң,
Тағылым айтпас ер ме едің?
Жол көрсетіп сонда өлсөң,
Арманым бар дер ме едім?

Іздең табар жалғаннан,
Бала берген пенде едім.
Пенде өлмейді арманнан,
Мінеки, мен де өлмедім.

ӘБДІРАХМАНҒА

Орынсызды айтпаған,
 Тұзу жолдан қайтпаған;
 Жақсылық қылар орында
 Аянып бойын тартпаған.
 Ортасында кәпірдің
 Арамынан татпаған.
 Өмір бойы талпынып,
 Фылым іздең, жатпаған.
 Түрленіп төре болдым деп,
 Есерленіп шатпаған.
 Жұз мың теңге келсе де,
 Махаббатын сатпаған.
 Жүйріктікпен шалқымай,
 Тура сөзді жақтаған.
 Бала айтса да хак сөзді,
 Бұрылмастан тоқтаған.
 Отіріксіз турашыл,
 Еш сөзі жоқ таппаған.
 Сыйласарлық кісіге,
 Түк қалмайтын сақтаған.
 Бауырларын еркейтіп,
 Не сұраса қақпаған.
 Білдіруші ең үндемей,
 Істі қылған жақпаған.
 Ағайын мен тұғанды
 Тірілікте мақтаған.

ӘБДИРАХМАН ӨЛГЕН СОҢ ӨЗІНЕ АЙТҚАН ЖҰБАТУЫ

Бермеген құлға, қайтесің,
 Жұлынарлық ерікті.
 Ажал тура келген соң,
 Шыдатпайды берікті.
 Фаріптікке көз жетті,
 Алғанин соң, серікті.
 Өмірін берген құдайым
 Ажалын да беріпті.
 Сақта дейміз, қайтеміз,
 Ілінген жалғыз тіректі.
 Тағдырына тәбдил жоқ,
 Тәубе қылсақ керек-ті.
 Кәркиден, пілдей қуатты,
 Тағы арыстан жүректі,
 Аплатон, Сократ ақылды,
 Қаңарман Гали білекті.
 Өз заңымша ұқсаттым,
 Берген құдай тілекті.
 Оспанды алған бұл өлім,
 Тәубе қылсақ керек-ті.

Мұсылманға қоймаған
 Орынсыз жанжал шатақты,
 Ерегіскен жауларын
 Кісен салып матапты.
 Зекет жиып, егін сап,
 Тойдырган ғаріп, жатақты.

Ескендер, Темір, Шыңғыстай
Мұсылманды атақты.

Мұқым қазақ баласы,
Тегіс ақыл сұрапты.
Тобықтыны ел қылып,
Басын жиып құрапты.
Мекеде уақып¹ үй салып,
Пәтер қып, жаққан шырақты.
Бір құдайдың жолына
Малды аямай бұлапты.
Ажал уақыты жеткен соң,
Соның да гүлі қурапты.
Қажыны² алған бұл өлім,
Сабыр қылсақ керек-ті.

¹ Уақып, вәкиф (арабша) — мешіт, медресе пайдасына берілетін мал, дүние. Бұл жерде Меккеге барғандар жататын үй сатып алған бергенін айтады.

² Қажы деп өз әкесі Құнанбайды айтады.

ЭБДІРАХМАННЫҢ ЭЙЕЛІ МАҒЫШҚА АБАЙ ШЫҒАРЫП БЕРГЕН ЖОҚТАУ

Жылағанды тоқтатып,
Ынсап қылсақ жарайды.
Қоймасаң, қайғы ауыр боп,
Тұл бойыңа тарайды.
Қызыл гүлің суалып,
Ақ көнділің анық қарайды.
Һеммә жанды ауылымен
Патша құдай сынайды.
Бір сен емес, жылатқан
Сыңарын алып талайды.
Бәрімізді аясан,
Тоқтау қылсаң ұнайды.
Ұмытқаның жарамас
Жаратушы Құдайды.
Халық билеген патшалар,
Уақыты жетсе, құлайды.
Дәл уақыты жеткенде,
Талайдың гүлі қурайды.
Рәсүлді¹ алған бұл өлім
Кімнен жөнді сұрайды?
Қандай адам бұлқынып,
Бұған көнбей тулайды?
Мен білемін, қайтейін,
Мұндай асыл тумайды.
Қанша жылап налысаң,

¹ Рәсүл (арабша) — Алланың пенделеріне жіберген елшісі. Бұл жерде Мұхаммед пайғамбарды айтады.

Сонда да ерікке қоймайды.
 Алғысы келсе, дүниенің
 Айтқанына болмайды.
 Ойласаңшы, Мағышым,
 Кімнің гулі солмайды?
 Артын тіле құдайдан,
 Бір қалыпты тұрмайды.
 Үсті-үстіне бастаса,
 Сонда пенде оңбайды.
 Жылама, Мағыш, жылама,
 Алладан өлім тілеме!
 Қолдан үшқан ақ сұнқар
 Қайтып келіп қонбайды.
 Бір шешеден тұганда,
 Бәрінен кетті тәуірім.
 Көтермеске амал жоқ,
 Көрдім дүние ауырын.
 Аясаншы, апырмау,
 Эке, шеше, бауырын!
 Бойды жеңіп, тоқтау қып,
 Сұрасаңшы ақырын!
 Тоқтамады, тұрмады,
 Кетті ортадан асылым.
 Тәкаппар, зор қекіректі
 Көтере алмай басылдым.
 Тиянағым, тұрлауым,
 Енді кімге асылдым?
 Ойламадым тұғанды,
 Бір өзіңе бас ұрдым.
 Жалғыз сенен айрылып,
 Артыңа қарап аһ ұрдым.
 Ойламадым еш жанды,
 Өзіңе ердім оңаша.
 Рахаттанып, мақтанып,
 Қылушы едім тамаша.
 Шыны сорлы мен дағы,
 Мағыш байқап қараса.

ӘБДІРАХМАННЫҢ ЭЙЕЛІ МАҒЫШҚА АБАЙ ШЫҒАРЫП БЕРГЕН ЖҰБАТУЫ

Айналайын, құдай-ау,
Қапалық салдың жасымнан.
Шешенің зарын тарттырдың
Бес жасымда басымнан.
Сөйлемей пендे шыдамас
Қайғы отына ашынған.
Жарымды көрмей неше жыл,
Қапалықты асырган.
Жарымды алып қор қылдың
Жас өмірде тасынған.
Айырып, от қып өртедің,
Әбіш сынды асылдан.
Әбішті алып күл қылдың,
Қызылды гүлді жасылдан.
Тым болмаса қызмет қып.
Өткізбедім қасымнан.

Жиырма екі жасымда
Мен айрылдым жарымнан.
Жарық сәулө көрмедім
Шықталы ана қарынан.
Күйік күшті түскен соң,
Кетеді екен сабырдан.
Қызықты күнім қалмады
Жылаған айтып зарымнан.
Көре алмай зар боп айрылдым
Құдай қосқан жарымнан.
Өзгеше болып жаралған,

Таныган жан қалпынан.
Тілеуді кесіп құдайым,
Зарлатып қойды артынан.

Құдай салды жүрекке
Жалғанда бітпес жараны.
Көре алмай қор боп қалған соң,
Кете ме іштен арманы?
Сәулемді құдай алған соң,
Сарнамасқа шара не?
Кез келтірді құдайым
Құтылмас маған дараны.
Қалқамды алып, құдайым,
Басыма салдың қараны,
Өзі түгіл көрmedім,
Ізі жоқ басқан табаны.
Қүйдіріп, құдай алмады,
Пенденің құрып амалы.

Қылышына жете алман,
Қаншалық тілмен айтқанмен.
Басыца құдай беріпті
Өлшеусіз қылыш ақылын.

Сабыр мен талап беріпті,
Ақылың, рахымың қын-ды.
Өткен күнгі қызығым
Үйиқтап көрген түстен кем.

Қараңғы түнде қапалық
Жүректі басты, шықпас күн.
Қолдан келген қайратым —
Барымды айтып шықсан үн.
Көңілімнің, күні өшкен соң,
Қайғылы қара болар түн.

Жыламай пенде шыдамас,
Қарағымды алған соң.
Сағынып көрген қызықты

Көре алмай зарлап қалған соң.
 Ашпадың, Алла, қабақты,
 Қылмадың қабыл тілекті,
 Өле алмай шыдап отырмын
 Зор құдайым салған соң.

Шықтым ба деп ем, құдай-ау,
 Қызықты қүннің шетіне.
 Өшірмек Алла болған соң,
 Пенденің қоймас еркіне.
 Өлмектен басқа дауа жоқ
 Алланың салған дертіне.
 Құтылмас құл жол таппас
 Иенің салған өртіне.

Жалтыр құздан құладым,
 Қолымнан кетіп сүйеніш.
 Көңілімнің күні өшкен соң,
 Жалғанда болмас жұбаныш.
 Өмірді қылдың, Құдайым,
 Қызығы жоқ күйініш.
 Үмітсіз өмір бітірді
 Жүрекке мұз боп ерімес.
 Өзгеше болып жаралған
 Айырылдым қалқам жарымнан.
 Сол қалқамды қоймаган
 Замана неткен тар еді?
 Жасымнан өтті демегің,
 Күн шыққандай қараңғы
 Кешегі түннің жарығы.

Сабыр қылып шыдарға,
 Қайғы оты асты күшімнен.
 Қызықты күнім қалмады
 Эбішті көрген түсімнен.
 Сағыныш зарын білдірмей
 Жүруші едім ішімнен.
 Қылығың, қалқам, кетер ме
 Жалғанда менің ойымнан?

Сағынсам да алыстан,
 Жүруші ем күнше жылышып.
 Қызықтың заңғар басынан
 Корлыққа кеттім жығылып.
 Құдай қосқан қосақтан
 Жалғанда қалдым жырылып,
 Қайғында қалдым қамалып
 Қызығым кетті сырлылып.

Көре алмай қалдым қалқамның
 Дәл екі жыл қызығын.
 Жүректегі жазылмай,
 Тағдырдың салдың сызығын.
 Өмірдің, Алла, беріпсің
 Қунде өртерлік шыжығын.
 Баяны жоқ, байлаусыз,
 Тілекте жоқ бұзығын.

Сағынсам да үміт бар,
 Болушы еді қуаныш.
 Қалқамнан қалдым қарс үрып,
 Қайткенде болар жұбаныш?
Алла берген арманға
Ан үрсам болмас алданыш.
 Сабыр, тағат қылуға,
 Қоймады күйік бойыма ес.
 Эбіш сынды жарымнан,
 Айырылған соң барымнан,
 Жалғанда болмас жұбаныш!

* * *

Кешегі Оспан ағасы
Кісінің малын жемепті.
Мал сұраған кісіге
Жоқ, кайтемін демепті.
Қуаты артық, ойы кең,
Жұрттың бәрін шенепті.
Досына дәл жаз, жауға аяз,
Алысқанды денепті.
Адалдық үшін алысын,
Жегішке ақы төлетті.
Бас шайқаймын дегеннің
Басына салды әлекті.
Қадірі қалың, малы көп,
Қылмаған кімге себепті?
Алақолсыз мырза еді,
Кем-кетікті елепті.
Оны да алды бұл өлім,
Сабырлық қылсақ керек-ті.

НЕМЕРЕ ІНІСІ ӨЛГЕНДЕ АЙТҚАНЫ

**Көз жүмғанша дүниеден
 Иманын айтып кеткені-ай!
 «Бейсенбі ме бүгін?» деп,
 Жұмаға қарсы өткені-ай!
 Жер күніреніп, жұрт шулап,
 Ағайын түгел жеткені-ай!
 Жамиғат тоңбай, күн жылдып,
 Тәңірім рақым еткені-ай!
 Ием қабыл алды-ау деп,
 Көңіліме қуат біткені-ай!
 Қуаттанып бақсам да,
 Күнәлі нәпсім түйтпеді-ай¹.**

**Ата тегің мұндағы —
 Орта жүздің ұлығы;
 Ана тегің ондағы —
 Өзен судың тұнығы.
 Екі асылдан қосылған
 Сом алтынның сынығы.
 Өлгенше естен қалмайды
 Өзгеше біткен қылышы.**

**Қызыл балақ қыранның
 Балапанын дерт алды.
 Жеміс ағаш, бәйтерек
 Балдырганын өрт алды.
 Артына белгі тастамай,
 Жал-қүйрығын келте алды.**

¹ Төзімі жетпеді, шыдамады.

Ағайынды тоіғызбай,
Аз күн қоймай, ерте алды.
Көп жасамай, көк орган,
Күншіл дүние қас өлім.
Артына белгі қалдырмай,
Бауыры қатты тас өлім.
Жыламайын десе де,
Шыдарлық па осы өлім?
Орамды тілді ауыздым,
Ақылға жүйрік маңыздым.
Көп жасамай тез кетіп,
Көзімнің жасын ағыздың.

* * *

Малға достың мұңы жоқ, малдан басқа,
Аларында шара жоқ, алдамасқа.
Табысына табынып, қалтаң қағып,
Тойғанынан қалғанын берсе алашқа.

Мал жияды мақтанын білдірмекке,
Көзге шүқып, малменен күйдірмекке.
Өзі шошқа, өзгені ит деп ойлар,
Сорпа-сумен, сүйекпен сүйдірмекке.

Ақылды деп, арлы деп, ақпейіл деп
Мақтамайды ешкімді бұл күнде көп.
Осы күнде мал қайда, боқ ішінде,
Алтын алсаң, береді боғынан жеп.

Осыны оқып, ойлай бер, болсаң зерек
Еңбекті сат, ар сатып неге керек?
Үш-ақ нәрсе — адамның қасиеті:
Ыстық қайрат, нұрлы ақыл, жылды жүрек.

* * *

Тұғызған ата-ана жоқ,
 Тұғызарлық бала жоқ.
 Тұысқан-туған, құрбылас
 Қызығымен және жоқ.

Тулайын десе шара жоқ,
 Толықсып жүрер шама жоқ.
 Үйқы мен астан дәм кетіп,
 Сақалда, шашта қара жоқ.

Байбайшыл тартып, баға жоқ.
 Жаңастарға жаппас жала жоқ.
 Жат қораны күзеткен
 Қартай шалда сана жоқ.

* * *

Бір сұлу қыз тұрыпты хан қолында,
Хан да жанын қыяды қыз жолында.
Алтын-күміс кигені, камқа, торғын,
Құтуші қызы-келіншек жүр соңында.

Деген сөз: «Бұқа буға, азбан дуға»,
Хан қарық бол түсіп жүр айғай-шуға.
Етімді шал сыйпаған құрт жесін деп,
Жартастан қыз құлапты терең суға.

Сән-салтанат жұбантпас жас жүректі,
Кім де болса тұрғысын көксемек-ті.
Мезгілі өткен дәуренді қуалаған
Не қылсын бір қартайған қу сүйекті?

Кәрі, жас дәурені өзге тату емес,
Епке көнер ет жүрек сату емес.
Кімде-кім үлкен болса екі мүшел,
Мал беріп алғанменен қатын емес.

Есерлер жас қатынды тұтады екен,
Жас қайғысын білдірмей жұтады екен.
Ортасында бұлардың махаббат жоқ,
Тұсан қойып қашырағар бұқа ма екен?

Бай қартайса, малына берер шылбыр,
 Мал өмірді жаңғыртпас, құдай үргыр.
 Біреудің қызын алып малға сатып,
 Баяғыны іздеген қандай құрғыр?

Қатынның «қалай» демес ақсақал бай,
 Сонымен дос бол жүрсін, япрым-ай!
 Қу қатынның майысса, мәз боласың,
 Шайтанның шәкіртінің қылығын-ай!

Қартаң бай, қатты сақ бол, тілге көнсең,
 Мүйіз шығар қатынның тіліне ерсек.
 Тіпті оңбассың, өзіңе өзің мәз бол,
 Дастанқан мен қатынды мақтан көрсек.

Кінәсіз бәйбішемен болады араз,
 Жастың көңілі жылымас, ол өзіне аз,
 Біреуі — көк балдырган, бірі — қурай,
 Бір жерге қосыла ма қыс пenen жаз?

Үнем болмас қүйрықты бұландаған,
 Сауырына шапақтап, сүйіп жатқан.
 Екі көңіл арасы — жылшылық жер,
 Оны қайтіп қосады ол ант атқан?

* * *

**Сағаттың шықылдағы емес ермек,
Һәмишә¹ өмір етпек — ол білдірмек.
Бір минут бір кісінің өміріне ұксас,
Өтті, өлді, тағдыр жоқ қайта келмек.**

**Сағаттың өзі — ұры шықылдаған,
Өмірді білдірмеген, күнде ұрлаған.
Тиянақ жоқ, тұрлау жоқ, келді, кетті,
Қайта айналмас, бұрылмас бұлдыр заман.**

**Өткен өмір белгісі — осы сыйдыр,
Көңілді күнде сындыр, әлде тындыр.
Ақыл анық байқаған қылышынды,
Қу шыққансып қағасың босқа бұлдыр.**

**Күн жиылдып ай болды, он екі ай — жыл,
Жыл жиылдып, қартайтып қылғаны — бұл.
Сүйенген, сенген дәурен жалған болса,
Жалғаны жоқ бір Тәңірім, кеңшілік қыл.**

¹ Һәмишә (парсыша) — ылғи, үнемі.

* * *

**Көңіл құсы қүйқылжыр шартарапқа,
Адам ойы түрленіп ауған шақта.
Салған ән — көлеңкесі сол көңілдің,
Тактысына¹ билесін ол құлаққа.**

**Шырқап, қалқып, сорғалап, тамылжиды,
Жүрек тербеп, оятар баста миды.
Бұл дүниенің ләззеті бәрі сонда,
Ойсыз құлақ ала алмас ондай сыйды.**

**Үйиқтап жатқан жүректі ән оятар,
Үннің тәтті оралған мәні оятар.
Кейі зауық, кейі мұң, дертін қозғап,
Жас балаша көңілді жақсы уатар.**

**Адам аз мұны біліп ән саларлық,
Тыңдаушы да аз ол әннең бәъра аларлық.
Мұңмен шыққан, оралған тәтті күйге
Жылы жүрек қайды бар қозғаларлық?**

**Көбінесе ән басы келеді ашы,
«Кел, тыңда!» деп өзгеге болар басшы.
Керім толғап, таусар қаңғыр-күңгір
Сол жеріне ойынмен араласшы.**

¹ Тект (орынша) — бұл жерде өлеңнің ырғағы ретінде алынып отыр.

Эннің де естісі бар, есері бар,
 Тыңдаушының құлагын кесері бар.
 Ақылдының сөзіндегі ойлы күйді
 Тыңдағанда, көңілдің өсері бар.

Білімдіден аяман сөздің майын,
 Алты өлеңмен білдірдім әннің жайын.
 Ездің басы қаңғырсын, ердің көнілі
 Жаңғырсын деп ойладым айтқан сайын.
 Көкірегінде оты бар ойлы адамға
 Бұл сезімнің суреті тұрап дайын.

Өмірдің алды — ыстық, арты — суық,
 Алды — ойын, арт жағы мұңға жуық.
 Жақсы әнді тыңдасаң ой көзіңмен,
 Өмір сәуле көрсетер судай тұнық.

Жаманға «жар» деген-ақ ән көрінер,
 Жақсы ән білсе, айтуға кім ерінер?
 Жарамды әнді тыңдасаң, жаның еріп,
 Жабырқаған көнілің көтерілер.

* * *

Адамның кейбір кездері
 Көнілде алаң басылса;
 Тәңірінің берген өнері
 Кек бұлыттан ашылса.

Сылдырлап өңкей келісім
 Таң бұлақтың суындаі,
 Кірлеген жүрек өз ішін
 Тұра алмас әсте жуынбай.

Тәңірінің күні жарқырап,
 Үйқыдан көңіл ашар көз.
 Қуатты ойдан бас құрап,
 Еркеленіп шығар сөз.

Сонда ақын белін буынып,
 Алды-артына қаранаар.
 Дүние кірін жуынып,
 Көрініп ойға сөз салар.

Қыранша қарап қырымға,
 Мұң мен зарды қолға алар.
 Кектеніп надан, зұлымға,
 Шырышық атар, толғанаар.

Әділет пен ақылға
 Сынатып көрген-білгенін,
 Білдірсе алыс, жақынға
 Солардың сөйле дегенін.

Ызалы жүрек, долы қол,
 Улы сия, ашы тіл
 Не жазып кетсе, жайы сол,
 Жек көрсөндөр, өзің біл.

* * *

**Кек ала бұлт сөгіліп,
Күн жауады кей шақта.
Өне бойы егіліп,
Жас ағады аулақта.**

**Жауған күнмен жаңғырып,
Жер көгеріп күш алар.
Ақжан жасқа қаңғырып,
Бас ауырып, іш жанар.**

РАХЫМШАЛҒА

Сұлу аттың көркі — жал,
Адамзаттың көркі — мал.
Өмір сүрген кісіге
Дәulet — қызық, бала — бал.

Бал болатын бала бар,
Бал болар ма Рахымшал?!

Бүйтіп берген балаңды,
Берген құдай, өзің ал!

* * *

Кек тұман — алдыңдағы келер заман,
Үмітті сәуле етіп көз көп қадаған.
Көп жылдар көп күнді айдан келе жатыр,
Сипат жоқ, сурет те жоқ, көзім талған.

Ол күндер — өткен күнмен бәрі бір бас,
Келер, кетер, артына із қалдырmas.
Соның бірі — арнаулы таусыншақ күн,
Арғысын бір-ақ Алла біледі рас.

Ақыл мен жан — мен өзім, тән — менікі,
«Мені» мен «менікінің» мағынасы — екі.
«Мен» өлмекке тағдыр жоқ әуел бастан,
«Менікі» өлсө өлсін, оған бекі.

Шырақтар, ынталарың «менікінде»,
Тән құмарын іздейсің күні-түнде.
Әділеттік, арлылық, махаббат пен —
Үй жолдасың қабірден әрі өткенде.

Малға сат, пайдага сат қылышыңды,
Ылайла ылай оймен тұнығыңды,—
Сонда өмірден алдамшы бола алмассың,
Ол білдірмей үрламақ қызығыңды.

Адам ғапыл¹ дүниені дер менікі,
Менікі деп жүргеннің бәрі онықі.
Тән қалып, мал да қалып, жан кеткенде,
Сонда, ойла, болады не сенікі?

Мазлұмға² жаның ашып, ішің күйсін,
Харекет қыл, пайдасы көпке тисін.
Көптің қамын әуелден тәңірі ойлаған,
Мен сүйгенді сүйді деп иең сүйсін.

Көптің бәрін көп деме, көп те бөлек,
Көп ит жеңіп көк итті күнде жемек.
Ғадәләт³ пен мархамат⁴ — көп азығы,
Қайда көрсөң, болып бақ, соған көмек.

Әркімнің мақсаты өз керегінде,
Біле алмадым пысығын, зерегін де.
Саяз жүзөр сайқалдар ғапыл қалар,
Хақиқат та, дін дағы тереңінде.

¹ Ғапыл (арабша) — қапы қалу, байқамау.

² Мазлұм (арабша) — зұлымдыққа ұшыраған адам.

³ Ғәдәләт (арабша) — әділет, шындық.

⁴ Мархамат (арабша) — рақым, жақсылық, жаны ашуышылық.

* * *

Сенбе жұртқа, тұрса да қанша мақтап,
Әуре етеді ішіне құлық сақтап.
Өзіңе сен, өзінді алып шығар,
Еңбегің мен ақылың екі жақтап.

Өзінді сенгіштікпен әуре етпе,
Құмарпаз боп мақтанды қуып кетпе.
Жұртпен бірге өзінді қоса алдасып,
Салпылдан сағым құган бойыңа еп пе?

Қайғы келсе қарсы тұр, құлай берме,
Қызық келсе, қызықпа, онғаққа ерме.
Жүргегіңе сұңғі де, тұбін көзде,
Сонан тапқан — шын асыл, тастай көрме.

* * *

**Алла деген сөз жеңіл,
Аллаға ауыз қол емес.
Ынталы жүрек, шын көңіл,
Өзгесі хаққа жол емес.**

**Денениң барша қуаты
Өнерге салар бар күшін.
Жүректің ақыл суаты,
Махаббат қылса Тәңірі үшін.**

**Ақылға сыймас ол Алла,
Тағрипқа¹ тілім қысқа ах!
Барлығына шұбасіз,
Неге мәужүт² ол қуә.**

**Ақыл мен хауас³ барлығын
Білмейдүр, жүрек сезедүр.
Мұтәкәллимін⁴, мантикин⁵
Бекер босқа езедүр.**

¹ Тағрип, тағриф (арабша) — түсіну, білу, анықтау.

² Мәужүт (арабша) — бар нәрсе, болмыс.

³ Хауас (арабша) — ерекше қасиетті, сипат, сапа, түр. Бұл жерде сезім мүшелері мағынасында.

⁴ Мұтәкәллимін (арабша) — сөйлеушілер. Бұл жерде дінді дәлелдеушілер.

⁵ Мантикин (арабша) — сөйлеушілер. Бұл жерде терең ой, қисынды сөз.

* * *

**Мен сәлем жазамын,
Қарағым қалқама.
Қайғыңнан азамын,
Барушы айта ма?**

**Күн бойы күтемін
Келер деп хабарың.
Қайғырмай не етемін,
Бізде жоқ, назарың.**

**Көңілге жұбаныш,
Сен едің базарым.
Сенсіз жоқ қуаныш,
Тозды енді ажарым.**

ҒАБИДОЛЛАҒА

Жазғытұрым қылтиған бір жауқазын,
Қайдан білсін өмірдің көбін-азын.
Бәйтеректі күндейді жетемін деп,
Жылы күнге мас болып, көрсе жазын.
Күз келген соң тамырын үсік шалып,
Бетегеге жете алмай болар жазым.

Мен дағы көп есіттім жастың назын,
Қол жетпеске қол созар бар ма ылажын?
«Боламынмен» жүргенде болат қайтып,
Жалын сөніп, жас жүзін басады әжім.

* * *

Құлақтан кіріп, бойды алар
Жақсы ән мен тәтті күй.
Көңілге тұрлі ой салар,
Әнді сүйсөң, менше сүй.

Дүние ойдан шығады,
Өзімді өзім ұмытып.
Көңілім әнді үғады,
Жүргім бойды жылтып.

Аңсаған шөлде су тапса,
Бас қоймай ма бастауга?
Біреу тұртсе, я қақса,
Бой тоқтамас жасқауга.

Бір күйгізіп, сүйгізіп,
Ескі өмірді тіргізер.
Өмір тонын кигізіп,
Жоқты бар қып жүргізер.

Есіткендей болады
Құлағым ескі сыйбырды.
Ескі ойға көңілім толады,
Тірілтіп өткен құрғырды.

Ішіп, терең бойлаймын,
 Өткен күннің уларын.
 Және шын деп ойлаймын
 Жұрттың жалған шуларын.

Тағы сене бастаймын
 Күнде алдағыш қуларға.
 Есім шығып қашпаймын,
 Мен ішпеген у бар ма?



* * *

Ерекше естен кетпес қызық қайда?
Жолығатын қыз қайда терең сайды?
Сұлұлығын қояйын, мінезі артық,
Ақылды, асыл жүрек, сөзі майда.

Бұл өмірдің қызығы маҳаббатпен,
Көрге кірсең үлгілі жақсы атақпен.
Арттағыға сөзің мен ісің қалса,
Өлсөң де, өлмегенмен боласың тен.

Жүректен ізі кетпес қызық көрсек,
Жақсылықты аянбай жүртқа бөлсек,
Жақынның да, жардың да, асықтың да —
Бәрінің де қызығын көріп білсек.

Інілт, терет баялаймыз
Өткен күннөң күндері.
Мале күннөң дең өйткөннөң
Бұрғынан жақсан тауылары.

Тәлем сәнгә быстайым
Күнде қалыптас күндері,
Есем күннөң күндеймеш,
Мале ішкенди үй бар мәд.

* * *

Болды да партия,
Ел іші жарылды.
Әуремін мен тыя,
Дауың мен шарыңды.

Құрбықай хош тұттым
Жасың мен кәрінді.
Жоқтамай, ұмыттым,
Ақыл мен нәрінді.

Ортаға көп салдым
Өзім де барымды.
Япырым-ау, неңді алдым,
Сау қоймай арымды?

Ойымнан ой бәліп,
Қозгадың тамырды.
Көңілге тік келіп,
Кетірдің сабырды.

Ойым да ақ, жарым да ақ,
Кеңімді, тарымды
Қарасам пайымдаш,
Сөзің сол сарынды.

Өсекке салмандар
Ойымды, жарымды.
Әлшеуге алмандар,
Ойым бек тарылды.

Ұрыңнан асырдың
Сүм тілді қарынды.
Жасырдым, жасырдым,
Енді айттым зарымды.



* * *

**Қуаты оттай бұрқырап,
Үәзінгे¹ өлшеп тізілген.
Жаңбырлы жайдай сырқырап,
Кек бұлттан үзілген.**

**Қайран тіл, қайран сөз —
Наданға қадірсіз.**

**Тәуекел мен батыр ой
Өткір тілді наиза етіп,
Сайысып-ақ бақты ғой,
Неше түрлі айла етіп.**

**Оянбай, қайран жұрт,
Ұялмай қал жым-жырт!**

**Ақылмен ойлап білген сөз
Бойыңа жұқпас, сырғанар.
Һінталы жүрек сезген сөз
Бар тамырды қуалар.**

**Ән салар, жатқа алар,
Түбінде құр қалар.**

¹ Үәзін (арабша) — өлшеуіш.

* * *

Сұм дүние тонап жатыр, ісің бар ма?
Баяғы күш, баяғы түсің бар ма?
Алды үміт, арты өкініш алдамшы өмір,
Желігін жерге тықпас кісің бар ма?!

Дәмі қайтпас, бұзылmas тәтті бар ма?
Бір бес күннің орны жоқ аптығарға.
Қай қызығы татиды қу өмірдің
Татуды араз, жақынды жат қыларға?

Ет жүрексіз ерніңнің айтпа сөзін,
Тіл үйренген нәпсінің қу мінезін.
Тілде сүйек, ерінде жиек бар ма,
Шымылдық боп көрсетпес шынның жүзін.

* * *

**Өлсем, орным қара жер сыз болмай ма?
 Откір тіл бір ұялшақ қыз болмай ма?
 Махаббат, ғадауат¹ пен майдандасқан
 Қайран менің жүрегім мұз болмай ма?**

**Амалсыз тағдыр бір күн кез болмай ма?
 Біреуге жай, біреуге тез болмай ма?
 Асау жүрек аяғын шалыс басқан
 Жерін тауып артқыға сөз болмай ма?**

**Сонда жауап бере алман мен бишара,
 Сіздерге еркін тиер, байқап қара.
 Екі күймек бір жанға әділет пе?
 Қаны қара бір жанмын, жаны жара.**

**Жүрегіңнің, түбіне терең бойла,
 Мен бір жұмбақ адаммын, оны да ойла.
 Соқтықпалы, соқпақсыз жерде өстім,
 Мыңмен жалғыз алыстым, кінә қойма!**

**Жасымда албырт өстім, ойдан жырақ,
 Айлаға, ашуға да жақтый шырақ.
 Ерте ояндым, ойландым, жете алмадым,
 Етекbastы көп көрдім елден бірақ.**

¹ Ғадауат (арабша) — дүшпандық, ашу, жек көру.

Ой кіргелі тимеді ерік өзіме,
 Сандалмамен күн кешкен тұспе ізіме.
 Өзі ермей, ерік бермей, жұрт қор етті,
 Сен есірке, тыныш ұйықтат, бақ сөзіме!

Ішім толған у мен өрт, сыртым дүрдей,
 Мен келмеске кетермін түк өндірмей.
 Өлең шіркін — өсекші, жұртқа жаяр,
 Сырымды тоқтатайын айта бермей.



* * *

**Жүректе қайрат болмаса,
Үйықтаган ойды кім тұртпек?
Ақылға сәуле қонбаса,
Хайуанша жүріп күнелтпек.**

**Аспаса ақыл қайраттан,
Теренге бармас, үстірттер.
Қартыңның ойы шар тартқан
Әдеті женіп күңгірттер.**

**Тән сүйгенін бермесе,
Жан шыдамас жаны ашып.
Бере берсең бер десе,
Үміт етер таласып.**

**Малда да бар жан мен тән,
Ақыл, сезім болмаса.
Тіршіліктің несі сән,
Теренге бет қоймаса?**

**Атымды адам қойған соң,
Қайтіп надан болайын?
Халқым надан болған соң,
Қайда барып оңайын?!**

* * *

**Ауру жүрек ақырын соғады жай,
Шаршап қалған кеудемде тулай алмай.
Кейде ыстық қан басып кетеді оны,
Дөңбекшіген түндерде тыншыта алмай.**

**Қаранды саңырау қайғы ойды жеңген,
Еркелік пен достықты ауру көрген.
Ақыллы жоқ, ары жоқ шуылдақты
Күнде көріп, тұл бойы жиіркенген.**

**Тірілтіп өткен күнді, тағы шөлдеп,
Осы күнді күн демес қарғап, міндең.
Кейде тілеп бақ пенен тағы тыныштық,
Кейде қайғы, азапты тағы да ізден.**

**Кейде ойлайды жылауга қайғы зарын,
Тынышсыз күнде ойлаған дерптің бәрін.
Кейде онысын жасырап жүрттан ұрлап,
Кетірер деп мазақтап беттің арын.**

**Ауру жүрек ақырын соғады жай,
Өз дертін тағы ішке, білдіре алмай.
Кейде ыстық тағы да қан басады,
Кейде бір сәт тыншығар үн шығармай.**

* * *

Есінде бар ма жас күнің,
 Көкірегің толық, басың бос,
 Қайғысыз, ойсыз, мас күнің —
 Кімді көрсөң, бәрі дос.

Махаббат, қызық, мал мен бақ
 Көрінуші еді досқа ортақ.
 Үміт жақын, көніл ақ,
 Болар ма сондай қызық шақ?

Құдай-ая, қайда сол жылдар,
 Махаббат, қызық мол жылдар?
 Ақырын, ақырын шегініп,
 Алыстан кетті-ая құрғырлар!

Жалынасың, боқтайсың,
 Сағынасың, жоқтайсың.
 Махаббат кетті, дос кетті —
 Жете алмайсың, тоқтайсың.

Көзіме жас бер, жылайын,
 Шыдам бер, сабыр қылайын.
 Жаралы болған жүрекке
 Дауа бер, жамап сыйайын.

* * *

Жүргім менің қырық жамау
Қиянатшыл дүниеден.
Қайтып аман қалсын сау,
Қайтқаннан соң әрнеден.

Өлді кейі, кейі — жау,
Кімді сүйсө бұл жүрек.
Кімі — қастық, кімі — дау,
Сүйенерге жоқ тірек.

Кәрілік те түр тақау,
Алдымыздың айла жоқ.
Қайғысыздың бәрі — асай,
Бізге онан пайды жоқ.

Қан жүректі қайғылы-ау,
Қайырыла кет сен маған.
Қасиетін ойлан-ау,
Қам көңілдің тынбаған.

* * *

**Адам — бір боқ көтерген боқтың қабы,
Боқтан сасық, боласың өлсең тағы.
Мені мен сен тең бе деп мақтанаңың,
Білімсіздік белгісі — ол баяғы.**

**Кеше бала ең, келдің ғой талай жасқа,
Кез жетті бір қалыпта тұра алмасқа.
Адамды сүй, Алланың хикметін сез,
Не қызық бар өмірде онан басқа?!**

ДУТБАЙҒА

Жылуы жоқ бойының,
Жылмиғаны неткені?
Құбылуы ойының —
Кетпей құйтың еткені.

Мұнды, жылмаң пішінін
Кезек киіп, ел жиып,
Болыс болса, түсінің
Тұксігін салар тырсып.

Бір көрмеге тәп-тәтті
Қазаны мен қалбаңы.
Дөң айналмай ант атты,
Бұксіп, бықсып ар жағы.

Сенен аяр түгі жоқ,
Бүгін сыйлас көрініп,
Бүгін жалын, ертең шоқ,
Сөзі мен өзі бөлініп.

Әлі үміт, әлі серт,
Жын сыйылды бұзылып.
Кұлыш емес, бұл — бір дерт,
Тұрлауы жоқ құбылып.

* * *

**Нұрлы аспанға тырысып өскенсің сен,
Менмен, кердең, қайғысыз ер көнілмен,
Жазғытүрым жасырып жердің бетін,
Жасыл шөппен, бой жеткен егінмен тен.**

**Сонан бері рахымсыз көп жыл өтті,
Орақ келер, орылар мезгіл жетті.
Жылы менен суықтың бәрін көріп,
Қайран көніл қайыспай қайрат етті.**

**Ауыр ойды көтеріп ауырған жан,
Қайғы-қасірет жүзіне белгі салған.
Дәні толық, басы ұлken егіндей-ақ
Сенің де басың имек жерге таман.**

**Өлейін деп өлмейді өлерлік жан,
Әсте өлмесін білгендей қылыш қылған.
Ажал келіп бас салса, жанды үрласа,
Өмір қайда, сен қайда, соны да ойлан.**

**Адамзат — бүгін адам, ертең топырақ,
Бүгінгі өмір жарқылдан алдар бірақ.
Ертең өзің қайдасың, білемісің,
Өлмек үшін тұғансың, ойла, шырақ.**

* * *

Жүргім, нені сезесің,
Сенен басқа жан жоқ па?
Дүниені, көнілім, кезесің,
Тиянақ жоқ па, қой, тоқта!

Сеңгеніңді сездіріп,
Жете алмадым ортаққа.
Тірі жаннан бездіріп,
Апарасың қай жаққа?

Ортақтық, тыныштық достық қой,
Оның қадірін кім білер?
Әркімге-ақ тілеу қостық қой,
Бәрі — алдамшы саудагер.


Халықтың аты керек қой
Я мақтауга, боктауга.
Құбылға бәрі зерек қой,
Бәрі жайсыз тоқтауга.

Досты қайдан табасың,
Кеңесерге адам жоқ.
Әрлі-берлі шабасың,
Жалғыздықтан жаман жоқ.

Ақыл айтсаң біреуге
 Ішің еріп, егіліп,
 Ұялмас ақы тілеуге,
 Бермесен қалар тұңғіліп.

Ақы беріп тыңдатқан
 Сөз көкейге қонар ма?
 Құлағын сатқан тәңірі атқан
 Ондырап ма, оңар ма?

Күйесің, жүрек, күйесің,
 Күйгеніңнен не пайды?
 Дүниеде нені сүйесің,
 Өмір қайда, дос қайда?



* * *

**Көлеңке басын ұзартып,
Алысты көзден жасырса;
Күнді үақыт қызартып,
Көк жиектен асырса;**

**Күңгірт көңілім сырласар
Сұрғылт тартқан бейуаққа,
Төмен қарап мұңдасар,
Ой жіберіп әр жаққа.**

**Откен өмір — қу соқпақ,
Қызырады талайды
Кім алдады, кім тоқпақ
Салды, соны санайды.**

**Нені тапсаң, оны тап,
Жарамайды керекке.
Өңкей уды жишип ап,
Себеді сорлы жүрекке.**

**Адасқан күшік секілді
Ұлып жүртқа қайтқан ой.
Өкінді, жолың бекінді,
Әуре болма, оны қой.**

Ермен шықты, ит қылып,
 Бидай шашқан егінге.
 Жай жүргенді уерд¹ қылып,
 Тыныш өлсөңші тегінде.



¹ Уерд (арабша) — жай жүрген адамды қынышылыққа ұшырату.

* * *

Куанбаңдар жастыққа,
 Елірме күлкі, мастыққа.
 Көзің қайдан жетеді
 Достық пенен қастыққа?
 Құрбыңның қызық дегенін
 Сөз екен деп ап шықпа.
 Адалдан тапқан тыныңды
 Сал да сақта қашшыққа.
 Қолдағыңды қорғап бақ,
 Мал арзан деп аптықпа.
 Сыпайы жүр де, шаруа ойла,
 Данғойланып қақтықпа.
 Бет алды жанға бой салма,
 Корлық жүрмес сақтыққа.
 Елу бесте біз дағы
 Сенісер адам таптық па?
 Арсыз құмар болғандар
 Опыр-топыр, шақ-шүққа
 Түспей жүр ме, көрдің бе,
 Жалаң-жұлаң, тақ-түққа?

* * *

**Ұяламын дегені көңіл үшін,
Ұсақ құлыш бір ғана өмір үшін.
Татымды достық та жоқ, қастық та жоқ,
Жігері жоқ, маңызы жеңіл үшін.**

**Жалығу бар, шалқу бар, іш пысу бар,
Жаңа сүйгіш адамзат, көрсө қызар.
Ар мен ұят ойланбай, тән асырап,
Ертеңі жоқ, бүгінге болған құмар.**

**Тұысқаның, достарың — бәрі екіұшты,
Сол себепті досыңдан дүшпан күшті.
Сүйсе жалған, сүймесе аянбаған,
Бұл не деген заманға ісім түсті?!**

**Өзің ұлken, қылышың — бала-шага,
Балаша мәз боп жүрсің тамашаға.
Экесі ұрысса балаға, ол да — достық,
Баласы ұрысса әкеге, жараса ма?**

* * *

Жапырағы қуарған ескі үмітпен
Қиял қып өмір сүріп, бос жүріппін.
Жыбыры қағып, көңілді тыншытпайды
Қашанғы өтіп кеткен бұлдыр көп күн.

Ол дәурен өмір емес, бір көрген тұс,
Ойға түйме қызықты қиялдан күс.
Қараши, өз бойында түгел ме екен
Ыстық жүрек, өң-шырай, қуат пен күш?

Төңкеріліп құбылған жүрт — бір сағым,
Шынға шыдап, қоса алмас ынтымағын.
Көптің аузын күзетсең күн көрмейсің,
Өзінді өзің күзет, кел, шырағым!

* * *

Осы қымыз қазақقا
Мақтаның ба, асың ба?
Қымызды басар артынан
Ет даяр ма қасында?
Бойында сініп, уерд болған
Қызыба бастық жасында.
Қызылшыл семіз, жаз қымыз —
Бір үлкен борыш басында.
Жуасты мін де, айран іш,
Жюк немеге шатылма.
Ұры, залым, қуларға
Нысанага шашылма.
Жылқыны аңдып ұры жүр
Әр төбенің тасында.
Ой көзімен қарасаң,
Қойдан жылқы асыл ма?
Мақтанға бола жиям деп,
Жылқы үшін жүртқа бас ұрма.
Қымыз, семіз дегенің
Бір мақтан ғой, жасырма.
Мақтан қума, керек қу,
Ойсыздарға қосылма.
Қойында ақша, қолда қой
Қүзетке оңай, шошынба!

* * *

Буынсыз тілің,
Буулы сезің
 Әсерлі адам ұғылына.
Кісінің сезін
Ұққыш-ақ өзің,
 Қисығын түзеп тұгырыға.

Сезімпаз көніл
Жылды жүрек
 Таппадым деп тұнілмес.
Бір тәуір дос
Тым-ақ керек,
 Ойы мен тілі бөлінбес.

* * *

Тоты құс тұсті көбелек
Жаз сайларда гулемек.
Бәйшешек солмақ, күйремек,
Көбелек өлмек, сиремек.

Адамзатқа не керек:
Сүйимек, сезбек, кейімек,
Харекет қылмақ, жүгірмек,
Ақылмен ойлап сөйлемек.

Әркімді заман сүйремек,
Заманды қай жан билемек?
Заманға жаман күйлемек,
Замана оны илемек.

* * *

**Алланың өзі де рас, сөзі де рас,
Рас сөз ешуақытта жалған болмас.
Көп кітап келді Алладан, оның төрті
Алланы танытуға сөз айырмас¹.**

**Аманту² оқымаған кісі бар ма?
Үәктубиң³ дегенмен ісі бар ма?
Алла өзгермес, адамзат күнде өзгерер,
Жарлық берді ол сіздерге, сөзді ұгарға.**

**Замана, шаруа, міnez күнде өзгерді,
Оларға кез-кезімен нәби⁴ келді.
Қағида⁵ шаригаты өзгерсе де,
Тағриф⁶ Алла еш жерде өзгермеді.**

¹ Ерекше айтып отырған төрт кітабы: Мұса пайгамбарға келген — Тәурат, Дәуіт пайгамбарға келген — Зәбүр, Иса пайгамбарға келген — Інжіл және Мұхаммед пайгамбарға келген — Құран.

² Аманту, аманту билләни (арабша) — Аллаға сендім, барлығына және бірлігіне (жалғыздығына) наңым.

³ Үактубиң (арабша) — және кітаптарына сендім. Бұл арада иманиң жеті шартының екеуі келтірлген.

⁴ Нәби (арабша) — пайгамбар.

⁵ Қағида, қағида (арабша) — негізгі шарт, ереже магынасында.

⁶ Тағриф, тағриф (арабша) — түсіну, білу, анықтау.

Құллі махлүқ өзгерер, Алла өзгермес,
Әылі кітап бұл сөзді бекер демес.
Адам нәпсі, өзімшіл мінезбенен
Бос сөзбенен қастаспай, тұзу келмес.

Махаббатпен жаратқан адамзатты,
Сен де сүй ол Алланы жаңнан тәтті.
Адамзаттың бәрін сүй бауырым деп,
Және хақ жолы осы деп әділетті.

Осы үш сую болады имани гұл,
Иманның асылы үш деп сен тәхқиқ⁷ біл.
Ойлан дағы, үшеуін таратып бақ,
Басты байла жолына, малың түгіл.

Дін де осы, шын ойласаң, тағат⁸ та осы,
Екі дүние бұл тасдиқ⁹ — хақтың досы.
Осыларды бұзатын және үш іс бар:
Пайда, мақтан, әуесқой — онан шошы.

Рұза, намаз, зекет, хаж — талассыз іс,
Жақсы болсаң, жақсы тұт бәрін тегіс.
Бастапқы үшін бекітпей, соңғы төртті
Қылғанменен татымды бермес жеміс.

Бас жоғары жаралған, мойын төмен,
Қарашы, дene біткен ретімен.
Істің басы — ретін танымақтық,
Иман білмес тағатты қабыл демен.

Имамдар ғибадаттан¹⁰ сөз қозғаган,
Хуснизән¹¹ мен иманды білді ойлаған.

⁷ Тахқиқ — (арабша) — анық, айқын; орындау, іске асыру. Бір мәселенің дүрыс тығын тексеріп, шындығына көз жеткізу деген мағынада.

⁸ Тағат (арабша) — Аллаға ғибадат қылу, бойысыну.

⁹ Тасдиқ (арабша) — шындық, сенім.

¹⁰ Ғибадат (арабша) — табыну, құлдық ету.

¹¹ Хуснизән (парсыша) — жақсы ниет, көркем ой, жақсы пікір.

Иманның тазалығын жақсы үқтырмай,
Сыртын қанша жуса да, іші оңбаған.

Алла мінсіз әуелден, пайғамбар ҳақ,
Мұ'мин¹² болсаң, үйреніп, сен де ұқсан бақ.
Құран рас, Алланың сөзідүр ол,
Тә'үилін¹³ білерлік ғылымың шақ.

Алланың, пайғамбардың жолындамыз,
Ыңтамызды бұзбастық иманымыз.
Пайда, мақтан, әуесқой — шайтан ісі,
Кәні біздің нәпсіні тыйғанымыз?

Мұ'мин болсаң, әуелі иманды бол,
Пендеge иман өзі ашады жол,
Шын илан да, таза ойла бір иманды,
Мұнафиқ¹⁴ намаз қылмап па, мағлұм ғой ол.

Алла ішінді айтқызыбай біледі, ойла,
Пендесіне қастықпен кінә қойма.
Распенен таласпа мұ'мин болсаң,
Ойла, айттым, адамдық атың жойма!

¹² Мұ'мин (арабша) — ислам дінін жақтаушы, мұсылман.

¹³ Тә'үил (арабша) — анық мағынасына жете білу.

¹⁴ Мұнафиқ (арабша) — екі жүзді, іші кәпір, сырты мұсылман.

* * *

Жүрек — теңіз, қызықтың бәрі — асыл тас,
 Сол қызықсыз өмірде жүрек қалмас.
 Жүректен қызу-қызба кете қалса,
 Өзге тәннен еш қызық іс табылмас.

Достық, қастық, бар қызық — жүрек ісі,
 Ар, ұттың бір ақыл — күзетшісі.
 Ар мен ұят сынбаса, өзге қылыш,
 Арын, алқын — бұл күннің мәртебесі.

Қартан тартқан адамнан от азаймақ,
 От азайса, әр істің бәрі тайғақ.
 Шаруаң үшін көрінген ақыл айтып,
 Жолың тайғақ, аяғың тартар маймақ.

* * *

**Жалын мен оттан жаралып,
Жарқылдаپ Рағит¹ жайды айдар.
Жаңбыры жерге таралып,
Жасарып шығып гүл жайнар.**

**Жайына біреу келсе кез,
Белгілі жұмыс, сор қайнар.
Қуаты күшті нұрлы сөз,
Қуатын білген абайлар.**

**Жалын мен оттан жаралған
Сөзді ұғатын қайсың бар?
Партия жиып пара алған,
Пейілі кедей байсындар.**

**Кұлық пенен құбылдан
Жалықсан, жақсы жансындар.
Тұзелмесе шұғылдан,
Арсындар да қалшындар.**

**Несі өмір,
Несі жұрт?
Өңшең қырт,
Бас қаңғырт!**

¹ Дін ұғымында нажағайды, күн күркіретуші періштенің аты.

* * *

Домбырага қол соқпа,
 Шымырлатып бір-бірлеп.
 Жүргім, соқпа, кел тоқта,
 Жас келер көзге жүр-жүрлеп.

Қайғылы көңілім қайдагы
 Бұрынғымды жаңғыртар.
 Қайратты алыш бойдағы,
 Басымды қайғы қаңғыртар.

Онан да жылы жүзінмен
 Кел, жарым, қара бетіме.
 Жылы, тәтті жауап айт
 Іштегі қайғы дертіме.

Іштегі ескі жалынды
 Сөндір жаңа қылышпен.
 Сейлесші жақсы, жағымды
 Мендей көңілі сыйықпен.

Сыйық көңілім көп кешер,
 Майды қолмен ұстасаң.
 Көңілге түрлі ой түсер,
 Әр тереңге нұсқасаң.

Күйлі, күйсіз бәйгеге
 Қажыды көнілім көп шауып.
 Көп қинамай әрнеге,
 Енді семірт, жем тауып.



О
 ғанаң менің аның
 әкесінен олардың
 жаңаңынан ғанаң
 мемлекеттің аның
 жаңаңынан Абай
 міншілік тіңү нисаб
 маддем тозам ғана
 жаңаңынан ғанаң

* * *

**Ойға түстім, толғандым,
 Өз мінімді қолға алдым.
 Мінезіме көз салдым,
 Тексеруге ойландым.
 Өзіме өзім жақпадым,
 Енді қайда сыя алдым?
 Қалап алған көп мінез,
 Қалайша қылып тыя алдым?**

**Бойдағы міңді санағасам,
 Тау тасынан аз емес.
 Жүргегімді байқасам,
 Инедейін таза емес.
 Аршып алыш тастауға,
 Апандағы саз емес.
 Бәрі болды өзімнен,
 Тәңірім салған наз емес.**

**Осынша ақымақ болғаным
 Көрінгенге қызықтым.
 Ғаділетті жүректің
 Эділетін бұзыппын.
 Ақыл менен білімнен
 Әбден үміт үзіппін;
 Айла менен амалды
 Меруерттей тізіппін.**

Жалмауыздай жаландап,
 Ар, ұяттан күсіппін.
 Құлық пенен сүмдышқа
 Құладындай ұшыппын;
 «Сіз білесіз» дегенге
 Күнге күйіп, пісіппін;
 Маңтанбасқа маңтанып,
 Деп жүріппін «пысықпын».



* * *

Мен боламын демеңдер,
Аяқты алшаң басқанға.
Екі көзің аларып,
Құр қарайсың аспанға.

Бір ғылымнан басқаның,
Бәрі де кесел асқанға.
Өйткен адам жолығар
Кешікпей-ақ тосқанға.

ПОЭМАЛАР

ЕСКЕНДІР



сы жұрт Ескендірді біле ме екен?
Македония шаңары — оған мекен.
Филипп патша баласы, ер көңілді,
Мақтан сүйгіш, қызғаншақ адам екен.

Филипп өлді, Ескендір патша болды,
Жасы әрең жиырма бірге толды.
Өз жұрты аз көрініп, көршілерге
Көз алартып қарады онды-солды.

Сүмдықпен ғаскер жиып қаруланды,
Жақын жерге жау болды, тұра аттанды.
Көп елді күтінбеген қырды, жойды,
Ханды өлтіріп, қаласын тартып алды.

Жазасыз жақын жердің бәрін шапты,
Дарияның суындаі қандар ақты.
Шапқан елдің бәрін де бодам¹ қылыш,
Өкіметін қолына тартып апты.

Ескендір елде алмаған хан қоймады,
Алған сайын көңілі бір тоймады.
Араны барған сайын қатты ашылып,
Жердің жүзін алуға ой ойлады.

¹ Бодам, бодан — орыстың «подданный» деген сөзінен шыққан.

Қан ішер қаһарлы хан ашуы көп,
Атағынан қорқады жұрт қайғы жеп.
Сол күнде қошеметші айтады екен,
Ханның ханы, патшаның патшасы деп.

Атағы талай жерге оның жетті,
Жердің жүзін алуға талап етті.
Есепсіз әскер ертіп, жарақтанып,
Есіткен елдеріне жүріп кетті.

Алдынан шыға алмады ешкім мұның,
Бәрін де алды, қорқытты жолдағының.
Жан шықпады алдынан, тоқтауы жоқ,
Жер жүзін жеке билеп алмақшының.

Жүре-жүре бір елсіз шөлге тұсті,
Алып жүрген сұнының бәрін ішті.
Адам, хайуан бәрі де бірдей шөлдеп,
Басына құдай салды қызын істі.

Сандалды сар далада су таба алмай,
Шөлдеген жұрт қайтеді бос қамалмай?
Қызметкердің бәрін де өлтірмекші
Болыпты, шөлдегенге шыдай алмай.

Мысалы, астындағы ат о дағы ұшты,
Ескендір де атының жалын құшты.
Жалтырап сәуле берген бір нәрсеге
Патшаның ат үстінде көзі тұсті.

Барса, бір сыйдыр қаққан мәлдір бұлақ,
Таспадай бейне арықтан шыққан құлап.
Түсе сала Ескендір басты қойды,
Ішсе, сұға өзгеше, тәтті тым-ақ.

Кепкен балық келтіртті сонда тұрып,
Сол сұға балықты алды бір жудырып.
Исі, дәмі өзгеше болып кетті,
Таң қалды, мұның бәрін сұға жорып.

Ескендір қолына айтты: «Бұл неткен су?
Бәрің де ішіп, бұл суға бетінді жу!
Бір бай елден осы су шыққан шығар,
Өрлең барып, үстіне тігелік ту.

Бұл салқын, тәтті суға қаныңыздар,
Шақ келер маған жан жоқ, наңыңыздар.
Менен қалмай, бұл суды шапшаң өрлең,
Талқан қылып шаңарын алыңыздар!».

Жарлық шашты, қол жүрді суды өрлей,
Шаңарына жеткенше дамыл көрмей.
Көкпенбек темір киген өңкей батыр
Тарттырып жөнеледі сырнай-керней.

Сол әскер суды өрлең талай жүрді,
Судың басы бір құзар шатқа кірді.
Шаттың аузын бекіткен алтын қорған,
Қақпасы бекітулі, көзі көрді.

Қақпаны ашайын деп хан ұмтылды,
Тұтқасын олай-бұлай қатты жұлды.
Аша алмады қақпаны, ұміт үзді,
Ақылдасып тәуір-ақ амал қылды.

Ескендір тоқтау көрмей өскен жан ғой,
Келмей ме тоқтаусыздың бәрі даңғой?
Дел-сал болып бәрі де қайта шықты,
Алысып әл келмесін байқаған ғой.

Долдықпен хан Ескендір ашуланды,
Ашуланып қақпаға жетіп барды.
Қақпаны дубірлетіп қағып-қағып:
— Қақпаны аш! — деп барынша айғай салды.

Қақпаның ар жағынан біреу келді,
Күзетшісі сол екен, дыбыс берді.
— Қақпаны саған ашар рұқсат жоқ,
Бұл — Құдайға бастайтын қақпа,— деді

Білмесен, мен Ескендір патша деген,
 Жер жүзінің соғыста бәрін жеңген.
 Қақпанды аш, хабарыңды айт, білдір маган,
 Корлығым өзім туып, көз көрмеген.

— Мықтымын деп мақтанба, ақыл білсең,
 Мықты болсаң, өзінің нәспінді жең!
 Іші тар, көре алмастың біреуі — сен,
 Ондай кісі бұл жерге келмейді тең.

— Талпынған талаппенен мен де бір ер,
 Көп жүрдім, кездей келді көрмеген жер.
 Ең болмаса, халқыма көрсетейін,
 Сый қылып, белгі болар бір нәрсе бер.

Қақпадан лақтырды бір орамал,
 Сыйым — осы, падиша, мынаны ал!
 Ішінде бір нәрсе бар ақыл берер,
 Апар дағы ойланып, көзінді сал!

Орамалды қуанып қолына алды,
 Сый алдым деп халқына қайта салды.
 Қараса, ішінде бір қу сүйек,
 Бұл не еткен мазағы деп аң-таң қалды.

Ашуланып сыйына болды кекті,
 — Ең болмаса білмеді сый бермекті.
 Осы менің теңім бе? — деп ақырып,
 Лақтырып жіберді сол сүйекті.

Жолдасы Аристотель ақылы мол,
 Лақтырған сүйекті алады сол.
 Ханға айтты: «Қасиет бар бұл сүйекте,
 Көзіңе көрсетейін, хабардар бол».

Сол күнде Аристотель жеке дара,
 Ақыл сөзін тыңдамай бар ма шара:
 — Таразыны әпкел де, сүйекті сал,
 Бір жағына алтын сап, өлшеп қара!

Бұл сөзге Ескендір де қарай қалды,
Таразыны құрдырып, ортага алды.
Қанша алтынды күміс пен салса дағы,
Бір кішкентай сүйекті аудармады.

Мұны көріп Ескендір аң-таң қалды,
Бар қаруын алтынға қоса салды.
Енді қайтер екен деп қарап еді,
Бұрынғыдан қу сүйек ауырланды.

Аристотель хәкімге патша келді:
— Мына сүйек қазынаның бәрін женді.
Бұл сүйекті басарлық, інгрес бар ма?
Ақылымен ойланып тапшы! — деді.

Хәкім жерден топырақ алып барды,
Бір уыстап сүйекке шаша салды.
Ана басы сылқ етіп жерге түсіп,
Сүйек басы жоғары шығып қалды.

Ескендір мұны көріп аз тұрады,
Хәкімді аулақ жерге шақырады.
— Таң қаларлық іс болды мұның өзі,
Мәнісін айтып берші, — деп сұрады.

— Бұл — адам көз сүйегі, — деді ханға.
Тоя ма адам көзі мың мен санға?
Жеміт көз жер жүзіне тоймаса да,
Өлсе тояр, көзіне құм құйғанда.

Кәпір көздің дүниеде араны ұлken,
Алған сайын дүниеге тоя ма екен?
Қанша тірі жүрсе де, өлген күні
Өзге көзбен бірдей-ақ болады екен.

Ашуланба, ей, патшам, айтайын дат:
Алтын қақпа бермеді сізге рұқсат.
Сый сұрадың, бергені — бір қу сүйек,
Мұны көріп, алыңыз сіз де ғибрат!

Ойлап-ойлап патшаның мойны түсті,
 Құдайым көрсетті деп бұл бір істі.
 Бекерлік екен менің бұл ісім деп,
 Қолын алып жұртына қайта көшті.

Аз-ақ сөз айттым, бітті бұл әңгіме,
 Мұны бір өзге сөздің бірі деме.
 Қарның тойса, қайғырма мақтан үшін,
 Тоймас кезің толар деп қайғы жеме.

Қу өмір жолдас болмас, әлі-ақ өтер,
 Өз күлкінде өзің қарық болма бекер!
 Үяттың мен арыңды малға сатып,
 Үятызда иман жоқ, түпке жетер.

Мақтанасың біреуге мақтасын деп,
 Шаужайымнан еш адам қақпасын деп.
 Сен кеткен соң артыңдан күліп қалар,
 Антүрганнан Құдайым сақтасын деп.

Ақылсыз өзін мақтап былжырайды,
 Бойыңда өлшеп сөйлесең, нең құрайды?
 Жақсы болсан, жарықты кім көрмейді,
 Өз бағанды өзіңнен кім сұрайды?!



MACFYT

**О, Алла, құрметінде достың Махмұт¹,
Тілге жар бер, білінсін тұра мақсұт.
Арун-Рашид халифа заманында
Бағдатта бір жігіт бар аты Масғұт.**

Шаһардан бір күн Масғұт шықты тысқа,
Барды ма кезі келіп бір жұмысқа?
Бір ұры бас сап тонап жатқан жерде
Кез болды бір бишара шал байғұсқа.

Шал байғұс айғайлайды аттан салып,
Айырып алған жан жоқ оны барып.
Кім де болса бір ерлік қылайын деп,
Масғұт ұшты ұрыға оңтайланып.

Масғұтты ұры шапты қылышпенен,
Тәуір-ақ жан сақтапты жұмыспенен.
Есен-аман шал дағы құтылышты,
Масғұттан жау қашқан соң ұрыспенен.

Масғұтқа келді әлгі шал көзін тіктеп,
Көрсе, бастан ағып түр қан дірдектеп.
Мұның қарызын мен де өтеп кетейінші,
Жігіт қой ер көкірек, жау жүрек деп:

¹ Махмұт — Мұхаммед пайғамбар.

— Ей, жігіт, не қылсаң да, ер екенсің,
Көргейсің ерлігіңің берекесін.
Себеп боп мені ажалдан сен айырдың,
Маған қылған қарызыңды Алла өтесін.

Бай емен, батыр емен, хан емеспін,
Атақты артық тұған жан емеспін.
Себеп болып айырдың мені ажалдан,
Жақсылықты білмейтін шал емеспін.

Мен бір шал дүниеде жиһан кезген,
Ертең түсте кетемін шаңарінізден.
Ертерек пәлен жерден тосып тұрып,
Алып қал бір базарлық, жаным, бізден.

Пұл үшін қызықпассың, сен де бір ер,
Сені маған кез қылған пәруардігер.
Бір құданың хақы үшін мен тілеймін,
Қабыл көр, сертім үшін қолыңды бер!

— Ұрыға жібермедім мен намысты,
Кім бұлдар мұндай-мұндай қылған істі.
Алла хақы деген соң амал да жоқ,
Барайын,— деп уағда етіп, қол қағысты.

Ол жерге ерте тұрып жігіт барды,
Шал да душар алдынан бола қалды.
Қолынан ұстай алып, ертіп барып,
Далада бір бұзылған тамға апарды.

Барса, тамда бір гүл тұр солқылдаған,
Басында үш жеміс бар былқылдаған:
Бірі — ақ, бірі — қызыл, бірі — сары,
— Таңдал ал, мен берейін бірін саған.

Ағын жесен, ақылың жаннан асар,
Сарыны алсаң, дәулетің судай тасар,
Егер де қызыл жеміс алып жесен,
Ұрғашыда жан болмас сенен қашар.

Ол жігіт сөзін үгип тұра қалды,
 Көзін төмен жіберіп, аз ойланды.
 Ақ пен сары екеуін алмаймын деп,
 Қызыл жеміс жеймін деп қолқа салды.

— Мен беремін, танбаймын айта тұра,
 Өкінбесең түбінде жүре-бара.
 Ақ пен сары екеуін алмағаның,
 Мәнісін айтсаң еken, жаным, сірә.

— Мен болсам, егер ағын жемек те едім,
 Ақылды болдым елден бөлек дедім.
 Мен ақылды билемен, не қылсам да,
 Мені ақыл билесе керек дедім.

Ақылды жан табылmas маған сырлас,
 Көріне тентек көп надан мойын бұрmas.
 Әділетсіз, ақылсыз, арсыздарды
 Көре тұра, көңілде тыныштық тұрmas.

Адам дерпті болмай ма құса тартып,
 Тұщы үйқы үйқтайды алмай түнде жатып.
 Ептең бағып, есерге ем таба алмай,
 Тәтті тамақ жей алман дәмін татып.

Сарыны жеп, мен болсам байдың өзі,
 Аузында тамам жанның болдым сөзі.
 Пәленшеден бір нәрсе алсақ-ау деп,
 Тігілер жан біткеннің маған көзі.

Жұрт күндер жұрттан артық байлық үшін,
 Бұлдайды біреу күшін, біреу түсін.
 Не қылса да, надандар алмақты ойлар,
 Мал антүрған күйдіріп елдің ішін.

Еңбексіз мал дәме етпек — қайыршылық,
 Ақылды ерге ар болар ондай қылық.
 Оны ойларлық бұл күнде адам бар ма,
 Пайда ойламай қылады кім татулық?

Берсең, қалар оларда несі ардың?
 Бермесең, сен дағы ит бірге болдың.
 Не өзің ит, немесе бар елің ит,
 Дауасыз бір пәлеге міне қалдың.

Қызылды жесем, мені әйел сүйер,
 Арамдыққа жұрмесем, не жан күйер?
 Ұрғашы да көп жан ғой, досым болса,
 Деп едім бір пайдасы маған тиер.

Еркектің еркек адам болса қасы,
 Қатын, шеше, қызы жоқ кімнің басы?
 Хан қаһар, қара кісі қастық қылса,
 Сонда ұрғашы болмай ма арашашы?

Тегінде адам басы сау бола ма?
 Бойында тексерілмес дау бола ма?
 Ері ашу айтса, әйелі басу айтып
 Отырса, бұрынғыдай жау бола ма?

Соны ойлап, қызыл жеміс мен таңдадым,
 Берсеңіз жемек болып бел байладым.
 Топа-торсақ бұл сөзді айтқаным жоқ,
 Басын да ойлап, тегін де абайладым.

Бұл сөзге салып тұрды шал құлағын:
 — Ендеше тауып айттың, же, шырағым.
 Ақыл, дәулет әуелден өзінде екен,
 Өміріңше артылсын, жаным, бағың!

Бұл шал бөтен шал емес, Қыдыр еді,
 Ебін тауып даруга кезі келді.
 Сөзіне, ақылына, қылышына
 Разы болғаннан соң, бата берді.

Сол Масғұт Қыдыр шалдан бата алыпты,
 Соңында Шәмсі-жинаң атаныпты.
 Мағынасы: «бұл дүниенің күні» деген,
 Жетіліп бізге ғибрат сөз қалыпты.

Сол заманда-ақ надандар шырыш бұзған,
 Жалғаның дәмін бұзып, хаяп қылғызыған.
 Ақыл мен мал екеуін асырай алмай,
 Арашаны іздепті қатын, қыздан.

Ендігіге не сұрау бұл заманда?
 Ақыл-ой, ар-намыс жоқ еш адамда.
 Өлген мола, тұған жер жібермейді,
 Эйтпесе түрмас едім осы маңда.

Сол Масғұт халифаға үәзір бопты,
 Тарқатыпты алдынан көп пен топты.
 Бағанағы Қызыр шал бір уақытта
 Түсінде аян беріп жолығыпты.

— Ей, балам, пәлен күні жауын жауар,
 Сол жауынның суында кесапат бар:
 Жеті күн жынды болар суын ішкен,
 Жеті күн откениен соң және оңалар.

Ол судан тамам суға су құйылар,
 Сел болып, судың бәрі кесел болар.
 Ертерек таза судан су жиып ал,
 Бұл — хабарым, сақтансаң, жаным, жарап.

Бұл сөзбен халифаға Масғұт барды,
 Хабарын естіген соң хан да аңғарды.
 Айтқан кезі жақындаپ келген шақта,
 Ертерек таза судан құйып алды.

Болған соң уәделі күн жауын жауды,
 Судан ішкен жынды боп, ақылы ауды.
 Күні-түні шуласып, таласады,
 Ұмытты тамақ жеу мен және ұйықтауды.

Бұлар шулап бір күні келді ордага,
 Хан мен үәзір қарайды тамашага.
 Бәрі де есі шығып, жынды болған,
 Бос шулап жүр кіші іні, үлкен аға.

Ол халқының алдына жақын барды,
 Сөз айтып әрбір түрлі, ақыл салды.
 — Бір кеселге, байғұстар, жолығыпсың,
 Үйіңе бар, үйиқтаңдар! — деп шығарды.

Олар шықты есіктен ханға өкпелеп,
 Көшеде шулап және жылаған көп:
 — Хан мен уәзір ақылдан айрылыпты,
 Өлтірейік екеуін, жынды екен, — деп.

Өлтіргелі ордаға қайта жүрді,
 Бұлардың сөзін естіп, хан да көрді:
 — Бұрынғыдан мұнысы қыын болды,
 Ойбай, уәзір, ақыл тап, қайттік? — деді.

— Құтылар хал болмады мына дудан,
 Біз де ішпесек болмайды жынды судан.
 Өлтірер өңкей жынды бізді келіп,
 Жынды деп есі дұрыс бізді қуған.

Екеуі жынды судан ішіп салды,
 Құтырып көп алдына жетіп барды.
 Өңкей жынды, байқамай айтыппыз деп,
 Құлдық ұрып, бұларға көп жалбарды.

Сонымен бет-бетімен тарқап кетті,
 Эйтеуір, тарқайтұғын уақыт жетті.
 Көрдің бе, көп тентектің қылған ісін,
 Еріксіз есті екеуін есер етті.

Көптің бәрі осындай, мысал етсең,
 Көп айтты деп алданып, уағда күтсөң.
 Гапіл боп көп нәрседен бос қаласың,
 Аңдамай көп сөзімен жүріп кетсең.

ӘЗІМ ӘҢГІМЕСІ

Бір сөзім «Мың бір тұннен» оқып көрген,
 Өлең қып сол сөзімді айтқым келген.
 Болыпты ағайынды екі жігіт,
 Бағдатта Мұстапа мен Сапа деген.

Екеуі жетім еді әкесі өлген,
 Талаптан, жетімбіз деп, бос жүрмеген.
 Тігінші, кестеші еді кіші інісі,
 Мұстапа суретшілік ғылым білген.

Екеуі екі айрылмақ қамын жеген,
 Бір шетке кетпек болып жұрт көрмеген.
 Мал тапқаны бір іздеп таппақ болып,
 Серт қылып, бір-біріне уәде берген.

Екеуін екі жаққа тағдыр бөлген
 Жандар емес қатерден әсте именген.
 Шын, Машынға¹ Сапасы кете тұрсын,
 Мұстапа Балсураға² бұрын келген.

Мұстапа — бойдақ, кедей біраз тұрған,
 Қасібін күннен күнге тәңірі оңғарған.
 Аздан соң қатын алып, үй салғызып,
 Шаһарда сенімдінің бірі болған.

¹ Шын, Машын — Шығыс мемлекеттерінің аттары. Шын — қытай, Мачин — Тай елі.

² Балсура — қаланың аты.

Пұл құрап, киім түзеп, қарны тойған,
 Қағазға өрнек жасап, сурет ойған.
 Құдайым кешіктірмей бір ұл беріп,
 Молдалар оның атын Әзім қойған.

Бір жасап, екі жасап, Әзім өсті,
 Сонан соң медресеге барып тұсті.
 Аз жылда жақсы ғылым қесіп етіп,
 Жас жігіт жүзі нұрлы, көңілі мас-ты.

Оқудан шыға ұстады ата өнерін,
 Асырды атасынан әрбір жерін.
 Сол күнде ажал жетіп, Мұстапа өліп,
 Жыртық-жетім болмады ол жас өрім.

Атаның харекетін ұстай алды,
 Өнері артық шығып, жан таң қалды.
 Алушылар көбейіп мұның ісін,
 Бұрынғыдан артылып мал құралды.

Бір күні лапкесінде отыр еді,
 Торғын тон, алтын кәмәр бір шал келді.
 Не қылса бір құрметті адам ғой деп,
 Әзім тұрып, иіліп сәлем берді.

Сәлемін алды шал да, амандасты,
 Қасына жуық келіп жақындасты.
 — Жат жердің адамы едім, ей, шырағым,
 Не харекет қыласың? — деп сұрасты.

— Қасымнан жетім едім көңілі сынық,
 Өнерім артық емес ондай ұлық.
 Еңбекпенен көз сұзбей күн көремін,
 Харекетім — суретші, бояушылық,

— Мінезің, түсің жақсы надан дерге,
 Артық өнер қыын ба талапты ерге?
 Тесілген күні бойы сендей жасты
 Аяймын өнімі жоқ бұл өнерге.

Бұл сөзге Әзім тұрып ашуланды,
— Тұрпайы сөйлейсіз, — деп қарай қалды.
Атамның харекетін қорлама, бай,
Аш емен, болмасам да сендей малды.

— Қорламаймын һәм, балам, зорламаймын,
Тесілген күні бойы сені аяймын.
Химияғылымын білуші ем, үйретер ем,
Мысты алтын жасаушы ем, алдамаймын.

Шын өнерге қайтер ең көзің жетсе?
Әркімге жарамайды мұны үйретсе.
Өзі үлкен, өзі оңай, артық, өнер,
Аз жұмыспен көп алтын хасил³ етсе.

Мен дағы жүргенім жоқ малдан құсіп,
Айттым, балам, басыңа мейірім түсіп.
Ертең ерте мысыңмен дайын болып,
Көңіліңнің дәркүмәнін алышы шешіп.

Әуелі хақтығына жетсін көзің,
Серт қылдым ғой үйретпек болып өзім.
Ертең ерте сол жерден табыспаққа
Екеуі уәде байлап, қойды сөзін.

Шал кетті, аң-таң бала үйге қайтты,
Көргенін анасына келіп айтты.
Химияғылымы бар дейтін, сүйтсе дағы
Анасы басын шайқап, ішін тартты.

— Апар да мыс бақырды алдына сал,
Алтын болса, болады бір талай мал.
Жалғызыым, не қылсан да сақ болып жүр,
Жәдігөй боп жүрмесін антүрған шал.

Бала айтты: — Тәңірім қақса, пенде не етер,
Жалған болса, білінер, қор боп кетер.

³ Хасил (арабша) — пайды, өнім.

Шын болып, уәдеге бармай қалсақ,
Фапылдықтан айрылған ызасы өтер.

Не қылса, сол түн бала шала ұйықтады,
Өтірік, расын ойланып таба алмады.
Мыс бақырын қолына алды дағы
Лапкеге күндегіден ерте барды.

Шал дағы дереу дайын бола қалды,
Бір дорбадан көмір мен көрік алды.
Екеуі сәлемдесіп болғаннан соң:
— Мысың қайда, балам? — деп дігір салды.

Мыс бақырды сындырды талқан қылышп,
Көмірге салды мысты, дүкен құрып.
Мыс былқылдан еріген кезінде шал
Шөншіктен⁴ ұсақ қара алды қырып.

Алды да, ол дәрісін мысқа салды,
Былқылдаған бүркүлдан мыс шайқалды.
Бір нәрсемен азырақ бұлғалақтап,
Алтын қып суынған соң қолына алды.

Алтынын алып берді қолындағы:
— Сарапқа сал бар дағы, шаһарыңдағы
Алтын емес деп біреу айтса, балам,
Алдамшы, амалым жоқ, болдым дағы.

Алтынды ал да, көрсет жүртқа апарып,
Менің сөзім шын болса тәңірі онғарып,
Сонау бақша ішінен табылармын,
Егер мені іздесең көңіліңе алып.

Әзім ұшты алтынды ала салып,
Не байларға көрсетті мұны апарып.
— Самородный сары алтын екен гой,— деп,
Кім көрсе, сол айтады аң-таң қалып.

⁴ Шөншік — дорба (көне сөз).

Үш мың үш жұз ділдаға кетті сатып,
Шешесіне ап келді таңырқатып.
Шешесі: — Сол кісіні шақыр! — деді, —
Кетсін, — деп, — үйімізден дәм-түз татып.

Бағанағы бақшаға Әзім келді,
Жолықты шал да, сонда отыр еді.
— Ей, ата, қылған ісің рас екен,
Қонақ боп, біздің үйден дәм тат, — деді.

Қос уыс ділда берді Әзімге шал:
— Сенің ортақ малың, — деп, — мендегі мал,
Шешілісіп, сырласып отыралық,
Әртүрлі қымбат баға ішкілік ал.

Сырлассақ, сұхбаттассақ, аулақ артық,
Нашалы⁵ боламыз ғой сөйлеп шалқып.
Анаңды да бір жерге жібер, балам,
Сырымды үйрете алман бойым тартып.

Құн батпай биттей алаң болма бізге,
Қас қарай келермін мен де сізге.
Ішу, жеу арасында сөйлер сөз көп,
Ол үйде жан болмасын сенен өзге!

Әзім кезді базарды аз тентіреп,
Әртүрлі ішкілікті алды күреп.
Алтынды көргеннен соң, аласы да
Кетті көрші үйіне, сеніңкіреп.

Арақ, жеміс — әртүрлі нығмат⁶ дайын,
Қуанды алтын қолға кірген сайын.
Үйіне бөтен жалғыз жанды қоймай,
Оңаша безендіріп тұрды жайын.

Көз байлана сып етіп шал да келді,
Әзім де есік ашты, дайын еді.

⁵ Нашалы (наша, анаша) — тұтікпен тартатын есірткі шөп.

⁶ Нығмат (арабша) — тағам, дәулет, байлық.

Эзімді баласына балағандай,
Жайнаңдаپ жарқын жүзбен үйге кірді.

Шал кіріп үйді тегіс аралады,
Бір Эзімнен басқа жан таба алмады.
Біратола пейілді беріп алған,
Эзім де бұл қылышты шам алмады.

Хош уақытсып сөйледі шал барқылдалап,
Қол қусырып Эзім тұр, сөзін тыңдалап.
Асын жеп, қолын жуып болғаннан соң,
Әпкел деп ішкілікті қойды ымдалап.

Бар іс қой әуелден-ақ ел салтында,
Орыс, неміс болса да, қай халқың да.
Пайда деп тән саулықта ішетүғын.
Миуадан тартқан хәмір⁷ ас артында.

Подносқа бөтелкемен арақ толды,
Бір-екі жақсы ұремке дайын болды.
Жоқтан барды сөйлесіп, сауқым салып,
Алысты пияланы онды-солды.

Жайма шуақ сүм шалдың іші мықты,
Алғашқы ішкен Эзімге тез-ақ шықты.
Бір аяқ қолдан қолға дегенсініп,
Жәдігөй стақанға дәру тықты.

Онысы түн ортасы болған заман,
Сүм еken талай жанды әуре қылған.
Дәрі қосқан аяқты ішкеннен соң,
Эзім барып жығылды шалқасынан.

Сонда шал терезеден бір ысқырды,
Төрт жігіт табыт алған үйге кірді.
Эзімді сол табытқа салды дағы,
Төртеуі көтеріп ап тысқа жүрді.

⁷ Хәмір (арабша) — шарап.

Әзімді мас қып алыш, шал кенелді,
Есікті жабамын деп аз бөгелді.
Артын жым-жырт қылды да, антүрған шал
Төртеуін ертіп алыш, тез жөнелді.

Теңіздің жағасында қалың қамыс,
Ішінде бір кеме бар шалға таныс.
Әзімді сол кемеге салды дағы,
Тұмсығын бұрып алды шетке шалыс.
Қасында жиырма-отыз жолдасы бар,
Қаладан таң атқанша кетіп алыш.

Ел тұрды, ертең кемпір үйге кірді,
Бала жазым болғанын іші білді.
Зар ұрды, ойбай салды, не бітірсін,
Тұра тұр, өзге-жайын сұрама енді.

Әзім есін жиыпты ертең тұсте,
Өз басын көрді хауіп-қатер істе.
Қол-аяғы байлаулы жатыр жалғыз,
Темір шеттік қапас бол тұрды үсте.

Үрғалып орнынан ол әрең тұрды,
Түрегеліп антүрған шалды көрді.
— Ақсақал, адам мұндаі қыла ма екен,
Анамнан мені айырып бұл нең? — деді.

— Көзінді аш, есінді жи, енді ойнама,
Мені сен өз діндерім деп ойлама!
Мен отқа шоқынамын, дініме көн,
Менде бардың берінен хауіп ойлама!

Егерде көнбей қалсанғ, наданшылық,
Әр күні сізге дайын бір жүз шыбық.
Мың жаның болса дағы құтылмайсың,
Табылмас енді менен майды қылыш.

Бала айтты: — Дінім үшін жаным құрбан,
Жаннан қорқып, отыңда мен бас ұрман.

Дінім хақ, ісім ақпын, өлсем шәйіт,
Қорқады деп үмітті ұз сен антүрган.

Баланың бар киімін шешіп алды,
Жұз қамшы арқасына дүре салды.
Қыңғ етіп бір дыбысты шығармады,
Азырақ талмаусырап, нашарланды.

Мұнысын жаратпады, қадір Сұбхан⁸,
Көк бұзылып, жер жүзі болды топан.
Байлаулы бала жайға қала берді,
Кемемен әуре болды көп антүрган.

Тұн бойы үйқтамады бір де мызғап,
Су сарылдаپ құйылды кемені ыргап.
Отыз құлты таусылды табанынан,
Су төгіп таң атқанша ол сарпылдаپ.

Отыз құл ақылдасты басты қосып,
Өлеміз деп ойлады жаннан шошып.
Бір шеттен бір жағаға келе жатқан
Кәрі иттің ұстай алды алдын тосып.

—Ақсақал, іс қыласыз ойланбастан,
Жаннан қорқып қашпаушы ек қара тастан.
Құдай сүймей бұл істі бізге салды,
Қолын шеш, ризалық ал мына жастан.

Қолын шеш, ризалық ал, кісенді бұз,
Шапшаң айт, көнесің бе, уақыт тығыз.
Бұл сөзге көнбей қалсаң, ақыр өлдік,
Сені суға тастаймыз отызымыз!

Сонда шал мына сөзге аң-таң қалды,
Не қыларын біле алмай, аз ойланды.
Пішінін отызының байқаған соң,
Баланың қол-аяғын шешіп алды.

⁸ Сұбхан (арабша) — алланың есімінің бірі. Бұл жерде күшті құдаймын деген мағынада.

Мойнынан шырағым деп құшақтайды,
Көзінің ағып жасы, бүршақтайды.
— Шырағым, мастықпенен қылыштын,— деп,
Әуелгі сөзден танып және алдайды.

Әзім жас, ақ пейілдеу адам еді,
Ойлады: өтірік болса неге именді.
Мастықпен қылса қылған шығар-ау деп,
Іс көрмеген жастықпен және сенді.

— Мастықпен қылған болсан, кештім саған.
Кәрі ит те: — Шырағым,— деп арсаңдаған.
Жел тынып, күн айырып баяғыдай,
Хикметімен тоқтатты бір жасаған.

Баланы сыйласп жатыр, тамақ қамдап,
Су төккісіз жорға боп шал жылмаңдан.
Отыз құл мынау тек жан емес қой деп,
Әлінше қызметінде жүр тырбаңдан.

Бір мезгілде шал айтты: — Балам, тоқта,
Мысты алтын қылатын дәрі осы жақта.
Алыс емес, аз күндік жақын жерде,
Болмай ма молықтырып ап қайтсақ та?

Бала айтты: — өзің біл!— деп бұл сөзіне,
Шал қуанды тиғен соң ерік өзіне.
Төбесінен тік тұрып қылды қызмет,
Титтей шәргез келмейді мінезіне.

Сып етіп бір жағага келді жетіп,
Шал жөнелді, баланы қасына ертіп.
Бір барабан тұр екен, қағып еді,
Қамады желмаялар дүбірлетіп.

Үш жемляя үстады жорығына,
Бірінің азық артты қомдығына.
Екеуіне ер ерттеп мініп алғып,
Барабанды қалдырды орынына.

Желмаялар келеді желдей есіп,
Сүм шалдың бір тарапты көзі тесіп.
Шал айтады балаға: — Көрдің бе — деп,—
Бұл тұр бұлдыраған елеңдесіп?

Ол өзі — бұлт емес, Қаптың тауы,
Бір бөлек ұлken таудың бергі бауры.
Бергі таудың басында сол дәрі бар,
Қырандай ап қайтармыз жібек баулы.

Түні бойы жүріпті, болды сәске,
Көрінді жарқыраған үйдей нәсте.
— Бұл не? — деп сұрап еді, тұра қашты,
Биттей аял қылмады кәпір әсте.

— Бұл не, — деп тағы да айтты Әзім сорлы,
— Қашқаның не қылғаның мұниша ғұрлы?
— Шырағым, мұның өзі қатерлі жер,
Бір қаскөй жәдігей дәудің орны.

Соны айтты да, шал сабап жүре берді,
Бір өзен жатыр еken, соны өрледі.
Өзенді өрлегеннен бір айрылмай,
Дәл бесінде үшыртып тауға келді.

Келді де бір жартасқа түсе қалды,
Азық, артқан маяны жарып салды.
Ішін жарып, іштегі ішек-қарнын,
Өкпе-баурын тазалап, бәрін алды.

Сонда шал Әзімге арқан, канжар берді:
— Маяның ішіне еніп, сен жат! — деді,—
Ішін тігіп, мен кетіп, жасырынам,
Тау басында самұрық бізді көрді.

Бұл жерге мен кеткен соң самұрық келер,
Маяны іліп алып, биікке өрлер.
Бір жерге қонғаннан соң жар дағы шық,
Именіп адамзаттан үшып кетер.



Жас Абай



Абайдың анасы



Құнанбай Өскенбайұлы



Жас Абай



Абай




Абай ұлы Magauijamen



Абай оқыған медресе



Абай жандармерия басқармасында



Карт в читальном зале библиотеки г. Семипалатинска, худ Леонтьев.

Абай Семей қаласының кітапханасында



А. С. Пушкин



М. Ю. Лермонтов



В. Гете



Пушкин, Крылов, Жуковский,
Гнедич. Жазғы бақта



Ақылбай



Әбдірахман



Магауя



Тұрагыл

Абайдың «Күз» атты өлеңнөң жасалған иллюстрация





Абай. М. Эуезовтің «Абай жолы» романына жасалған фронтиспис



Абай

Тау басында бар қара ұсақ топырақ,
 Қапқа толтыр кешікпей жылдамырақ.
 Қап толған соң арқанға байлан жібер,
 Саспай шешіп алғанша тоқта бірақ.

Сонан соң арқаныңды тасқа байла,
 Түсетүгін ыңғайлы жерді сайла.
 Арқаннан ұста дағы тұс сырғанап,
 Жаралмайды қылмасақ сүйтіп айла.

Қап алды, қанжар алды сонда Әзім,
 Сөзінің ұқтты бәрін қылмай жазым.
 — Шырағым, айтқанымды жаңылма, — деп,
 Барынша қылып жатыр шал да тағзым.

Әзім де бөгелмеді бойын тежен,
 Талабы, тәуекелі сондай-ақ көп.
 Тәңірінің бір жазғаны екі болмас,
 Маяның ішіне енді тәуекел деп.

Маяның кетіп қалды ішін тігіп,
 Шалекең жасырыңды талға кіріп.
 Аспаннан самұрық келіп, іліп алыш,
 Қайқайып қайта шықты бір-ақ ырғып.

Маяны самұрық қонды тасқа апарып,
 Ер Әзім шыға келді ішін жарып.
 Адамзатты көрген соң бұдан шошып,
 Отырды самұрық құс аулақ барып.

Жалтаңдал Әзім шықты тау басына,
 Тапты топырақ, толтырды дорбасына.
 Қап толған соң арқанға мықтап байлан,
 Тау басынан жіберді атасына.

Жіберді әлгі қапты жерге атып,
 Антүрған шал дәүлетке қалды батып.
 Қап жерге түскеннен соң дінсіз кәпір
 Арқанды алыш кетті жұла тартып.

Айрылып арқанынан Әзім қалды:
— Арқанды неге алдың! — деп айғай салды.
— Талайды осы тауға тастағанмын,
Соның бірі болдың, — деп кете барды.

Сүм шалдың дінсіздігін сонда білді,
Қарамай, бір қайрылмай, жүре берді.
Кәпірдің қайрылмасын білгеннен соң,
Жүгіріп жалтыр тастан жол іздеді.

Көрді, білді ол таста жолдың жоғын,
Сонан соң қамдап бақты қарны тоғын.
Азырақ жеміс тауып жеді дағы,
Көрмекке жата кетті хақ бүйрігын.

Күн де батты, бір жерге Әзім жатты,
Күн батқан соң жан-жағы салдыр қақты.
Қараса қаптап жүрген бәрі айдаңар,
Сонда да біраз жатып үйқтап қапты.

Үйқтап кетіп, шошынып тез оянды,
Жұтқалы көрді келген айдаңарды.
Не де болса тәуекел қылды дағы,
Қанжармен қақ басынан шауып қалды.

Өзі де бір тарапқа ыршып кетті,
Бір биік ағаш көрген, соган жетті.
Биік жерде болайын деді дағы,
Сол түні ағаш басын мекен етті.

Әр-бері жатты дағы, үйқтап қалды,
Шаршаған ғой, күн шыға зорға оянды.
Қараса басқа айдаңар жоғалыпты,
Өзі шапқан таныды айдаңарды.

Ойлады: «Тірі болса кетпес пе еді?»
«Өлген ғой мына айдаңар», — деп ойлады.
Ағаштан түсе қалып айдаңарға,
Колына қанжар алып, жетіп барды.

Көрді, білді айдаһар тірі емесін,
Тәңірі ұзын жаратқан сом денесін.
Қанжармен таспадай қып тіліп алыш,
Аз уқалап кептірді жон терісін.

Жалғап-жалғап, бір ұзын арқан етті,
Ер Әзім осылайша талап етті.
Бір ұшын тасқа байлап жібергенде,
Түсетүғын орнына әбден жетті.

Ер Әзім тәуекел қып жаннан құсіп,
Арқаннан ұстады да, кетті түсіп.
Қарақат жеп, мойыл жеп, судан ішіп,
Өзенді қулады да, жүгірді ұшып.

Үш қонып, төртінші құн белден асты,
Ол құні алтынды үйге душарласты.
Тау басынан түсірген тәуекелмен
Сол үйге кірмек болып қадам басты.

Қақпадан кірді ішкери қадам басып,
Бір үйінен өрледі бір үйге асып.
Тілдесерге еш адам жолықпады,
Төрдегі үйге кірді есік ашып.

Екі сұлу қыз отыр төрдегі үйде,
Ондаі сұлу көрген жоқ бүтін елде.
Екі қыз шатраш ойнап, білмей қалды,
Кірді де, тұра қалды орта жерде.

Екі қыз мұны көрді бас көтеріп,
Адамзатқа таңырқап, тұрды елеріп.
— Ей, жігіт, түсің жақсы жан екенсің,
Жүр едің жәдігөйге не қып еріп?

Сөйледі Әзім дағы аянбай-ақ:
— Мен ғаріп бишарамын жүрген саяқ.
Әуелде өзі көрген бар қысаны
Сөйледі бірін қоймай бастан-аяқ.

Екі қыз естіп білді Әзім жайын,
Есіркеп, мұсіркейді айтқан сайын.
— Сен бізге бауыр болып, тұр осында,
Не керектің қылалық бәрін дайын.

— Құп болсын, олай болса, апаларым!
Дүниенің тартып жүрмін жапаларын.
Сағынсам, өз еліме жеткізе ме,
Айтсаныз, мархаматты аталарың?

— Көнілді бос сүйтпа біздей қыздан,
Сізге уәде біздерге тәнірі айтқызыған.
Шыдағанша шыдан бақ қасымызда,
Қайтпағың келер біздің қолымыздан.

Сені біз жар етпейміз, бауыр еттік,
Достықпен жүрек еріп тәуір еттік:
Түбінде сен тұра алмас болсан үндада,
Еліңе жеткізуге біз де жеттік.

Құп болады десті де, серт байласты,
Қатты-қатты айтысып уәделесті.
Көңілінде кара жоқ, ақ ниетпен
Тым жақын дос болуга ыңғайласты.

Күн жаңғырып, бойына қуат енген,
Алтынды үйдің ішінде еркеленген.
— Жан-жағын қалай сайран қылсаң еркің,
Жалғыз-ақ бір есікке кірме, — деген.

Екі қыз кетіп бір күн, қалды Әзім,
Салған жоқ қыздар оның көңіліне ажым.
Тал түсте бағанағы кірме деген
Есікке кіріп кетті — бар ма лажың?

Кірсе, аржағы дөңгелек қалың ағаш,
Ішінде бір хауыз бар, ернеуі тас.
Бұлбұл сайрап, миуасы салбырап тұр,
Салтанатын түгендеп айтып болмас.

Тас ернеуі — меруерт, ол көрінген,
Кеткісі келмес жанның мұны көрген.
Ер Әзім тамашалап қарап тұрса,
Бір түрлі таңғажайып құстар келген.

.....
.....

(Бітпей қалған)



ҚОЛТАҢБА
ФАКСИМИЛЕ

Абай өлеңдері
Абайдың әдеби хатшысы
Бікеұлы Мұрсейіт көшіріп
жазған қолжазбасы.

1905 жыл

۱۰۷



АУДАРМАЛАР

Александр Пушкин

ТАТЬЯНАНЫҢ ОНЕГИНГЕ ЖАӘҒАН ХАТЫ

A

мал жоқ — қайттым білдірмей,
Япырмау, кайтіп айтамын?
Қоймады дертің күйдірмей,
Не салсаң да тартамын.

Талайсыз, бақсыз мен сорлы,
Еріксіз аттап ұяттан,
Қорлыққа көндім бұл құрлы,
Байқалар халім бұл хаттан.

Әлімше мен де ұялып,
Білдірмен дедім өлсем де.
Шыдар ем күйіп, мен жанып,
Айында бірер көрсем де.

Болмады көріп қалуға,
Есітіп біраз сөзінді.
Шыдар ем бір ай жатуға,
Ұзақ түн жұмбай көзімді.

Қызықтан қашып бұл жерге
Көңіліңіз салып келіпсіз.
Мәнісін сұрап білуге,
Тілдесе алмаймын еріксіз.

Келмесең егер сен бізге,
Сау болmas па ем, әлбетте?

Болмасам ашына мен сізге,
Түспес ем мұндаій бейнетке.

Асая жүрек қайнамай,
Жуасыр ма еді кезінде?
Елден бір жақсы сайламай,
Бармас па ем ерге өзім де?

Өзгеге ешбір дүниеден
Еркімен тимес бұл жүрек.
Әуелде тағдыр иеден,
Қожам — сенсің, не керек.

Тіршілігім — құрбандық,
Шыдамай сені көргенше.
Тәңірімнен келген бұл жарлық,
Ием — сенсің өлгенше.

Әуелде кірдің түсіме,
Ортақтасып өміріме.
Толғау салып ішіме,
Сол күнде-ақ жақтың қоңіліме.

Құдайдан болғай деп емі,
Құдайыны мол бердім.
Көрген жерде-ақ мен сені,
«Осы екен ғой — сол» дедім.

Жатқан сайын үйқыға,
Дүға оқушы ем, шошынып.
Ұнатып мені құлқыңа,
Жүруші едің қосылып.

Түсімде мені жұбантып,
Жылды сөзбен сөйлесіп,
Кетуші едің қуантып, —
Қалушы еді көңіл өсіп.

Шыныңды айт, кімсің тербеткен,
Иембісің сақтаушы?
Әлде азғырып әуре еткен,
Жаумысың таптаушы?

Шеш көнілімнің жұмбағын,
Әлде бәрі — алданыс.
Жас жүрек жайып саусағын,
Талпынған шығар айға алыс.

Не болса да өзімді
Тапсырдым сізге налынып.
Толтырып жасқа көзімді,
Есірке деймін жалынып.

Бұл жерде ешкім сырымды
Білмейді, айтып не етейін?
Жақтырмай бұзсан ңұрымды,
Білдірмей күйіп өтейін.

Күтемін сізден қайта хат,
Қуандырып дертім жаз.
Ол болмаса, шыныңды айт,
Кінә өзімде, өзіме аз.

Өз хатыма өз көзім
Ұялып, қорқып баға алмас.
Кепілім — сенің бір өзің,
Бөтен жан несіп таба алмас.

ОНЕГИННИҢ СИПАТЫ

**Жасынан түсін билеп, сыр бермеген,
Дәмеленсе, күндесе, білдірмеген.
Нанасың не айтса да, амалың жоқ,
Түсінде бір кәдік жоқ «алдар» деген.**

**Кейде паң, кейде көнгіш орныменен,
Кейде елеусіз, кейде ынтық формыменен.
Кейде ұн демей жүрсе де сөзге баяу,
От жалындај жауапкер құрбыменен.**

**Фашықтық сөзге жүйрік, әсіресе,
«Дем алым, құмарым — бір сен» десе.
Жанын құрбан жолына қылған жансып,
Көз қарауы құбылар әлденеше.
Кейде ұялшақ, төменшік, кейде тіп-тік,
Қамыққансыр, қайғырып, орны келсе.**

**Жап-жаңа кісі болып түк білмеген,
Қалжының білдіртпейді «қалай» деген.
Жаның шошыр өрлігі жаннан бөлек,
Кісіге балдан тәтті орны келген.**

**Биттей бойы босаса, сезер сонда,
Жастық жеңіп, көңілді шайқағанда.
Фашық құмар, ақыл мен бойыңды алыш,
Жылы жауап есітер не қылсан да.**

Емінер, «әй» дегізер, дайын қылар,
Жүргегің қалай соқса, пайым қылар.
Жылы ізін сұytпас, дамыл көрмес,
Бір оңаша жолығар жер айтқызар.
Ел аулақта оңаша қолына алып,
Көңіліндегі сабағын айтып тынар.

Жасынан көрсе оны ақылы сасқан
Не сүркия жандарың жүрттан асқан.
Жеңуге, қор қылуға тағы да ұста,
Өзіне қүндес шықса, жол таласқан.
Ажуға, қорлауға тілі орамды,
Не түрлі тұзақ құрып көндін басқан.

ОНЕГИННІҢ ТАТЬЯНАҒА ЖАУАБЫ

Таңғажайып бұл қалай хат,
Мағынасы — алыс, өзі жас?
Сөзі орамды, әрі түрі жат,
Және әдепті, және рас.

Жас жүректің толқынын дәп
Жаза алышың толтырып.
Бойды женіп бұл асыл леп,
Тұрды титық көп құрып.

Тіл буынсыз, бой — таза гүл,
Ақылы артық, ары зор.
Ол — перизат, ойла, өзің біл,
Не болады болса қор?

Ішім өлген, құр денем сау,
Босқа үрейім жүр менің.
Жарамайды бекер алдау,
Тенің емес мен сенің.

Бенде көрген бар қызықтың,
Бәрін ішкен сүм жүрек.
Айныған соң, сен жолықтың,
Айттып-айтпай не керек?!

Тәтті дүние көнілімнен
Кетті менің, нан маған.

Енді бізге бір өлімнен
Басқа түк жоқ арнаған.

Мен — жаралы жолбарыспын,
Жұрттың атқан оғы етіп,
Сен есірке, сорлы жаспын,
Шын сөзіме рақым етіп.

Бала сүйер, жар сүйерден,
Түк неме жоқ, түр денем.
Сен — тоты құс бақта жүрген,
Қай жерімнен пар келем.

Ерге барған ер танымай,
Ер қызығын кім көрер.
Шығарына жол таба алмай,
Қайғыменен босқа өлер.

Айнығыш ер тартса салқын,
Бал сұрасаң, береді у.
Қазымырлап сөздің артын...
Қасиеттен бетті жу.

Мен — сынық жан, жамағанмен
Түзеле алман түрленіп.
Теңің емес, біл, саған мен,
Не қыласың кірленіп?!

Әйел өлмес соқпа дерттен,
Сауыға алмас сынған ер.
Мен — көмірмін қалған өрттен,
Енді рұқсат бізге бер.

Сенің өмірің гүлденіп түр,
Есігін тап, көр қызық!
Менің өмірім — бір сұық сұр,
Күзгі құндей түр бұзық.

Бірге туған мен ағаңнан,
Шын досыңмын, кем емес.
Сокқы жедім сүм заманнан,
Бір жылды сөз ем емес.

Арман етпе, жас күнің көп,
Игілік көр, ерге бар!
Бұл заманның кашқыны деп,
Мен ғаріпті есіңе ал.

Менде пандық, жат мінезден
Дәнеме жоқ, жарқыным.
Осы жазған барша сөзден
Байқалынар бар шыным.

Басы қатты, сүм жүрегін
Тоқтата алмай кетті де.
Сорға біткен көкірегін
Сендейре алмай өтті де.

Бар денемнің бәрі — бір мұз,
Қайрылуға жарамас.
Мына дәулет, мына асыл қыз,
Болды маған арам ас.

Ол — жас ағаш, бір қызыл гүл,
Жапырағы жаңғырап.
Сорлы Онегин, жолды өзің біл,
Қай тарапқа қаңғырап.

ОНЕГИН СӨЗІ

**Хатыңнан жақсы үғындым сөздің бәрін:
Кірі жоқ, кіршігі жоқ мағыналарын.
Жасырмай, жастықпенен, наңыштықпен
Айтыпты шыншыл тілің бар іңкәрін.**

**Жасырмай жас жүректің жанған жайын,
Айтуға тілің мұнша қайдан дайын?
Жанып, сөніп, суынып қалған көңілім
Қобалжиды хатыңды көрген сайын.**

**Қалмаган Онегиннің ешбір бағы,
Өтіп кеткен жүректің отты шағы.
Мінсіз тілмен сөзінді жазыпсың-ақ,
Ұнатпаған жерім бар сүйтсе-дағы.**

**Болса да сән-салтанат, қызық, әсем,
Тез жалығып айнимын, тұрлауым кем.
Сақтасар, ардақтасар кісі болсам,
Жалғанда сенен басқа жанды алмас ем.**

**Бұғін сүйсем, сені алсам — ертең жалқып,
Суып қайтар көңілім желше шалқып.
Қуартып, қайғыменен суалтамын,
Біреудің қызыл гүлін тұрган балқып.**

**Құдайдың толып жатыр күні бұғін,
Жігіттің тани алмай кемшілігін.**

Бір алып, қадірлемей, тастап кеткен
Тартып жүр қиянатшыл ер күйігін.

Тұксиген өзі сұық, сөзі сұық,
Келерлік бір жері жоқ жанға жуық.
Өзі антүрган, қазымыр, қатын сорлы,
Екі өмірдің лайлап сұын тұнық.

Сол баянсыз еркектің біреуі — мен,
Жамандығым жақсымнан екі еседен.
Жүрек кірсіз, тіл мінсіз, мінезің — гүл,
Не боласың осындай ерменен сен?

Жаңғырмас өткен өмір, біткен мінез,
Лайықсыз кісіге болыпсыз кең.
Сені жақсы көрейін бірге туған
Ағандай, онан басқа жоқ менде сөз.

Жас қызы мен жас бәйтерек — бәрі бірдей,
Жапырағы тұра ма жылда өзгермей?
Менен гөрі сөзінді жақсы үгушы
Кетер деме ер жігіт бір кез келмей.

Бұл сөзде ақыл да бар, ғибрат та бар,
Өзіңе екіншіде пайды болар.
Ақылменен ойласаң тоқтау қылыш,
Сүйкімді менен артық жан табылар.

ОНЕГИННИҢ ТАТЬЯНАФА ЖАЗҒАН ХАТЫ

Құп білемін, сізге жақпас
Ескі жара білтелеу.
Ақ жүргің енді ұнатпас,
Мезгілі жоқ қай медеу?

Ұқытиясыз мұнды сезім
Кетті ыршып жолыңа.
Мазағыңа бердім өзім,
Өз басымды қолыңа.

Өлі бойға жан жүгірді,
Қайратым құрыш болды, нан.
Мұз жүргегім май сықылды
Еріп, от бол күйді жан.

Қор қылуға құдіреттен,
Жүргіме тұсті өрт.
Тайды аяғым ескі серттен,
Тұсті емсіз қатты дерт.

Масқаралап мені тағдыр
Қылды мазақ, не шара?
Менің үшін сен жауап бер,
Менде сөз жоқ, бишара.

Михрабым¹ сен, бас ұрамын,
Тіл жете алмас ғүзіріме².
Жетпедім, не жасырамын,
Гаунарымның қадіріне.

Сен — ағашта піскен алма,
Әзір едің, алмадым.
Құп кіріптар қылды Алла,
Әлде мені қарғадың?

Он сегіз мың бұл ғаламның
Бар тынысы күнде тұр.
Мен сықылды сорлы адамның
Ықтияры сенде тұр.

Сен бетіңді әрі бұрсаң,
Шықты көзім, болды көр.
Жанды аларсың разы болсаң,
Біздің орын — қара жер.

Тәңірі добы — бұл ғаріп бас,
Кетті амалсыз қорлама!
Қайта қақты, қайла болмас,
Келді, түсті ордана.

Ақылды бар, ықтиярлы,
Пенде теппес өз жарын.
Ерік — иеде, пенде — зарлы,
Не білер не боларын?

Сорлы адаммын жер жүзінде,
Бір қуаныш көрмедім.
Не қыласың ерік өзіңде,
Қайғысы асқан шерлі едім.

¹ Михраб (арабша) — мешіттің төріндегі молда тұратын Құбылаға қараган орын. Бұл арада қасиетті орын мағынасында.

² Газір, ғүзір (арабша) — бір істі істеуге мүмкіндік бермеген себеп мағынасында.

Мениң өмірім таянып тұр,
 Үзілуге әм жаным.
 Ақ жүзінді бір көріп құр,
 Өлсем, болмас арманым.

Күні ертең бір көрінсең
 Сорлы асықтың қөзіне.
 Тәңірі үшін шапқатыңмен
 Нан ғаріптің, сөзіне!

Не болайын, тез болайын,
 Ақ жүзінді көрейін.
 Бар ма өмірім, қармалайын,
 Жоқ болса, мен өлейін.

Қорғалап құр өтпе өмір бос,
 Тағдырына қарсы бар.
 Бір өзіңден басқа бір дос
 Таппасаң, өл, жүрме зар.

ТАТЬЯНА СӨЗІ

Тәнірі қосқан жар едің сен,
 Жар ете алмай кетіп ең.
 Ол кезімде бала едім мен,
 Аяmasқа бекіп ең.

Талақ етіп бұл ғаламды,
 Болды мәлім кеткениң.
 Кінәсі жоқ жас адамды
 Қатты соққан не еткениң?

Елжіреген жас емес пе ем?
 Еппен айтсаң жұбатып.
 Мен ғашыққа мас емес пе ем?
 Кетсең еді үзатып.

Сен жаралы жолбарыс ең,
 Мен киіктің лагы ем.
 Тірі қалдым, өлмей әрең,
 Қатты батты тырнағың.

Бұл кінә емес, әншейін наз,
 Сағынамын, айтамын.
 Досың-ақпын, тағдыр араз,
 Толғанамын, қайтемін.

Сен шошыңың ғашығыңынан,
 Өзге жүрттан қамшы жеп.

Мен де сорлы нәсібімнен,
Жатқа тидім «алшы» деп.

Жар табылmas сен секілді,
Мен де сендей сорлы зар.
Қол-аяғым берік бекілді,
Енді ненің орны бар?

Өз қораның қақпасын сен
Қатты жаптың, не айтайын.
Жат қораның тақтасын мен
Жастанамын, қайтейін.

Қаймақ еді көңілімде,
Бізге қаспақ болды жем.
Екі сез жоқ өмірімде,
Мен де — сорлы бақыты кем.

Еш қызыққа арманым жоқ,
Бәрі де бар формының.
Біреуіне қанғаным жоқ,
Өзіме аян — сорлымын.

Жаным ғашық асылым ең,
Жар есігін бермедің.
Сорға біткен ғашығымсың,
Неге тым кеш сермедің?

Жат есікті және қорып,
Жара салма сен маған.
Жүрт жамандар жатқа жорып,
Жалынамын мен саған.

Үшбу қиял келсе басқа,
Сен жүдер деп мен үшін.
Болар еді қайнамасқа,
Мыс қазандай сорлы ішім.

Гашық-ақпрын еш құмәнсіз,
Үрүс емес, сор үшін.
Көрісуге шыдамаспзыз,
Айрылалық сол үшін.



ОНЕГИННИҢ ӨЛЕРДЕГІ СӨЗІ

Жарым жақсы киім киіп,
 Келді жанға жылды тиіп.
 Диуана болды бұл көңілім,
 Басылмай бір құшып, сүйіп.

Бойым түр дал болып үйіп,
 Көңілім жүр құс болып шүйіп.
 Есіркеп сүйгізіп еді,
 Кетіппін жүз есе күйіп.

Қылдың арам ойыңды,
 Бір бүрмадың мойныңды.
 Сен ақылмен көңілінді
 Тыйып, жеңдің бойыңды.

Мен бұрылып түзеле алман,
 Қайтсін дедің сорлыңды...
 Атам, анам — қара жер,
 Сен аша бер қойныңды.
 Сенен басқа еш жерден
 Таба алмадым орнымды.

ЛЕНСКИЙ СӨЗІНЕН

Барасың қайда, қайда болмай маған,
Жас өмір алтын-күміс жарқылдаған
Келер күн келеді екен не дайындал,
Қараңғы, қараганмен болжай алман?

Мінеки, келіп қалдық атар таңға,
Жарқырап күн де шығар тірі жанға.
Табытқа салып алыш, әлде мені
Апарар сырын білмес бір далаңға.

Михаил Лермонтов

ДҮФА

Өмірде ойға түсіп кем-кетігің,
 Тулағыш мінезің бар, жүрек, сенің.
 Сонда сенің отыңды басатұғын,
 Осы өлең — оқитұғын дұғам менің.

Ішінде бір қуаты барға үқсайды,
 Тірі сөздің жаны — сол, айрылмайды.
 Қасиетті нәфәсі¹ желдей есіп,
 Қайнап тұрған ыстық қан салқындайды.

Жаныңның ауыр жүгі жеңілгендей,
 Көңілден кернеген кек кемігендей —
 Болады жылауға да, сенуге де,
 Жүректің басынан у төгілгендей.

¹ Нәфәс — дем, тыныс алу.

БОРОДИНО

— Айтшы, аға, неғып женілдік
 Мәскеуде емес тегіндік,
 Болған білем соқтығыс,
 Емес білем аз жұмыс.
 Ұмытпайды еш орыс,
 Бородинде көргенді.

— Ондағы біздің адамдар,
 Сендердей емес, балаңдар.
 Қыын тиді оларға
 Аз кісі-ақ қайтып санарага.

.....
 Қол салмаққа кәртечке¹
 Ол күн болды, күн кешке,
 Қас қарайып, болды түн.

.....
 Штық, қылыш қайрасып,
 Ширатып мұртын шайнасып,
 Ашулы солдат қыстықты:
 «Қойса екен бізді тиуын,
 Айтса екен бізге қынын,
 Жыртпасақ жаудың киімін,
 Біз не етеміз, штыкті».....

¹ Картеч (орысша) — шашылып атылатын оқ.

ТЕРЕКТИҢ СЫЙЫ

**Асай Терек долданып, буырқанып,
Тауды бұзып жол салған, тасты жарып.
Арыстанның жалындаій бүйра толқын
Айдағардай бүктеліп, жұз толғанып.**

**Кавказдан шықты жайнап, қылыш у-шу,
Тұзу жерден жол көрнеп ұлғайды су.
Қалың қайрат бойында, беті құліп,
Момынсынған пішінмен ағады қу.**

— Кавказдай құзда туған перзенттенмін,
Бұлттың сүтін еміп ержеткенмін.
Қазбектен, ағам, сені көксеп шығып,
Кім қақтықса жолымда күйреткенмін.

**Зор кеуде адамзаттың айласына
Көнбей, бүгін күшімді көрсеткенмін.
Екі езуім көпіріп, айғайласам,
Шын құтырсам шың тасты тербеткенмін.**

**Аптығып асай інің келді, ақсақал!
Тау, тасқа, адамзатқа салып жанжал.
Дем алайын деп келдім, аш қойыныңды,
Сәлем-сауқат әкелдім, қош көріп ал.**

**Әкелген бұғы менен маралым бар,
Адамнан тартып алған көп малым бар.**

Ер-тоқымы, атымен, қаруымен
Ер шеркесті әкелген амалым бар.

Мұның бәрі — тартуым сізге, — дейді,
Ақылыңды айт, ақсақал, бізге,—дейді.
Бақша, зауат, жайларды қылдым талқан,
Әрбір бай жалдап жатыр жүз кедейді.

Қартаң Каспий қалғыған бойыменен
Терекке көзін ашып үндемейді.

— Азырқандың, білемін, ақсақал шал,
Тентегіңнің сөзіне құлағың сал.
Қазақ-орыс қатыны бір сұлуды
Әкеліп ем, қайтейін, оны-дағы ал!

Кәрі Каспий қара көк көзін ашты,
Жылы жүзбен Терекке амандасты.
Жыбыр қағып, қозғалып, сылқ-сылқ, күліп,
Қатынды алды, қитықсыз араласты.

* * *

Әм жабықтым, әм жалықтым,
 Сүйеу болар қай жігіт,
 Көңілден кеткен соң тыным?
 Әм сүйіндім, әм тұңілдім,
 Үнемі неткен үміт,
 Откен соң бар жақсы жылым?

* * *

Кең жайлай — жалғыз бесік жас балаға,
 Алла асыраган пендесі аш бола ма?
 Ержеткен соң сыймайсың кең дүниеге,
 Тыныштық пен зар боларсың баспанага.

* * *

Сұрғылт тұман дым бұркіп,
Барқыт бешпент сұлайды.
Жеңіменен көз сұртіп,
Сұрланып жігіт жылайды.

Әйелмісің, жылама,
Тәуекел қыл құдага!
Өлең айт,
Үйге қайт!

Атаңды анаң азғырып,
Тұрғызбаған бейішке.
Алласы оны жазғырып,
Әкелді бастап кейіске.

Әйелде ешбір опа жоқ,
Бүгін — жалын, ертең — шоқ.
Белді бу,
Бетті жу!

* * *

**Ал, сенейін, сенейін,
Айтқаныңа көнейін.
Шалма ораган сопының
Ішін арам демейін.
Ақ көңілді әділ жан
Табылар деп көрейін.
Я сүйсе, я күлсе,
Елжірейін, төнейін.**


**Жаралы көңіл жазылар,
Дүниеде рахат бар шығар.
Жақсы адам деген құры сөз
Емес шығар, табылар.
Откен өмір, көрген тұс
Не қылғанда бір болар.**

**Деп нанып ем «маған нан»,
Не таптым мен наңғаннан?
Жүрегімді қан қылды,
Откен өмір, өлген жан.
Ақыл іздеп, ізерлең,
Бәрін сынап сандалған.
Бірін таптай солардың,
Енді ішіме ой салған.
Тұла бойды улатты,
Бәрі алдағыш сүм жалған.**

Басыңа тиңді, байқадың,
Бәрінен басты шайқадың.
Тағы бар ма айтарың?
Нанғыш болсаң, енді нан!

Балда жаңа жүз көрді,
Балда жаңа жүз көрді,
Жемілдегінде жаңа көрді
Кейдеңде жаңа жүз көрді.

Оң балда жаңа жүз көрді
Жемілдегінде жаңа жүз көрді!
Күдін көрді жаңа жүз көрді-



Жаңа жүз көрді жаңа жүз көрді
Жаңа жүз көрді жаңа жүз көрді
Жаңа жүз көрді жаңа жүз көрді
Жаңа жүз көрді жаңа жүз көрді

Жаңа жүз көрді жаңа жүз көрді
Жаңа жүз көрді жаңа жүз көрді
Жаңа жүз көрді жаңа жүз көрді
Жаңа жүз көрді жаңа жүз көрді

* * *

**Өзіңе сенбе, жас ойшыл,
Тіл өнері дертпен тең.
Көнілдің жүгін қиял қыл,
Ыңға тұтқын бой мен-зен.**

**Қасиет тұтып, ойға ұмтыл,
Қан қайнап, қуат егілсін!
Онаң гөрі еңбек қыл,
Улы сусын төгілсін!**

**Ойлай берсең, ой деген
Не қызыққа келер кез.
Кісі айтпаған, білмеген
Қүй әдемі, тәтті сөз.**

**Тыңдама оны, ұмыт сен,
Бұркен дағы, бар да жат.
Тамылжытып айтқанмен,
Қыла алмассың сен қымбат.**

**Кез болсаң қайғы, я зарға
Құрсатса тілді ұмтылтып,
Алып шықпа базарға,
Асаудайын бұлқынтып.**

**Қайғы-дертің мейлі мың,
Саудага салмақ өзіне ар.
Жаныңда түскен жараның
Іріңін нетсін надандар.**

**Біліп оған не керек,
Ішінен қайғы жемесең,
Жалтаңдаған жас жүрек
«Байғұс-ай» десін демесең.**

**Өз бойыңа болып сақ
Жан-жағына қараңдар!
Құн көріп жүр құліп-ақ
Сенен басқа жарандар.**

**Олардың да ешбірін
Қайғы аман қойған жоқ шығар.
Ойлап, байқап көр түрін,
Таттырмап па дүние зар?**

**Құлкі болмай, қой, жаным,
Сен бүйтесің, ол қайтті?
Олар көрген арманын
Кімге шақты, кімге айтты?**

* * *

**Қайтсе жеңіл болады жұрт билемек?
Жұрты сүйген нәрсені ол да сүймек.
Ішің берік боп, нәпсіге тыю салып,
Паңсымай, жайдақсымай, ірі жүрмек.**

**Сасқаныңды көрсетпе ешкімге бір,
Сүйтсе де ірісімен кеңесіп жүр.
Кейбірін хауіптендір, мінін тауып,
Кейбірін жылы сөзбен көңілдендір.**

**Көрінбе ел көзіне әсте қорқақ,
Жанды жан демейтүғын жан шығып бақ.
Анда-санда құтырған жаман емес,
Оныңды жиі қылмай және бол сақ.**

**Кісімсі қайда жүрсөң олжага тоқ,
Шоқыма халық көзінше қарғаша боқ.
Жұрт — жас бала, ешиәрсесін тартып алма,
Білдіртпей ентек алсаң залалы жоқ.**

**Жат елге жадағайда сөйле шәргез,
Тар жерде тайпалудан танба әр кез.
Жатты жау деп елінді үрпітіп ап,
Жауға жабдық деп жиып, пайда қыл тез.**

ТҮТҚЫНДАҒЫ БАТЫР

Қаранды үй терезесі — тұтқын орны,
 Көгерген көктің жүзі ескі формы.
 Азат құстар аспанда ойнап үшса,
 Ұялып қарай алмас мендей сорлы.

Тәубә жоқ, дүға да жоқ тентек бойда,
 Өлең жоқ айтып жүрген талай тойда.
 Қан ағып, қайрат қылған майдан менен
 Ауыр қылышп, дулыға бірақ ойда.

Тас дулыға, тас сауыт киінгенім,
 Денемді қысып жатыр бүгін менің.
 Оқ пен қылыш бұзбастай киінсем де,
 Қайран атым, иең жоқ жалғыз сенің.

Уақыттай өзі жүйрік ат міnezім,
 Сауыттай шынжырлаулы тереземіз.
 Тас дулыға болмай ма жатқан үйім,
 Шарайнам шойын есік бұ да бір кез.

Жүйрік уақыт шаршатпай қоймас ақыр,
 Денемді сауыт-сайман қысып жатыр.
 Бұрын сені біреуге көп жұмсал ем,
 Енді өзіме шақырдым, ажал батыр.

* * *

Құлімсіреп аспан тұр,
 Жерге ойлантып әр нені.
 Бір себепсіз қайғы құр
 Баса ма екен пендени?
 Қапамын мен, қапамын,
 Қуаныш жоқ көңілде.
 Қайғырамын, жатамын,
 Нені іздеймін өмірде?
 Қайтты ма көңіл бетімнен,
 Яки бір қапыл қалдым ба?
 Откен күнге өкінбен,
 Әм үміт жоқ алдымда.
 Іздегенім тәтті ұйқы,
 Дүниені ұмытып.
 Өлімнің сұық тым сыйқы,
 Тұрсын өмір жылдытып.
 Көз ұйқыда, ой тыншып,
 Дем алып жатсын көкірек.
 Кім таласса, кім ұрсып,
 Қорсем оны — сол керек.
 Өзім аулақ бетінен,
 Бір орында оңаша,
 Дүние деген не деген —
 Қыла жатсам тамаша.
 Мансап іздер, мал қуар,
 Бәрі мақтан іздеген.
 Мақтанынан не туар,
 Үзіза қылышп өзгеден?

* * *

**Рахат, мені тастап қоймадың тыныш
 Гашың жар, ағайын, дос — бәрі алдағыш.
 Жастың құмар үміттің нұры қайтып,
 Құңгірт тартты, бәрінің аяғы реніш.**

**Ұнатпаймын тағдырды, дүниені,
 Жасқантың жалынта алмас о да мені.
 Алладан бәрі бір дең тосып тұрмын,
 Алғалы жақсылықты, я өлгелі.**

**Қара жұрт қарап көріп, сөзге наңбас,
 Ант етемін, жалғанын жан таба алмас.
 Өзі алданып, өзгеден соққы жеген,
 Және өзі біреуді алдай алмас.**

**Соққан дауыл сияқты өмір өтер,
 Қайғырмаймын, білемін, көзім жетер.
 Кеудемде осы жүрек тұрған шақта
 Жақсылық жоқ өзіме мен дәметер.**

**Ол жүректің жалынын басар бірақ,
 Өлсе, көрде бастырған су топырақ.
 Өзі сүйіп, өзгеден сүю ізден,
 Таппаған сорлы адамнан сөнер шырақ.**

* * *

Ғашықтық іздең тантыма,
Аз күн әуре несі іс?
Өзіннің қара артыңа,
Өткен өмір бейне тұс.
Өлгениш болар бар ма дос?
Қуаныш, қайғы — бәрі бос.

* * *

**Махаббат, достық қылуға
Кім де болса тед емес.
Қазір дайын тұруға —
Бес күндік ғашық жөн емес.**

**Сүйіспек көңілім ойлайды
Жанның бәрі — қатыбас.
Сүйісу тоғбай тұрмайды,
Еңбекке аз күн татымас.**

ОЙ

**Қарасам, қайғырап жұрт бұл заманғы,
Салқын, қуыс — өмірі я қараңғы.
Білім де жоқ, білімге сенім де жоқ,
Өнерсіз қартаяр деп біл балаңды.**

**Жасынан білер ескі шалдың мінін,
Аптық жерін, ақылға кеш енгенін.
Өзі өнерсіз, өмірден тез суынар,
Ойлаған жолаушыдай бос жүргенін.**

**Жамандық жақсылыққа қарап салқын,
Долығы тез басылып, қайтар қарқын.
Ұлыққа қошеметшіл, құл сықылды,
Қатерге аяқ баспас, көрмей артын.**

**Дәл бейне ерте шыққан бұлдіргенше,
Суық соғып бүрісер, дәмі енгенше.
Көзге де, ауызға да қызығы жоқ,
Қызығы — үзілгені бос жүргенше.**

**Пайдасыз ғылымменен ми кептірер,
Дос-жарға мақтан етіп, бұлдаап көрер:
Жақсы сөз, жақын үміт, тәттілікті
Кемітер, көңіл қоймас, кекеңкірер.**

**Қуаты қызық қызмет тойларының
Қос қыртысын кетірмес ойларының.**

**Лап бергіш, к... айналғыш, қайта ойланғыш
Тиянақ оты сөнген бойларының.**

Келісімді тәтті ой, әр шеберлік
Қуантпас ойын қозғап пәлен дерлік.
Өз кеудесін өзі аңдып, бой салдырмай,
Тоқымдығы бусанбас неткен ерлік?

**Жек көрер, жақсы көрер — кезі білер,
Ашуы, махаббаты босқа сөнер.
Жанында сұықтық бар бір жасырын,
Қаны отты жас күнінде шықпас өнер.**

Бала мінез ойыншы бұрынғылар
Аңқау екен, мазақтан соны сынар.
Артқа қарап, ақ пейіл шалға құліп,
Абұйырсыз, атақсыз көрге құлар.

Көп салқын бірін бірі ойын алмас,
Кетер жым-жырт, артына із қалдырмас.
Ой қозғарлық артқыға түк қалдырмай,
Ұмыт болар, жоғалар, көпке бармас.

**Досың жоқ, дүшпаның жоқ, тыныш жатасың,
Мал үшін аш қатасың, жан сатасың.
Әкесі аштан өлген кісідей-ақ,
Неткен жүргт мал өлтірген жеті атасын?!**

ҚАНЖАР

Сүйкімді болат қанжар, тұрсын жайнап,
Ыстық, сұық майданда шығады ойнап.
Грузин ашулы ұста кекке соққан,
Ер шеркес соғыс үшін алған қайрап.

Еркелі нәзік қолмен маған тиді,
Ұмытпа деп айрылған жерде берді.
Қан сорғалар жүзінде жас сорғалап,
Қайғымен өртенгеннің белгісі еді.

Қара көз қарап маған көп қадалған,
Құпия қайғы өртеніп бойын алған.
Болатша дірілдеген жалын көрген,
Бір күнгірт тартып және оттай жанған.

АЛЬБОМҒА

Сал демеймін сөзіме ықыласыңды,
Қайғылы өлең еттім өз басымды.
Көкірегім бар сырын өз әлінше
Көрінгенге көрсетпей, көп жасырды.

Қол жазуды ермек ет, жатпа бекер,
Бұл көңілсіз дүниеден көп жыл өтер.
Өзі қысқа, өзі асау, тентек өмір
Арттағыға бір белгі қойса нетер?

Кім біледі, кез болса арттағылар
Ойға салып оқыр да, сөзін сынар.
Көзін салып, ойланып кейбір сөзін,
«Рас-ая» деп мағынасын ол-дағы ұғар.

Кім білер, жабырқаңқы жазған сөзім
Жібермей, кеп тоқтатар оның көзін.
Жолаушы жол үстінде тамаша еткен
Сықылды еткен жанның бір күмбезін.

* * *

**Босқа әуре боп келдің бе тағы мұнда?
Хүкімші шалдар мәз боп отыр ма онда?
Антүрғандық қылышын Алла ісі деп,
Нандыrap қандай сопы, қандай молда?**

**Мені өлтірді-ақ, не пайда осыларға?
Менің өмірім оларға қосылар ма?
Ол шалдар қыршын жасты қиғанменен,
Өз бойына жапсырып тұшынар ма?**

**Сопысынын, хақ десін, хақты ұмытсын,
Әділетсіз бір жастың басын жұтсын.
Қайнап тұрган қанымды ішкенменен,
Қаңсыған, қатқан ішін не жылжытсын?!**

**Өлтірер, жерге тығар, мола қылмас,
Сүйтсе де жер томпайтпай қойып болмас.
Дірілден сол молага шықса шалдар,
Басқыш болып аспанға шығара алмас.**

**Бейкүнә зорлықпенен шыққан жаным
Бейішке басшы болар деме, залым!
Суық қабір — қайғысыз үйқы орны той,
Оңай ма жас өмірден айрылғаным?**

Мен жаспын, білесің бе жастықты сен?
 Не қызықты үміт бар ойға келген!
 Көріп пе ең, я болмаса, ұмыттың ба,
 Іштегі отты достық пен қастық деген?

Ай, жұлдыз, ағарған таң, жарық күн бар,
 Жазғы құс, жапырақта қандай мін бар?
 Құндізгі харекеттен босағанда,
 Өзіңде өзің тиген тәтті тұн бар.

Сағыныш бар, дүниеде жұбаныш бар,
 Қоңілді көтеретін қуаныш бар.
 Құлын-тайдай айқасып, ойын салып,
 Кептерше сүйеніскең демалыс бар.

Дүниедегі қызықтың бүгін бәрі
 Саған салқын тартқандай, сен — бір кәрі.
 Болсам деген талапты ұмытқан соң,
 Құр кеудеге өмірдің несі дәрі?

Мен — сен емес, жас күнім жайнап тұрған,
 Жүректе тұрлі талап қайнап тұрған.
 Сендер сүрдің, мен де өмір сүрмес пе едім?
 Бір шырақ сөнер, кетер саулаң тұрған.

Есіткелі келдің бе сырымды сен?
 Олардың мақсаты не — білмеймін мен.
 Менің ісім өзіңде мәлім шығар,
 Қоңілді түгел айтып болмайды екен.

Менің кеудем сендерге сандықпен тең,
 Мүмкін болса, қақ жарып ашып көрсөң.
 Ішін түгел көрген соң өз көзіңмен,
 Тахқиқ¹ мені күнәкар, қу демес ең.

Мейлің өзің, монастырь қылған істі
 Алла ісі деп көңілінде көрсөң күшті.

¹ Тахқиқ (арабша) — анық, айқын, рас.

**Хақ салған жол кеудемде бір закон бар,
Оны Құдай өзгеңнен кем демес-ті.**

**Ақтығымды біледі сол көкірек,
Сол законге билеткен біздің жүрек.
Алла берген хауіпті осы сырым
Көрге бірге өзіммен барса керек.**

**Мен — өлі жан, ешкімді талғамаймын,
Рақымсыз билерінді қарғамаймын.
Мен кешерлік сүйтсе де іс қылған жоқ,
Разымын деп жалған сөз жалғамаймын.**

**Қазір тірі, дүниеге мен де ортақпын,
Осы күн батпай, батып жоғалмақпын.
Алдыңдағы асau жас қайнап тұрған
Мен болмаспын — бір уыс топырақпын.**

* * *

Менің сырым, жігіттер, емес оңай,
Ешкімнің ортағы жоқ, жүрсін былай!
Нені сүйдім, дүниеде нeden күйдім,
Қазысы оның — арым мен бір-ақ Құдай.

Жүргегім екеуіне жалбарынар,
Рақымдық пен әділ сор деп жалынар.
Мен тентек пе, түбінде кім жазалы,
Қайғыны жіберуші өзі сынар.

Надандар былшылдайды, құп алмайды,
Үлкен жанның қиялын ұға алмайды.
Тенізден таудай толқын соқса дағы,
Жағадағы жартасты жыға алмайды.

Құдай мықты жаратқан үлкен жартас,
Былш-былш еткен, бет бұрып, судан қайтпас.
Бұлытта сұық дауыл, жаймен сырлас,
Өзгені жан екен деп сырын айтпас.

ҚАСИЕТТИ ДҮФА

**Өмірден тепкі жесем жазығым жоқ,
Ешинарсеге көңілім болмаса тоқ,
Қайта-қайта оқысам бір дұғаны,
Сөніп қалған жүректе жанады шоқ.**

**Қуаты бар дұғаның қуантарлық,
Қапаланған жүректі жұбантарлық.
Адам үқпас бір тәтті лебізінен
«Уан» деген естілер ұлы жарлық.**

**Көңілім ауыр жүктен бір құтылар,
Кек арылып көкіректен ұмытылар.
Адамның баласына ашып жаным,
Ізгілікке жүргегім бір ұмтылар.**

**Ерекше естен кетпес қызық қайда?
Жолығатын қыз қайда терен сайды?
Сұлулығын қояйын мінезі артық,
Ақылды, асыл жүрек, сөзі майда.**

**Бұл өмірдің қызығы махаббатпен,
Көрге кірсенділік жақсы атақпен.
Арттағыға сөзің мен ісің қалса,
Өлсенді де, өлмегенмен боласың тен.**

Жүректен ізі кетпес қызық көрсек,
 Жақсылықты аянбай жұртқа бөлсек.
 Жақынның да, жардың да, асықтың да —
 Бәрінің де қызығын көріп білсек.

ШАЙТАН



* * *

**Жолға шықтым бір жым-жырт түнде жалғыз,
Тастақ жол жарқырайды буға амалсыз.
Елсіз жер тұрғандай боп ҳақда мұлгіп,
Сөйлесіп ымдасқандай көкте жұлдыз.**

**Мен көрдім көктің ғажап жасалғанын,
Жер үйқтап, көкшіл шықпен бу алғанын,
Мениң не мүнша қапа, қысылғаным?
Үміт пе, өкініш пе ойланғаным?**

**Дүниеден үмітім жоқ менің деймін,
Өмірге өткен титтей өкінбеймін.
Азаттық пен тыныштық көксегенім,
Ұйықтамақ пен ұмытпақ деп іздеймін.**

**Өлімнің үйқысы емес іздегенім,
Ұйқы, тыныштық, ұмыту — бер дегенім.
Кекірегімде өмірдің күші тұрып,
Іздеймін дем алысты үзбегенін.**

**Су сылдырап, жел гулеп, күн шуақтан,
Жылылық пен достықты тұрсын мақтан.
Өнген, өскен жақсы деп емен ағаш,
Тенселіп айтып тұрса, ол шайқақтан.**

ШАЙТАН

Мұңдылы шайтан — құдайдың құған жаны,
Күнәлі жер кез келіп бір үшқаны.
Өткен жақсы дәурені ойында оның,
Сондағы не көргені, не қылғаны.

Ол күнде нұрлы бейіш ішінде екен,
Өзі де першителер түсінде екен.
Жылды жүзбен жұлдыздар жылжып жүріп
Сәлемдесер, сөйлесер күшінде екен.

Ол күнде көз жетпесті көп көздеген,
Түгел білем қайда екен деп іздеген.
Жапа-жалғыз білімнен бақ шықпайды,
Өлшеусіздің сыймасын бір се збеген.

Босағасы кең еді, төрде орын тар,
Төрде жалғыз отырмақ ойында бар.
Жалғыздық — бір тәңірінің сыбағасы,
Өршілдікпен лағнетке болған душар.

Құдайым шайтансың деп, лағнет етті,
«Лағнетпен» де қор бола қалман депті.
Алладан қарғыс алған кеудесінен
Сүю мен сол сағатта сенім кетті.

Адаммен соナン бері болды кекті,
Өлмес, өшпес өзіне көзі жетті.

Не қылғанмен қуанар болмаған соң,
Несіне жер дүниеге пәле септі?

Тиянақ, сенім, сүю көрмей өтті,
Алан-жұлаң етіпті, тентірепті.
Алласыз дос таппады, сыр таппады,
Неше мың жыл кезсе де төніректі.

Жаманды күнде азғырса, жан демейді,
Жақсы жаннан кей-кейде таяқ жейді.
Күнінде неше бұлік шығарса да,
Еңбегі жанған жан боп сүйінбейді.

Сүйтсе де жамандыққа бір тоўмаган,
Антүрғандық қылышын еш қоймаган.
Баяғы алдау, ескірген кәрі иттікпен
Не қылдым, не бітірдім деп ойлаған.

Ақылға, өмірге де адам кенде,
Өлмес өмір, қайрат, күш — бәрі менде.
Күнінде жұз қуанып, күліп жүрген
Осы адам уайымсыз не еткен пенде?..

ЖАЛАУ

Жалғыз жалау жалтылдағ
Тұманды теңіз өрінде.
Жат жерде жүр не тыңдал?
Несі бар туған жерінде?

Ойнақтап толқын, жел гулеп,
Майысар діңгек сыйырлап.
Ол жүрген жоқ бақ іздең,
Қашпайды бақтан бойды үрлап.

Астында дария — көк майдан,
Үстінде сәуле — алтын күн.
Қараши, ол бұлік Құдайдан
Сұрайды дауыл күні-түн.

ЖАРТАС

Қонады бір күн жас бұлт,
Жартастың төсін құшақтап.
Жөнелді ертең, қалды ұмыт,
Кек жүзіне ойнақтап.

Әжімды жүзі тершіген
Кәрі жартас таң қапты:
— Бәрі осы-ау,— деп,— құз деген,
Томсарып тұрып жылапты.

* * *

Көңілдің күйі тағы да
Өмірсіз жанның алды ішін.
Аударды өлең жағына,
Нәпсінің сынған қайғысын.

Жат жерде елге қосылмай,
Сенімді доссыз жалтақтап,
Кек қанат бейіш құсындаі,
Қу ағашқа қонақтап.

Ол бұтақтан қозғалмас,
Өкіріп дауыл, соқса жел.
Өзегеге бола жырламас,
Үйстық құнді жоқтар ол.

Жанымның, жарық жұлдызы,
Жамандық құнде жарымсың.
Сөз болсын ескі ер сөзі,
Кейінгіге қалынсын.

* * *

**Асау той, тентек жиын, опыр-топыр,
 Ышінде түсі сұық бір жан отыр.
 Алысты тұманданған ол ойлайды,
 Өзге жұрт ойды нетсін, өңкей соқыр.**

**Ішкен-жеген, таласқан, ойнап-күлген,
 Кезек жоқ, келісім жоқ, сөйлей берген.
 Дауырыққан, күліскен, өлеңдеткен
 Қайғысызға қайғырып, жиіркенген.**

**Көп отырды, қозғалды сөйлегелі,
 Құлағымда бүгін тұр соның үні:
 Сендерге не жұмыс бар тағдырменен,
 Ойнай бер де, күле бер күні-түні.**

**Ойынға ойсыз надан бәрі құмар,
 Дүние істеп өз жұмысын жатқан шығар.
 Елемесен, елтер, бір танытар,
 Қайда айдаса, баrasың, кім тартынар?**

* * *

Күнді уақыт итеріп
Көк жиектен асырса.
Көлеңке басын көтеріп,
Алысты көзден жасырса.

Сонда көңілім жоқтайды
Татуы мен асығын,
Көзі жетіп тоқтайды
Откен күннің қашығын.

Көкке бақтым «Алла» деп,
Тамаша етіп құдіретін.
Рахматы оның онда көп,
Бізге түк жоқ тиетін.

Неге сүйсін ол мені,
Өзім ақымақ, алмадым,
Көрдім артық бір сені
Рахматынан Алланың.

ВАДИМ

I

**Батар күнге шымылдық — көк бұлт кең,
Толқынды қызыл торғын өртпенен тең.
Өткен дәурен секілді нұры жайнап
Арттағы мұнарага береді рең.**

**Ол монастырь — сопылар тұrap жері,
Кешкі қоңырау соғылған көптен бері.
Сопылар, қызметкерлер басылған жоқ,
Тас көшесін сыптырып жүргендері.**

**Ұзын қара пешпентті, ұзын шашты
Жамағатты итеріп бір жол ашты.
Мешітіне бастықтың келер жолын
Дайын қылыш, сыптырып шаңын басты.**

**Томсарған, күлкісі жоқ, бір қансыз сұр,
Бір үлкен іс қылғансып асығып жүр.
Ладан деген иісті май тұтатып,
Жаққан шамы жарықта нұр бермей тұр.**

**Құлшылыққа жиылған көп жамағат
Сыбдыр қағып тосып тұр, сол-ақ қымбат.
Тас күмбезде сыбдыры құңгірлейді,
Ішкі үйіне кіруге тимей рұқсат.**

Мұнан басқа қақпада бірқатар жан,
 Жанашырыз дүниеде жетім қалған.
 Құдайдан да, жұрттан да күдер үзген,
 Амал жоқ, өлмес үшін сұрайды нан.

Бірі — ақсақ, бірі — соқыр, бірі — кемтік,
 Киімі — жұз құраулы жемтік-жемтік.
 Мойны — қара, қолы — көн, езуі — көк,
 Қозі ұңғрейген, беті ажым, бәрі — өлімтік.

Ұяттан, ар-намыстан не біледі?
 Шіркеуге келгендерден тіленеді.
 Аш итише бір тынға топыр қағып,
 Бір таласып, бір ұрысып, бір күледі.

Ұялғаннан тастаған бір мыс тыын —
 Аш кедейге ол дағы қымбат бүйым.
 Кір дорбаға онысын салып алып,
 Жағалайды әркімді жыртық киім.

Бір бүкір ортасында, сол қозғалмас,
 Жалынып еш адамға қолын созбас.
 Арық қара, кең маңдай, қыр мұрынды,
 Екі көзден от жанған не қылған жас?

Сүр ерін, өзі жұқа, жиі тістеп,
 Үзәмен тұрған жандай бойын құштеп.
 Кең жауырын, білегі бұлшық етті,
 Үйренген жан секілді қызмет істеп.

Көп қайыршы бір-бірін кимелейді,
 Бір тынға таласып үймелейді.
 Қозғалмай тұрған жастан сүйтсе дағы,
 Бәрі қорқып, азгана именеді.

Қабағы түйіліңкі, сүйінбейді,
 Алла бөлек жаратқан түрін дейді.
 Жиырма сегіз жасында ажым түскен,
 Көк тамырда қан ойнап дірілдейді.

Көзге бүкір, қайраты — болат қырлы,
Сақтап жүрген секілді бұл бір сырды.
Шайтанның суретіне есіктегі
Бірқатар көзін салып қарап тұрды.

«Егерде шайтандыққа жетсе қолым,
Алдауға арланар ем адам ұлын.
Аллаға асы¹, бейішке қашқын болып,
Онан соңғы бұл емес менің жолым.

Қорыққан кісі секілді бойын барлап,
Тенденес емес адамды алдап-арбап,
Жек көріп алғанинан соң көріне жау болп,
Кегін алса болмай ма сыпыра жалмап?»

Дүниені ескермейтін паң секілді,
Жатырқап тірі жанды аң секілді.
Сыпатын, тұрін көрсе сол бүкірдің,
Бір үлкен мақсұты бар жан секілді.

Қасында жолдастары — ақсақ, соқыр,
Қайыр тілеп шулап жүр, опыр-топыр.
Палицын бай есікке келіп еді,
Шыр айналды күңк етіп әлгі бүкір.

II

Елуге келген, шашы бурыл тартқан,
Көзінің түсі оңып, нұры қайтқан.
Жүріс-тұрыс сүйтсе де жас жігіттей,
Қуатына жарамас шал деп айтқан.

Үлкен етік аяқта, көк пешпентті,
Таққан кірес төсінде жарқ-жүрқ етті.
Жүргені тарс-тұрс еткен тәкаппарлау,
Жайған тасқа басқаны жанды үрпітті.

¹ Асы — күнәлі деген сөз.

Бай Палицын паңдықпен басаңы аяқ,
 Қайыршиға тұксиең түйген қабақ.
 Екі малай артынан ертіп алған
 Құшік иттей қылыш жүр байға жалбақ.

Кердең басып шіркеуге жақын барды,
 Қалтадан бір теңгелік күміс алды.
 Есікте шегелеуіл құлышы бар
 Бір сандық бар, барды да соған салды.

Ақырып кедейлерге дейді: «Антүрган!
 Жалқаулықтан бәрі де мұндай болған.
 Қызмет қылса, тамағы тоймас па еді?!»
 Қуды «кет!» деп кедейді әлгі түрган.

Ақырган соң байғұстар әрі тұрды,
 Қалтасына қол салып, мойнын бұрды.
 «Бәрің бірдей таласпай, бөліп ал!»— деп,
 Бір теңгелік күмісті лақтырды.

— Осылар елдің тынышын алды бүтін,
 Бірдің нанын тіленіп, бірдің сүтін,
 Құдайым кезін берсе, күтіп жүріп,
 Ұялмай бәрін аштан өлтіретін.

Үндемей бүкір жүрді арғы шеттен,
 От жалындаі сол байға көзін тіккен.
 Жай отындаі жарқылдаپ қарауы өзге,
 Ызасы қозғалған ба ішке бүккен?

Палицынды артынан қуып жетті,
 — Не керек?— деп әлгі шал бір күңк етті.
 — Сенен менің сұрауым тым аз ғана,
 Өзің айтқан жұмысты берші!— депті.

— Қарама мені әлсіз деп, байым, кердең,
 Бір ауыр тасты жұлыш алды жерден.
 Қөрген соң көзің жетсін — деді дағы,
 Атып, қағып, доп қылыш ойнап берген.

Бай көріп, аң-таң қалды, мұның қүшін,
Еш адам қылар емес қылған ісін.
— Өз қорама алайын, өзің көнсөң,
Боласың ба қызметші менің кісім?

Алды-артына бүкір де қарамады,
Қуанғанин қасына жетіп барды.
Азаттығын садаға қылды дағы,
Басына уәдені беріп салды.

— Атың кім? — деп, бүкірден бай сұрады.
— Атым — Вадим, — деп еді, байға ұнады.
Қошаметтің жөні деп қос жалшысы,
Мағынасыз беталды ыржандады.

Жаман көзбен қарады Вадим сонда,
Ертіп жүрген екеуге байды жолда.
Көзіне шыдай алмай, к... н қысып,
Жым-жырт болып екеуі болды молда.

III

Бай: «ер!» — деді, артынан ере берді,
Бай шіркеуден үйіне тым кеш келді.
Қақпа соқты, қатты жел дүрілдеп тұр,
Танымай, ырылдасып иттер үрді.

Вадим де іздегенін тапты мына,
Жиғары қарап, тұсті ойға азғана.
Шіркеудегі сертті ойлап, айтқан сөзі:
«Әділет қайда болса, сонда күнә».

Дүбірлетті есікті бай да болмай,
Аз кешікті, ашуға жан табылмай.
Бір жалшы келді есікке қалт-құлт етіп,
Жылы орынын тастамақ кімге оңай?

Үйіне бай Вадимді ертіп келді,
Сол заманға лайықты үйін көрді.

**Қырықтан асқан, семірген қатыны отыр,
Бәйбішесі осы деп ойлап білді.**

**Ішпек, жемек, семірмек, есінемек,
Еріккеннен жалшыға бос зекірмек,
Бай ұрыспаған кезінде өзі ұрысқансып,
«Олай емес, білмейсің, былай», — демек.**

**Бұл қылық — бұрынғыдан бір қалған жол,
Осындаі бәйбішелер жүртта бек мол.
Әзге қызық суиійн деген шақта
Қартаң тартқан қатынның қуаты — сол.**

**Соққан боран секілді біздің өмір,
Не тыныштық тауып берді, ойла өзің көр.
Сол қатынға келеді күншілігім,
Сондай өмір қолыма бір тимей жүр.**

**Ол қылықпен өлгенше ол да жүрмек,
Бала-шаға жыласып, өлсе өкірмек.
Көршілері: «Адамға залалы жоқ
Тым-ақ жақсы кісі еді, байғұс!» — демек.**

.....
.....

(Соңы жоқ)

* * *

Көңілім менің қаранды. Бол, бол, ақын!
Алтынды домбыраңмен келші жақын.
Ішек бойлап он саусақ жорғаласа,
Бейіштің үні шығар қоңыр салқын.

Егер сорым тұбімен әкетпесе,
Керек қой көңілді үміт тебірентсе.
Қатып қалған көзімде бір тамшы жас
Төгілмей ме, бой жылып, ол да ерісे?

Иоганн Гете

* * *

Қаранды түнде тау қалғып,
Үйқыга кетер балбырап.
Даланы жым-жырт, дел-сал қып,
Түн басады салбырап.

Шаң шығармас жол-дағы,
Сілкіне алмас жапырақ.
Тыншығарсың сен-дағы,
Сабыр қылсан азырақ.

Адам Мицкевич

ТҮТҚЫНДАҒЫ ПОЛЯК ЖАНДАРАЛЫНЫҢ СӨЗІ

Дүрілдеген нажағай,
Бұрқыраған жауынның
Ашылмағы бар ма басынан
Бағы қайтқан кауымның?
Мен орманға барғанда,
Неше түрлі гүл ұстап
Қайтушы едім қолыма.
Гүлдер түгіл бұл күнде
Шөп дағы жоқ манымда.

Иван Бунин

* * *

**Корқытпа мені дауылдан,
Дүрілдеп тұрса тау мен сай.
Шатырлап тұрған жауыннан
Жарқылдаپ тұрса түскен жай.**

**Көк торғындаі аспан-көк,
Білемін, жайнап ашылар.
Исі аңқыған бәйшешек
Тұрленіп жерді жасырап.**

**Корқытпайды қар мен мұз,
Өзге нәрсе қорқытты.
Ойсыз, доссыз, бақытсыз,
Жыбырлақпен өмір өтті.**

**Сондықтан қайғы қат-қабат,
Қарап тұрмын сендерге,
Атасы басқа, өзі жат,
Жалғыз жанша жат жерде.**

Яков Полонский

* * *

**Жүректе көп қазына бар, бәрі жақсы,
Теңіздің түбіндей-ақ қарап бақшы.
Сол жүректен жылдылық, достық пенен
Бұлақша ағып ғаламға тарамақшы.**


**Жан шөлдер өзіндеімен танысқанша,
Бірінен бірі үлесіп алышқанша.
Құмарланар, сүйісер жүрек тауып,
Қытықсыз қызықпенен бас қосқанша.**

**Жүртттың сөзі: тағдырға адам көнбек,
Бір антүрған еріксіз мезгіл келмек.
Осы сениң қызығың, қуанышың
Сағымша жоқ бол кетіп түгесілмек.**

**Бейне бір сол қазынаны бір жау алмақ,
Жүректің кең дариясы құрып қалмақ.
Суық ақыл жүрекке бүйрық жазып,
Оны бір өзі өзгеше жолға салмақ.**

**Жүргегін пайдасы үшін жүрт ұсатпақ,
Кірмен өлшеп базарға ұстап сатпақ.
Оны сатып, ол кімді уатады?
Оның өзін тағы да кім уатпақ?**

Жұрт айтқан сол ант мезгіл келсең керек...
Мен де пенде, амалсыз қонсем керек.
Қызығы зор қайран дос, қайран тату,
Сендер өлдің, мен дағы өлсем керек!



* * *

(Белгісіз автордан)

**Қалқам-ай, мен ұндеңей жүремін көп,
Ойлама отсыз, ойсыз, сұық жан деп.
Жүректегі жалынды көзден жас қып,
Ағызғаным болады ол неге сеп?**

**Антурған ел көзіне тік қараймын,
Сонымды сен сөгеді-ау деп ойлаймын.
Жүргімді кескілеп сатып жүрген
Арсыздарды досым деп неге аяймын?**

**Ішімде қайғым қалың, көз жасым кем,
Адам жоқ, кімді дос деп мен шағушы ем?
Әйел адам гүлмен тең, дымды сүймек,
Көзінен жасы шықса, бойына ем.**

**Көңіліңе дайын түр ғой жайым менің,
Дүшпандығың қатаїған шығар сениң.
Егер менің ішімді жарып көрсөң,
Жылауыңды ұмыттып, шошыр едің.**

Иван Крылов

* * *

Мен көрдім ұзын қайың құлағанын,
 Бас ұрып қара жерге сұлағанын.
 Жапырағы сарғайып, өлімсіреп,
 Байғұстың кім тыңдайды жылағанын?

Мен көрдім ойнап жүрген қызыл киік,
 Кеудесіне мылтықтың оғы тиіп,
 Қалжырап, қансыраған, қабақ түскен, —
 Кімге батар ол байғұс тартқан күйік?

Мен көрдім сиңиқ қанат көбелекті,
 О да білер өмірді ізdemекті.
 Құн шуақша жылынар қалт-құлт етіп,
 Одан ғибрат алар жан бір бөлек-ті.

Мен көрдім ғашық жардан уәдесіздік,
 Өмірдің қызығынан күдер үздік.
 Жылы жүрек сұыды, жара түсті,
 Шықпаған шыбын жанмен күн өткіздік.

Мен көрдім дүние деген иттің көтін,
 Жеп жүр ғой біреуінің біреуі етін.
 Ойлы адамға қызық жоқ бұл жалғанда,
 Көбінің сырты бүтін, іші түтін.

ЕМЕН МЕН ШІЛІК

Шілік пен емен бір күн сойлесіпті:
— Аллаға, сорлы, нeden жаэдзың? — депті.
Торғайға да майысып солқылдайсың,
Жел бұлк етсе, тебесің әлпеншекті.

Құдай басқа салмасын сен секілді
Желмен жерге жығылып, жар сүзбекті.
Обалың бір Құдайға, байғұс, сениң,
Қақтырып қойған мұниша бос селтекті.

Қарашы маған, сендей сорлы емеспін,
Тау, жартасқа, ұзарып, бой теңестім.
Сенің қорыққан дауылың — маған өлкек¹,
Маныма сәуле өткізбей, күнге егестім.

Тырп етпес менің күшім жауын, желге,
Жапырағым көлеңке талай жерге.
Ығыма сені де алып қорғар едім,
Иең сені бітірген иен дөңге.

— Есіркегіш екенсің, — деді шілік,—
Онша сорлы емеспін, тартпа күйік!
Сынбаймын майыссам да, солқылдаймын,
Желден маған келмейді еш кемшілік.

¹ Өлкек — майдада жел.

Бұғінгі аман бола ма үнемі аман?
 Кердеңдікпен деп тұрсың не бар маған.
 Шалқақтың иілмейтін кімге жаққан,
 Екпінгे ерегіссең, қатер саған.

Кавказға бір қап-қара бұлыт мінді,
 Естіп тұрған кісідей тау құніренді.
 Жер-дүниені шаң, тұман қабат басып,
 Ойнақ қағып, құтырып дауыл келді.

Арты бұршақ, алды шаң жел құтырды,
 Шілік жерге бас ұрды, емен тұрды.
 Басы көкке, сирағы жерге енсе де,
 Ақырып долданғанда алыш ұрды.
 Майысқаннан шіліктің несі кетті,
 Батыр, мақтан күйлеме сен де оғұрлы.

ҚАЗАҒА ҰРЫНҒАН ҚАРА ШЕКПЕН

**Қорасына бір байдың
Түнде кірді ұрылар.
Қазынасы қайда сондайдың,
Аңдығыш, білгіш құргырлар.**

**Біліп кеп тұрған лапкесін
Бұзып, талқан етіпті.
Тұқ қалдырмай, әммесін
Үптепті де кетіпті.**

**Қайғысыз жатып, қарны тоқ,
Ұйқысы қанып тұрды бай.
Тыр жалаңаш, тұқ те жоқ
Лапкесі, үйі айнадай.**

**Есі шықты, көрді де,
Ұры иттің қылғанын.
Ойбай салды, білді де,
Қаса сорлы болғанын.**

**Кешегі елдің бір байын
Бір түнде қалай мұнша алу?
Ояна келсе, дап-дайын
Қайыршы болу, қап салу.**

**Ойбай салды, зарлады,
Құр қайғыдан пайда жоқ.**

Төңіректі шарлады,
Ұрыны табар айла жоқ.

Қарны да әбден ашады,
Ішеріне шай да жоқ.
Қайтерін білмей сасады.
Осындайлар қайда жоқ?

Ағайынын, дос-жарын
Жиып алыш үйіне,
Жылады шағып мұң-зарын,
Болыстық қыл деп күйіне.

Бәрі ақылды, бәрі есті,
Бәрі желдей еседі.
— Болмас еді бұл, — десті,—
Өзіңден болды,— деседі.


Біреуі айтты: — Лапкеңді
Мұнша алысқа салмау ғой.
Аулаққа тастап әр неңді,
Бүйтіп ғапыл қалмау ғой.

— Аузың күйді аулақтан,
Енді жақын салсаншы.
Қабаган біздің мойнақтан
Бір күшікті алсаншы.

Бір күшікті сіз үшін
Берейін, құда, келтіріп.
Жылда талай күшікті
Бос қырушы ем өлтіріп.

Без орнына сөз беріп,
Құда, тамыр, дос кетті.
Қол ұстамай, көз көріп,
Айтқан арыз бос кетті.

Ағайынға іс түспек —
Ол бір ұлken қарғыс қой.
Аларың сонда ең күштеп —
«Бишара» менен «байғұс» қой.



ЖАРЛЫ БАЙ

**Жаман үйде жалғыз шал,
Өзі — кедей, күніренді.
Өзі көрген байлардың
Мінезінен жиренді.**

**Өзіне өзі сөйлейді,
Сөйлегенде не дейді:
«Обал жоқ осы байларға
Мал қызығын көрмеген.
Жақсы төсек, тәтті ас жоқ,
Жан қадірін білмеген.**

**Салпыл қақты, тұн қатты,
«Мал-мал!» деді, мал тапты.
Байыған сайын күтім жоқ,
Пейілі кетті, ант атты.**

**Қартайғанша қақақтан,
Бұл тәңірі атқан талмай ма?
Иттеніп жүріп өлмей ме,
Өлсе, бәрі қалмай ма?**

**Маған бітсе осы мал,
Жанымды неге қыстар ем?
Мың тәңгені бір сомдай
Қызығыма ұстар ем.**

Сән-салтанат жүруім
 Болар еді татымды.
 Есітер еді алыс жер
 Қызықты жомарт атымды.

Байлықпен пайдам тигізіп,
 Сыйлар ем алыс-жақынды.
 «Сараңның — дәulet өз соры», —
 Деп айтыпты ақылды».

Аузын жимай бір адам
 Кіріп келді тесіктен,—
 Жәдігөй ме, шайтан ба?—
 Эйтеір әлгі сөзді есіткен.

Келе сала сөйлейді:
 «Байлықты керек қылдың сен.
 Қылайын деген ісінді
 Мен есіттім байлықпен.

Сен мына бір ішінде
 Ділдәсі бар дорбаны ал!
 Бірін алсаң және бір
 Ділдә дайын, қолың сал.

Санап ала бер дағы,
 Дегеніңдей бола қал.
 Қанша керек болса да,
 Міне, дәulet, міне, мал.

Бірақ, байғұс, айтайын
 Мұның бір сертін, қатты антын:
 Дорба қолда тұрганда,
 Ұстаяға жоқ бір алтын.

Дорбаны әуел дарияға ат,
 Тойғаныша ал дағы.
 Онан соң өзің білесің,
 Ұстай бер қайтып бар дағы».

Дорбаны беріп, жоғалды,
 Аң-таң қылышп байғұсты.
 Есін жиып алған соң,
 Дорбаға кедей жабысты.

Айтқаныңдақ дорбаға
 Қолын салды, бірді алды.
 Және бірі дап-дайын,
 Есі шығып таң қалды.

«Таң атқанша осылай
 Бере берсе бұл дорба,
 Талай алтын жиям той,
 Ертең менен бай бар ма?

Қалбалактап түн бойы,
 Алып бақты бұл сорлы.
 Қанша алтын алса да,
 Тоя алмады ол ғұрлы.

Қарайды да алтынға,
 Қомсынады «аз той», — деп
 «Қыстау керек, үй керек,
 Сән-салтанат, расход көп.

Азар болса аштыққа
 Тағы бір күн шыдармын.
 Алтын ассын есептен,
 Содан кейін армансыз
 Қыл дегенін қылармын».

Үйіндегі бір нанды
 Бір ай жеді аз-аздан.
 Бір күн түгіл, бір айды
 Ұнсап қылмай ол жазған.

Дорбаны суға салғалы
 Дағияға таман жұз барған.

«Бұғінше тұрсын, өлмен», — деп,
Үйіне қайта апарған.

Дорбаны сауып тыныштықсыз
Бір ай түгіл, жыл өтті.
Алтындаі жүзі сарғайды,
Қол дірілдеп, әл кетті.

Ассыз, сусыз, дерпт жеңіп,
Өзі де әбден жүдепті.
Тоғыз миллион санаарда
Ажал жетті, күн бітті.
Алтын қайда, сөз қайда?
Қу нәпсіден не пайда?

ЕСЕК ПЕН БҰЛБҰЛ

Тойған есек шөпті оттап маңайдағы
Сонырқап шатқа кетті қай-қайдарғы.
Тентіреп өлкені өрлең келе жатып,
Жұлықты бір бұлбұлға тоғайдағы.
 — Сенбісің ақын бұлбұл, жаңа көрдім,
 Атыңа жүрт мақтаған құмар едім.
 Бір сайрап берсең, қалқам, өзім естіп,
 Рас па еken жүртттың сөзі, сынар едім.
 Өнерге салды бұлбұл сонда аңыратып,
 Шыңғырттып, шымырлатып, сорғалатып,
 Мың түрлі күйге салып толқынтағы,
 Маңайда жан біткенді таңырқатып.
 Қой жатыр, қойшы тыңдал тұрды елбіреп,
 Көзіне қып-қызыл бол жас мөлдіреп.
 Жел соқпай, құс шуламай, бәрі жым-жырт,
 Энгеге көңіл жіберіп тұрды елжіреп.
 Бұлбұл болды, тосып түр есек сөзін,
 Есек жерге қаратып екі көзін:
 «Іш пыспай-ақ тыңдарлық бар екенсің,
 Әттеген-ай, білменсің әтешті өзің!
 Екенсің ән салуға сен дағы епті,
 Сен біраз әтеш әнін үйрен!» — депті.
 Бұл сыйылды сыншының сөзін естіп,
 Көз көрмеске бұлбұл да ұшып кетті.
 Демеймін жүрт мақтасын,
 Я жақсын, я жақпасын.
 Сүйтсе де мұндай сыншыдан
 Құдайым бізді сақтасын.

ҚАРҒА МЕН БҮРКІТ

**Қой жайылып жаздықүн
 Шыққан екен қияға.
 Аспаннан бүркіт қүйқылжып,
 Соғалап келіп ыраға¹,
 Бір қозы іліп ап кетті
 Құздағы қызын үяға.
 Екпіні күшті ер үшін,
 Еңбек қылды жем үшін
 Үядагы балаға.
 Көрді де мұны бір қарға,
 Желікті бір іс бастарға:
 «Қозыны да тамақ деп,
 Кім ап шықсын тастарға!
 Ең семізін ілейін
 Қызық қылып ашарға», —
 Деді дагы, аралап,
 Жабысты келіп қошқарға.
 Қалшылдан, дірілден
 Тырнағын салады,
 Қанатын қайқайтып,
 Экетпек болады.
 Бүркіттей емес екені
 Кешікпей-ақ білінді.
 Жабағыға тырнағы
 Шықпастай боп ілінді.
 Қалпылдан, салпылдан,**

¹ Ыра — таудың құлама етегі.

Қойшыларға көрінді.
 Әддін² білмес шіркінді
 Құдай әбден қарғады.
 Қойшылар көріп күлісіп,
 Ұстап алды қарғаны.
 Құрысын да шіркіннің,
 Семіз қойды алғаны.
 Ұшпасын деп қимаған
 Қанат, қүйрық қалмады.
 Бір жіпті берік бек байладап,
 Аяғына жалғады.
 Балаларға ойын бол,
 Қор болып сүйтіп қалғаны.

**Азат басың болсын құл,
 Қолдан келмес іске ұмтыл!**

² Әд — күш, шама деген мағынада .

ШЕГІРТКЕ МЕН ҚҰМЫРСҚА

Шырылдауық шегіртке
 Үршып жүріп ән салған.
 Көгалды қуып гөлайттап,
 Қызықпен жүріп жазды алған.

Жаздыгүнгі жапырақтың
 Бірінде тамақ, бірінде үй,
 Жапырақ кетті, жаз кетті,
 Құз болған соң кетті күй.

Жылды жаз жоқ, тамақ жоқ,
 Өкінгеннен не пайды?
 Суыққа тоңған, қарны ашиқан
 Ойын қайда, ән қайда?

Оныменен тұрмады,
 Қар көрінді, қыс болды.
 Сауықшыл сорлы бүкшиді,
 Тым-ақ қыын іс болды.

Секіру қайда, сүрініп,
 Қабағын қайғы жабады.
 Саламда жатып дән жиган
 Құмырсқаны іздең табады.

Селкілден келіп жығылды,
 Аяғына бас ұра:

— Қарағым, жылыт, тамақ бер,
Жаз шыққанша асыра!

— Мұның, жаным, сөз емес,
Жаз өтерін білмен пе ең?
Жаның үшін еш шаруа
Ала жаздай қылмап па ең?

— Мен өзіңдей шаруашыл,
Жұмсақ илеу үйлі ме?
Көгалды қуып, ән салып,
Өлеңнен қолым тиді ме?

— Қайтсін, қолы тимепті,
Өлеңші, әнші есіл ер!
Ала жаздай ән салсаң,
Селкілде де, билей бер!

ӘҢШІЛЕР

Көршіні көрші шақырды,
 Болды да сыйлап ас бермек.
 Құлығын ішке жасырды:
 Баланың әнін есіттірмек.

Балалар шулап, бақырды,
 Үнтасы — даусын білдірмек.
 Қонақтың күйін қашырды,
 Басты ауыртты көп дүрмек.

Алды-алдына кетеді,
 Қосылмайды әндері.
 Құлағынан өтеді
 Құр айғай салған сәндері.

— Опырмай, көрші-ай, не қылды?
 Бас ауырды, қаңғырды.
 Құлағын басып жалынды,
 Қойғыза көр деп құрғырды.

— Тым-ақ даусы күшті екен,
 Бекер де емес сенікі.
 Сүйтсе де арақ ішпеген
 Есті үлдар той менікі.

Есі шықпай мұнан да ішкен артық,
 Қисыны жоқ қышқырған не еткен тантық!

АЛА ҚОЙЛАР

Бір таудағы хайуанды бір арыстан
 Билеген патшасы екен әүел бастан.
 Әділ атақ алмақшы ниеті бар,
 Ешкімді ауыртпастан, жылатпастан.

Онысы рас, басында тәуір болған,
 Сейтсе де кімді бұзбас бақ антүрган.
 Алдынан жан шықпаған патшамыздың
 Ала қойды көргенде көзі ауырған.

Ала қойда кінә жоқ жүннен басқа,
 Қойдан қашып шығыпты патша тасқа.
 Көрсө қаза тұрады аза бойы,
 Болмады бұған айла ойламасқа.

Тұрды патша қайғырып уайым жеп:
 «Ала қойды болады қайткенім еп?»
 Аю, тұлкі — қасында уәзірлері,
 Кенеседі оларға «қайтемін?» — деп.

Қолбақ етіп, қорс етіп сөйледі аю:
 — Батыр патшам, не керек көп ойлану?
 Қойды жан деп, есіркеп кім аяйды?
 Ақылы ала қойдың — қырып салу.

Қабағын түйді арыстан сөзін ұтып:
 — Өлтірмегім оңай-ақ қойды сыйып.

**Өз жұртын өзі қырған патша бар ма?
Жаман аттан қорқамын, кетсе шығып.**

— Бекер қан төктірменіз, әділ патшам,
Сөкпеніз, — деді тұлкі,— мен сөз айтсам.
Оңаша бір өзенде қойға беріп,
Қайранында семіртіп, кең жайлatsан.

**Жарлықты кешіктірмей тез беріңіз,
Жаманды жақсыменен тең көріңіз.
Ала қой қорыққаннан өзі азаяр,
Қойшылыққа қасқырды жіберіңіз.**

**Қара деп қатты тапсыр ала қойды-ақ,
Өзгесі өсер, ол кемір, сөзіме бақ.
Жақсы сөзбен біреуге тапсырған соң,
Жаман аттан боласыз сіз дағы аулақ.**

«Құп» деді, оны арыстан қабыл көрді,
Қасқырга «жақсы бақ» деп жарлық берді.
Ала түгіл ағынан тыныш бопты,
Тұлкінің айтқанындаі қылыш еді.

**Тұлкінің айтқаны рас, жұрт — ақылсыз,
Көре салды қасқырдан баяғы арсыз.
Антұрғандық тұлкі мен арыстанда,
Ол болмаса, не қылмақ қасқыр жалғыз?**

ҚАРҒА МЕН ТҮЛКІ

**Жүрт біледі, күледі,
 Сұрқия тілдің жаманын,
 Кошеметшілердің амалын.
 Сонда да солар қайда жоқ?
 Ептең айтса, ересің,
 Артынан өкінсөң де пайда жоқ.**

**Ірімшікті құдайым
 Кез қылды бір күн қарғаға.
 Алып ұшып барды да,
 Қонды бір биік ағашқа.
 Үлкен олжа емес пе,
 Ірімшік деген қарны ашқа?
 Бір жеп алыш, шүкірлік
 Қылайын деп аллаға,
 Тұмсығында ірімшік,
 Ойланып қарап түр еді,
 Бір қу түлкі сорына
 Жақын жерде жүр еді,**

**Ішіне сақтап құлығын,
 Ептең барып барлайды,
 Бұлғақтатып қүйрығын,
 Қарғаның көзін алдайды.
 Тәтті тілмен, тәтті үнмен
 Сөйлесуге айналды:
 «Қарағым, не еткен сұлу ең!» —
 Деп таңырқап таңданды:**

«Не еткен мойын, не еткен көз,
 Осыдан артық дейсің бе
 Ертегі қылышпайткан сөз?
 Қалайша біткен, япымай,
 Мұрныңыз бер жүнініз!
 Періштенің үніндей
 Деп ойлаймын үнініз.
 Осы көрікпен, бұл жүнмен,
 Әншілігің белгілі,
 Ұялмай, қалқам, бір сайра,
 Біз де алалық үлгіні.
 Құс төресі біздерге
 Сіз боларсыз бір күні».
 Басы айналды қарғаның
 Сүмның айтқан сөзіне.
 Қуанғаннан бөртініп,
 Бір мастық кірді өзіне.
 Өзіне біткен өңешін
 Аямастан қарқ етті,
 Ірімшік жерге салп етті,
 Іс бітті, қу кетті.

ҚАРҒА МЕН ТҮЛКІ

Боқтықта талтаңдал,
 Жан-жаққа жалтаңдал,
 Бір қарға жүр еді.
 Бір жатқан ірімшік
 Көзіне түседі,
 Қенілі өседі.
 Ірімшікті көрінген
 Тістеп ап ұшады.
 Бір ағашқа қонды да,
 Асықпай жемек болды да,
 Мазатсып қарады
 Онына, солына.
 Ағашқа қонып, қаранып,
 Қанатын, жүнін таранып,
 Болмақшы еді мәз-мейрам,
 Дейтін емес қу қайдан,
 Жем іздеген бір түлкі
 Кеңдей келді сорына.
 Ағаштан төмен түспеген,
 Ірімшікті тістеген
 Қарға түсті көзіне.

Қу құмар ақымаққа
 Алдаң, арбап соқпаққа
 Қенеседі өзіне.
 Жуасып, жабырқап,
 Таң қалып, таңырқап,
 Қарады жүзіне.

Қарашы залымның,
 Бұл жұртқа мәлімнің
 Алдаған сөзіне:
 — Есен-саяу жүрсіз бе?
 Ақынның төресі?
 Көп жерден белгілі
 Тегін құс емесі.
 Жұніңіз, ұніңіз,
 Мұрныңыз, көзіңіз,
 Құлаққа көп тиғен
 Мақталған кеңесі.
 Басынан өзгеше
 Бітіпті денесі.
 Көп жерден, қалқам-ай,
 Құмарым тарқамай,
 Сізді іздең келіп ем.
 Сүйінсін құлағым,
 Тарқасын құмарым,
 Әніңе бір салшы,
 Асық бол келіп ем.
 Мақтауга есіріп,
 Барынша көсіліп,
 Үргалып қарқ етті,
 Ірімшік жерге салп етті.
 Тап етті, шап етті,
 Ап кетті қу тұлқі.
 Антұрған, сол тұрған
 Жерінде бол күлкі.

БАҚА МЕН ӨГІЗ

**Қарасаң, тым-ақ көп
Көре алмас іші тар.
Несі артық, бізден деп,
Салыспақ жүрт та бар.**

**Су ішкелі бір өгіз
Барып еді бұлакқа.
Бақалар қорқып, тарбақтап
Қашып шықты әр жаққа.**

**Бақага өгіз таумен тең,
Ұшып кетті зәресі.
Мақтаншақтың, сен көрсөн,
Бақада еken төресі.**

**Өз-өзінен бір бақа
Күшенді де, бөртінді.
Қарны үлкейді қампайып,
Өгіздей болам деп ісінді.**

**Қасындағы жолдасқа:
«Қарашы,— деді, — сен бізге!
Қыын ба еken үлкею,
Жеткем жоқ па өгізге?»**

**«Ісіндің, кебіндің,
Сонда да не пайдада?**

Тұрі жат өгіздің,
Сен қайда, ол қайда?»

Күшенді кеп кіжініп,
Келгенінше шамасы,
«Өстім ғой», — деп ісініп,
Дейді: «Енді бір қарашы!»

Қарады да: — «Дәнеме
Болған жоқ қой, қой!» — деді.
Қызып алған антүрган
Айтқан сөзге көнбеді.

Ыңқыл қағып, тынырлап,
Күшенді де, бөртінді.
Іш жарылды сыйтырлап.
Мақтанам деп өзі өлді.

Таласпа, жаным-ай,
Қолыңдан келмеске.
Боларсың бақадай,
Көп түссен егеске.

ПІЛ МЕН ҚАНДЕН

**Көшеде піл жетелеп біреу жүрді,
Кім көріпті хайуанды мұндай түрлі.
Көрсеткелі ап жүрген жануарды
Тамашалап, артынан жүрт боп ерді.**

**Көшеде кез боп бір қанден
Ұмтылды пілге шаптығып.
Шаңқылдал үрді ерленіп,
Тартынбай ұрысар жан шығып.**

**Қанденге бір ит кездей боп
Деді: «Әлінді білсеңші,
Пілмен ұрысар сиқың жоқ,
Мазақ болмай, қой, көрші!**

**Қырқылдал қалдың, не бітті?
Әуре болмай, қой! — деді.
Сен бұлқындың, ол кетті,
Жан деген жоқ ол сені».**

**«Мен де соны білемін,
Сондықтан ер боп келемін.
Ұрыс, соғыс қылмай-ақ,
Ер атанып көремін.**

Жұрт мұнымды көрмей ме?
 Батыр атақ бермей ме?
 Қой, бұл қанден — ер шіркін,
 Пілге де үрген демей ме?»



ЕСЕК

Қырық-елу қос бір жерден
Қайтқан екен керуендер.
Мал айдап барып әр елден
Сауда қылып жүргендер.

Алтын артқан бір есек
Соларменен келеді.
Ол жай жүрсе, жұрт та жай,
Ол желсе, жұрт желеді.

Тамам қостың байлары
Маңайынан кетпейді.
Қошемет қылып бәрлері
Шомын да жөндеп ерттейді.

Ортаға алып әлгіні
Бәрі бірдей сыйлайды.
Бірі сүйіп құлақтан,
Бірі жүнін сыйпайды.

Сылап-сыйпап, қадірлең,
Беретүғын жем де артық.
Есек шіркін есіріп,
Болып алды тым тантық.

Көш бойы жұрт қасында,
Өзгеменен жұмыс жоқ.


**Атты теүіп, адамды
Тістесе де сөгіс жоқ.**

**«Күдай аман сақта,— деп, —
Жарда, суда!»— бата алған.
Еркелетіп ат қойып,
«Жаппарқұл мырза» аталған.**

**Алтын үсте жүргенде,
Сол қадірмен көп жүрген.
Өз ойында көк есек
Өзгеше тудым деп жүрген.**

**Алтынды бір күн бай алды,
Есектен жүрт та түңілді.
«Жаппарқұл» аты жоғалды,
Боқ тасуға жегілді.**

**Қарасаңшы бойыңда,
Ұзын құлақ қалпың гой.
Жүрт ергені соңыңа —
Үстіңдегі алтын гой.**



ҚАРАСӨЗ
Фақлия

БІРІНШІ СӨЗ

Б

ұл жасқа келгенше жақсы өткіздік пе,
жаман өткіздік пе, әйтеуір бірталай
өмірімізді өткіздік: алыштық, жұлыс-
тық, айтыстық, тартыстық — әуре-
шілікті көре-көре келдік. Енді жер
ортасы жасқа келдік: қажыдық,
жалақтық; қылыш жүрген ісіміздің
баянсызын, байлаусызын көрдік, бәрі
қоршылық екенін білдік.

Ал, енді қалған өмірімізді қай-
тып, не қылыш өткіземіз?

Соны таба алмай өзім де қайран-
мын.

Ел бағу? Жоқ, елге бағым жоқ.
Бағусыз дөртке ұшырайын деген кісі
бақпаса, не албыртқан, көнділі басыл-
маған жастар бағамын демесе, бізді
құдай сақтасын!

Мал бағу? Жоқ, баға алмаймын.
Балалар өздеріне керегінше өздері
бағар. Енді қартайғанда қызығын
өзің түгел көре алмайтүғын, ұры,

залым, тілемсектердің азығын бағып беремін деп, қалған азғана өмірімді қор қылар жайым жоқ.

Ғылым бағу? Жоқ, ғылым бағарға да ғылым сөзін сөйлесер адам жоқ. Білгенінді кімге үйретерсің, білмегенінді кімнен сұрапсың? Елсіз-күнсізде кездемені жайып салып, қолына кезін алыш отырғанның не пайдасы бар? Мұндасып шер тарқатысар кісі болмаған соң, ғылым өзі — бір тез қартайтатұғын күйік.

Софылық қылыш, дін бағу? Жоқ, ол да болмайды, оған да тыныштық керек. Не көнілде, не көрген күнінде бір тыныштық жоқ, осы елге, осы жерде не қылған софылық?

Балаларды бағу? Жоқ, баға алмаймын. Бағар едім, қалайша бағудың мәнісін де білмеймін, не болсын деп бағам? Қай елге қосайын, қай харекетке қосайын? Балаларымның өзіне ілгері өмірінің, білімінің пайдасын тыныштықпенен көрерлік орын тапқаным жоқ, қайда бар, не қыл дерімді біле алмай отырмын, не бол деп бағам? Оны да ермек қыла алмадым.

Ақыры ойладым: осы ойыма келген нәрселерді қағазға жаза берейін, ақ қағаз бен қара сияны ермек қылайын, кімдекім ішінен керекті сөз тапса, жазып алсын, я оқысын, керегі жоқ десе, өз сөзім өзімдікі дедім де, ақыры осыған байладым, енді мұнан басқа ешбір жұмысым жоқ.

ЕКІНШІ СӨЗ

Мен бала күнімде естуші едім, біздің қазақ сартты көрсө, құлуші еді: «енеңді үрайын, кең қолтық, шұлдіреген тәжік, арқадан үй тәбесіне саламын деп, қамыс артқан, бұтадан қорыққан, көз көргенде «әке-үке» десіп, шығып кетсе, қызыны боқтасан, «сарт-сұрт деген осы» деп.

Ноғайды көрсө, оны да боқташ құлуші еді: «Түйеден қорыққан ноғай атқа мінсе — шаршан, жаяу жұрс — демін алады, ноғай дегенше, ноқай десеңіпі, түкке ыңғайы келмейді, солдат ноғай, қашқын ноғай, «бакалпік¹ ноғай» деп.

Орысқа да құлуші еді: «Ауылды көрсө шашқан, жаман сасыр бас орыс» деп. Орыс ойына келгенін қылады деген... не айтса соған нанады, «ұзын құлақты тауып бер денті», — деп.

Сонда мен ойлаушы едім: ей, Құдай-ай, бізден басқа халықтың бәрі антүрған, жаман келеді еken, ең тәуір халық біз екенбіз деп, әлгі айтылмыш сөздерді бір үлкен қызық көріп, қуаныш құлуші едім.

Енді қарап тұрсам, сарттың екпеген егіні жоқ, шығармаған жемісі жоқ, саудагерінің жүрмеген жері жоқ, қылмаган шеберлігі жоқ. Өзіменен өзі әуре болып, біріменен бірі ешбір шаңари жауласпайды! Орысқа қарамай тұрғанда қазақтың өлісінің ахиреттігін², тірісінің киімін сол жеткізіп тұрды. Экे

¹ Ұсақ саудагер.

² Бұл жерде өлген кісіні орайтын кебін мағынасында.

балаға қимайтұғын малыңды кірелеп сол айдан кетіп тұрдығой. Орысқа қарған соң да, орыстың өнерлерін бізден олар көп үйреніп кетті. Үлкен байлар да, ұлкен молдалар да, ептілік, қырмызылық, сыпайылық — бәрі соларда.

Ногайға қарасам, солдаттық да шыдайды, кедейлікке де шыдайды, қазаға да шыдайды, молда, медресе сақтап, дін құтуге де шыдайды. Еңбек қылышп, мал табудың да жөнін солар біледі, салтанат, әсем де соларда. Оның малдыларына, құзғын тамағымыз үшін, біріміз жалшы, біріміз қош алушымыз. Біздің ең байымызды: «сәнің шақшы³ аяғың білән пышыратырға қойған идән түгіл, шық, сасық қазақ», деп үйінен қуып шығарады.

Оның бәрі — бірін-бірі қуып қор болмай, шаруа қуып, өнер тауып, мал тауып, зор болғандық әсері.

Орысқа айтар сез де жоқ, біз құлыш, құңдың құрлы да жоқпыш.

Бағанағы мақтан, бағанағы қуанған, күлген сөздеріміз қайда?

³ Лас, былғаныш.

ҮШІНШІ СӨЗ

Қазақтың бірінің біріне қаскүнем болмағының, бірінің тілеуін бірі тілеспейтүғының, рас сөзі аз болатүғының, қызметке таласқыш болатүғының, өздерінің жалқау болатүғының себебі не?

Нәмма ғаламға белгілі данышшандар әлдеқашан байқаган: әрбір жалқау кісі — қорқақ, қайратсыз тартады; әрбір қайратсыз — қорқақ, мақтанишақ келеді; әрбір мақтанишақ — қорқақ, ақылсыз, надан келеді; әрбір ақылсыз — надан арсыз келеді; әрбір арсыз жалқаудан сұрамсақ, өзі тойымсыз, өнерсіз, ешкімге достығы жоқ жандар шыгады.

Мұның бәрі төрт аяқты малды көбейтемінинең басқа ойының жоқтығынан, өзге — егін, сауда, өнер, ғылым — солар секілді нәрселерге салынса, бұлай болмас еді.

Әрбір мал ізденеген малым көп болса, өзімдікі де, балаларым да малды болса екен дейді.

Ол мал көбейсе, малшыларға бақтырмақ, өздері етке, қымызға тойып, сұлуды жайлап, жүйрікті байлан отырмақ.

Қыстауы тарлық қылса, арызы жеткендік, сыйы өткендік, барлық қызметімен біреудің қыстауын сатып алмақ, ентең алмақ, тартып алмақ. Ол қыстауынан айырылған және біреуге тиіспек, я болмаса орынсыздығынан елден кетпек — әр қазақтың ойы осы.

Осылар біріне бірі достық ойлай ала ма? Кедей көп болса,

ақысы кем болар еді, малдан айырылғандар қебейсе, қыстауы босар еді деп, мен ананы кедей болса екен деп, ол мені кедей болса екен деп, әуелде ішімізben қас сағындық. Әрі-беріден соң сыртымызға шықты, жауластық, дауластық, партияластық. Осындай қастарға сөзім өтімді болсын және де ептең мал жиноста күшім жетімді болсын деп, қызметке, болыстық, билікке таластық.

Сонан соң не момынның баласы бөтен жаққа шығып, еңбек қылышп, мал іздемейді, егін, сауданың керегі жоқ болады. Өз басын өзі осындай таласпенен кісі қебейтеміз деп партия жигандардың бүгін біреуіне, ертең біреуіне кезекпен сатады да жүреді.

Ұрылар тыйылмайды. Ел тыныш болса, оның ұрлығын ешкім сүйемес еді. Ел екі жар болған соң, кім ант ішіп ақтан, арамдығын жақтап, сүйеймін десе, соған жақ болып сүйеніп, бұрынғыдан ұрлығын әлденеше есеп асырады.

Елдегі жақсы адамдардың бәрінің үстінен бекер, өтірік «шапты, талады» деген әртүрлі уголовный¹ іс көрсетіп, арыз береді. Оған дознание² — тергеу шығарады. Өтірік, көрмегенін көрдім деуші күелар да әлдеқашан дайындаған қойылған, бағанағы жақсы адам сайлауға жарамасы үшін. Ол адам басын құтқармақ үшін жамандарға жалынса, оның да адамдығының кеткені, егер жалынбаса, тергеулі, сottы адам болып, ешбір қызметке жарамай, басы қатерге түсіп өткені.

Ол болыс болғандар өзі қулық, арамдықпенен болыстыққа жеткен соң, момынды қадірлемейді, өзіндей арам, қуларды қадірлейді, өзіме дос болып, жәрдемі тиеді деп, егер қас болса, бір түрлі өзіме де залал жасауға қолынан келеді деп.

Осы күнде қазақ ішінде «ісі білмес, кісісі білер» деген мақал шықты. Оның мәнісі: «ісінің тұзулігінен жетпессің, кісінің амалшы, айлалылығынан жетерсің» деген сөз. Үш жылға болыс сайланады. Әуелгі жылы: «Сені біз сайламадық па?» деп елдің бұлданғандығымен күні өтеді. Екінші жылы кандидатпенен аңдысып күні өтеді. Үшінші жылы сайлауға жақындаған қалып,

¹ Қылмыстық іс (орысша).

² Жаупқа алу (орысша).

тағы болыс болып қалуға болар ма екен деп күні өтеді. Енді несі қалды?

Осы қазақ халқының осындағы бұзықшылыққа тартып, жылдан жылға төмендеп бара жатқанын көрген соң, менің ойымға келеді: **Халықтың болыстыққа сайлаймын** деген кісісі пәлен қадәрлі орысша **образование³** алған кісі болсын. Егер де орталарында ондағы кісісі жоқ болса, яки бар болса да сайламаса, уезный начальник пenen военный губернатордың назначениесімен⁴ болады десе, бұл халыққа бек пайдалы болар еді. Оның себебі: әуелі — қызметкүмар қазақ балаларына **образование** беруге ол да — пайдалы іс, екінші — назначениемен болған болыстар халыққа міндетті болмас еді, ұлықтарға міндетті болар еді.

Уа және назначение қылғанда тергеуі, сұрауы барлығына қарамаса өтірік арыз берушілер азаяр еді, бәлки жогалар еді.

Уа және әрбір болыс елде старшина басы бір би сайланғандық, бұл халыққа көп залал болғандығы көрініп, сыйналыш білінді. Бұл билік деген біздің қазақ ішінде әрбір сайланған кісінің қолынан келмейді. Бұған бұрынғы «Қасым ханның қасқа жолын», «Есім ханның ескі жолын», Эз Тәуке ханның **Күл төбенің** басындағы күнде кеңес болғанда «Жеті жарғысын»⁵ білмек керек.

Әм, ол ескі сөздердің қайсысы заман өзгергендікпенен ескіріп бұл жаңа заманға келіспейтүгін болса, оның орнына толымды толық билік шығарып, төлеу саларға жараптық кісі болса керек еді, ондағы кісі аз, яки тіпті жоқ.

Бұрынғы қазақ жайын жақсы білген адамдар айтынты: «**Би екеу болса, дау төртеу болады**» деп.

Оның мәнісі — тақ болмаса, жұп билер таласып, дау қөбейте береді дегенмен айтылған сөз.

Өйтіп би қөбейткенше, әрбір болыс елден толымды-білімді үш-ақ кісі билікке жыл кесілмей сайланса, олар түссе, жаманшылығы әшкере білінгендікпенен түссе, әйтпесе түспесе.

³ Білім.

⁴ Қызметке тағайындау (орысша).

⁵ Тәуке ханның заңының жеті ережесі.

Ол билерге даугер адамдар қарамай, екеуі екі кісіні билікке таңдал алып, үстіне біреуді посердникке⁶ сайлап алып, бітे берсе; егер оған да ынтымақтаса алмаса, бағанағы үш бидің біреуін алып, яки жеребемен сайлап алып жүгінсе, сонда дау ұзамай, бітім болар еді.



⁶ Дәнекер, араға жүруші магынасында.

ТӨРТИНШІ СӨЗ

Әрбір байқаған адам білсе керек: құлкі өзі бір мастық екенін, әрбір мас кісіден ғафил¹ көп өтетүгінын да, әрбір мастың сөйлеген кезінде бас ауыртатүгінын. Бұлай болғанда, құлкіге салынған кісі не шаруадан, не ақылдан, не бір ұят келерлік істен құр, ғафил көп өткізіп отырса керек. Осындай ғафилдік көп өткізіп, өлмеген кісінің не дүниеде, не ахиретте² басы бір ауырмай қалмаса керек.

Әрбір уайым-қайғы ойлағын кісі не дүние шаруасына, не ахирет шаруасына өзгеден жинақырақ болса керек. Әрбір жинақылықтың түбі кәніш³ болса керек.

Енді олай болғанда, үнемі уайым-қайғыменен жүре аламыз ба? Үнемі құлмей жүргүре жан шыдай ма екен?

Жоқ, мен үнемі уайым-қайғыменен бол демеймін. Уайым-қайғысыздығыңа уайым-қайғы қыл-дағы, сол уайым-қайғысыздықтан құтыларлық орынды харекет⁴ табу керек, қам қылу керек. Әрбір орынды харекет өзі де уайым-қайғыны азайтады, орынсыз құлкіменен азайта, орынды харекетпен азайт!

Шығар есігін таба алмай, уайым-қайғының ішіне кіріп алып, қамалып қалмақ, ол өзі де — бір антүрғандық. Және әрбір жаман кісінің қылышына құлсещ, оған рахаттаныш құлме,

¹ Ғафил (арабша) — қателік.

² Ахирет (арабша) — арғы дүние, о дүние.

³ Кәніш (парсыша) — молшылық, береке.

ыза болғаныңнан күл, ызалы құлкі өзі де қайғы. Ондай құлкіге үнемі өзің де салынбассың, әрбір жақсы адамның жақсылық тапқанына рахаттанып күлсөң, оның жақсылықты жақсылығынан тапқандығын ғибрат⁵ көріп күл. Әрбір ғибрат алмақтың өзі де мастыққа жібермей, уақыттымен тоқтатады.

Көп құлкінің бәрін де мақтағаным жоқ, оның ішінде бір құлкі бар-ау, құдай жаратқан орныменен іштен, көкіректен, жүректен келмейді, қолдан жасап, сыртыменен бет-аузын түзеп, бай-бай құлкінің әнін сәндеп, әдемішілік үшін құлетін бояма құлкі.

Адам баласы жылап туады, кейіп өлеңді. Екі ортада, бұ дүниенің рахаттының қайда екенін білмей, бірін-бірі аңдып, біріне бірі мақтанып, есіл өмірді ескерусіз, босқа, жарамсыз қылышпен, қор етіп өткізеді де, таусылған күнде бір күндік өмірді бар малына сатып алуға таба алмайды.

Кұлық саумақ, көз сүзіп, тіленіп, адам саумақ — өнерсіз иттің ісі.

Әуел құдайға сыйынып, екінші өз қайраттыңа сүйеніп, еңбегінді сау, еңбек қылсан, қара жер де береді, құр тастамайды.

⁴ Харекет (арабша) — әрекет, іс, жұмыс.

⁵ Ғибрат (арабша) — өнеге, ұлті, сабақ.

БЕСІНШІ СӨЗ

Көкірек толған қайғы кісінің өзіне де билетпейді, бойды шымырлатып, буынды құртып, иә көзден жас болып агады, иә тілден сөз болып агады.

Қазақтар: «Ә, құдай, жас баладай қайғысыз қыла гөр!» деп тілек тілегенін өзім көрдім. Онысы — жас баладан гөрі өзі есті кісі болып, ескермес нәрсесі жоқсыш, қайғылы кісі болғансығаны. Қайғысы не десең, мақалдарынан танырысың: «Түстік өмірің болса, күндік мал жи», «Өзиңде жоқ болса, әкес де жат», «Мал — адамның бауыр еті», «Малдының беті — жарық, малсыздың беті — шарық», «Ер азығы мен бері азығы жолда», «Ердің малы елде, еріккенде — қолда», «Берген — перде бұзар», «Алаған қолым — береген», «Мал ташқан ердің жазығы жоқ», «Байдан үмітсіз — құдайдан үмітсіз», «Қарының ашса, қаралы үйге шап», «Қайраны жоқ көлден без, қайыры жоқ елден без» — деген осындағы сөздері көп, есепсіз толыш жатыр.

Бұл мақалдардан не шықты? **Мағлұм¹** болды: қазақ тыныштың үшін, ғылым үшін, білім үшін, әділет үшін қам жемейді екен, мал үшін қам жейді екен, бірақ ол малды қалайша табуды білмейді екен, бар білгені малдыларды алдан алмақ яки мақтап алмақ екен, бермесе оныменен жауласпақ екен. Малды болса, әкесін жаулауды да ұят көрмейді екен. Эйтесінде үрлық,

¹ **Мағлұм** (арабша) — мәлім, белгілі.

құлық-сұмдық, тіленшілік, соған үқсаған қылыштың қайсысын болса да қылыш жүріп мал тапса, жазалы демесек керек екен.

Жас баланың ақылынан бұлардың несі артық? Бірақ, жас бала қызыл ошақтан қорқушы еді, бұлар тозақтан да қорықпайды екен. Жас бала ұялса, жерге ене жаздаушы еді, бұлар неден болса да ұялмайды екен.

Сол ма артылғаны?

Қолымыздығыны үлестіріп талатпасақ, біз де өзіндей болмасақ, безеді екен.

Іздең еліміз сол ма?



АЛТЫНШЫ СӨЗ

Қазақтың бір мақалы: «Өнер алды — бірлік, ырыс алды — тірлік» дейді. Бірлік қандай елде болады, қайтсе тату болады — білмейді.

Қазақ ойлайды: бірлік — ортақ, ас ортақ, киім ортақ, дәулет ортақ болса еken дейді. Олай болғанда байлықтан не пайда, кедейліктен не залал? Ағайын құрымай мал ізден не керек?

Жоқ, бірлік — ақылға бірлік, малға бірлік емес. Малыңды беріп отырсан, атасы басқа, діні басқа, күні басқалар да жалданыш бірлік қылады! Бірлік малға сатылса, антүргандықтың басы осы. Ағайын алмай бірлік қылса керек, соңда әркім несібесін құдайдан тілейді, әйтпесе құдайдан тілемейді, шаруа іздемейді. Әуелі біріне-бірі пәле іздейді. Не түсін, не ажарын, не өкпесін бұлдаап, ол болмаса, бір пәле салып, қорғалатып, әйтеуір бірін-бірі алдаудың амалын іздеседі.

Мұның қай жерінен бірлік шықты?

«Ырыс алды — тірлік» дейді, ол қай тірлік? Ол осы жан кеудеден шықпағандық па?

Жоқ, ондай тірлік итте де бар. Ондай тірлікті қымбат көріп, бұлдаған адам өлімді жау көріп, ахиретке дүшпан болады. Жанын қорғалатып, жаудан қашып, қорқақ атаныш, еңбек қылудан, қызмет қылудан қашып, еріншек атаныш, ез атаныш, дүниеде әлгі айтылған ырысқа дүшпан болады. Ол айтқан тірлік олар емес.

Көкірегі, көңілі тірі болса, соны айтады. Өзің тірі болсан

да, көкірегің өлі болса, ақыл табуға сөз ұға алмайсың. Адал еңбекпен ерінбей жүріп мал табуға жігер қыла алмайсың.

Кеселді жалқау, қылжақбас,
Әзір тамақ, әзір ас,
Сыртың — пысық, ішің — нас,
Артын ойлас ұялмас, —

болып жүріп, тірімін деме, онан да Алла жіберген ақ бүйрықты өлімнің өзі артық.



ЖЕТИНШІ СӨЗ

Жас бала анадан тұғанда екі түрлі мінезben туады: біреуі — ішсем, жесем, ұйықтасам деп тұрады. Бұлар — тәннің құмары, бұлар болмаса, тән жаңға қонақ үй бола алмайды. Һәм өзі өспейді, қуат таппайды.

Біреуі — білсем екен демеклік. Не көрсе соған талшының, жалтыр-жұлтыр еткен болса, оған қызығын, аузына салын, дәмін татып қарап, тамағына, бетіне басып қарап, сырнай-керней болса, дауысына ұмтылып, онан ержетіңкіргенде ит үрсе де, мал шуласа да, біреу құлсе де, біреу жыласа да тұра жүгіріп, «ол немене?» «бұл немене?» деп, «ол неге үйтеді?», «бұл неге бүйтеді?» деп, көзі көрген, құлагы естігениң бәрін сұрап, тыныштық көрмейді.

Мұның бәрі — жан құмары, білсем екен, көрсем екен, үйренсем екен деген.

Дүниенің көрінген ыңм көрінбеген сырның түгелден, ең болмаса денелеп білмесе, адамдықтың орны болмайды. Оны білмеген соң, ол жан адам жаны болмай, хайуан жаны болады.

Әзелде Құдай тағала хайуанның жанынан адамның жанын ірі жаратқан, сол әсерін көрсетіп жаратқаны. Сол қуат жетпеген, ми толмаган ессіз бала күндегі «бұл немене, ол немене?» деп, бір нәрсені сұрап білсем екен дегенде, үйқы, тамақта есімізден шығып кететүғын құмарымызды, ержеткен соң, ақыл кіргенде, орнын тауып ізденіп, кісісін тауып сұранып, ғылым тапқандардың жолына неге салмайды екеміз?

Сол өрістетіп, өрісімізді ұзартып, құмарланып жиған қазынамызды көбейтсек керек, бұл жанның тамағы еді. Тәннен жан артық еді, тәнді жанға бас үргызыса керек еді.

Жоқ, біз олай қылмадық, ұзақтай шулап, қарғадай барқылдаپ, ауылдағы боқтықтан ұзамадық.

Жан бізді жас құнімізде билеп жүр екен. Ержеткен соң, күш енген соң, оған билетпедік. Жанды тәнге бас үргызыдық, ешиәрсеге көңілменен қарамадық, көзбен де жақсы қарамадық, көңіл айтып тұрса, сенбедік. Көзбен көрген нәрсенің де сыртын көргенгे-ақ тойдық. Сырын қалай болады деп көңілге салмадық, оны білмеген кісінің несі кетіпті дейміз. Біреу айтса да, үқпаймыз. Біреу ақыл айтса: «Өз білгенің өзіңе, өз білгенім өзіме», «Кісі ақылымен бай болғанша, өз ақылыңмен жарлы бол» деген дейміз. «Ой, тәңірі-ай, кімнен кім артық дейсің!» — дейміз, артығын білмейміз, айтып тұрса үқпаймыз.

Көкіректе сәуле жоқ, көңілде сенім жоқ.

Құр көзбенен көрген біздің хайуан мaldan неміз артық?

Қайта, бала құнімізде жақсы екенбіз. Білсек те, білмесек те, білсек екен деген адамның баласы екенбіз. Еңді осы күнде хайуаннан да жаманбыз. Хайуан білмейді, білемін деп таласпайды. Біз түк білмейміз, біз де білеміз деп надандығымызды білімділікке бермей таласқанда, өлер-тірілерімізді білмей, күре тамырымызды адыраітып кетеміз.

СЕГІЗІНШІ СӨЗ

Осы ақылды кім үйренеді, насихатты кім тыңдайды?

Біреу — болыс, біреу — би. Олардың ақыл үйренейін, насихаттың тыңдайын деген ойы болса, ол орынға сайланып та жүрмеседі. Олар өздері де үздік кісіміз, өздеріміз біреуге ұлті беріп, ақыл айтарлықпаз деп сайланды. Өздері түзеліп жеткен, енді елді түзөрлігі-ақ қалған. Ол не қылыштыңдасын және тыңдайын десе де, қолы тиे ме? Басында өзіндік жұмысы бар: ұлығымызға жазалы болып қаламыз ба, елдегі бұзақыларымызды бұлдіріп аламыз ба, немесе халқымызды бұлдіріп аламыз ба, яки өзіміз шығынданып, шығыннымызды толтыра алмай қаламыз ба? — деген ебіне қарай біреуді жетілтейін деп, біреуді құтылтайын деген бейнетінің бәрі басында, қолы тимейді.

Байлар, олар өздері де бір күн болса да, дәулет қоныш, дүниенің жарымы басында тұр. Өзінде жоқты малыменен сатын алады. Көңілдері көкте, көздері аспанда, ададық, адамдық, ақыл, ғылым, білім — ешиәрсе малдан қымбат демейді. Мал болса, Құдай тағаланы да паралап алса болады дейді. Оның діні, Құдайы, халқы, жүрті, білімі, ұяты, ары, жақыны — бәрі мал. Сөзді қайтіп ұқсын, үғайын десе де, қолы тиे ме? Ол малды суармақ, тоіғызбақ, саудасын жиғызбақ, күзеттірмек, бақтырмақ, ұры-бәрі, қыс, сұық-сұғанақ — солардан сақтаңбақ, солардан сақтарлық кісі таппақ. Оның бәрін жайғастырып, аяғын алып келіп мақтанға орналастығанша қашан? Қолы тимейді.

Енді ұрызалим, сүм-сүркия өздері де тыңдамайды.

Онша-мұнша қой жұнді қоныршалар күнін де көре алмай жүр. Аналар анадай болып тұрғанда, білім, ғылым, ақылды не қылсын? Және де білім, ғылым кедейге керегі жоқтай-ақ: «Бізді не қыласың, ана сөзді ұғарлықтарға айт!» дейді. Оның өзгеменен ісі жоқ, ана алдындағы үшеуіндей болған жанның ойында ешбір қайғысы, мұны болмаса керек.



ТОҒЫЗЫНШЫ СӨЗ

Осы мен өзім — қазақпын.

Қазақты жақсы көрем бе, жек көрем бе?


Егер жақсы көрсем, қылыштарын қостасам керек еді. Уә әрнешік бойларынан адам жақсы көрерлік, көңілге тиянақ қыларлық бір нәрсе тапсам керек еді. Соны не үміт үзбестікке, не онысы болмаса, мұнысы бар той деп, көңілге қуат қылуға жаратсам керек еді, ондайым жоқ. Егер жек көрсем, сөйлеспесем, мәжілістес, сырлас, кеңестес болмасам керек еді, тобына бармай, «не қылды, не болды?» демей жату керек еді, ол мүмкін болмаса, бұлардың ортасынан көнін кету керек еді.

Бұларды жөндеймін деуге, жөнделер, үйрепер деген үмітім де жоқ. Бұлардың бірі де жоқ. Бұл қалай? Бұл айтқаның бірін тұттай болмас еді.

Мен өзім тірі болсам да, анық тірі де емеспін. Әншнейін осылардың ызасынан ба, өзіме-өзім ыза болғанымнан ба, яки бөтен бір себептен бе? — еш білмеймін. Сыртым сау болса да, ішім өліп қалыпты. Ашуулансам, ызалана алмаймын. Құлсем, қуана алмаймын, сөйлегенім өз сөзім емес, құлгенім-өз құлкім емес, бәрі де әлдекімдікі.

Қайратты күнімде қазақты қиын бөтен жаққа кетпек түгіл, өзін жақсы көріп, үміт етіп жүрішпін. Қашан әбден білін, үмітімді үзген кезде, өзге жаққа барып, жатты өз қылыш, үйір боларлық қайрат, жалын сөніп те қалған екен. Сол себептен бір

жүрген қуыс кеудемін. Тегінде ойлаймын: бұ да жақсы, өлер кезде «эттегене-ай, сондай-сондай қызықтарым қалды-ау!» деп қайғылы болмай, алдыңғы тілеу болмаса, артқа алаң болмай өлуге.



ОНЫНШЫ СӨЗ

Біреулер Құдайдан бала тілейді.

Ол баланы не қылады?

**Өлсем орнымды бассын дейді, артымнан құран оқысын дейді,
қартайған күнімде асырасын дейді. Осыдан басқасы бар ма?**

Балам орнымды бассын демек не сөз? Өзіңсөн қалған
дүние иесіз қалар дейсің бе? Қалған дүниенің қамын сен жемек
пе едің? Өліп бара жатқанда өзгеден қызғаныш айтқаның
ба? Өзгеге қимайтүғын сениң не қылған артықша орынц бар
еді? Баланың жақсысы — қызық, жаманы — қүйік, не түрлі
боларын біліп сұрадың? Дүниеде өзіңнің көрген қорлығың аз
болды ма? Өзіңнің қылған иттігің аз болды ма? Енді бір бала
туғызып, оны да ит қылуға, оған да қорлық көрсетуге мүнша
неге құмар болдың?

Артымнан балам құран оқысын десең, тірлікте өзіңнің
жақсылық қылған кісің көп болса, кім құран оқымайды? Егер
жаманшылықты көп қылған болсаң, баланың оқыған құраны
сені неге жеткізеді? Тірлікте өзің өзің қылмаған істі, өлген соң
саған балаң кәсіп қылып бере ала ма?

Ахирет үшін бала тілегенің — балам жасында өлсін дегенің.
Егер де ержетсін десең, өзі ержетіп, ата-анасын тұзақтан құтқа-
рарлық бала қазақтан туа ма екен? Ондай баланы сендей әке,
сенің еліндей ел асырап өсірмек пе екен?

Қартайғанда асырасын десең, о да — бір бос сөз. Әуелі — өзің қаруың қайтарлық қартаюға жетемісің, жоқ па? Екінші — балаң мейірімді болып, асырарлық болып туда ма, жоқ па? Үшінші — малың болса, кім асырамайды? Малың жоқ болса, қай асырау толымды болады? Баланың мал табарлық болары, мал шашарлық болары — ол да екі талай.

Хош, Құдай тағала бала берді, оны өзің жақсы асырай білесің бе? Білмейсің. Әуелі өз күнәнді өзің көтергенімен тұрмай, балаңның күнәсіне тағы да ортақ боласың. Әуелі балаңды өзің алдайсың: «әне, оны берем, міне, мұны берем» деп. Басында балаңды алдағаныңа бір мәз боласың. Соныра балаң алдамшы болса, кімнен көресің? «Боқта!» деп, біреуді боқтатып, «Кәпірқияңқы, осыған тимендерші!» деп, оны масаттандырып, әбден тентектікке үйретіп қойып, сабаққа бергенде, молданың ең арзанын іздең, хат таныса болады деп, қу, сүм бол деп, «пәленшениң баласы сені сыртыңнан сатып кетеді» деп, тірі жанға сендірмей жат міnez қылып, осы ма берген тәлімің?

Осы баладан қайыр күтесің бе?

Және мал тілейсіңдер, неге керек қылайын деп тілейсіңдер? Әуелі, құдайдан тілеймісің? Тілейсің. Құдай берді, бергенін алмайсың. Құдай тағала саған еңбек қылып мал табарлық қуат берді. Ол қуатты адап кәсіп қыларлық орынға жұмсаймысың? Жұмсамайсың. Ол қуатты орнын тауып сарып қыларды білерлік ғылым берді, оны оқымайсың. Ол ғылымды оқыса ұғарлық ақыл берді, қайда жібергенінді кім біледі?..

Ерінбей еңбек қылса, түңілмей іздесе, орнын тауып істесе, кім бай болмайды? Оның саған керегі жоқ. Сенікі — біреуден қорқытып алсаң, біреуден жалынып алсаң, біреуден алдаң алсаң болғаны, іздеңенің — сол.

Бұл — Құдайдан тілеген емес. Бұл — абыроїын, арын сатып, адам жаулағандық, тіленшілік. Қош, сүйтіп жүріп-ақ мал таптың, байыдың. Сол малды сарып қылып, ғылым табу керек. Өзің таба алмасаң, балаң тапсын. Ғылымсыз ахирет те жоқ, дүние де жоқ. Ғылымсыз оқыған намаз, тұтқан ораза, қылған хаж, ешбір ғибадат¹ орнына бармайды. Ешбір қазақ

¹ Ғибадат (арабша) — қызмет жасау, құрметтеу, табыну, құлшылық жасау.

көрмедім, малды иттікпен тапса да, адамшылықпен жұмсаған.
Бәрі де иттікпен табады, иттікпен айрылады. Бейнет, қүйігі,
ызасы — сол үшеуінен басқа ешнәрсе бойында қалмайды.

Барында баймын деп мақтанады. Жоғында «Маган да
баяғыда мал бітіп еді» деп мақтанады. Кедей болған соң, тағы
қайыршылыққа түседі.



ОН БІРІНШІ СӨЗ

Осы елдің үнем қылып жүргені немене? Екі нәрсе.

Әуелі — ұрлық. Ұры ұрлықпен мал табам деп жүр. Мал иесі артылтып алып, тағы да баймын деп жүр. Ұлықтар алыш берем деп, даугерді жеп, құтқарам деп ұрыны жеп жүр. Қарапайым жұрт ұрлық айтып мал алам деп, ұрыға атымды сатып пайдаланам деп, не өткізбесін арзанға түсіріп алам деп жүр.

Екінші — бұзақылар біреудің ойында жоқ пәлені ойына салып, бүйтсек бек боласың, бүйтсек көп боласың, бүйтсек кек аласың, мықты атанасың деп, ауқаттыларды азғырғалы әлек болып жүр. Кім азса, мен соған керек боламын деп, к...н қыздырып алып, өзін біраз ғана азық қылайын деп жүр.

Ұлықтар пәлі-пәлі, бұл табылған ақыл деп, мен сені бүйтіп сүйеймін деп, ананы жеп, сені бүйтіп сүйеймін деп, мынаны жеп жүр. Қара халық менің сонша үйім бар, сонша ауыл-аймағыммен сойылыңды соғайын, дауыңды айтайын деп, қай көп бергенге партиялас боламын деп, құдайға жазып, жатпай-тұрмай салып жүріп басын, ауылын, қатын-баласын сатып жүр.

Осы бір ұры, бұзақы жоғалса, жүртқа ой да түсер еді. Шаруа да қылар еді. Бай барын бағып, кедей жоғын іздең, ел секілденіп талапқа, тілеуге кірісер еді. Енді жүрттың бәрі осы екі бұлік іске ортақ. Мұны кім түзейді?

Анттың, серттің, адалдықтың, ұяттың бір тоқтаусыз кеткені ме?

Ұрыны тыю да оңай болар еді, бірақ осы бұзақының тіліне еретүғын, азатұғын байларды кім тыяды?



ОН ЕКІНШІ СӨЗ

Кімде-кім жақсы-жаман ғибадат қылыш жүрсе, оны ол ғибадаттан тыюға аузымыз бармайды, әйтеуір жақсылыққа қылған ниеттің жамандығы жоқ қой дейміз. Ләкин¹, сондай адамдар толымды ғибадатқа ғылымы жетпесе де, қылса екен. Бірақ оның екі шарты бар, соны білсе екен.

Әуелі — иманның иғтиқадын² махкемлемек³ керек, екінші үйреніп жеткенше осы да болады ғой демей, үйрене берсе керек. Кімде-кім үйреніп жетпей жатып, үйренгенін қойса, оны Құдай ұрды, ғибадаты ғибадат болмайды.

Уа-ләкин⁴, кімде-кім иманның неше нәрсе бірлән кәмәләт⁵ табатұғынын білмей, қанша жерден бұзылатұғынын білмей, басына шалма орап, бірәдар атын көтеріп, оразашыл, намазшыл болып жүргені көңілге — қалың бермей тұрып, жыртысын салғанға үқсайды.

Күзетшісіз, ескерусіз иман тұрмайды, ықыласыменен өзін өзі аңдып, шын діни шыншылдан жаны ашып тұрмаса, салғырттың иманы бар деп болмайды.

¹ Ләкин (арабша) — өйткені.

² Иғтиқад (арабша) — сену, нану.

³ Махкемлемек (арабша) — берік, мықты, орнықты.

⁴ Уа-лакин (арабша) — ал, бірақ.

⁵ Кәмәләт (арабша) — рухани даму, толықтыру.

ОН ҮШІНШІ СӨЗ

Иман деген — Алла табарака уатагаланың¹ шәриксиз², ғайыпсыз, бірлігіне барлығына уа әр түрлі бізге пайғамбарымыз, саллалауы ғалайын үәсәлләм³, арқылы жіберген жарлығына, білдіргеніне мойын ұсыныш, инанмақ. Енді бұл иман дерлік инануға екі түрлі нәрсе керек.

Әуелі — не нәрсеге иман келтірсе, соның ҳақтығына ақылы бірлән дәлел жүргізерлік болыш, ақылы дәлел — испат⁴ қыларга жараса, мұны «якини иман»⁵ десе керек.

Екіншісі — кітаптан оқу бірлән яки молдалардан есту бірлән иман келтіріп, сол иман келтірген нәрсесіне соңашың берік боларға керек. Біреу өлтіремін деп қорқытса да, мың кісі мың түрлі іс көрсетсе де, соған айныш, қоңілі қозғалмастай берік болу керек. Бұл иманды иман «таклиди»⁶ дейміз.

Енді мұндай иман сақтауға қорықпас жүрек, айнымас қоңіл, босанбас буын керек екен. Якини иманы бар деуге тылымы

¹ Аллау табарака уа тагала (арабша) — иғі тілекке жолдаушы ұлы тәсір.

² Шәриксиз (арабша) — көмекші, серік, бұл жерде жалғыз, бір өзі тен келмейтін, бірдей келмейтін магынада.

³ Саллалауы ғалайын тәссәлләм (арабша) — Алла оған иғі тілек тілен, сәлемін алсын (Мұхаммед пайғамбардың аты аталғанинан кейін айттылатын құрметтеу сөйлемі).

⁴ Испат (арабша) — нақтылау, дәлелдеу, анықтау.

⁵ Иман (арабша) — сенім (құдайға сену).

⁶ Иман таклиди (арабша) — біреуге елікеп сену, дәстүрлі.

жоқ, таклиди иманы бар деуге беріктігі жоқ, иә алдағанға, иә азғырғанға, иә бір пайдаланғанға қарап, ақты қара деп, я қараны ақ деп, өтірікті шын деп ант ететүғын кісіні не дейміз? Құдай тағала өзі сақтасын.

Уа әрнешік білмек керек, жоғарғы жазылмыш екі тұрліден басқа иман жоқ.

Иманға қарсы келерлік орында ешбір пенде Құдай тағала кеңшілігімен кешеді дағы демесін, оның үшін Құдай тағаланың ғафуына⁷ яки пайғамбарымыздың шафағатына⁸ да сыймайды, мүмкін де емес.

«Кылыш үстінде серт жоқ» деген, «Құдай тағаланың кешпес күнәсі жоқ» деген жалған мақалды қуат көрген мұндай пенденің жүзі құрысын.

⁷ Фафу (арабша) — кешу, кешіру.

⁸ Шафағат (арабша) — қорғау, жәрдем ету, көмектесу.

ОН ТӨРТИНШІ СӨЗ

Тірі адамның жүректен аяулы жері бола ма?

Біздің қазақтың жүректі кісі дегені — батыр кісі дегені. Онан басқа жүректің қасиеттерін анықтап біле алмайды. Рақымдылық, мейірбандылық, әр түрлі істе адам баласын өз бауырым деп, өзіне ойлагандай оларға да болса иғі еді демек, бұлар — жүрек ісі. Асықтың та — жүректің ісі. Тіл жүректің айтқанына көнсе, жалған шықпайды. Амалдың тілін алса, жүрек ұмыт қалады. Қазақтың «жүректісі» мақтауга сыймайды. Айтқанға көнгіш, уағдада тұрғыш, бойын жаманышылдықтан тез жиып алғыш, көштің соңынан итше ере бермей, адасқан көнтеп атының басын бұрып алуға жараган, әділетті ақыл мойындаған нәрсені, қын да болса, мойындау, әділетті ақыл мойындаған нәрсені, оңай да болса, мойындау — ерлік, батырлық осы болмаса, қазақтың айтқан батыры — әншейін жүректі емес, қасқыр жүректі деген сөз.

Казақ та адам баласы ғой, көбі ақылсыздығынан азбайды, ақылдың сөзін ұғып аларлық жүректе жігер, қайрат, байлаулықтың жоқтығынан азады. Білместігімнен қылдым дегениң көбіне наанбаймын. Білімді білсе де, арсыз, қайратсыздығынан ескермей, ұстамай кетеді. Жаманышылдықта бір елігін кеткен соң, бойын жиып алып кетерлік қайрат қазақта кем болады.

Осы жүрттың көбінің айтып жүрген мықты жігіт, ер жігіт,

пысық жігіт деп ат қойып жүрген кісілерінің бәрі — пәлеге, жаманшылыққа еліртпек үшін, бірін-бірі «айда, батырлап!» қыздырып алады да, артын ойлатпай, азғыратұғын сөздері.

Эйтпесе Құдайға терістікten, не ар мен үятқа терістікten сілкініп, бойын жиып ала алмаған кісі, үнемі жаманшылыққа, мақтанға салынып, өз бойын өзі бір тексермей кеткен кісі, тәуір жігіт түгіл, әуелі адам ба өзі?

ОН БЕСІНШІ СӨЗ

Ақылды кісі мен ақылсыз кісінің, менің білуімше, бір белгілі парқын көрдім.

Әуел — пенде адам болып жаратылған соң, дүниеде ешбір нәрсені қызық көрмей жүре алмайды. Сол қызықты нәрссесін іздеген кезі өмірінің ең қызықты уақыты болып ойында қалады. Сонда есті адам, орынды іске қызығып, құмарланып іздейді еken дағы, күнінде айтса құлақ, ойланса көзіл сүйсінгендей болады еken. Оған бұл өткен өмірдің өкініші де жоқ болады еken.

Есер кісі орын таипай, ие болса сол бір баянсыз, бағасыз нәрсеге қызығып, құмар болып, өмірінің қызықты, қымбатты шағын итқорлықпен өткізіп алады еken дағы, күнінде өкінгені пайда болмайды еken. Жастықта бұл қызықтан соң және бір қызық тауып алатын кісімсіп, жастығы тозбастай, буыны босамастай көріп жүріп, бірер қызықты құғанда-ақ мойны қатып, буыны құрып, екінші талапқа қайрат қылуға жарамай қалады еken.

Үшінші — әрбір нәрсеге қызықпақтық. Ол өзі бойға құмарлық пайда қылатын нәрсе еken. Әрбір құмарлық өзіне бір дерт болады еken, әртүрлі құмар болған нәрсеге жеткенде, яки әне-міне, жетер-жетпес болып жүргенде, бір түрлі мастық пайда болады еken.

Әрбір мастық бойдан оғатты көп шығарып, ақылдын

көзін байлап, төңіректегі қараушылардың көзін ашып, «ананымынаны» дегізіп, бойды сынататұғын нәрсе екен. Сол уақытта есті кісілер үлкен есі шықпай, ақылды қолдан жібермей, бойын сынатпай жүріп ізденеді екен. Есер кісілер ер-тоқымын тастап, бөркі түсіп қалып, етегі атының к...и жауып кетіп, екі көзі аспанда, жынды кісіше шаба беруді біледі екен, соны көрдім.

Егерде есті кісілердің қатарында болғың келсе, күнінде бір мәртебе, болмаса жұмасында бір, ең болмаса айында бір, өзінен өзің есеп ал!

Сол алдыңғы есеп алғанин бергі өмірді қалай өткіздің екен, не білімге, не ахиретке, не дүниеге жарамды күнінде өзің өкінбестей қылышқан өткізіппісің?

Жоқ, болмаса, не қылыш өткізгенінді өзің де білмей қалыш-пышсың?

ОН АЛТЫНШЫ СӨЗ

Қазақ құлшылығым Құдайға лайық болса екен деп қам жемейді. Тек жүрт қылғанды біз де қылып, жығылып, тұрып жүрсек болғаны дейді. Саудагер несиесін жия келгенде, «тапқаным осы, біттім деп, алсаң — ал, әйтпесе саған бола жерден мал қазам ба?» дейтүғыны болушы еді ғой.

Құдай тағаланы дәл сол саудагердегі қыламын дейді. Тілін жаттықтырып, дінін тазартып, ойланып, үйреніп әлек болмайды. «Білгенім осы, енді қартайғанда қайдан үйрене аlamын» дейді. «Оқымадың демесе болады дағы, тілімнің келмегенін қайтуны еді» дейді.

Оның тілі өзге жүрттан бөлекше жаратылып па?

ОН ЖЕТИНШІ СӨЗ

Қайрат, ақыл, жүрек үшеуі өнерлерін айтысып, таласып келіп, Ғылымға жүгініпті. Қайрат айтыпты: Ей, Ғылым, өзің де білесің ғой, дүниеде ешнэрсе менсіз кәмелетке жетпейтүғынын. Әуелі, өзінді білуге ерінбей-жалақпай үйрену керек, ол менің ісім. Құдайға лайықты ғибадат қылышп, ерінбей-жалақпай орнына келтірмек те — менің ісім. Дүниеге лайықты өнер, мал тауып, абыйыр мансапты еңбексіз табуға болмайды. Орынсыз, болымсыз нәрсеге үйір қылмай, бойды таза сақтайтүғын, құнәкәрліктен, көрсекұзыар жеңілдіктен, нәфс¹ шайтанның азғыруынан құтқаратүғын, адасқан жолға бара жатқан бойды қайта жиғызып алатүғын мен емес пе? Осы екеуі маған қалай таласады? — депті.

Ақыл айтыпты: Не дүниеге, не ахиретке не пайдалы болса, не залалды болса, білетүғын — мен, сениң сөзінді ұғатүғын — мен, менсіз пайданы іздей алмайды еken, залалдан қаша алмайды еken, ғылымды ұғып үйрене алмайды еken, осы екеуі маған қалай таласады? Менсіз өздері неге жарайды? — депті.

Онан соң жүрек айтыпты:

Мен — адамның денесінің патшасымын, қан менен тарайды, жан менде мекен қылады, менсіз тірлік жоқ. Жұмсақ төсекте, жылы үйде тамағы тоқ жатқан кісіге төсексіз кедейдің, тоңып жүрген киімсіздің, тамақсыз аштың қүй-жәйі қандай

¹ Нәфс (арабша) — иәпсі.

болып жатыр екен дең ойлатып, жаңын ашытып, ұңқысын ашылтып, төсегінде дөңбекшітетұғын — мен. Үлкеннен ұят сақтап, кішіге рақым қылдыратуғын — мен, бірақ мені таза сақтай алмайды, ақырында қор болады. Мен таза болсам, адам баласын алаламаймын: жақсылыққа елжіреп еритуғын — мен, жаманшылықтан жиреніп тулап кететуғын — мен, әділет, ынсап, ұят, рақым, мейірбаншылық дейтүғын нәрселердің бәрі менен шығады, менсіз осылардың көрген күні не? Осы екеуді маған қалай таласады? — денті.

Сонда Фылым бұл ұшеуінің сөзін тыңдал болып, айтты:

— Ей, қайрат, сенің айтқаныңың бәрі де рас. Ол айтқандарыңнан басқа да көп өнерлеріңің бары рас, сенсіз ешнәрсениң болмайтуғыны да рас, бірақ қаруыңа қарай қаттылығың да мол, пайдаң да мол, бірақ залалың да мол, кейде жақсылықты берік ұстап, кейде жамандықты берік ұстан кетесің, соның жаман, — денті.

— Ей, ақыл! Сенің айтқандарыңың бәрі де рас. Сенсіз еш нәрсе табылмайтуғыны да рас. Жаратқан тәңіріні де сен танытасың, жаралған екі дүниесің жайын да сен білсің. Бірақ сонымен тұрмайсың, амал да, айла да — бәрі сенен шығады. Жақсының, жаманың екеуінің де — сүйенгеші, сенгеші — сен; екеуінің іздегенін тауыш беріп жүрсің, соның жаман, — денті.

— Сен ұшеуінің басынды қоснақ — менің ісім, — денті. — Бірақ сонда билеуші, әмірші жүрек болса жарайды. Ақыл, сенің қырың көп, жүрек сенің ол көп қырыңа жүрмейді. Жақсылық айтқаныңа жаны-діні құмар болады. Көнбек түгіл қуанады. Жаманшылық айтқаныңа ермейді. Ермек түгіл жиреніп, үйден қуып шығарады.

— Қайрат, сенің қаруың көп, күшің мол, сенің де еркіңе жібермейді. Орынды іске күшінді аяtpайды. Орынсыз жерге қолынды босатпайды. Осы ұшеуің басынды қос, бәрін де жүрекке билет, — деп ұқтырып айтушының аты — Фылым екен.

Осы ұшеуің бір кісіде менің айтқанымдай табылсаңдар, табанының топырағы көзге сұртерлік қасиетті адам — сол.

Ұшеуің болсан, мен жүректі жақтадым.

Құдайшылық сонда, қалпыңды таза сақта, Құдай тағала қалпыңа әрдайым қарайды деп кітаптың айтқаны осы,— деді.



ОН СЕГІЗІНШІ СӨЗ

Адам баласына жыртықсыз, кірсіз, сыпайы киініп, ыем ол киімін былғап, былжыратып кимей, таза кимек — дұрыс іс. Ләкин өз дәулетінен артық киінбек, не киімі артық болмаса да, көңіліне қуат тұтып, тым айналдырмақ — кербездің ісі.

Кербездің екі түрлі қылышы болады: бірі бет-шіппінін, мұртын, мүшесін, жүрісін, қас-қабагын қолдан түзетіш, шынтағын көтеріп, қолын тарақтан әуре болмақ. Біреуі атын, киімін «айран ішерім» деп, солардың арқасында сыпайы, жұгымды жігіт атанбаққа, өзінен ілгерілерге елеулі болып, өзі қатардағының ішін қүйдіріп, өзінен кейінгілерге «эттең дүниес-ай, осылардың атындаіт мініп, киіміндегі киім кигениң не арманы бар екен?!» — дейтүғын болмаққа ойланбақ.

Мұның бәрі — масқаралық, ақымақтық.

Мұны адам бір ойламасын, егер де бір ойласа, қайта адам болмағы — қыын іс.

Кербез дегенді осындаі — кер, кердең немеден безіңдер деген сөзге үқсатамын.

Тегінде, адам баласы адам баласынан ақыл, ғылым, ар, мінез деген нәрселеремен озбақ.

Онан басқа нәрсеменен оздым ғой демектің бәрі де — ақымақтық.

ОН ТОҒЫЗЫНШЫ СӨЗ

Адам ата-анадан тұғанда есті болмайды: естіп, көріп, үстап, татып ескерсе, дүниедегі жақсы, жаманды таниды дағы, сондайдан білгені, көргені көп болған адам білімді болады. Естілердің айтқан сөздерін ескеріп жүрген кісі өзі де есті болады.

Әрбір естілік жеке өзі іске жарамайды.

Сол естілерден естіп, білген жақсы нәрселерді ескерсе, жаман дегеннен сақтанса, сонда іске жарайды, сонда адам десе болады.

Мұндай сөзді есіткенде шайқақтап, шалықтанып не салбырап, салғырттанып есітсе, не есіткен жерде қайта қайырып сұрап үғайын деп тұшынбаса, сол жерде сөздің расына көзі жетсе де, шыға беріп қайта қалпына кетсе, естіп-есітпей не керек?

Осындағы сөз танымайтығын елге сөз айтқанша, өзінді танитуғын шошқаны бақдан жақсы деп бір хаким айтқан екен, сол секілді сөз болады.

ЖИЫРМАСЫНШЫ СӨЗ

Тағдырдың жарлығын білесіздер — өзгерілмейді.

Пәндеде бір іс бар жалығу деген. Ол — тағдырда адаммен бірге жаратылған нәрсе, оны адам өзі тапқан емес. Оған егер бір еліксе, адам баласы құтылмағы қиын. Қайраттаныш, сілкін тастап кетсең де, ақырында тағы келіп жеңеді.

Ақылды түгел, ойлы адамның баласы байқаса, осы адам баласының жалықпайтұғын нәрсесі бар ма екен? Тамақтан да, ойыннан да, күлкіден де, мақтанинан да, кербездіктен де, тойдан да, топтан да, қатыннан да көңіл, аз ба, көп пе, жалығады. Оның үшін бәрінің ғайыбын көреді, баянсызын біледі, көңілі бұрынғыдан да суи бастайды.

Дүние бір қалыпты тұрмайды, адамның қуаты, ғұмыры бір қалыпты тұрмайды. Әрбір мақлұққа құдай тағала бірқалыпты тұрмақты берген жоқ. Енді көңіл қайдан бір қалыпты тұра алады?

Бірақ осы жалығу деген әрнені көрем деген, көп көрген, дәмін, бағасын, бәрінің де баянсызын біліп жеткен, ойлы адамнан шығады. Соншалық ғұмырының баянсызын, дүниенің әрбір қызығының ақырының шолақтығын көрген-білгендер тіршіліктен де жалықса болады.

Бұлай болғанда ақымақтық, қайғысыздық та бір ғанибет¹ екен деп ойлаймын.

¹ Ғанибет (арабша) — олжа, табыс.

ЖИЫРМА БІРІНШІ СӨЗ

Аз ба, көп пе, адам баласы бір түрлі мақтанинан аман болмағы — қының іс. Сол мақтан деген нәрсенің мен екі түрлісін байқадым: біреуінің атын ұлкендік деп атایмын, біреуін мақтаншақтық деймін.

Ұлкендік — адам ішінен өзін өзі бағалы есеп қылмақ. Яғни, надан атанбастығын, женіл атанбастығын, мақтаншақ атанбастығын, әдепсіз, арсыз, байлаусыз, пайдасыз, сұрамашақ, өсекші, өтірікші, алдамшы, кеселді — осындай жарамсыз қылыштардан сақтанып, сол мінездерді бойына қорлық біліп, өзін ондайлардан зор есептемек. Бұл мінез — ақылдылардың, арлылардың, артықтардың мінезі. Олар өзімді жақсы демесе, мейлі білсін, жаман дегізбесем еken деп азаптанады.

Екінші, мақтаншақ деген біреуі «демесін» демейді, «десін» дейді. Бай десін, батыр десін, қу десін, пысық десін, әрдайым не түрлі болса да, «десін» деп азаптанып жүріп, «демесінді» ұмыттып кетеді. Ұмытпақ түгіл, әуелі іс еken деп ескермейді. Мұндай мақтаншақтардың өзі үш түрлі болады.

Біреуі жатқа мақтанаарлық мақтанды іздейді.

Ол — надан, ләкин надан да болса адам.

Екіншісі өз елінің ішінде мақтанаарлық мақтанды іздейді. Оның надандығы толық, адамдығы әбден толық емес.

Үшіншісі өз үйіне келіп айтпаса, иә ауылына ғана келіп айтпаса, өзге кісі қостамайтын мақтанды іздейді.

Ол — наданның наданы, ләкин өзі адам емес.

Жатқа мақталсам екен деген — елім мақтаса екен дейді.
Еліме мақталсам екен деген — ағайыным мақтаса екен дейді.
Ағайынның ішінде мақтау іздеген — өзімді өзім мақтап жетем дейді.

Солда, бір күнде шынайы мұхиттың түркінде

Елім әзірлеуден кейін Ақжарынан
тәншесінде көрді

Ма, мінде көбілі, әзірлеуден кейін? Ол құртаниң
жекелегендегі болаш-блор түре түркін.

Елі, албетте, мінде шынайы мұхиттың түркінде
жекелегендегі жағдай болашын да. Бергелес көзін қалай
жекелегендегі жағдай болашын да.



ЖИЫРМА ЕКІНШІ СӨЗ

Дәл осы күнде қазақтың ішінде кімді жақсы көріп, кімді қадірлеймін деп ойладым.

Байды қадірлейін десең, бай жоқ. Бай болса, өз басының, өз малының еркі өзінде болмас па еді? Ешбір байдың өз малының еркі өзінде жоқ. Кей бай өзі біреумен күш таластырамын деп, жүз кісіге қорғалауықтығынан жалынып, малын үлестіріп жүр. Ойлайды: жалынтып бердім деп, ақымақтығынан. Жоқ, өзі жалынтып беріп жүр. Қайыр да емес, мырзалық та емес, өз елімен, өз жерімен ойрандасып, ойсыздарға қойынын ашып, малын шашып жүр. Кей байлар, елдегі құттылар, сүттілер берекелесе алмаған соң, кеселді қулар көбейіп кетіп, көп қорқытып, ізделген нәрсесі жоқ, еріксіз кім болса соған жеміт болып жүр.

Мырзаларды қадірлейін десең, осы күнде анық мырза елде жоқ, мал бергіш мырза иттен көп. Біреу бір пайдама келтірем деп мырза болып жүр. Біреулер к... не құрым киізді тұзға малып тыққан соң есі шығып, мырза болып, еріксіз кім болса соған талтайып емізіп жүр.

Болыс пен биді құрметтейін десең, құдайдың өзі берген болыстық пен билік елде жоқ. Сатып алған, жалынтып, бас ұрып алған болыстық пенен биліктің ешбір қасиеті жоқ.

Мықтыны құрметтейін десең, жаманшылыққа елдің бәрі мықты, жақсылыққа мықты кісі елде жоқ.

Есті кісіні тауып құрметтейін десең, әділет, ұят, ынсанқа

есті кісі елде жоқ. Құлық, сұмдық, арамдық, амалға елдің бәрі де есті.

Фаріп-қасар бишараны құрметтейін десең, жатқан түйеге міне алмаса да, ол момындыққа есеп емес. Егер мінерлік жайы болса, бірдемені етеп ілерлік те жайы бар.

Енді қалды қу мен сұм, олар өзі де қуартпай, суалтпай тыныштық көрер емес.

Жә, кімді сүйдік, кімнің тілеуін тіледік? Өзі құрттанып шашылған болыс-білдер тұра тұрысын.

Енді, әлбеттә, амал жоқ, момындығынан «Ірыс бакқан дау бақпас» деген мақалмен боламын деп, бергенінен жаға алмай, жарымын беріп, жарымын тыныштығымен баға алмай, ұры, залым, қуларға жеміт болып жүрген шын момын байларды аямасаң ыәм соның тілеуін тілемесең болмайды.

Сонан басқаны таба алмадым.

ЖИЫРМА ҮШИНШІ СӨЗ

Біздің қазақты оңдырмай жүрген бір қуаныш, бір жұбаныш дегендер бар.

Оның қуанышы — елде бір жаманды тауып, я бір адамның бұл өзі қылмаған жаманшылығы шықса, қуанады. Айтады: Құдай пәленшеден сақтасын, о да адаммын деп жүр той, оның қасында біз сәулелі кісінің бірі емеспіз бе, оған қарағанда мен таза кісі емеспін бе? — деп. Оған құдай тағала айтып па, пәленшеден тәуір болсаң болады деп? Я білгендер айтып па, әйтеуір өзінен надандылығы асқан, я жаманшылығы артылған кісі табылса, сен жаманға қосылмайсың деп? Жаманға салысып жақсы бола ма? Жақсыға салысып жақсы болады дағы. Жұз ат бәйгеге қосылса, мен бәйге алдым деген сөз болса, алдында неше ат бар деп сұрап, артында неше ат бар еді деп сұрағаның несі сөз? Мен бес аттан, он аттан ілгері едім дегеннің несі қуаныш?

Енді жұбанышы — жалғыз біз бе, елдің бәрі де сүйтіп-ақ жүр той, көппен көрген ұлы той, көппен бірге болсақ болады да деген сөзді жұбаныш қылады. Оған Құдай тағала айтып па, көптен қалмасаң болады деп. Көпке қаңарым жүрмейді деп. Элде көпке тұзагым жетпейді деп пе? Фылым көпке келіп пе? Біреуден тарап па? Хикмет¹ көптен тарай ма? Бірден тарай ма? Көпке қорлық жүрмей ме? Бір үйдің іші түгел ауырса, жеңіл тиесі ме? Жер білмеген көп адам адасып жүрсе, бір жер білетүғын

¹ Хикмет (арабша) — даналық, ақылдылық, ойшыл.

кісінің керегі жоқ па екен? Көп кісі жолаушының бәрінің аты арығаны жақсы ма? Жоқ, жармысы арып, жармысының қүйлі болғаны жақсы ма? Жұт келсе, елдің бәрінің түгел жұтаганы жақсы ма? Жарым-жартысы аман қалғаны жақсы ма?

Осы көп ақымақтың бір ақымаққа несі жұбаныш?

Тұқымымызбен аузымыз сасық болушы еді деген жаман күнеу қалыңдығын жеңіп пе? Көңілін сол сөзі разы қылуға жетіп пе? Ендеше көбінен қалма, сен де аузыңды сасыта бер деп пе?!

ЖИЫРМА ТӨРТИНШІ СӨЗ

Жер жүзінде екі мың миллионнан көп артық адам бар, екі миллиондай* қазақ бар.

Біздің қазақтың достығы, дүшпандығы, мақтаны, мықтывығы, мал іздеуі, өнер іздеуі, жұрт тануы ешбір халыққа ұқсамайды. Бірімізді біріміз андып, жаулап, ұрлап, кірпік қақтырмай отырғанымыз. Дүниеде үш миллионнан артық халқы бар қала да бар, дүниенің бас-аяғын үш айналып көрген кісі толып жатыр. Өстіл, жер жүзіндегі жұрттың қоры болып, бірімізді біріміз андып етеміз бе?

Жоқ, қазақ ортасында да ұрлық, өтірік, өсек, қастық қалып, өнерді, малды түзден, бөтен жақтан түзу жолмен іздел, өрістерлік күн болар ма еken?

Әй, не болсын!.. Жұз қараға екі жұз кісі сұғын қадап жүрғой, бірін бірі құртпай, құрымай тыныш таба ма?

* Бұл жерде Абай шамамен айтып отыр. Абай тұсында 1897 жылы жүргізілген халық санағы бойынша, Ресей империясы шегінде тұратын қазақтардың жалпы саны 4 миллион 84 мың болған (Я. В. Володарский «Население России за 400 лет. Начало XVI—XX вв.». М. 1973. С. 111).

ЖИҮРМА БЕСІНШІ СӨЗ

Балаларды оқытқан да жақсы, бірақ құлшылық қыларлық қана, түркі танырлық қана таза оқытса болады. Оның үшін бұл жер **Дар әл-Харб**¹, мұнда әуелі мал табу керек, онан соң араб, парсы керек. Қарны аш кісінің көңілінде ақыл, бойында ар, ғылымға құмарлық қайдан тұрсын? Ашап-ішүге майдын тапшылығы да ағайынның араздығына, уа әртүрлі пәлеге. Ұрлық, зорлық, құлық, сұмдық секілді нәрселерге үйірлендіруге себеп болатүғын нәрсе. Мал танса, қарын тояды.

Онан соң, білім түгіл өнер керек еken. Соны үйренейін не балама үйретейін деп ойнина жақсы түседі. Орысша оқу керек, хикмет те, мал да, өнер де, ғылым да — бәрі орыста тұр. Зарарынан қашық болу, пайдасына ортақ болуға тілін, оқуын, ғылымын білмек керек. Оның себебі олар дүниенің тілін білді мұндай болды. Сен оның тілін білсең, көкірек көзің ашылады. Эрбіреудің тілін, өнерін білген кісі оныменен бірдейлік дағуасына² кіреді, аса арсыздана жалынбайды. Дінге де жақсы білгендік керек. Жорғалықпенен көңілін алсам еken деген надан әкешешесін, ағайын-жұртын, дінін, адамшылығын жауырынынан бір қаққанға сатады. Тек майордың күлгөні керек деп, к... ашылса да, қам жемейді.

¹ **Дар әл-Харб** (арабша) — соғыс майданы, бұлғын, ислам діні қоюбағын жер.

² **Дағуа** (арабша) — талас, тартыс, айттыс.

Орыстың ғылымы, өнері — дүниенің кілті, оны білгенге дүние арзанырақ түседі. Ләкин осы күнде орыс ғылымын баласына үйреткен жандар соның қарауымен тағы қазақты аңдысам екен дейді. Жоқ, олай ниет керек емес.

Малды қалай адал еңбек қылғанда табады екен, соны үйретейік, мұны көріп және үйренушілер көбейсе, ұлықсыған орыстардың жүртқа бірдей законы болмаса, законсыз қорлығына көнбес едік. Қазаққа күзетші болайын деп, біз де ел болып, жүрт білгенді біліп, халық қатарына қосылуудың қамын жейік деп ниеттеніп үйрену керек.

Қазір де орыстан оқыған балалардан артық жақсы кісі шыға алмай да тұр. Себебі: ата-анаы, ағайын-туғаны, бір жағынан, бұзып жатыр. Сүйтсе де, осы оқыған балалар — ана оқымаған қазақ балаларынан үздік, озық. Не қылса да сөзді ұқтырса болады оларға.

Жақсы атаның балалары да көп оқыған жоқ, қайта, кедейдің балаларын орысқа қорлап берді. Олар осыдан артық қайда барсын? Және де кейбір қазақта ағайынымен араздасқанда: «Сенің осы қорлығыңа көнгенше, баламды солдатқа беріп, басыма шаш, аузыма мұрт қойып кетпесем бе!» деуші еді. Осындай жаман сөзді, құдайдан қорықпай, пендеден ұялмай айтқан қазақтардың баласы оқығанмен не бола қойсын? Сонда да өзге қазақ балаларынан артық үйренгені немене, қай көп үйреніпті? Кірді, шықты, ілді, қайтты, түбегейлеп оқыған бала да жоқ, әкесі ел ақшасымен оқығанға әрек оқытады, өз малын не қылыш шығарсын?

Тұрасын ойлағанда, балаңа қатын әперме, енші берме, барынды салсаң да, балаңа орыстың ғылымын үйрет!

Мына мен айтқан жол — мал аяр жол емес. Құдайдан қорық, пендеден ұял, балаң бала болсын десең — оқыт, мал аяма! Әйтпесе, бір ит қазақ болып қалған соң, саған рахат көрсете ме, өзі рахат көре ме, я жүртқа рахат көрсете ме?

ЖИЫРМА АЛТЫНШЫ СӨЗ

Біздің қазақтың қосқан аты алдында келсе, түсірген балуаны жықса, салған құсы алса, қосқан иті өзгеден озып барып ұстаса, есі шығып бір қуанады. Білмеймін, содан артық қуанышы бар ма екен? Эй, жоқ та шығар! Осы қуаныш бәрі де қазақ қарындастың ортасында бір хайуанның өнерінің артылғанына я бір бөтен адамның жыққанына мақтанаарлық не орны бар? Ол озған, алған, жыққан өзі емес, яки баласы емес.

Мұның бәрі — қазақтың қазақтан басқа жауы жоқ, биттей нәрсені бір ұлken іс қылған кісідей қуанған болып, ана өзгелерді ызаландырсаң екен демек. Біреуді ызаландырмақ — шаригатта харам, шаруаға залал, ақылға теріс. Эншейін біреуді ыза қылмақтың несін дәulet біліп қуанады екен? Жә, болмаса, ана ыза болушы соншалық неге жер болып қалады екен?

Жүйрік ат — кейде ол елде, кейде бұл елде болатұғын нәрсе, қыран құс та, жүйрік ит те кейде оның қолында, кейде мұның қолында болатұғын нәрсе. Күшті жігіт те бір елден шыға ма? Кейде ана елден, кейде мына елден шығады. Мұның бәрін адам өз өнеріменен жасаған жоқ. Бір озған, бір жыққан үнемі озып, үнемі жығып жүрмейді. Соның бәрін де біле тұра, жерге кіргендей болып я бір арамдығы, жамандығы шыққандай несіне ұялып, қорланады екен?

Енді осылардан білсеңіз болады: надан ел қуанбас нәрсеге қуанады қәм және қуанғанда не айтып, не қойғанын, не қылғанын өзі білмей, есі шығып, бір түрлі мастыққа кез болып кетеді.

Нәм ұялғандары ұялмас нәрседен ұлады, ұяларлық нәрседен ұялмайды. Мұның бәрі — надандық, ақымақтықтың әсері. Бұларын айтсаң, кейбіреуі «рас, рас» деп үйіған болады. Оған наанба, ертең ол да әлгілердің бірі болып кетеді. Қөнілі, көзі жетіп тұрса да, хайуан секілді әуелгі әдетінен бойын тоқтата алмайды, бір тиянақсыздыққа түсіп кетеді, ешкім тоқтатып, үқтывып болмайды.

Не жаманшылық болса да бір әдет етсе, қазақ ол әдетінен еріксіз қорыққанда я өлгенде тоқтайды, болмаса ақылына женгізіп, мұным теріс екен деп біліп, ойланып өздігінен тоқтаған адамды көрмессің.

ЖИЫРМА ЖЕТИНШІ СӨЗ

(Сократ хакімнің сөзі)

Бір күні Сократ хакімнің бір Аристодем деген ғалым шәкіртіне Құдай табарақа уа тағалаға¹ құлшылық қылмақ тұрасында айтқан сөзі. Ол өзі құлшылық қылғандарға құлуші еді.

— Эй, Аристодем, ешбір адам бар ма, сенің білуінше, қылған өнерлері себепті адам таңырқауға лайықты? — деді.

Ол айтты:

— Толып жатыр, қазірет.

— Бірінің атын аташы,— дейді.

— Гомерге бәйітшілігі² себепті, Софокле трагедиясы себепті, яғни біреудің сыйпатына түспектік, Зевксиске суретшілігі себепті таңырқаймын, — деп, соған ұқсаған онан басқа өнерлері әшкере болған жандарды айтты.

— Олай болса, кім артықша ғажайыптануға лайықты: жансыз, ақылсыз, құр пішінді жасайтұғын суретші ме? Я жан иесі, ақыл иесі адамды жаратушы ма? — дейді.

— Соңғысы лайықты, — дейді, — бірақ ол жаратушы жаратты, өздігінен кез келіп, солай болып кетпей, басынан біліп істеген хикметімен болса,— дейді.

— Жә, пайдалы нәрсе дүниеде көп, бірінің пайдасы көрініп, білініп тұрады. Кейбірінің пайдасы анық білінбейді. Соның қайсысын хикмет көресің? — деді.

¹ Табарақа уа тағала (арабша) — иғлікке бастаушы ұлы тәңір (Алла тағалаға әпитет ретінде айттылатын атау).

² Бәйітшілігі (арабша) — ақындық.

— Эрине, әшкере пайдаға бола жаратылғанын хикмет десек керек деймін, — дейді.

— Жә, олай болса, адамды жаратушы хауаси³ ҳамса заъри⁴ бергенде, тахқиқ⁵ ойлап, олардың пайдасының барлығы түгел оған мұқтаж боларлығын біліп бергендігі әшкере түр ғой. Әуелі көзді көрсін деп беріпті, егер көз жоқ болса, дүниедегі көрікті нәрселердің көркінен қайтып ләззат алар едік? Ол көз өзі нәзіктігінен керегіне қарай ашып, жауып тұрсын үшін қабақ беріпті. Желден, үшқыннан қаға берсін болсын үшін кірпік беріпті. Мандал теріні көзден қағып тұруға керек болғандығынан, басқа тағы керегі бар қылып қас беріпті. Құлақ болмаса, не қаңғыр, не дүңгір, дауыс, жақсы үн, күй, ән — ешбірінен ләззаттанып хабар ала алмас едік. Мұрын иіс білмесе, дүниеде болған жақсы иіске ғашық болмақ, жаман іістен қашық болмақтық қолымыздан келмес еді. Таңдай, тіл дәм білмесе, дүниеде не тәтті, не қатты, не дәмдінің қайсысынан ләззат алар едік?

Бұлардың бәрі біздің пайдамыз емес пе?

Көзді, мұрынды ауызға жақын жаратыпты, ішіп-жеген асымыздың тазалығын көріп, иісін біліп, ішіп-жесін деп. Бізге керегі бар болса да, жиіркенерлік жері бар тесіктерді бұл бастағы ғазиз⁶ білімді жерімізден алыс апарып тесіпті, мұның бәрі хикметпен біліп істелгендігіне дәлел емес пе? — депті.

Сонда Аристодем тахқиқ ойлап тексергенде, адамды жаратушы артық хикмет иесі екендігіне ыем маhabbatыменен жаратқандығына шұбасі қалмады.

— Олай болғанда және не ойлайсың, ыемма мақұлыхатты жас балаларына елжіретіп, үйірлітіп тұруын көргенде уа ыемма мақұлыхаттың өлімін жек көріп, тіршілікте көп қалмақшылығын тілең, ижтияд⁷ қылуын көргенде, өсіп-өнуінің қамында болудан басқа істі аз ойламақтары — бұларының бәрі жұрт болсын, өссін, өнсін үшін.

³ Хауаси (арабша) — Хауа ана.

⁴ Ҳамса заъри (арабша) — бес сыртқы (сезім).

⁵ Тахқиқ (арабша) — іске асыру, іздену, тексеру, ойлану.

⁶ Ғазиз (арабша) — қадірлі, сүйікті.

⁷ Ижтияд (арабша) — ынта, жігер.

Солардың бәрін жаратқанда көңілдерін солайша ынтықтандырып қойғандығы үәм мұның бәрі жақсы көргендігінен екенін білдірмей ме? — дейді.

— Ей, Аристодем! Қалайша сен бір өзіңнен, яғни адамнан басқада ақыл жоқ деп ойлайсың? — деді.

— Адамның денесі өзің жүрген жердің бір битімдегі құмына үқсас емес пе? Дененде болған дымдар жердегі сулардың бір тамшысындай емес пе? Жә, сен бұл ақылға қайдан ие болдың? Әрине, қайдан келсе де, жан деген нәрсе келді де, сонан соң ие болдың.

Бұл ғаламды көрдің, өлшеуіне ақылың жетпейді, келісті көрімдігіне үәм қандай лайықты жарастықты законімен жаратылып, оның ешбірінің бұзылмайтығының көресің. Бұлардың бәріне тажайып қаласың үәм ақылың жетпейді, осылардың бәрі де кез келгендікпен бір нәрседен жаралған ба, яки бұлардың иесі бір өлшеусіз ұлы ақыл ма? Егер ақылменен болмаса, бұлайша бұл есебіне, өлшеуіне ой жетпейтүгін дүние әрбір түрлі керекке бола жаратылып үәм бір-біріне себениен байланыстырылып, пендешің ақылына өлшеу бермейтүғын мықты көркем законге қаратылып жаратылды, — дейді.

Ол айтты:

— Тахқиқ⁸ бұл айтқаныңың бәрі рас, жаратушы артық ақыл иесі екендігі мағлұм болды. Ол Құдайдың ұлықтығына іңкәрім⁹ жоқ. Бірақ сондай ұлық құдай менің құлшылығыма не қылышп мұқтаж болады? — деді.

— Ей, Аристодем! Қате айтасың. Мұқтаж болмағанда да, біреу сенің қамыңды жесе, сенің оған қарыздар екендігіне де ұстаз керек пе? — деді.

Аристодем айтты:

— Ол менің қамымды жейтүгіның мен қайдан білем? — деді.

— Жә, олай болса үәмма мақұлыққа да қара, өзіце де қара. Жанды бәрімізге де беріпті. Жанның жарығын бәрімізге де бірдей үғарлық қылышп беріп пе? Адам алдын, артын, осы күнін — үшеуін де тегіс ойлап тексереді. Хайуан артын, осы

⁸ Тахқиқ (арабша) — рас, дәлме-дәл.

⁹ Іңкәрім (арабша) — қарсылы.

күнін де бұлдыр біледі, алдыңғы жағын тексермекке тіпті жоқ.
Хайуанға берген денеге қара, адамға берген денеге қара.

Адам екі аяғын басып тік тұрып, дүниені тегіс көрмекке, тегіс тексермекке лайықты қәм өзге хайуандарды құлданарлық, пайдасын көрерлік лайығы бар. Хайуанның бірі аяғына сеніп, бірі қанатына сеніп жұр, бір өзіндей хайуанды құлданарлық лайығы жоқ. Адам өзі өзіне сенбесе, адамды да хайуан секілді қылып жаратса, ешнәрсеге жарамас еді. Хайуанға адамның ақылын берсе, мұнша шеберлік, мұнша даркарлық, бір-біріне ғылым үйретерлік шешендік салахият¹⁰ ол денеге лайықты келмейді. Қай өгіз шаңар жасап, құрал жасап, неше тұрлі сайман жасап, сыпайылық шеберліктің үдесінен¹¹ шығарлық қисыны бар?

Бірақ адам баласы болмаса, бұл ғажайып ақылды және ғажайыппен жасаған денеге кіргізіп, мұнша салахият иесі қыланы хикметпенен өзге хайуанға сұltтан қылғандығына дәлел емес пе?

Ол дәлел болса, адам баласын артық көріп, қамын әуелден Алланың өзі ойлас жасағанына да дәлел емес пе?

Енді адам баласының құлшылық қылмақка қарыздар екені мағлұм болмай ма? — депті.

¹⁰ Салахият (арабша) — қажеттілік, керектілік.

¹¹ Үдесі (арабша) — көмек, икемдеу, бейімдеу.

ЖИЫРМА СЕГІЗІНШІ СӨЗ

Ей, мұсылмандар! Біреу бай болса, біреу кедей болса, біреу ауру, біреу сау болса, біреу есті, біреу есер болса, біреудің көнділі жақсылыққа мейілді. Біреудің көнділі жаманшылыққа мейілді — бұлар неліктен десе біреу, сіздер айтасыздар: Құдай тағаланың жаратуынан яки бүйреккінша болған іс дең.

Жә, олай болса, біз Құдай тағаланы айыбы жоқ, міні жоқ, өзі әділ деп иман келтіріп едік. Енді Құдай тағала бір антүрганға еңбексіз мал береді екен. Бір Құдайдан тілеп, адап еңбек қылыш, пайда іздеген кісінің еңбегін жандырмай, қатынбаласын жөндеп асырлыш та қылмай, кедей қылады екен. Ешкімге залалсыз бір момынды ауру қылыш, қор қылады екен. Қайда бір ұры, залымның денін сау қылады екен. Әке-шешесі бір екі баланың бірін есті, бірін есер қылады екен. Тамам жұртқа бұзық болма, тұзік бол деп жарлық шашып, жол салады екен. Тұзікті бейішке шығарамын деп, бұзықты тозаққа саламын деп айта тұра, пендесінің біреуін жақсылыққа мейілдендіріп, біреуін жаманшылыққа мейілдендіріп, өзі құдайлыш құдіретімен біреуін жақсылыққа бұрып, біреуін жамандылыққа бұрып жіберіп тұрады екен.

Осының бәрі Құдай тағаланың айыпсыз, мінсіз ғафур¹ рахимдығына², әділдігіне лайық келе ме?

¹ Ғафар (арабша) — кешіруші.

² Рахим (арабша) — мейірімді.

Жұрт та, мұлік те — бәрі Құдайдың өзінікі. Бұл қылғанын не дей аламыз? Өз мұлқін өзі не қылса қыла береді. Оны айыпты болады дей алмаймыз десең, ол сөзің Құдай тағаланың айыбы, міні жоқ емес, толып жатыр, бірақ айтуға бата алмаймыз дегенің емес пе? Олай болғанда, пенде өз тырысқандығыменен не табады? Бәрін қылдырушы өзі екен. Пенде пендеге өкпелейтүғын ешинарсе жоқ. Кім жақсылық, кім жамандық қылса-дағы құдайдан келген жарлықты қылышп жүр екен дейміз бе?

Құдай тағала әрбір ақылы бар кісіге иман парыз, әрбір иманы бар кісіге ғибадат парыз³ деген екен. Және де әрбір рас іс ақылдан қорықпаса керек.

Жә, біз енді ақылды еркіне жібермесек, Құдай тағаланың ақылы бар кісіге иман парыз дегені қайда қалады? «Мені таныған ақылменен таныр» дегені қайда қалады? Дініміздің бір жасырын тұрган жалғаны жоқ болса, ақылды, оны ойлама дегенімізге пенде бола ма? Ақыл тоқтамаған соң, діннің өзі неден болады? Әуелі иманды тұзетпей жатып, қылған ғибадат не болады?

Жоқ, сен жақсылық, жамандықты жаратқан Құдай, бірақ қылдыған Құдай емес, ауруды жаратқан — Құдай, ауыртқан Құдай емес, байлықты, кедейлікті жаратқан — Құдай, бай қылған, кедей қылған Құдай емес деп, нанып үксанд болар, әйтпесе — жоқ.

¹ Ғибадат (арабша) — құлшылық ету.

ЖИҮРМА ТОҒЫЗЫНШЫ СӨЗ

Біздің қазақтың мақалдарының көбінің іске татырлығы да бар, іске татымақ түгіл, не құдайшылықта, не адамшылықта жарамайтүғыны да бар.

Әуел «Жарлы болсаң, арлы болма» дейді. Ардан кеткен соң, тірі болып жүргені құрысын. Егер онысы жалға жүргеніңде жаныңды қинап еңбекпенен мал тан деген сөз болса, ол — ар кететүғын іс емес. Тыныш жатып, көзін сатып, біреуден тіленбей, жан қарманып, адал еңбекпен мал іздемек — ол арлы адамның ісі.

«Қалауын тапса қар жанаңды», «Сұрауын тапса адам баласының бермейтіні жоқ» деген — ең барып тұрған Құдай үрған сөз осы. Сұрауын табамын, қалауын табамын деп жүріп қорлықпенен өмір өткізгенше, малды не жерден сұрау керек, не аққан терден сұрау керек қой.


«Атың шықпаса, жер өрте» дейді. Жер өртеп шығарған атыңның несі мұрат? «Жұз күн атан болғанша, бір күн бура бол» дейді. Тәнірге жазып, мінбей-тұспей арып, шөмендеп диуаналықпен бір күн болған буралық неге жарайды?

«Алтын көрсе, періште жолдан таяды» дейді. Періштеден садаға кеткір-ай! Періште алтынды не қылсын, өзінің көрсекзызар сұмдығын қостагалы айтқаны.

«Ата-анадан мал тәтті, алтынды үйден жан тәтті» дейді. Ата-анасынан мал тәтті көрінетүғын антүрғанның тәтті дерлік не жаны бар. Бұлардың бәрінен де қымбат ата-анасын малға сатпақ

ең арсыздың ісі емес пе? Ата-ана шамасы келсе, меңнаттанып мал жиса да, дүниелік жиса да, артымда балаларыма қалсын дейді. Ол ата-ананы малға сатқан соң, құдайға дүшпандық іс емес пе?

Осындай білместікпенен айтылған сөздеріне бек сақ болу керек.



ОТЫЗЫНШЫ СӨЗ

Кырқын мінсе қыр артылмайтұғын осы бір «қырт мақтан» деген бір мақтан бар, сол неге керек, неге жарайды? Ол ар, есті білмейді, намысты білмейді, кең толғау, үлкен ой жоқ, не балуандығы жоқ, не батырлығы жоқ, не адамдығы жоқ, не ақылдылығы, арлылығы жоқ. Мойынын бұрып қойып: «Өй, тәнірі-ай, қойшы әрі, кімнен кім артық дейсің, кімнің басы кімнің қанжығасында жүр, ол менің қазанымға ас салып беріп жүр ме, мен онан сауын сауып отырмын ба?» — деп бұлғақтап, немесе: «Аяғаным жаным ба? Өй, енесін ұрайын, өліп кетпей неге керек? Азар болса атылып, я осы үшін айдалып кетсем де көнгенім-ақ! Эйтеір бір өлім бар ма?» — деп қалышылдайтұғын кісі көп қой.

Өздерің көріп жүрсіндер, осы айтқан сөз бойына лайық қазақ көрдіңдер ме? Өлімге шыдайтұғын қазақ көргенім жоқ, өлімге шыдамаймын деген де қазақ көргенім жоқ, кеңірдегін ғана көрсетеді-ау: «қыылып қана қалайын» деп.

Егер осы сөз бойына лайық кісі көрінсе, ақылы жоқ болса да, қайратыменен-ақ кісі айдындыратуғын адам болғаны гой! Егер шын айгайды көргенде, кірер жерін таба алмайтұғын дарақы, жүртты осы сөзімен айдындырамын, «мына кәпірден кісі шошитұғын екен» дегізіп айдындырайын деп айтып отырған құр домбытпасы болып, босқа қоқиып отырса, соны не дейміз? Ай, Құдай-ай! Жанға мырзалиқ қылатұғын, ердің жадағайдар-ақ сертке тұрғыштығы, малға мырзалиғы, дүниені бір тиын есеп

көрмейтүғын жомарттығы — әртүрлі белгісі бойынша тұрмас па еді? «Ұялмас бетке талмас жақ береді» деп, көп былжыраған арсыз, ұятсыздың бірі дағы.



ОТЫЗ БІРІНШІ СӨЗ

Естіген нәрсені ұмытпастыққа төрт түрлі себеп бар: әуелі — көкірегі байлаулы берік болмақ керек; екінші — сол нәрсені естігенде иә көргенде гибрәтлану¹ керек, көңілденіп, тұшынып, ынтамен ұғу керек; үшінші — сол нәрсені ішінен бірнеше уақыт қайтарып ойланып, көңілге bekіту керек; төртінші — ой кеселі нәрселерден қашық болу керек.

Егер бір кез болып қалса, салынбау керек.

Ой кеселдері: уайымсыз салғырттық, ойынши-күлкішілдік, я бір қайғыға салыну, я бір нәрсеге құмарлық пайда болу секілді.

Бұл төрт нәрсе — күллі ақыл мен ғылымды тоздыратуғын нәрселер.

¹ **Фибрат (арабша) — ұлғі, өнеге, сабақ.**

ОТЫЗ ЕКІНШІ СӨЗ

Білім-ғылым үйренбекке талап қылуышыларға әуелі білмек керек. Талаптың өзінің біраз шарттары бар. Оларды білмек керек, білмей іздегенмен табылmas.

Әуелі — білім-ғылым табылса, ондай-мұндай іске жаратар едім деп, дүниенің бір қызықты нәрсесіне керек болар еді деп іздемекке керек. Оның үшін білім-ғылымның өзіне ғана құмар, ынтық болып, бір ғана білмектіктің өзін дәulet білсең және әр білмегеніңді білген уақытта көңілде бір рахат хұзар хасил¹ болады. Сол рахат білгеніңді берік ұстап, білмегеніңді тағы да сондай білсем еken деп үміттенген құмар, махабbat пайда болады. Сонда әrbіr естігеніңді, көргеніңді көңілің жақсы ұғып, анық өз суретімен ішке жайғастырып алады.

Егер дін көңілің өзге нәрседе болса, білім-ғылымды бірақ соған себеп қана қылмақ үшін үйренсөң, ондай білімге көңіліңнің мейірімі асырап алған шешеніңнің мейірімі секілді болады. Адамның көңілі шын мейірленсе, білім-ғылымның өзі де адамға мейірленіп, тезірек қолға түседі. Шала мейір шала байқайды.

Екінші — ғылымды үйренгенде, ақиқат мақсатпен білмек үшін үйренбек керек. Бахасқа² бола үйренбе, азырақ бахас көңіліңді пысықстандырмақ үшін залал да емес, көбірек бахас

¹ Хұзар хасил (арабша) — тыныштық, рахатшылық.

² Бахас (арабша) — сөзталас.

адамды түземек түгіл, бұзады. Оның себебі әрбір баҳасшыл адам қақты шығармақ үшін ғана баҳас қылмайды, жеңбек үшін баҳас қылады. Ондай баҳас хусідшілікті³ зорайтады, адамшылықты зорайтпайды, бәлкім, азайтады. Және мақсаты ғылымдағы мақсат болмайды, адам баласын шатастырып, жалған сөзге жеңдірмекші болады. Мұндай қиял өзі де бұзықтарда болады. Жүз тура жолдағыларды шатастыруши кісі бір қисық жолдағы кісіні түзеткен кісіден садаға кетсін! Баҳас — өзі де ғылымның бір жолы, бірақ оған хирслану⁴ жарамайды. Егер хирсланса, өз сөзімшіл ғарарлық⁵, мақтаншақтық, хусідшілік бойын жеңсе, ондай кісі адам бойына қорлық келтіретүғын өтіріктен де, өсектен де, ұрсып-төбелесуден де қашық болмайды.

Үшінші — әрбір қақиқатқа тырысып ижтиятыңмен көзің жетсе, соны тұт, өлсөң айрылма! Егер де ондай білгендігің өзінді жеңе алмаса, кімге пұл болады? Өзің құрметтемеген нәрсеге бөтеннен қайтіп құрмет құтесің?

Төртінші — білім-ғылымды қөбейтуге екі қару бар адамиң ішінде: бірі мұлахаза⁶ қылу, екіншісі берік мұхафаза⁷ қылу. Бұл екі қуатты зорайту жағатінде болмақ керек. Бұлар зораймай, ғылым зораймайды.

Бесінші — осы сөздің он тоғызынышы бабында жазылған ақыл кеселі деген төрт нәрсе бар. Содан қашық болу керек. Соның ішінде уайымсыз салғырттық деген бір нәрсе бар, зинъар⁸, жаным, соған бек сақ бол, әсіресе, әуелі — Құданың, екінші — халықтың, үшінші — дәүлеттің, төртінші — ғибраттың⁹, бесінші — ақылдың, ардың — бәрінің дүшпаны. Ол бар жерде бұлар болмайды.

Алтыншы — ғылымды, ақылды сақтайтуғын мінез деген сауыты болады. Сол мінез бұзылмасын! Қорсекзызарлықпен,

³ Хусідшілік (арабша) — құншілдік, іштарлық.

⁴ Хирслану (арабша) — құмар болу, салыну.

⁵ Ғарарлық (арабша) — менмендік, мансапқорлық, тойынғандық, такап-парлық.

⁶ Мұлахаза (арабша) — сөзталас өнерінде жетік болу.

⁷ Мұхафаза (арабша) — көзқарасты қорғауда табанды болу.


⁸ Зинъар (парсыша) — абайла, сақ бол.

⁹ Ғибрат (арабша) — ұлғі, өнеге, сабақ.

жеңілдікпен, я біреудің орынсыз сөзіне, я бір кез келген қызыққа шайқалып қала берсең, мінездің беріктігі бұзылады. Онан соң оқып үйреніп те пайда жоқ. Қоярга орны жоқ болған соң, оларды қайда сақтайсың?

Мінезде қылам дегенін қыларлық, тұрам дегенінде тұрарлық азғырылмайтын, ақылды, арды сақтарлық беріктігі, қайраны бар болсын!

Бұл беріктік бір ақыл мен ар үшін болсын!



ОТЫЗ ҮШІНШІ СӨЗ

Егер де мал керек болса, қолөнер үйренбек керек.

Мал жұтайды, өнер жұтамайды. Алдау қоспай адал еңбегін сатқан қолөнерлі — қазақтың әулиесі сол. Бірақ Құдай тағала қолына аз-маз өнер берген қазақтардың кеселдері болады.

Әуелі — бұл ісімді ол ісімнен асырайын деп, артық, ісмерлер іздеп жүріп, көріп, біраз істес болыш, өнер арттырайын деп, түзден өнер іздемейді. Осы қолындағы аз-мұзына мақтаныш, осы да болады деп, баяғы қазақтың талапсыздығына тартыш жатып алады.

Екінші — ерінбей істей беру керек қой. Бір-екі қара тапса, малға бөге қалған кісімсіп, «маған мал жоқ па?» дегендей қылып, еріншектік, салқау-салғырттыққа, кербездікке салынады.

Үшінші — «дарқансың ғой, өнерлісің ғой, шырағым», немесе «ағеке, нең кетеді, осы-ғанамды істеп бер!» дегенде «маған да біреу жалынарлыққа жеткен екенмін» деп мақтанып кетіп, пайдасыз алдауга, қу тілге алданып, өзінің уақытын өткізеді. Және анаған дүниенің қызығы алдауды білген дегізіп, көңілін де мақтандырып кетеді.

Төртінші — тамыршылдау келеді. Бағанағы алдамны шайтан тамыр болалық деп, бір болымсыз нәрсені берген болыш, артынан үйтемін-бүйтемін, қарық қыламын дегенге мәз болып, тамырым, досым десе, «мен де керектінің бірі болып қалыппын ғой» деп, және жасынан іс істеп, үйден шықпағандық қылып, жоқ-барға тырысып, алдағанды білмей, дереу оның жетпегенін

жеткіземін деп, тіпті жетпесе өзінен қосып, қылыш бер дегенінің бәрін қылыш беріп, күні өтіп, еңбек қылар уақытынан айрылып, «жоғары шыққа» қарық болып, тамақ, киім, борыш есінен шығып кетіп, енді олар қысқан күні біреудің малын бұлдаپ қарызға алады.

Оны қылыш берейін, мұны қылыш берейін деп, соныменен табыс құралмай, борышы асып, дауга айналып, адамшылықтан айрылып, қор болып кетеді.

Осы несі екен?

Қазақтың баласының өзі алдағыш бола тұрып және өзі біреуге алдатқыш болатұғыны қалай?

ОТЫЗ ТӨРТИНШІ СӨЗ

Жүрттың бәрі біледі өletүғынын және өлім үнемі қартайтып келмейтүғынын, бір алғанды қайта жібермейтүғынын. Қазақ осыған да, амал жоқ, нанады, анық өз ойына, ақылына тексертіп нанбайды. Және һәмманы жаратқан Құдай бар, ахиретте сұрау алады, жамандыққа жазғырады, жақсылыққа жарылқайды, жазғыруы да, жарылқауы да пенде ісіне үқсамайды, бегірек есепсіз қинауы да бар, бегірек есепсіз жетістіруі де бар деп — бәріне сендік дейді.

Жоқ, онысина мен сенбеймін. Олар сендім десе де, анық ақиқат көзі жетіп, деп қойып, үйип сенбейді. Ол екеуіне анық сенген кісіге уайым ойлап не керек? Осы екеуіне лайықты жақсылықты өздері де іздеп таба береді. Егер де осы екеуіне үлдүр сеніп отырса, енді неге сендіре аламыз? Оны қайтіп түзете аламыз? Оларды мұсылман деп, қалайша иманы бар ғой дейміз?

Кімде-кім ахиретте де, дүниеде де қор болмаймын десе, білмек керек: еш адамның көңілінде екі қуаныш бірдей болмайды, екі ынтық құмарлық бірдей болмайды, екі қорқыныш, екі қайғы — олар да бірдей болмайды. Мұндай екі нәрсені бірдей болады деп айтуға мүмкін емес. Олай болғанда, қай адамның көңілінде дүние қайғысы, дүние қуанышы ахирет қайғысынан, ахирет қуанышынан артық болса — мұсылман емес.

Енді ойлап қарай бер, біздің қазақ та мұсылман екен!

Егер де екі нәрсе кез болса, бірі ахиретке керекті, бірі осы

дүниеде керекті, бірін алса, бірі тимейтұғын болса, сонда біреу ахиретке керектіні алмай, екінші бір кез келгенде алармын деп, жоқ, егер кез болмайтұғын болса, кең Құдай өзі кеңшілікпенен кешіреді-дағы, мына кезі келіп тұрғанда мұны жіберіп болмас деп, дүниеге керектіні алса, енді ол кісі жанын берсе ахиретті дүниеге сатқаным жоқ дегеніне нануга бола ма?

Адам баласына адам баласының бәрі — дос. Не үшін десен, дүниеде жүргенде туысың, өсуің, тоюың, ашығуың, қайғың, қазаң, дене бітімің, шыққан жерің, бармақ жерің — бәрі бірдей, ахиретке қарай өлуің, көрге кіруің, шіруің, көрден махшарда¹ сұралуың — бәрі бірдей, екі дүниенің қайғысына, пәлесіне хаупің, екі дүниенің жақсылығына рахатың — бәрі бірдей екен.

Бес күндік өмірің бар ма, жоқ па?..

Біріңе-бірің қонақ екенсің, өзің дүниеге де қонақ екенсің, біреудің білгендігіне білместігін таластырып, біреудің бағына, малына күндестік қылыш, иә көрсекзызарлық қылыш, көз алартыспақ лайық па? Тілеуді құдайдан тілемей, пендеден тілеп, өз бетімен еңбегімді жандыр демей, пәленшенікін әпер демек ол Құдайға айтарлық сөз бе? Құдайдың біреу үшін біреуге жәбір қылудына не лайығы бар?

Екі ауыз сөздің басын қосарлық не ақылы жоқ, не ғылымы жоқ бола тұра, өзімдікін жөн қыламын деп, құр «Ой, тәңір-ай!» деп таласа бергеннің несі сөз?

Оның несі адам?

¹ Махшар (арабша) — о дүниеде адам баласының күнәсі тексерілетін орын.

ОТЫЗ БЕСІНШІ СӨЗ

Махшарға барғанда құдай тағала қажы, молда, сопы, жомарт, шейіт — соларды қатар қойып, сұрап дейді. Дүниеде гиззат¹ үшін, сый күрмет алмақ үшін қажы болғанды, молда болғанды, сопы болғанды, жомарт болғанды, шәйіт² болғандарды бір бөлек қояр дейді. Ахиретке бола, бір ғана құдай тағаланың разылығын тапшақ үшін болғандарды бір бөлек қояр дейді.

Дүние үшін болғандарға айтар дейді: «Сендер дүниеде қажеке, молдеке, сопеке, мырзеке, батыреке атамақ үшін өнер қылыш едіңдер, ол дүниен мұнда жоқ. Сендердің ол қызықты дүниен харам болған, сонымен қылған өнерлерің де бітті. Енді мұнда қүрмет алмақ түгіл, сұрау беріңдер! Мал бердім, өмір бердім, не үшін сол маңдарыңды, өмірлеріңді, бетіңе ахиретті ұстан, дін ниетің дүниеде тұрып, жұртты алдамақ үшін сарып қылдыңдар?» деп.

Ана шын ниетіменен орнын тауып, бір Құдайдың разылығы үшін өнер қылғандарға айтар дейді: «Сендер бір ғана менің разылығымды іздең малдарыңды, өмірлеріңді сарып қылыш едіңдер, мен разы болдым. Сіздерге лайықты күрметті орным бар, дайын, кіріңдер! Ңем ол разылықтарыңнан басқа осы махшар ішінде, сендердің осы қылғаныңа өзі қылмаса да, іші еріп, ынтық болған достарың табылса, шафагат³ қылдыңдар!» — деп айттар дейді.

¹ Гиззат-хұрмет (арабша) — атақ, абырой, данқ, қүрмет.

² Шәйіт (арабша) — дін жолында, соғыста өлген адам.

³ Шафагат (арабша) — көмектесу, сөзін сөйлеу, араша тұсу.

ОТЫЗ АЛТЫНШЫ СӨЗ

Пайғамбарымыз, салалау ғалайын уәсәлләмнің¹, Хадис шарифінде² айтыпты: «мән лә хаяйұн аәлә иманун ләңү» деп, яғни кімнің ұяты жоқ болса, оның иманы да жоқ деген. Біздің қазақтың өзінің мақалы да бар: «ұят кімде болса, иман сонда» деген. Енді бұл сөзден білінді: ұят өзі иманның бір мүшесі екен. Олай болғанда білмек керек, ұят өзі қандай нәрсе? Бір ұят бар — надандықтың ұяты, жас бала сөз айтудан ұялған секілді, жақсы адамның алдына барып жолығысдан жазықсыз-ақ әншейін ұялған секілді. Не шаригатқа теріс, не ақылға теріс жазығы жоқ болса да, надандықтан бойын керістендіріп, шешілмегендік қылышпен, ұялмас нәрседен ұялған мұндай ұят шын ұялу емес — ақымақтық, жамандық.

Шын ұят сондай нәрсе, шаригатқа теріс, иә ақылға теріс, иә абиұрлы бойға теріс бір іс себепті болады. Мұндай ұят екі түрлі болады.

Біреуі — ондай қылыш өзінен шықпай-ақ, бір бөтен адамнан шыққанын көргенде, сен ұялып кетесің. Мұның себебі сол ұят істі қылған адамды есіркегендіктен болады. «Япырм-ай,

¹ Салалашу ғалайын уәсәлләмнің (арабша) — Алла оған иғі тілек тілеп, сәлемін алсын (Мұхаммед пайғамбардың аты аталғаннан кейін айттылатын құрметтеу сөйлемі).

² Хадис шарифінде (арабша) — Мұхаммед пайғамбардың ісі мен айтқан өснегі тілекке жөнінде ерекше жазылған әңгіме-хадис.

мына байғұсқа не болды, енді мұның өзі не болады» дегендегі, бір нәрсе іштен рахым секілді болып келіп, өзінді қысып, қызартып кетеді.

Біреуі сондай ұят, шаригатқа теріс, иә ақылға, иә абиұрлы бойға теріс, иә адамшылыққа кесел қылық, қатеден яки нәпсіге еріп ғапылдықтан өз бойынан шыққандығынан болады.

Мұндай ұят қылық қылғандығында бөтен кісі білмесе де, өз ақылың, өз ынсабың өзінді сөккен соң, іштен ұят келіп, өзіңде жаза тарттырады. Кірерге жер таба алмай, кісі бетіне қарай алмай, бір түрлі қысымға түсесің. Мұндай ұяты құшті адамдар үйқыдан, тамақтан қалатұғыны да бар, хатта³ өзін өзі өлтіретүғын кісілер де болады. Ұят деген — адамның өз бойындағы адамшылығы, иттігінді ішінен өз мойныңа салын, сөгіс қылған қысымның аты. Ол уақытта тілге сөз де түспейді, көнілге ой да түспейді. Көзіңің жасын, мұрныңың сүйн сүртіп алуға да қолың тимейді, бір ит боласың. Көзің кісі бетіне қарамақ түгіл, ешиәрсені көрмейді.

Мұндайлышқа жетіп ұялған адамға өкпесі бар кісі кепнессе, яки оның үстіне тағы аямай өртепендіріп сөз айтқан кісінің өзінің де адамшылығы жоқ десе болар.

Осы күнде мениң көрген кісілерім ұялмақ түгіл, қызармайды да. «Ол істен мен ұятты болым дедім ғой, енді нең бар?»— дейді. Иә болмаса «Жә, жә, оған мен-ақ ұятты болайын, сен өзің де сүйтпеп пе едің?» дейді. Немесе «пәленіше де, түгеніше де тірі жүр ғой, пәлен қылған, түген қылған, менікі оның қасында несі сөз, пәлендей, түгендей мәнісі бар емес пе еді?» деп, ұялтамын десең, жап-жай отырып дауын сабап отырады.

Осыны ұялған кісі дейміз бе, ұялмаған кісі дейміз бе?

Ұялған десек, хадис анау, жақсылардан қалған сөз анау.

Осындай адамның иманы бар дейміз бе, жоқ дейміз бе?!

³ Хатта (арабша) — тіпті.

ОТЫЗ ЖЕТИНШІ СӨЗ

- 1. Адамның адамшылығы істі бастағандығынан білінеді, қалайша бітіргендігінен емес.**
- 2. Қөңілдегі көрікті ой ауыздан шыққанда өнді қашады.**
- 3. Хикмет сөздерді өзімшіл нағанға айтқанда, қөңіл уанғаны да болады, өшкені де болады.**
- 4. Кісіге біліміне қарай болыстық қыл; татымсызға қылған болыстық өзі адамды бұзады.**
- 5. Әкесінің баласы — адамның дүшпаны. Адамның баласы — бауырың.**
- 6. Ер артық сұраса да азға разы болады. Ез аз сұрап, артылтып берсең де разы болмас.**
- 7. Өзің үшін еңбек қылсаң, өзі үшін оттаған хайуанның бірі боласың; адамдықтың қарызы үшін еңбек қылсаң, Алланың сүйген құлышың бірі боласың.**
- 8. Сократка у ішкізген, Иоанна Аркті отқа өртеген, Гайсаны дарға асқан, пайғамбарымызды түйенің жемтігіне көмген кім? Ол — көп, ендеше көпте ақыл жоқ. Ебін тап та, жөнге сал.**
- 9. Адам баласын заман естіреді, кімде-кім жаман болса, оның замандасының бәрі виноват.**
- 10. Мен егер закон қуаты қолымда бар кісі болсам, адам мінезін түзеп болмайды деген кісінің тілін кесер едім.**
- 11. Дүниеде жалғыз қалған адам — адамның өлгені. Қапашылықтың бәрі соның басында. Дүниеде бар жаман да**

көпте, бірақ қызың та, ермек те көпте. Бастапқыға кім шыдайды?
Сонғыға кім азбайды?

12. Жамандықты кім көрмейді? Үмітін үзбек — қайратсыздық. Дүниеде ешнәрседе баян жоқ екені рас, жамандық та қайдан баяндап қалады дейсін? Қары қалың қатты қыстың артынан көгі қалың, көлі мол жақсы жаз келмеуші ме еді?

13. Ашулы адамның сөзі аз болса, ыза, қуаты артында болғаны. Егер де аузынан қан ағызса, домбыт мақтаншақ, иә қорқақ.

14. Қуанбақтық пен бақ — мастықтың ұлкені, мыңнан бір кісі-ақ к...н ашпайтүғын ақылы бойында қалады.

15. Егер ісім өнсін десен, ретін тап.

16. Биік мансап — биік жартас,
Ерінбей еңбектеп жылан да шығады,
Екпіндең ұшып қыран да шығады;
Жікшіл ел жетпей мақтайды,
Желөкпелер шын деп ойлады.

17. Дүние — ұлкен көл,
Заман — соққан жел,
Алдыңғы толқын — ағалар,
Артқы толқын — інілер,
Кезекпенен өлінер,
Баяғыдай көрінер.

18. Бақпен асқан патшадан
Мимен асқан қара артық;
Сақалын сатқан кәріден
Еңбегін сатқан бала артық.

19. Тоқ тіленші — адам сайтаны,
Харекетсіз сопы — монтаны.

20. Жаман дос — көлеңке:
Басыңды күн шалса,
Қашып құтыла алмайсың;
Басыңды бұлт алса,
Іздеп таба алмайсың.

21. Досы жоқпен сырлас,
Досы көппен сыйлас;
Қайғысыздан сақ бол,


Қайғылыға жақ бол.

22. Қайратсыз ашу — тұл,

Тұрлаусыз ғашық — тұл,

Шәкіртсіз ғалым — тұл.

23. Бағың өскенше тілеуінді ел де тілейді, өзің де тілейсің,
бағың өскен соң — өзің ғана тілейсің.



ОТЫЗ СЕГІЗІНШІ СӨЗ

Ей, жүргімнің қуаты, перзентлерім¹!

Сіздерге адам ұғылының мінездері туралы біраz сөз жазып ядкар² қалдырайын. Ықыласпенен оқып, ұғып алыңыздар, оның үшін махаббатың толады. Махабbat әуелі адамның адамдығы ақыл, ғылым деген нәрселерменен. Мұның табылмақтығына себептер — әуелі хауас сәлим³ ың тән саулық. Бұлар туысынан болады, қалмысы өзгелерінің бәрі жақсы ата, жақсы ана, жақсы құрбы, жақсы ұстаздан болады.

Талап, ұғым махаббаттан шығады. Ғылым-білімге махаббат-тандырмақ әлгі айтылған үшеуінен болады. Ғылым-білімді әуелі бастан бала өзі ізденіп таппайды. Басында зорлықпенен яки алдауменен үйір қылу керек, үйрене келе өзі іздеғендей болғанша. Қашан бір бала ғылым, білімді махаббатпенен көксерлік болса, сонда ғана оның аты адам болады.

Сонан соң ғана Алла тағаланы танымақтық, өзін танымақтық, дүниені танымақтық, өз адамдығын бұзбай ғана жәліб мәнфагат⁴ дәфғы мұзарратларны⁵ айырмақтық секілді ғылым-білімді үйренсе, білер деп үміт қылмаққа болады. Болмаса жоқ,

¹ Перзент (парсыша) — сәби ұл, бала, ұрпақ.

² Ядкар (парсыша) — ескерткіш, мұра.

³ Хауас сәлим (арабша) — өзіндік дұрыс қасиет, жақсы сипат.

⁴ Жәліб мәнфагат (арабша) — кіріс кіргізу, өнім түсіру, пайда алу.

⁵ Дәфғы мұзаррат (арабша) — 1) шығынды төлеу, залалды төлеу; 2) залалдыдан қашу, залалдыны ұнатпау.

ең болмаса шала. Оның үшін көбінесе балаларды жасында ата-аналары қиянатшылыққа салындырып алады, сонынан моллаға берген болады, я ол балалары өздері барған болады — ешбір бәйра⁶ болмайды.

Ол қиянатшыл балалары талапқа да, ғылымға да, ұстазға да, хатта иман иғтиқадқа⁷ да қиянатпенен болады. Бұл қиянатшылдар — жарым адам, жарым молла, жарым мұсылман. Олардың адамдығынан кемелет⁸ таппағы — қының қыны. Себебі Алла тағала өзі — хақиқат, растықтың жолы. Қиянат — хақиқат пен растыққа дұшпан. Дұшпаны арқылы шақыртқанға дос келе ме? Қоңілде өзге маҳабbat тұрғанда, хақлықты таппайды. Адамның ғылымы, білімі хақиқатқа, растыққа құмар болып, әрнәрсенің түбін, хикметін білмекке ынтықтықпенен табылады. Ол — Алланың ғылымы емес, һәмманы білетүғын ғылымға ынтықтық, өзі де адамға өзіндік ғылым береді. Оның үшін ол Алланың өзіне ғашықтық. Ғылым — Алланың бір сипаты, ол — хақиқат, оған ғашықтық өзі де хақлық һәм адамдық дүр. Болмаса мал таппақ, мақтан таппақ, гиззат-құрмет таппақ секілді нәрселерге деген маҳаббатпен ғылым-білімнің хақиқаты табылмайды.

Мал, мақтан, гиззат-құрмет адамды өзі ізден тапса, адамдықты бұзбайды һәм көрік болады. Егер де адам өзі оларға табынып іздесе, тапса да, таппаса да адамдығы жоғалады. Енді хақиқат сүйіп, шынды білмек құмарың бар болса, адамдыққа лайықты ықыласты құлағынды қой. Әуелі дін исламның жолындағы пендeler иманның хақиқаты не сөз екенін білсін. Иман дегеніміз бір ғана инанмақтық емес, сен Алла тағаланың бірлігіне, уә құранның оның сөзі екендігіне, уә пайғамбарымыз Мұхаммед Мұстафа, салаллауғалайни уәссәлләм, оның тарапынан елші екендігіне инандың. Жә, не бітті?

Сен Алла тағалаға Алла тағала үшін иман келтіремісің я өзің үшін иман келтіремісің? Сен иман келтірмесең де, Алла тағалаға келер ешбір кемшілік жоқ еді. Өзің үшін иман келтірсең, жә инандың. Ол инанмақтығың құр ғана инанмақтықпен қалса,

⁶ Бәйра (парсыша) — пайда, нәтиже, үнем.

⁷ Иман иғтиқад (арабша) — дінге сеніп табыну.

⁸ Кемелет (арабша) — жетілу, толығу.

саған пайда бермейді. Оның үшін сен өзің инанмақтығыңдан пайда ала алмадың, пайдаланамын десең ғана пайда береді, кәміл иман болады. Пайданы қалайша алууды білмек керек.

Сіз «әмәнту биллаңи кәмауә би әсмайни уасифатиши»⁹ дедіңіз. Ол есім Аллалар ыемма ол Алла тағаланың фиғылғазимләрінің¹⁰ аттары, олардың мағынасын біл ыем сегіз сипат затиялары¹¹ не деген сөз, кәміл үйрен. Өзінді оның кұлышы біліп, өзіне муслим¹² ат қойып, тәслім¹³ болғаныңа раст боласың да. Өз пиғылдарыңды соған өз халінше үқсатуды шарт қыл. Алла тағалаға үқсай алам ба деп, надандықпен ол сөзден жиіркенбе, үқсамақ — дәл бірдейлік дағаусыменен емес, соның соңында болмақ. Оның үшін Алла тағаланың сипаттары: **Хаят**¹⁴, **Фылым**, **Құдірет**¹⁵, **Басар**¹⁶, **Сәмір**¹⁷, **Ирада**¹⁸, **Кәлам**¹⁹, **Тәқін**²⁰. Бұл сегізінен Алла тағаладағыдай кәмәлэт-ғазамат²¹ бірлән болмасада, пендесінде де әрбірінен өз халінше бар қылыш жаратыпты.

Жә, біз өзіміздің бойымыздағы сегіз зәррә²² аттас сипатымызды ол Алла тағаланың сегіз ұлы сипатынан бас бұрығызып, өзге жолға салмақпенен біздің атымыз муслим бола ала ма? Болмаса керек. **Жә,** ол сегіз сипатына сипатымызды ыем ол аттары бірлән ағламланған²³ фиғыл²⁴ Құдага фиғлымызды

⁹ Эмента биллаңи кәмауә би әсмайни уасифатиши (арабша) — мен Аллаға, сол сияқты оның есімдері мен құдьыретті сипаттарына сенемін.

¹⁰ Фиғылғазим (арабша) — ұлы сипаттар.

¹¹ Сипат затия (арабша) — ерекшеленген сипат, өзіне лайықты меншікті сипат (қасиет).

¹² Маслім (арабша) — берілу, сену.

¹³ Тәслім (арабша) — берілу, сену.

¹⁴ Хаят (арабша) — өмір, тіршілік.

¹⁵ Құдірет (арабша) — күш, құдірет.

¹⁶ Басар (арабша) — көруші, білу, қабылдау.

¹⁷ Сәмір (арабша) — естуші, тыңдаушы.

¹⁸ Ирада (арабша) — тілек, мақсат, қалау.

¹⁹ Кәлам (арабша) — сөз, тіл.

²⁰ Тәқін (арабша) — тудыру, жасау, бар қылу.

²¹ Кәмәлэт-ғазамат (арабша) — үлкен жетістік, құрделі толығу.

²² Зәрра (арабша) — кішкентай, заттың бір бөлігі.

²³ Ағлам (арабша) — белгі, сипат.

²⁴ Фиғыл (арабша) — пиғыл.

ертпек неменен табылады, қалайша табылады, оны білмек керек. Ол — Алла тағаланың заты, ешбір сипатқа мұқтаж емес, біздің ақылымыз мұқтаж, жоғарғы жазылмыш сипаттар бірлән тағрифлап танымаққа керек. Егер де ол сипаттар бірлән тағрифламасақ, бізге мағрифатулла²⁵ қыын болады. Біз Алла тағаланы өзінің білінгені қадар ғана білеміз, болмаса түгел білмекке мүмкін емес. Заты түгіл, хикметіне ешбір хакім²⁶ ақыл ерістіре алмады.

Алла тағала — өлшеусіз, біздің ақылымыз — өлшеулі. Өлшеулімен өлшеусізді білуғе болмайды.

Біз Алла тағала «бір» дейміз, «бар» дейміз, ол «бір» демеклік те — үғымның ақылымызға бір тиянағы үшін айтылған сөз. Болмаса ол «бір» демеклік те Алла тағалаға лайықты келмейді. Оның үшін мүмкіннаттың²⁷ ішінде не нәрсенің ужуді²⁸ бар болса, ол бірліктен құтылмайды. Эрбір хадиске²⁹ айтылатұғын бір қадимге³⁰ тағриф болмайды. Ол «бір» деген сөз ғаламның ішінде, ғалам Алла тағаланың ішінде, Құдай табарака уатағала кітаптарда сегіз субутия³¹ сипаттары бірлән уә тоқсан тоғыз Әсма-и хұсналар³² бірлән білдірген.

Бұлардың қәммасы Алла тағаланың затия³³ субутия уә фиғлия³⁴ сипаттары дүр. Мен мұнда сіздерге төртеуін білдіремін.

Оның екеуі — Фылым, Құдірет. Сегіз сипаттан қалған алтауы бұларға шарх³⁵. Ол алтауының бірі — Хаят³⁶, яғни тірлік.

²⁵ Мағрифатулла (арабша) — Алланы тану, білу.

²⁶ Хакім (арабша) — әкім, данышпан.

²⁷ Мүмкіннат (арабша) — болуы мүмкін нәрселер, мүмкіншілік.

²⁸ Ужуді (арабша) — болу, өмір сұру, болмыс.

²⁹ Хадис (арабша) — әңгіме, пайғамбардың не сөзі, не өмірі туралы әңгіме.

³⁰ Қадим (арабша) — орынқты, дәлелді, тұрақты.

³¹ Субутия (арабша) — орынқты, дәлелді, тұрақты.

³² Әсма-и хұсна (арабша) — көркем, жақсы есімдер.

³³ Затия (арабша) — Аллаға тән сипат.

³⁴ Фиғлия (арабша) — нақтылы, іске асыру сипаты.

³⁵ Шарх (арабша) — түсінік (түсіндіру), ашу, анықтау.

³⁶ Хаят (арабша) — өмір, тірлік.

Алланы бар дедік, бір дедік, Ғылым. Құдірет сипаты бірлән сипаттадық. Бұл бірлік, барлық Ғылым, Құдірет олуда³⁷ боларлық нәрселер ме? Әлбетте, Ғылым, Құдіреті бар болады: **Хаяты** — маглұм, бірі — **Ирада**, яғни **Қаламақ**. Ғылым бар болса, Қаламақ та бар. Ол еш нәрсеге харекет бермейді. Һәммага харекет беретүғын Өзі. Ол Ирада Ғылымының бір сипаты **Кәләм**, яғни **Сөйлеуші** деген, Сөз қаріпсіз, дауыссыз болушы ма еді? **Алланың сөзі** — қаріпсіз, дауыссыз.

Енді олай болса, айтқандай қылыш біддіретүғын Құдіреті және **Басар**, **Сәмиғ**, яғни **Көруші**, **Есітуші** деген. Алла тағаланың көрмегі, естімегі, біз секілді көзбенен, құлақпенен емес, көргендей, естігендей білетүғын Ғылымының бір сипаты.

Бірі — **Тәкуин**, яғни барлыққа келтіруші деген сөз. Егер барлыққа келтірмегі бір өз алдына сипат болса, Алла тағаланың сипаты өзіндең қадім, һәм әзали³⁸ һәм әдәби³⁹ болады да, һәмишә⁴⁰ барлыққа келтіруден босаңбаса, бір сипаты бір сипатынан үлкен я кіші болуга жарамайды. Олай болғанда Ғылым, Құдірет сипаттары секілді босаңбай, ыңғайтында болса, бір ықтиярсыздық шығады. Ол ықтиярсыздық Алла тағалага лайықты емес. Оның барлыққа келтірмегі — Құдіретіне ғана бір шарх. Бұл Ғылым, Құдіретті ешбір инияятсyz⁴¹, Ғылымындаға фалэт⁴², Құдіретінде еңіздік және нашарлық жоқ.

Саниғын сұнғатына⁴³ қарап білесіз. Бұл көзге көрілген, көңілге сезілген ғаламды қандай хикметпенен жарастырып, қандай құдіретпенен орналастырған, ешбір адам баласының ақылы жетпейді. Бірақ пәндесінде ақыл — хүкімші, қайрат, қуат — қызмет қылушки еді. Соған қарап ойлайсың: Алла тағаланың сипатында солай болмаққа тиіс. Бірақ әуелде айтқанымыз: Ғылым, Құдірет —

³⁷ Құдірет (арабша) — құдіретті болу, құшті болу, қабілетті болу. (Олу, болу) оңтүстік түрік тайпаларынан ауысқан китаби тілдің әсері).

³⁸ Әзали (арабша) — ертеден, мәңгі, бақи.

³⁹ Әдәби (арабша) — әдеби, мәдени, әдепті, рухани.

⁴⁰ Һәмишә (арабша) — кәдімгі, жалпы, халықтық, қазақша һаммәсі, кейір түрік тілдерінде — һәммәші.

⁴¹ Ниъят (арабша) — өлшеусіз, шексіз.

⁴² Фафлэт (арабша) — үқыпсыздық, қателік, қапы қала.

⁴³ Саниғын сұнғатына (арабша) — істеушін ісіне қарап.

біздің ұғуымызға ғана екі хисап болмаса, бір-ақ Ғылымды Құдірет болуға тиіс. Олай болмаса сипаттар өз орталарында бірі тәбіғ⁴⁴, бірі матбүг⁴⁵ болады той. Бұлай болу, тариф Раббыға⁴⁶ жараспайды. Сегіз сипат қылыш және ол сипаттар «Лә-ғаиры уә лә-ңұа»⁴⁷ болыш, бұлай айтуда, бұлардан бір өз алдына жамағат яки жамиғат⁴⁸ шығыш кетеді. Бұл болса келіспейді.

Егерде сипаттарды әрбірін басқа-басқа дегенде, көп нәрседен жиылып, иттифақпенен⁴⁹ Құдай болған болады. Бұлай деу бұтыл⁵⁰, бір ғана құдірет пендеде болған қуат; құдірет ғылым ақылдан басқа болатұғын, Алла тағалада болған Құдірет — Ғылым һәм Рахмет.

Ол — рахмет сипаты, сегіз сипаттың ішінде жазылмаса да, Алла тағаланың Рахман⁵¹, Рахим⁵², Faфур⁵³, Уадуд⁵⁴, Ҳафиз⁵⁵, Сәттар⁵⁶, Рассақ⁵⁷, Нағір⁵⁸ Үәкіл⁵⁹, Латиф⁶⁰ деген есімдеріне бинаән⁶¹ бір ұлығ сипатынан хиссаптауға жарайды.

Бұл сөзіме нақлия⁶² дәлелім — жоғарыдағы жазылған Алла тағаланың есімдері. Faқлия⁶³ дәлелім Құдай тағала бұл ғаламды

⁴⁴ Табиг (арабша) — еруші.

⁴⁵ Матбүг (арабша) — ерітуші.

⁴⁶ Тариф раббы (арабша) — Алланы тану, білу.

⁴⁷ Лә-ғаиры уә лә-ңұа (арабша) — басқа да емес, (оның) өзі де емес

⁴⁸ Жамиғат (арабша) — жиын, ұйым.

⁴⁹ Иттифақ (арабша) — ынтымақ, бірлік.

⁵⁰ Бұтыл (арабша) — теріс, қате.

⁵¹ Рахман (арабша) — жарылқаушы, мейірімді.

⁵² Рахим (арабша) — мейірімді, жан ашуши.

⁵³ Faфур (арабша) — кешіруші.

⁵⁴ Аадад (арабша) — сүйікті, сүюші.

⁵⁵ Ҳафиз (арабша) — қорғаушы (Алланың Эпитетінің бірі), кешіруші, ара тұрушы (Алланың атауларының бірі).

⁵⁶ Сәттар (арабша) — айыпты жабушы.

⁵⁷ Рассақ (арабша) — несібе беруші, ырыздық беруші.

⁵⁸ Нағір (арабша) — қосымша несібе беруші, пайды беруші.

⁵⁹ Үәкіл (арабша) — үәкіл, басқарушы.

⁶⁰ Латиф (арабша) — жақсылық жасаушы, мейірбан, қайырымды.

⁶¹ Бинаән (арабша) — негізделген, орнатылған.

⁶² Нақлия (арабша) — дәстүрге сүйенген ғылым, дәстүрлі сөздер.

⁶³ Faқлия (арабша) — ақылмен не оймен түсіну.

ақыл жетпейтін келісіммен жаратқан, онан басқа, бірінен бір пайда алатұғын қылып жаратты. Жансыз жаратқандарынан пайда алатұғын жан иесі хайуандарды жаратып, жанды хайуандардан пайдаланатұғын ақылды инсанды⁶⁴ жаратыпты.

Хайуандарды асырайтұғын жансыздарды еті ауырмайтын қылып, жан иесі хайуандарды ақыл иесі адам баласын асырайтын қылып, ыңғайлы екі қолды басқа қызмет еттіріп, аузына қолы ас бергенде, не ішіп, не жегенін білмей қалмасын деп, иісін алып ләzzаттанғандай қылып, ауыз үстіне мұрынды қойып, оның үстінен тазалығын байқарлық екі көз беріп, ол қабақтарды ашып-жауып тұрғанда қажалмасын деп кірік жасап, маңдай тері тура көзге ақпасын деп, қаға беруге қас беріп, оның жүзіне көрік қылып, бірінің қолынан келмestей істі көптесіп бітірмекке, біреуі ойып біреуіне ұқтырлық тіліне сөз беріп жаратпақтығы махаббат емес пе?

Кім өзіңде махаббат қылса, сен де оған махаббат қылмағың қарыз емес пе?

Ақыл көзімен қара: күн қыздырып, теңізден бұлт шығарады еken, ол бұлттардан жаңбыр жауып, жер жүзінде неше тұрлі дәндерді өсіріп, жемістерді өндіріп, көзге көрік, көңілге рахат гүл-бәйшешектерді, ағаш-жапырақтарды, қант қамыстарын өндіріп, неше тұрлі нәбатэттәрді⁶⁵ өстіріп, хайуандарды сақтағып, бұлақтар ағызып, өзен болып, өзендер ағып дария болып, хайуандарға, құсқа, малға сусын, балықтарға орын болып жатыр еken. Жер — мақтасын, кендірін, жемісін, кенін, гүлдер — гүлін, құстар — жұнін, етін жұмыртқасын; хайуандар — етін, сүтін, құшін, көркін, терісін; сулар — балығын, балықтар — икрасын, хатта ара — балын, балауызын, құрт — жіберін — һәммасы

⁶⁴ Инсан (арабша) — адам, адам баласы.

⁶⁵ Нәбатэттәр (арабша) — жемістер.

адам баласының пайдасына жасалып, ешбірінде «бұл менікі» дерлік бір нәрсе жоқ, бәрі — адам баласына таусылмас азық.

Миллион хикмет бірлән жасалған машина, фабриктер адам баласының рахаты, пайдасы үшін жасалса, бұл жасаушының махабbat бірлән адам баласын сүйгендігі емес пе? Кім сені сүйсө, оны сүймектік қарыз емес пе?

Адам баласы қанағатсыздықпенен бұл хайуандардың тұқымын құртып, алдыңғылар артқыларға жәбір қылmasын деп, малды адам баласының өзінің қызғанышына қорғалатып, өзге хайуандарды бірін үшқыр қанатына, бірін күшті қуатына, бірін жүйрік аяғына сүйентіп, бірін биік жартасқа, бірін терең тұңғылыққа, қалың орманға қорғалатып, қәм әрбірін өсіп-өнбекке құмар қылыш, жас күнінде, кішкене уақытында шафғат, сәхәріменен⁶⁶ бастарын байлап, қамқор қылыш қоймақтығы — адам баласына өсіп-өніп, теңдік алсын емес, бәлки, адам баласының үзілмес насліне таусылмас азық болсын дегендік. Жә, бұл хикметтерінің қәммасын қәм мархамат, қәм ғадалат заңыр⁶⁷ тұр екен.

Біз ортамызда бұл мархамат⁶⁸ ғәдәлетті иманның шартынан хисап қылмаймыз, оның үшін муслим болғанда, Алла тағалага тәслім болып, оның жолында болмақ едік, болғанымыз қайсы? Бұл екі — ай мен күннен артық мағұлым тұрган жоқ па? Бұл фиғылы Құданың ешбірін де қарар қылмаймыз, өзгелерде болғанын жек көрмейміз, өзіміз тұттаймыз, бұл қиянатшылық емес пе? Қиянатшылыққа бір қарар тұрган адам — я мұсылман емес, ең болмаса шала мұсылман.

Алла табарака уатағаланың пенделеріне салған жолы қайсы? Оны көбі білмейді. «Тәфаккарұ фиғла⁶⁹ иллаи» деген хадис шарифтің⁷⁰ «инналау йаҳиббул мұқситин⁷¹ деген аяттарға ешкімнің ықласы, көнілі менен Фылымы жетіп құптағанын

⁶⁶ Шафғат, сәхәрімен (арабша) — көмектесу, бірін-бірі қорғау өнері.

⁶⁷ Ғадалат заңыр (арабша) — ашық, айқын, әділеттілік.

⁶⁸ Мархамат (арабша) — жап ашу, жақсылық іс жасау.

⁶⁹ Тәфаккарұ фиғла (арабша) — Алла туралы ойлану.

⁷⁰ Хадис шариф (арабша) — хадис, әңгіме.

⁷¹ Инналау йаҳиббул мұқсит (арабша) — шынында да құдай әділ адамдарды сүйеді.

көргенім жоқ. «Әтәмурун әннәсә билбири уәәхсәну инналдау йүхиббул мұхсин⁷²», «уәллә-зинә әмәну үәғәмила салихати үлайна асхабул жәннәти ңәм фиңа халидун»⁷³ деген аяттар құранның іші толған ғамалу-ссалих⁷⁴ не екенін білмейміз. «Уа әммәлзина амәну үәғамилас саликати фәйүәффиңим ужурәңум уаллау лә йүхиббуз-залимин»⁷⁵ аятына қарасаң, ғамалу-ссалих залымдыққа зидды⁷⁶ болар. Олай болғанда ғадаләт рафғат⁷⁷ болуға кімде-кімнің әділеті жоқ болса, оның хаясы⁷⁸ жоқ, кімнің үяты жоқ болса, оның иманы жоқ деген, пайғамбарымыздың, салаллау ғалайни уәссәлламнің, Хадис шарифі «мән-лә хаяун лау»⁷⁹ деген дәлел дүр. Енді белгілі, иман құр инанышпенен болмайды, ғадаләт уа рафғат бірлән болады. Ғамалу-ссалих ғадаләтті уә мархаметті болмақ құллі тән бірлән қылған құлшылдықтардың ешбірі ғадаләтті, мархаматты бермейді. Көзің күнде көреді намаз оқушы, ораза тұтушылардың не халәттә екендіктерін, оған дәлел керек емес.

Бәлки ғадаләт — барша ізгіліктің анасы дүр. Үйсан, үят — бұл ғадаләттен шығады. Оның үшін ғадаләті адамның көңіліне келеді: мен өз көңілімде халық менімен, сондай-мұндай қылықтарымен мұғамәла⁸⁰ қылса екен деп ойлан тұрып, өзім сол халықтармен мұғамәла қылмагандығым жарамайды ғой деп, сол өзі әділет те және ынсан та емес пе? Ол өзінші жақсылықтың басы емес пе?

⁷² Әтәмаран әннәсә билбири уәәхсәну инналдау... (арабша) — адамдар жақсылық пен иманшылыққа табынады, соңынан среді, өйткені Алла да жақсыны сүйеді.

⁷³ Уәлләзина әмәну үәғәмилу... (арабша) — Адал жұрушілердің және жақсылық жасаушылардың орны ұжмақта (жәнәтта) және олар мәңгі (өмір сүреді).

⁷⁴ Ғамалу-ссалих (арабша) — жақсылық іс, иті іс.

⁷⁵ Уа әммәлзина (арабша) — Ал, адап жақсы іс атқаратын адамдар оларға берілген жақсылықты (қайырымдылықты) толық қайтарады, өйткені құдай залымдарды сүймейді.

⁷⁶ Зидды (арабша) — қарсы, қарата-қарсы.

⁷⁷ Ғадаләт рафғат (арабша) — жоғары әділет, әділестікті жоғары ұстау.

⁷⁸ Хаясы (арабша) — үят, ынсан.

⁷⁹ Мән лә хаяун лау уәла иманан лаңа (арабша) — кімде-кімнің үяты болмаса, соның иманы да жоқ.

⁸⁰ Мұғамәла (арабша) — қарым-қатынас, араласу, қатысу.

Жә, олай хұлық⁸¹ пенен сол ойды ойлаған кісі Халлақыны⁸², шүкірді неге ойламасын? Шәкірліктен⁸³ ғибадаттың бәрі тудады. Енді зинъар⁸⁴ ғадаләт, шапағаттан босанбаңдар. Егер босансаң, иман да, адамдық та ынмасы босанады. Аллаяр соғының бір фәрдәдән жұз фәрдә бижай⁸⁵ дегені басыңа келеді.

Енді біздің бастағы тағриф бойынша Құдай тағала Фылымды, Рахымды, Гадаләтті, Құдіретті еді. Сенде бұл ғылым, рахым, ғадаләт үш сипатпенен сипаттанбақ; ижтіатің⁸⁶ шарт еттің, мұсылман болдың қәм толық инсаниятың⁸⁷ бар болады. Белгілі жәуанмәртлік⁸⁸ үш хаслат⁸⁹ бірлән болар деген, сиддиқ⁹⁰, кәрәм⁹¹, ғақыл⁹² — бұл үшеуінен сиддиқ — ғадаләт болар, кәрәм шағағат болар. Ғақыл мағалұм дүр, Фылымның бір аты екендігі. Бұлар әр адамның бойында Алла табарака уатағала тәхмин⁹³ бар қылтып жаратқан. Бірақ оған рәуаж⁹⁴ беріп гүлдендірмек, бәлки, адам өз халінше кәмәлатқа жеткізбек жәнәттіндегі⁹⁵ болмақ. Бұлар — өз иждиңдін бірлән, ниет халис⁹⁶ бірлән ізденсең ғана берілетін нәрселер, болмаса жоқ.

Бұл айтылмының үш хасләттің иелерінің алды — пайғамбарлар, онан соң — әулиелер, онан соң — хакимдер, ең ақыры — кәміл мұсылмандар.

Бұл үш түрлі фиғыл Құданың соңында болмақ, өзін құл біліп, бұл фиғылдарға ғашық болып тұтпақты пайғамбарлар

⁸¹ Хұлық (арабша) — мінез, құлық.

⁸² Халлақ (арабша) — жаратушының есімдерінің бірі.

⁸³ Шәкірлік (арабша) — ғизалық білдіруші, шүкіршілік айтуши.

⁸⁴ Зинъар (арабша) — жақтаушы, қорғаушы.

⁸⁵ Бір фәрдәдән жұз фәрдә бижай — бір адамнан жұз адам қолайсыз жағдайға түседі.

⁸⁶ Ижтина (арабша) — ыждаңат, талапкерлік, ізденушілік, талпыну.

⁸⁷ Инсаният (арабша) — адамгершілік, адамзат ілімі, адамзат табиғаты.

⁸⁸ Жәуанмәрт (парсыша) — ізгі, жақсы, кең пейілді.

⁸⁹ Хаслат (арабша) — сипат, тұр, қаснет.

⁹⁰ Сиддиқ (арабша) — шындық, шын.

⁹¹ Кәрәм (арабша) — жомарт, ақ пейіл.

⁹² Ғақыл (арабша) — ақыл, ақылдылық, дاناлық.

⁹³ Тәхмин (арабша) — шама, шамасы.

⁹⁴ Рәааж (арабша) — тарату, өткізу.

⁹⁵ Жәнәт (арабша) — ынта, жігер.

⁹⁶ Халис (арабша) — таза, кіршіксіз. Ниет халис — таза ниет.

әулиелерге үйретті, әулиелер оқыды, ғашық болды. Бірақ, ухрауи⁹⁷ пайдасын ғана күзетті. Ғашықтары сол халге жетті, дүниені, дүниедегі тиерлік пайдасын ұмытты. Бәлки, хисапқа алмады. Хакимдер дүниеде тиетін пайдасын сөйлемді, ғибрәт көзімен қарағанда, екеуі де бірінен бірі көп жырақ кетпейді. Оның үшін әрбірінің сөйлеуі, айтуы басқаша болса да, Алла тағаланың сұнғатына қарап пікірлемектікі екеуі де айтты.

Пікірленбек соңы ғибраттанбақ болса керек. Бұл ғақыл, Ғылым — екеуі де өзін зорға қисабаламақты, залымдықты, адам өзіндей адамды алдамақты жек көреді. Бұл ғадаләттәр екеуі де мархаматты, шапағатты болмақтықты айтып бүйірды, бұл рақым болса керек. Бірақ менің ойыма келеді, бұл екі тайфа әр кісі өздеріне бір түрлі нәпсісін фида қылаушылар деп. Яғни, пенделіктің кәмәлаты әулиелікпен болатұғын болса, құллі адам тәркі дүние болып «hy» деп тариқатқа⁹⁸ кірсе, дүние ойран болса керек. Бұлай болғанда малды кім бағады, дұшпанды кім тоқтатады, киімді кім тоқиды, астықты кім егерді, дүниедегі Алланың пенделері үшін жаратқан қазыналарын кім іздейді?

Хәрами⁹⁹, макрууи¹⁰⁰ былай түрсын, Құдай тағаланың қуатыменен, ижтияд ақылыменен тауыш жаратқан, рахатын көрмегіне бола, берген нигметтеріне¹⁰¹, онан көрмек хұзұрга¹⁰² сүық көзбен қарап, ескерусіз тастап кетпек ақылға, әдепке, ынсанқа дұрыс па?

Сахиб нигметке¹⁰³ шүкіршілігің жоқ болса, әдепсіздікпенен қынәкәр болмайсың ба?

Екінші — бұл жолдағылар қор болып, дүниеде жоқ болып

⁹⁷ Ухрауи (арабша) — о дүние (ақырзаман).

⁹⁸ Тариқат (арабша) — діни ағым, дін жолы.

⁹⁹ Хәрами (арабша) — арам нәрсе.

¹⁰⁰ Макрууи (арабша) — жиренішті, жаман. Діни үгым бойынша жасауга болмайтын іс, әбүйірсіз іс.

¹⁰¹ Нигмет (арабша) — жақсы өмір, байлық, (Алланың) берген бақыты, рақметі.

¹⁰² Хұзұр (арабша) — көркею, даму, мәдениеттілік, рахатшылық. Арабтың «д» әрпі иракта «з» деп айтылады.

¹⁰³ Сахиб нигмет (арабша) — байлық, дәулет иесі. Бұл жерде «Құдайдың бергені» деген мағынада.

кету де хаупі бар, уә кәпірлерге жем болып кету де, қайсыбір сабырсызы жолынан тайып, сабырмен бір қарап тұрамын дегені болып кетсөлөр де керек.

Егер де бұл жол жарым-жартыларына айтылған болса, жарым-жарты раст дүниеде бола ма? Раст болса, ыеммаға бірдей раст болсын, алалаған раст бола ма, ыем ғадаләт бола ма? Олай болғанда, ол жұртта ғұмыр жоқ болса керек. Ғұмыр өзі — хақиқат. Қай жерде ғұмыр жоқ болса, онда кәмәлат жоқ.

Бірақ әулиелердің де бәрі бірдей тәркі дүние¹⁰⁴ емес еді. Гашәрән¹⁰⁵ — мұбәшәрәдан¹⁰⁶ қазірет Госман, Габдурахман бин Гауф уа Сагид бин Эбудіқас үшеуі де үлкен байлар еді. Бұл тәркі дүниелік: я дүние ләззатына алданып ижтиядым шала қалады деп, бойына сенбегендік; я хирс¹⁰⁷ дүниеліктен қауымның көңілін сұытпақ үшін, ренжуге сабыр етіп, өзін фида қылыш, мен жаныммен ұрыс қылғанда, халық ең болмаса нәпсісімен ұрыс қылыш, ыңға¹⁰⁸ ыңғастан әрбір арзу¹⁰⁹ нәпсіден сұныш, ғадаләт, мархамат, махаббаттына бір қарап болар ма екен деген үмітпенен болса керек. Олай болғанда о да жұртқа қылған артық махаббаттан хисап. Бірақ бұл жол — бек шетін, бек нәзік жол. Бұл жолда риясыз¹¹⁰, женілдіксіз бір қарап тұрып¹¹¹ іздеген гана кісі істің кәмәлатына жетпек. Бұл заманда надир¹¹², бұған Фылымның да зоры, сиддиқ қайраттың да зоры, махаббаттың Халлақна да, уа халық ғаламға да бек зоры табылмақ керек. Бұлардың жиылмагы — қыынның қыыны, бәлки фитнә¹¹³ болар.

Басына ыңға бір өзіне өзгешелік бермек — адам ұлын бір

¹⁰⁴ Тәркі дүние (арабша) — дүниеден безген.

¹⁰⁵ Гашәрән (арабша) — таныс, жақын, дос, жолдас.

¹⁰⁶ Мабәшар (арабша) — құдай жолындағы адам, дін таратушы (Мұхаммед пайғамбардың сахабалары, оның жолын қолданушылар).

¹⁰⁷ Хирс (арабша) — сараңдық, дүние құмарлық.

¹⁰⁸ Ыңға (арабша) — әуестену, әуесқойлану, ыңғас (арабша) — орынсыз әуесқойлық, соқыр сезім.

¹⁰⁹ Арза (арабша) — тілек, мақсат.

¹¹⁰ Рия (арабша) — екі жүзділік, көз бояушылық.

¹¹¹ Қарап тұрып (арабша) — шешім қабылдау.

¹¹² Надир (арабша) — сирек, асыл зат, сирек кездесетін қасиет.

¹¹³ Фитнә (арабша) — көтеріліс, қарсылық.

бұзатын іс. Әрбір нағданның бір тариқатқа кірдік деп жүргені — біз бұзылдық дегеніменен бір болады.

Хакім, ғалым — асылында бір сөз, бірақ ғарафта¹¹⁴ басқалар дүр.

Дүниеде Фылым заири¹¹⁵ бар, олар айтылмыштарды жазылмыштар, оны нақлия¹¹⁶ деп те айтады. Бұл нақлияға жүйріктер ғалым атанады.

Құдай тәбәрака уа тағала ешбір нәрсені себепсіз жаратпаған, мұны ізерлеп тәффаккара фи әла-иллаң¹¹⁷ деген хадиске бинаән¹¹⁸ бұл сұнғати¹¹⁹ Құдадан ізерлеп, құмар болып ғибратланушыларға тыю жоқ, бәлки сұнғатынан себебін білмекке құмарлықтан саниғ¹²⁰ ғашықтық шығады.

Құдай тәбәраканың затына пәндесінің ақылы жетпесе, дәл сондай ғашықпын демек те орынсыз. Ғашық-мағшұғлыққа¹²¹ халик бірлән махлұқ ортасы мунәсибәтсіз¹²², Алла тағаланың пәндесін махаббат уа мархамат бірлән жаратқанын біліп, махаббатына махаббат пенен ғана елжіремекті Құдага ғашық болды дейміз.

Олай болғанда хикмет Құдага пәнде өз ақылы жетерлік қадірін ғана білсем деген, әрбір істің себебін іздеушілерге хакім ат қойдылар.

Бұлар хақ бірлән бұтылды айырмаққа, себептерін білмекке тырысқаңдарыменен ынмасы адам баласының пайдасы үшін, ойын-күлкі түгіл, дүниедегі бүкіл ләzzат бұларға екінші мәртабада қалып, бір ғана хақты таппақ, әрбір нәрсенің себебін таппақпенен ләzzаттанады.

Адаспай тура ізденген хакімдер болмаса, дүние ойран болар еді. **Фигыл** пәнденің¹²³ қазығы — осы жақсы хакимдер, әр

¹¹⁴ Ғарафта (арабша) — Арафа (таудың аты). Зулт-Хиджа айының 9-күні. Бұл күнде қажыға барғандар Арафат тауына шығады.

¹¹⁵ Фылым заири (арабша) — сыртқы ғылым.

¹¹⁶ Нақлия (арабша) — дәстүрлі ғылымдар.

¹¹⁷ Тафаккар фи әла-иллаң (арабша) — ұлы Алла таралы ойлану.

¹¹⁸ Бинаән (арабша) — негізделген.

¹¹⁹ Сұнғат (арабша) — жасаушы, жаратушы.

¹²⁰ Саниғ (арабша) — жасалған іс.

¹²¹ Мағшұғлық (арабша) — сүйгені.

¹²² Мұнасибатсіз (арабша) — байланыссыз.

¹²³ Фигыл пәнде (арабша) — адам ісі деген мағынада.

нәрсе дүниеде бұлардың истихражы¹²⁴ бірлән рауаж¹²⁵ табады. Бұлардың ісінің көбі — дүние ісі, ләкин осы хакимдердің жасаған, таратқан істері. Әд-дүния мәзрәтәтул-ахирет¹²⁶ дегендей, ахиретке егіндік болатын дүние сол.

Әрбір ғалым — хакім емес, әрбір хакім — ғалым.

Галымдарының нақлиясы бірлән мұсылман иман тақлиди кәсіп қылады.

Хакімдердің ғақлиятты бірлән жетсе, иман якини¹²⁷ болады.

Бұл хакімдерден мұрад — мұсылман хакімдері, болмаса гайри діннің хакімдері — әғерші фатлубини тәжиидуни¹²⁸ делінсе де, дүниенің қам адам үғлы өмірінің сырына жетсе де, діннің хақ магрифатына¹²⁹ жете алмағандар.

Бұлардың көбі — иманның жеті шартынан, бір Алланы танымақтан ғайри, яғни алтауына кімі күмәнді, кімі мұнқір¹³⁰ болып, тақиқтай алмағандар. Егер бұлар дін ұстазымыз емес болса да, дінде басшымыз Құдайдың елшісі пайғамбарымыздың Хадис шарифі, хайрун нас ман йанғагунас¹³¹ деген.

Бұл хакімдер үйқы, тыныштық, әуес-қызықтың бәрін қойып, адам баласына пайдалы іс шығармақтығына, яғни электрді тауып, аспаннан жайды бұрып алыш, дүниенің бір шетінен қазір жауап алыш тұрып, от пен суга қайласын тауып, мың адам қыла алмастай қызметтер істетіп қойып тұргандығы, уахусан¹³² адам баласының ақыл-пікірін ұстартып, хақ пенен бұтылдықты айырмақты үйреткендігі — баршасы нағиғы¹³³ болған соң, біздің оларға міндеткерлігімізге дағуа жоқ.

Бұл заманның молдалары хакім атына дүшпан болады.

¹²⁴ Истихраж (арабша) — шығару, алу.

¹²⁵ Рауаж (арабша) — таралу, айналым.

¹²⁶ Әд-дүния мәзрәтәтул-ахирет (арабша) — дүние ахиреттің егіндігі (бұл дүниеде жасалған игілікті іс ақыретте жеміс болады деген мағынада).

¹²⁷ Иман якини (арабша) — шын, нақтылы, шынайы сенім.

¹²⁸ Фатлубини тәжиидуни (арабша) — талап қылсаң табасың.

¹²⁹ Магрифат (арабша) — тану, білу.

¹³⁰ Мұнқір (арабша) — қарсы болу, сенбеу.

¹³¹ Хайрун нас ман йанғагу нас (арабша) — адамның жақсысы адамға пайда келтірген адам.

¹³² Уахусан (арабша) — әсіресе, ерекше.

¹³³ Нағиғ (арабша) — пайдалы, өнегелі іс.

Бұлары білімсіздік, бәлки бұзық фиғыл, әл-инсан ғәдду ләма жәнилгә хисап¹³⁴. Олардың шәкірттерінің көбі біраз ғарап-парсыдан тіл үйренсе, бірлі-жарым болымсыз сөз баһас үйренсе, соған мәз болып, өзіне өзгешелік беремін деп әуре болып, жұртқа пайдасы тимек түгіл, түрлі-түрлі заарлар хасил¹³⁵ қылады, «қай-һой!» менен, мақтанменен қауымды адастырып бітіреді. Бұлардың көбі әншейін жәнил¹³⁶ түгіл жәниләләр кібік¹³⁷ талап болса, қайда хақ сөздер келсе, қазір ынсанқа қайтын ыем ғибраттансын.

Рас сөзге ор қазып, тор жасамақ не деген ынсан, құр өзімшілдік ыем әр өзімшілдік — адам баласын бұзатын фиғыл.

Растың бір аты — хақ, хақтың бір аты — Алла, бұған қарсы қарсыласқанша, мұны ұғыш, ғадаләтпен тәптештеуге керек. Мұндай фиғылдардан күпір¹³⁸ қаупі де бар. Және пайғамбарымыз, салаллағы аессәллам, «Ақыр заманда бір жылдық бір күн болар» дегендे сахаба-и кәрәмлар¹³⁹ «бұл бір жылдық бір күнде намаз нешеу болар» деп сұрағанда: «оның патуасын сол заманиң галымдары білер» деген сөзінен ғибратланып қарасаң, замана өзгеруімен қағидалар өзгерілмегін білдіргені мағлұм болады. Бұл күндегі тәхсилғалам¹⁴⁰ ескі медреселер ғұрпында болып, бұл заманға пайдасы жоқ болды.

Соған қарай Ғұсманияда¹⁴¹ мектеп харбия¹⁴², мектеп рушдиялар¹⁴³ салынып, жаңа низамға айналған. Мұндағылар ұзақ жылдар өмір өткізіп, Ғылымды пайдасыз ұзақ баҳастар бірлән күнін өткізіп, магишат дүниеде надан бір ессіз адам

¹³⁴ Әл-инсан ғәдду ләма жәнилгә хисап (арабша) — адам жаманшылыққа ауып тұрады (адам да ақымақ сияқты болады).

¹³⁵ Хасил (арабша) — нәтиже, қорытынды.

¹³⁶ Жәнил (арабша) — надан, шала оқыған.

¹³⁷ Жәниләләр кібік (арабша) — надандар сияқты.

¹³⁸ Күпір (арабша) — діннен шығу, дінді бұзу.

¹³⁹ Сахаба-и кәрәмлар (арабша) — Мұхаммед пайғамбардың қадірлі әріптестері — Мұхаммед пайғамбарды қолдауши сахабалары, қадірлі сүйікті рахани әріптестері.

¹⁴⁰ Тәхсилғулум (арабша) — үйрену, жетілу, білім жинау.

¹⁴¹ Ғұсмания — Османия бұрынғы Түркия патшалығы.

¹⁴² Харбия (арабша) — соғыс мектебі.

¹⁴³ Рушдия (арабша) — білім беру мектебі, кәмелеттік жетілдіру.

болып шығады да, ешбір харекетке лайығы жоқ болған соң, адам аулауга, адам алдауга салынады. Қебінесе мұндай ессіздердің насиҳаты да тасирсіз¹⁴⁴ болады.

Дүниенің мәғмұрлығы¹⁴⁵ бір түрлі ақылға нұр беріп тұратығын нәрсе.

Жоқшылықтың адамды хайуандандырып жіберетіні де болады. Бәлки дүниенің Фылымын білмей қалмақтың — бір үлкен зааралы надандық, ол Құранда сөгілген; дүниеде кімдекім өзіне өзгешелік бермек қасады бірлән малға махаббатын аударған дүние болмаса, ихсанда¹⁴⁶ қолым қысқа болмасын деп үәм өзім біреуге тамғылы¹⁴⁷ болмайын деп, малға махаббатын аудармай, ізгілікке бола халал кәсіп бірлән тапқан дүние емес.

Біз Фылымды сатып, мал іздемек емеспіз. Мал бірлән Фылым кәсіп қылмақтыз. Өнер — өзі де мал, өнерді үйренбек — өзі де ихсан. Бірақ ол өнер ғадаләттан шықпасын, шарғыға¹⁴⁸ муафих¹⁴⁹ болсын. Адамға хәлінше иханды болмақ — қарыз іс. Бірақ өзгелердің ихсанына сүйенбек дұрыс емес.

Моллалар тұра тұрсын, хусусан¹⁵⁰ бұл заманның ишандарына бек сақ болыңдар. Олар — фитнә¹⁵¹ ғалым, бұлардан залалдан басқа ешнәрсе шықпайды. Өздері хұқім¹⁵² шарифатты таза білмейді, көбі надан болады. Онан асып өзін өзі әйіл тариқат¹⁵³ біліп және біреуді жеткізбек дағуасын қылады. Бұл іс олардың сыбағасы емес, бұлардың жеткізбегі мұхал¹⁵⁴, бұлар адам аздыруышылар, хаттә дінге де залалды. Бұлардың сүйгені — надандар, сөйлегені — жалған, дәлелдері — тәсбиғи менен шалмалары, онан басқа ешнәрсе жоқ.

¹⁴⁴ Тасир (арабша) — әсер.

¹⁴⁵ Мәғмур (арабша) — әлем.

¹⁴⁶ Ихсан (арабша) — жақсылық, иғі іс.

¹⁴⁷ Тамғылы (арабша) — 1) тілек, сұрамсақтану; 2) сараң болу.

¹⁴⁸ Шарғы (арабша) — діни заң.

¹⁴⁹ Муафих (арабша) — үйлесімді, сәйкес.

¹⁵⁰ Хусусан (арабша) — әсіресе, тіпті.

¹⁵¹ Фитнә (арабша) — бұлшылік, бұзақ, қателеса.

¹⁵² Хұқім (арабша) — ұқім, мағына, анықтама, түсінік.

¹⁵³ Әйіл тариқат (арабша) — дін жолы.

¹⁵⁴ Мұхал (арабша) — мүмкін емес, екі талаі, орындалмайтын іс (абсағ).

Енді білініздер, перзенттер!

Құдай тағаланың жолы деген жол Алла тағаланың өзіндей ниňаятсыз¹⁵⁵ болады. Оның ниňаятына ешкім жетпейді. Бірақ сол жолға жүруді өзіне шарт қылып кім қадам басты, ол таза мұсылман, толық адам делінеді. Дүниеде түкі мақсатың өз пайданд болса — өзің ниňаятлысың, ол жол Құдайдың жолы емес. Галамнан жиылсын, маған құйылсын, отырған орныма ағып келе берсін деген ол не деген ынсан? Не тұрлі болса да, иә дүниенен, иә ақылынан, иә малынан ғадалет, шапағат секілді біреулерге жақсылық тиғізбек мақсатың болса, ол жол — Құданың жолы. Ол ниňаятсыз жол, сол ниňаятсыз жолға аяғыңды берік бастың, ниňаятсыз Құдаға тағырып хасил¹⁵⁶ болып хас езгу¹⁵⁷ құлдарынан болмақ үміт бар, өзге жолда не үміт бар?

Кейбіреулердің бар өнері, мақсаты киімін тұзетпек, жүрістұрысын тұзетпек болады да, мұнысын өзіне бар дәulet біледі. Бұл істерінің бәрі өзін көрсетпек, өзін-өзі базарға салып, бір ақылы көзіндегі ақымактарға «бәрекелді» дегізбек. «Осындаі болар ма едік» деп біреулер талантана, біреулер «осындаі бола алмадық» деп қүйінер, мұнаи не пайды шықты? Сыртқа қасиет бітпейді, Алла тағала қарайтұғын қалыбыңа, боямасыз ықласыңа қасиет бітеді. Бұл айнага табынғандардың ақылы қаншалық өсер дейсің? Ақыл өссе, ол түпсіз терең жақсылық сүймектікпен өсер.

Құдай тағала дүниені кәмалатты шеберлікпен жаратқан ńем адам баласын өссін-өнсін деп жаратқан. Сол өсіп-өну жолындағы адамның талап қылып ізденер қарызды ісінің алды — әуелі дос көбейтпек. Ол досын көбейтпектің табылмағы өзінің өзгелерге қолынан келгенінше достық мақамында¹⁵⁸ болмақ. Кімге достығың болса, ол достық шақырады. Ең аяғы ешкімге қас сағынбастық ńем өзіне өзгешелік беремін деп, өзін тілмен я қылықпен артық көрсетпек мақсатынан аулақ болмақ.

Бұл өзін-өзі артық көрсетпек екі тұрлі!

¹⁵⁵ Ниňаятсыз (арабша) — шексіз, өлшеусіз.

¹⁵⁶ Тағырып хасил (арабша) — жақын нәтиже, үқсас, жақын қорытынды.

¹⁵⁷ Хас (арабша) — ерекше.

¹⁵⁸ Мақам (арабша) — жағдай, қарым-қатынас, орын, дәреже, қадір-қасиет.

Әуелгісі — әрбір жаманшылықтың жағасында тұрып адамның адамдығын бұзатын жаманшылықтан бойын жимақтық, бұл адамға нұр болады.

Екіншісі — өзін-өзі өзгешелікпен артық көрсетпек адамдық нұрын, гүлін бұзады.

Үшіншісі — қастық қылмақ, қор тұтпақ, кемітпек. Олар дүшпандық шақырады.

Іем өзі өзгеше тұтатын демектің түбі — мақтан. Эрбір мақтан біреуден асамын деген күншілдік бітіреді де, күншілдік күншілдікті қозғайды. Бұл үш түрлі істің жоқтығы адамның көңіліне тыныштық береді. Эрбір көңіл тыныштығы көңілге талап салады.

Құллі адам баласын қор қылатын үш нәрсе бар. Сонан қашпақ керек: әуелі — надандық, екіншісі — еріншектік, үшіншісі — залымдық деп білесің.

Надандық — білім-ғылымның жоқтығы, дүниеде ешбір нәрсені оларсыз біліп болмайды.

Білімсіздік хайуандық болады.

Еріншектік — құллі дүниедегі өнердің дүшпаны. Талапсыздық, жігерсіздік, ұтсыздық, кедейлік — бәрі осыдан шығады.

Залымдық — адам баласының дүшпаны. Адам баласына дүшпан болса, адамнан бөлінеді, бір жыртқыш хайуан хисабына қосылады.

Бұлардың емі, Халлақына махаббат, Халық ғаламға шапқат, қайратты, тұрлаулы, ғадалат ісінің алды-артын байқарлық білімі, ғылымы болсын. Ол білім, ғылымды Құдага мұқтәди¹⁵⁹ болсын. Ғылым әуелі ғалами ғылымға мұқтәди болсын. Яғни Құдай тағала бұл ғаламды жаратты, ерінбеді, келісімменен, хикметпенен кәмәлдіккішінен бір жолға салып жасады, сіздердің ісініз де бір жақсылық бина¹⁶⁰ қылып, арқа сүйерлік шеберлікпенен болсын. Және Құдай тағала әрне жаратты, бір түрлі пайдалы хикметі бар. Сенің де ісіңнен бір зарар шығып кеткендей болмай, көпке пайда боларлық бір үміті бар іс болсын. Бұларсыз іс іс емес. Бәлки бұларсыз тағат¹⁶¹ тағат та емес.

¹⁵⁹ Мұқтәди (арабша) — еру, бағыну, құлшылық ету.

¹⁶⁰ Бина (арабша) — негіз, тірек.

¹⁶¹ Тағат (арабша) — бағыну, тыңдау; тәртіп, құлшылық ету.

Белгілі, құдай тағала ешбір нәрсені хикметсіз жаратпады, ешбір нәрсеге хикметсіз тәклиф¹⁶² қылмады. Бәрінің хикметі бар, бәрінің себебі бар, біздің ғаям¹⁶³ былай тұрсын, Ғылымға махаббаты барларға себеп, парыздарды білмекке ижтиňад ләзім¹⁶⁴ сіздер әрбір ғамал қылсаңыз ізгілік деп қыласыз, ізгілікке бола қасд¹⁶⁵ етіп, ниет етесіз. Ниет оның парызынан хисап, пайғамбарымыз салаллауға лайын уәссәлламнің¹⁶⁶ хадис шарифі «инна йағмала-ағмал бин ниет»¹⁶⁷ деген.

Енді ниет етгіңіз таъарат¹⁶⁸ алмаққа, намаз оқымаққа, ораза тұтпаққа, бұл тағаттарды ниетіңіз заңирынан¹⁶⁹ қалыпсыз ғибадатқа жетпегендігі кемшілік емес пе? Сіздің батиңыңыз¹⁷⁰ таза болмағы әуелі иман болып, бұл заңир ғибадатыңыз иманды болған соң ғана, парыз болған, сіздің заңирыңыздарғы ғибадат — батиңыңыздарғы иманның көлеңкесі, үәм сол иманның нұрланып тұрмағына көрік үшін бұйырылған. Оның үшін ғұламалар иман екеу емес, біреу, бірақ ізгі тағатпенен нұрланады, тағат жоқ болса, құңгірттенеді, бәлки сөну қаупі де бар деген. Егер надандар ол ғибадаттың¹⁷¹ ішкі сырғын ескермей қылса, соны қылып жүріп, иманы сөнер деген.

Мениң қаупім бар, олар хас¹⁷² ғибадат осы екен, Құданың бізге бұйырғаны, біз осыны қылсақ, мұсылмандық кәміл болады деп ойлайды.

Ол ғибадат күзетшісі еді. Жә, күзетші күзеткен нәрсенің амандығын ойламай, бір ғана ояу тұрмағын қасд қылса, ол

¹⁶² Тәклиф (арабша) — жұмыс арту, міндет, борыш, еңбек дәстүр.

¹⁶³ Ғаяма (арабша) — қөпшілік халық, жәй халық.

¹⁶⁴ Ижтиňад ләзім (арабша) — талап ету керек, көнілмен еңбек ету керек.

¹⁶⁵ Қасд (арабша) — мақсат, ниет, ой арнау.

¹⁶⁶ Салаллауғайлауын уәссәләм (арабша) Алла оған саламатшылық берсін.

¹⁶⁷ Иннама-л-ағмал, бинниет (арабша) — шынында еңбек, ниетке (мақсатқа) негізделеді.

¹⁶⁸ Таъарат (арабша) — тазалық, намаз алдындағы жуыну.

¹⁶⁹ Заңир (арабша) — ашық, сыртқы, сырттай.

¹⁷⁰ Батин (арабша) — ішкі, көрінбейтін, жабық.

¹⁷¹ Ғибадат (арабша) — табыну, қызмет ету, сыйлау.

¹⁷² Хас (арабша) — ерекше, арнайы, меншікті.

не күзет? Күзеткен нәрсесі қайда кетеді? Мақсат күзетілген нәрсенің амандығы, тазалығы емес пе?

Ей, ишараттан¹⁷³ хабарсыздар, қара!

Бұл гибадаттан бір ұлkenі — намаз, ол намаздан әуелі таңарат алмақ, онан соң намазға шұрғуғ¹⁷⁴ қылмақ, ол таңараттың алды истинж¹⁷⁵ еді. Мұны бір берік ойлан тұр. Аяғы екі аяққа мәсіхпенен¹⁷⁶ бітуші еді, бұлар ыеммасы болмаса көбі ишарат еді.

Истинжада к...ініңізді жуасыз, сіздің к...ініңіздің ешкімге керегі жоқ еді. Онымен сезімді тазалыққа иіргендігінді, кәміл ыхласыңды көрсетіп, ішімнің сафлығының¹⁷⁷ соңында халық көрер, сыртымды да пәк етемін ыем көзге көрінбейтін ағзаларымды¹⁷⁸ да пәк етемін, бұл пәктіктің үстінде Аллаға дұға айтамын деп әзірленесіз.

Енді намаздың аты — салаудат, салаудат дұға мағынасында деген.

Аяқта, мойында болған мәсхлар — ол жұмақ емес, өздері де жуулы деп көрсеткен ишараты.

Намаздан әуелі құлақ қақтыңыз — егер Алла тағаланы жоғарыда деп, мәкән исфат¹⁷⁹ етпесең де, бегірек созу әдепсіз болып, күнә дариясына ғарық¹⁸⁰ болдым, яғни дүние әуесіне ғарық қылмай қолымнан тарт, яғни құтыларлық жәрдемдерінің ишараты.

Онан соң қиямда¹⁸¹ тұрып қол бағламақ — құл қожа алдында тұрмақ — бұқара патша алдында тұрганнан артық Алланың

¹⁷³ Ишарат (арабша) — нұсқау, көрсету.

¹⁷⁴ Шұрғағ (арабша) — бастау, кірісу (бір нәрсені не істі бастау).

¹⁷⁵ Истинж (арабша) — жуыну, тазалану, әсіресе түзге отырғаннан кейін тазалану.

¹⁷⁶ Мәсіх (арабша) — дәрет алғаннан кейін мәсінің үстінен сұлы қолмен сұрту.

¹⁷⁷ Саф (арабша) — таза, шынайы.

¹⁷⁸ Ағзалар (арабша) — мүшелер. Бұл жерде ирак диалекті бойынша ағда сөзі ағза деп айтылған.

¹⁷⁹ Мәкән исфат (арабша) — орнын бар деп түсіну, қабылдау. Жоғарыда Алла тағаланың мекенін бар деп қорытындылау.

¹⁸⁰ Ғарық (арабша) — бату, шому.

¹⁸¹ Қиям (арабша) — намаз оқығанда тұрегеп тұру.

қадірлігіне¹⁸² өзінің тажиздығына¹⁸³ ықрарының¹⁸⁴ беріктігін көрсеткен ишараты.

Қыблага қарамақ — кіршә, Құдай тағалаға ешбір орын мүмкін емес болса да, зиратын¹⁸⁵ парыз еткен орынға жүзін қаратып, сондағы дүғадай қабылдыққа жақын болар ма екен деген ишараты.

Онан соң қира' эт¹⁸⁶ яғни суралы Фатиха¹⁸⁷ оқисың, мұнда бірақ сөз үзарады. Ол Фатиха сұресінің мағыналарында көп сыр бар.

Руқұғ¹⁸⁸ бас ұрмақ — алдында Құда хазірге ұксас, ол да ишарат.

Сәжделер¹⁸⁹ — әуелі жерден жаралғанына ықрары, екіншісі — және жерге қайтпағына ықрары, бас көтермек және тіріліп, сұрау бермегіне ықрарының ишараты.

Қағадат ул-ахир¹⁹⁰ — дүғаның ақырында Аллаға тахият¹⁹¹, одан тәшәньүд¹⁹², одан салаут, пайғамбарымыз, саллаллауғалайын үәсәләмгे, айтпақ үшін ең ақырғы сәлемменен таусысасыз, яғни Алла тағаладан не тілеп дүға қылдыңыз. Ол дүға қазинасы күллі мұсылмандарды ортақтастырып, оларға да сәләмәтшілік тілеп қамтамасыз.

Жә, бұл сөзден не ғибрәтлендік?

¹⁸² Қадір (арабша) — құдірет, құшті, қадірлі.

¹⁸³ Фажиз (арабша) — әлсіздік. Бұл жерде басқаша да аударуға болады.

Мысалы, ығжаз — қол жетпейтін ерекше құш.

¹⁸⁴ Ықрап (арабша) — мойындау, түсіну.

¹⁸⁵ Зират (арабша) — бару, қажыға бару, бұл жерде Мекке, Медине деген мағынада.

¹⁸⁶ Қира эт (арабша) — оқу.

¹⁸⁷ Сараын фатиха (арабша) — фатиха сұресі. (Фатиха құранның бірінші сұресі).

¹⁸⁸ Руқұғ (арабша) — намаз оқығанда тізеге қол қойып еңкею, тізе бұгу.

¹⁸⁹ Сәжде (арабша) — намаз оқығанда маңдайын жерге тигізу.

¹⁹⁰ Қағадат-ул-ахир (арабша) — намаз бітерде соңғы отыру.

¹⁹¹ Тахият (арабша) — сәлемдесу, құтықтау.

¹⁹² Тәшәньүд (арабша) — күәлік беру. Бұл жерде құдайға құлшылық етудің соңғы сөзін айту.

ОТЫЗ ТОҒЫЗЫНШЫ СӨЗ

Рас, бұрынғы біздің ата-бабаларымыздың бұл замандағылардан білімі, күтімі, сыпайылығы, тазалығы төмен болған. Бірақ бұл замандағылардан артық екі мінезі бар екен. Ендігі жүрт ата-бабаларымыздың мінді ісін бір-бірлеп тастан келеміз, әлгі екі ғана тәуір ісін біржола жоғалтып алдық. Осы күнгілер өзге мінезге осы өрмелеп ілгері бара жатқанына қарай сол аталарымыздың екі ғана тәуір мінезін жоғалтпай тұрсақ, біз де ел қатарына кірер едік.

Сол екі мінез жоқ болған соң, әлгі үйренген өнеріміздің бәрі де адамшылыққа ұқсамайды, шайтандыққа тартып барады. Жүрттықтан кетіп бара жатқанымыздың бір үлкен себебі сол көрінеді.

Ол екі мінезі қайсы десең, әуелі — ол заманда ел басы, топ басы деген кісілер болады екен. Көш-қонды болса, даужанжалды болса, билік соларда болады екен. Өзге қара жүрт жақсы-жаман өздерінің шаруасымен жүре береді екен. Ол ел басы мен топ басылары қалай қылса, қалай бітірсе, халық та оны сынамақ, бірден бірге жүргізбек болмайды екен. «Қой асығын қолыңа ал, қолайыңа жақса, сақа қой», «Бас-басына би болсаң, манар тауга сыймассың, басалқаңыз бар болса, жанган отқа құймессің» деп мақал айтып, тілеу қылыш, екі тізгін, бір шылбырды бердік саған, берген соң, қайтып бұзылмақ түгіл, жетпегеніңді жетілтемін деп, жамандығын жасырып, жақсылығын асырамын деп тырысады екен. Оны зор тұтып,

әулие тұтыншының сөзінде олар да көп азбайды екен. Бәрі өз бауыры, бәрі өз малы болған соң, шыныменен жетесінде жоқ болмаса, солардың қамын жемей қайтеді?

Екінші мінезі — намысшыл келеді екен. Ат аталаң аруақ шақырылған жерде ағайынға өкпе, араздыққа қарамайды екен, жанын салысады екен. «Өзіне ар тұтқан жаттан зар тұтады» деп, «Аз араздықты құған көп пайдасын кетірер» деп, «Ағайынның азары болса да, безері болмайды», «Алтау ала болса, ауыздығы кетеді, төртеу түгел болса, төбедегі келеді» десіп, «Жол құған қазынаға жолығар, дау құған пәлеге жолығар» десіп.

Кәнеки, енді осы екі мінез қайда бар?

Бұлар да арлылық, намыстылық, табандылықтан келеді.

Бұлардан айырылдық.

Ендігілердің достығы — пейіл емес, алдау, дүшпандығы — кейіс емес, не қүндестік, не тыныш отыра алмағандық.

ҚЫРҚЫНШЫ СӨЗ

Зинъар¹, сендерден бір сұрайын деп жүрген ісім бар.

Осы, біздің қазақтың өлген кісісінде жаманы жоқ, тірі кісісінің жамандаудан аманы жоқ болатүғыны қалай?

Қайраты қайтқан шал мен жастың бәрі бітім қылады, шалдар өзді-өзі көп құрбыдан айрылып азайып отырса да, біріменен бірінің бітім қылмайтүғыны қалай?

Бір елдің ішінде жамағайынды кісі бірге тұғандай көріп, іші елжіреп жақсы көріп тұрып, елеу келсе, әрі-беріден соң қайта қашқандай қылатүғыны қалай?

Жаттың бір тәуір кісісін көрсе, «жарықтық» деп жалбырап қалып, мақтай қалып, өз елінде сонан артық адам болса да танымайтүғыны қалай?

Бір жолаушы алыс жерге барса, барған еліне өз елін мақтайдын деп өтірікті сыйап-сыбап, қайтып келген соң сол барған, көрген елін, жерін мақтап, өтірікті сыйбайтүғыны қалай?

Қай қазақты көрсем де, баласы жасырақ болса, оның басынан пәрмене болып жүріп, ержеткен соң сүңқ тартатүғыны қалай?

Біреудің ағайыны торқалы той, топырақты өлімде, адалдық берекеде алысуға табылмай, барымта алалық, ұрлалық десе, табыла қоятыны қалай?

¹ Зинъар (парсыша) — абайла, байқа.

Бәйгеге ат қоссан, атыңды тартыснайтұғын ағайын, атың келсе, бәйгесіне өкпелейтұғыны қалай?

Баяғыда біреу біреуді пәлен жасымда жарықтық атым арып келе жатқанда пәлен жерге жеткізіп салып еді деп, соны өлгенше айта жүруші еді. Осы күнде бұл жылғы берген ендігі жылға жарамайтұғыны қалай?

Байдың баласы кедей болса, ұрлық қылуға арланбайды, байға кірісуге арланатұғыны қалай?

Екі жақсы бір елде сүйіскен достығында тұра алыспайды. Кейбір антүрғандардың тым-ақ тату бола қалатыны қалай?

Біреуді досым деп ат беріп жүрсөң, оған сениң бір дүшпаның келіп бір тай берсе, бұзыла қалатыны қалай?

Күнде тілін алатұғын достан кейде бір тіл ала қойған дүшпанға кісінің өле жаздайтұғыны қалай?

Көп кісі досым жетілсе еken демейді, егер де жетілсе, бағанағы досына бір бітімі жоқ дүшпан — сол болатұғыны қалай?

Кей жұрт ақыл айтарлық кісіні ізден таба алмайды. Қылышының қылышыны танитұғын кісіден қашық жүретұғыны қалай?

Біреу біреудікіне келгенде үйіндегі малының бәрін де айдал келіп, өз үйіне кісі барғанда бар малын далага айдал жіберетұғыны қалай?

Тыныштық ізден таба алмай жүрген жұрт тыныштық көрсө, сәтке тұрмай тыныштықтан жалыға қалатұғыны қалай?

Елді пысық билегені несі? Пысықтың бәрі кедей келетұғыны несі?

Тоқал қатын өр келетұғыны несі? Кеселді кісі ер келетұғыны несі? Кедей кісінің кер келетұғыны несі?

Нәпсісін тыйып, бойын тоқтатқан кісінің жаман атанип, нәпсісі билеп, мақтанға еріп, пәле шығарған кісі мықты атанатұғыны несі?

Қазақтың шын сөзге нанбай, құлақ та қоймай, тыңдауға қолы да тимей, пәлелі сөзге, отірікке сүттей үйіп, бар шаруасы судай ақса да, соны әбден естіп үқпай тынбайтұғыны қалай?

ҚЫРЫҚ БІРІНШІ СӨЗ

Қазаққа ақыл берем, түзеймін деп қам жеген адамға екі нәрсе керек.

Әуелі — бек зор өкімет, жарлық қолында бар кісі керек. Үлкендерін қорқытып, жас балаларын еріксіз қолдарынан алып, медреселерге беріп, бірін ол жол, бірін бұл жолға салу керек, дүниеде көп есепсіз Ғылымның жолдары бар, әрбір жолда үйретушілерге беріп сен бұл жолды үйрен, сен ол жолды үйрен деп жолға салып, мұндағы халыққа шығынын төletіп жіберсе, хәтта қыздарды да ең болмаса мұсылман ғылымына жіберсе, жақсы дін танырлық қылып үйретсе, сонда сол жастар жетіп, бұл аталары қартайып сөзден қалғанда түзелсе болар еді.

Екінші — ол адам есепсіз бай боларға керек. Аталарын паралап, балаларын алып, бастапқы айтқандай жолға салып, тағлым берсе, сонда түзелер еді.

Енді мұндай халықты еріксіз қорқытып көндірерлік күш-қуат ешкімге бітпейді. Ол баланы қазақтың бәрін паралап көндірерлік дәulet бір кісіге бітуге мүмкін де емес.

Қазақты я қорқытпай, я параламай, ақылменен не жырлап, не сырлап айтқанменен ешнәрсеге көндіру мүмкін де емес.

Етінен өткен, сүйегіне жеткен, атадан мирас алған, ананың сүтіменен біткен надандық әлдеқашан адамшылықтан кетірген.

Өздерінің ырбаңы бар ма, пыш-пышы бар ма, гуілдегі бар ма, дүрілдегі бар ма — сонысынан дүниеде ешбір қызықты нәрсе бар деп ойламайды, ойласа да бұрыла алмайды, егер сөз айтсаң, түгел тыңдал тұра алмайды, не көнілі, не көзі алаңдал отырады.

Енді не қылдық, не болдық!

ҚЫРЫҚ ЕКІНШІ СӨЗ

Қазақтың жаманшылыққа үйір бола беретүгініның бір себебі — жұмысының жоқтығы. Егер егін салса, я саудаға салынса, қолы тиер ме еді? Ол ауылдан бұл ауылға, біреуден бір жылқының майын сұрап мініп, тамақ асырап, болмаса сөз аңдып, құлық, сұмдықпенен адам аздырмақ үшін, яки азғырушылардың кеңесіне кірмек үшін, пайдасыз, жұмыссыз қандырып жүргүге құмар. Дүниелік керек болса, адал еңбекке салынып алған кісі ондай жүрісті иттей қорлық көрмей ме? Өзінің кәсібін тастап, кезегендікке салына ма?

Малдылар малын өңкей малыштарға, бала-шағара тапсырып, қолдағы құдай берген азды-көпті дәулеті қызықсыз көрініп, оның ұры-бөріге жем болып, қарға-жарға ұшырауына шыдайды. «Пыш-пыш» кеңестен қалып, бір ауылға барып, құлық, сұмдық жасап жүріп, тегін тамақ жеп, ыржандасуды қысыратуға шыдамайды.

Не үшін десең, халыққа әдет жол болған соң, шаруага пысық, мал бағуға, мал табуға пысық ол өнерлі кісіге қосылмайды, я өзі пәле шығаруға пысық, я сондайлардың сөзін «естігенім», «білгенім» деп елге жайып жүріп, ырбандауға пысық өнерлілерге қосылғандай көрінеді.

Сол үшін осы күнгі қазақтың іске жараймын дегені өзінің азды-көптісін біреуге қоса салып, «көре жүр, көздей жүр» деп басын босатып алып, сөз аңдып, тамақ аңдып, ел кезуге салынады.

Бұл күндегіге байлық та мақтан емес, ақыл, абұйыр да мақтан емес, арыз бере білу, алдай білу — мақтан. Бұл екеуі қолынан келген кісі салт атты, сабау қамшылы кедей де болса, аз да болса орыны төрде, майлыш атқа, майлыш еткес қолы жетеді. Желекпелеу, мақтаншақ байларды: «Сіз айтсаныз, отқа түсуге бармын» деп желдендіріп алып, шаруасын қылмай-ақ, малын бақпай-ақ, содан алыш киімін бүтейтіп киіп, тәуір атын мініп алып, қатарлы бір құрметке жетіп жүре береді.

Ол бай өз тыныштығын да білмейді, бос шығынданғанын да ескермейді. Бір кісімен сөйлессе, «Мұны қайтеміз?» деп бағанағы антүрганмен ақылдасады. Ол сиырдың жорғасы секілденіп, қарайғанда жалғыз өзім болсам екен дейтүғын ниетімен және де ақылдасып досы көбейсе, қадірім кетіп қалады деп ойладап: «Ой, тәңір-ай, соны білмей тұрсыз ба? Ол ана қулық қой, бұл мына қулық қой деп, оған бүйдей салсаң болмай ма?» деп бар оңбаган жауапты үйретіп, амалшылықтың жолын үйретем деп, ол байдың өзін кісіге сенбейтүғын қылады. Және байдың өзіне де адам сенбейтүғын болады. Байдың өз жауабы, өз мінезі оңбай тұрган соң, бағанағы кісі бұзылса, әлгі антүрган бағанағы байға: «Мен айтпап па едім, онықі қулық сөз деп, міне көрдің бе?» — деп, екіншіде тырп етпейтүғын қылыш алады.

Ендігі жүрттың ақылы да, тілеуі де, харекеті де — осы.

ҚЫРЫҚ ҮШІНШІ СӨЗ

Адам ұғылы екі нәрседен: бірі — тән, бірі — жан. Ол екеуінің орталарында болған нәрселердің қайсысы жибили¹, қайсысы қәсиби² — оны білмек керек.

Ішсем, жесем демектің басы — жибили, үйқтамақ та соған ұқсайды. Аз ба, көп пе, білсем екен, көрсем екен деген арзу³ бұлардың да басы — жибили. Ақыл, ғылым — бұлар қәсиби. Қөзбенен көріп, құлақпен естіп, қолмен ұстап, тілмен татып, мұрынмен иіскең, тыстағы дүниеден хабар алады. Ол хабарлардың ұнамдысы ұнамды қалпыменен, ұнамсызы ұнамсыз қалпыменен, әрнешік өз суретіменен көңілге түседі. Ол көңілге түсіруші бағанағы бес нәрседен өткен соң, оларды жайғастырып көңілде суреттемек. Ол — жанның жибили қуаты дүр. Бір ұмытпастық жақсы нәрседен көңілге жақсы әсер хасил⁴ болып, жаман нәрседен көңілге жаман әсер хасил болу секілді нәрселер. Бұл қуаттар әуелде кішкене ғана болады. Ескеріп бақсан адам үлкейтіп, үлгайтып, ол қуаттардың қуатын зорайтады. Ескерусіз қалса, ол қуаттың қайсысы болса да жоғалады, тіпті жоғалмаса да, аз-маз нәрсе болмаса, үлкен ешиңдерге жарамайтын болады.

Кімде-кім сырттан естіп білу, көріп, білу секілді нәрселерді көбейтіп алса, ол — көп жиғаны бар адам: сынап, орындысынын,

¹ Жибили (арабша) — тұа біткен қасиет.

² Қәсиби (арабша) — жинақталған, еңбекпен табылған.

³ Арзу (арабша) — тілек, мақсат.

⁴ Хасил (арабша) — нәтиже, қорытынды.

орынсызын — бәрін де бағанағы жиған нәрселерінен есеп қылышп, қарап табады. Бұлай етіп бұл харекетке түсінген адамды ақылды дейміз.

«Құдай тағала өзі ақыл бермеген соң, қайтейік?» демек, «Құдай тағала сеніменен мені бірдей жаратып па?» демек — Құдай тағалаға жала жауып, өзін құтқармақ болғандығы.

Бұл — ойсыз, өнерсіз наған адамның ісі. Оған Құдай тағала көрме, есітпе, көрген, естіген нәрседі ескерме, есіңе сақтама деп пе? Ойын-құлқімен, ішпек-жемек, үйықтамақпен, мақтанмен әуре бол да, ішіндегі қазынаңды жоғалтып, хайуан бол деген жоқ.

Кейбіреулер айтады: «Ақыл жибили болмаса да, талап — жибили.

Талап берген адам ақылды тапты, талабы жоқ кісі таба алмады», — дейді. О да бекер. Талап балада да бар, оған талас қылуга болмайды. Бағана айттық қой, жан қуаты басында кішкене болады, ескермесе жоғалып та кетеді, ескерсе, күтіп айналдыrsa, зораяды деп. Жан қуатыменен адам хасил қылған өнерлері де күнде тексерсең, күнде асады. Көп заман тексермесең, тауып алған өнеріңнің жоғалғандығын және өзіңнің ол мезгілдегіден бір басқа адам болып кеткенінді білмей қаласың. Қай жоғалған өнер: «ал, мен жоғалдым» деп, хабар беріп жоғалады. Енді қусаң, бағанағы әуелгі табуынан қынырық тиеді.

Жан қуаты дейтуғын қуат — бек көп нәрсе, бәрін мұнда жазарға уақыт сыйғызбайды. Бірақ әрбір өнердің тыстан тауып алып, ішке салғанын, соның тамырын берік ұстап тұруға жараушы еді. Көп заман ескермеген адамнан ол бағанағы өнердің өзінің ең қызықты, қымбатты жерлері жоғала бастайды. Оナン соң көп заман отсе, сол өнерді сақтайтұғын қуаттың өзі де жоғалады. ОНАН соң қайта кәсіп қылуга болмайды.

Бұл қуаттың ішінде үш артық қуат бар, зинъар, соны жоғалтып алу жарамас, ол жоғалса, адам үгілды хайуан болды, адамшылықтан шықты.

Біреуі орысша — «подвижной элемент» деп аталады. Ол не пәрсе? Не көрдің, не есіттің, әрнешік білдің, соны тездікпенен үғып, үққандықпенен тұрмай, арты қайдан шығады, алды қайда барады, сол екі жағына да ақылды жіберіп қарамаққа тез қозғап

жібереді. Егер бұл болмаса, көп білуге көп оқу онды пайда да бермейді. Керекті уақытында ойламай, керекті уақытында қылмай, керекті уақытында айтпай, дәйім уақытынан кеш қалып, «әй, эттеген-ай! үйтуім екен, бүйтуім екен» деп, өмір бойы ғафил болып-ақ отырғаның.

Біреуін орысша «сила притягательная однородного» дейді. Ол — бір нәрсені естіп, көріп білдің, хош келді, қазір соған ұқсағандарды тексересің. Түгел ұқсаған ба? Яки бір ғана жерден ұқсағандығы бар ма? Әрнешік сол іске бір келіскен жері бар нәрселердің бәрін ойладап, білгенін тексеріп, білмегенін сұрап, оқып, бөтеннен хабарланып білмей, тыныштыпайды.

Үшіншісі, орысша «впечатлительность сердца» дейді, яғни жүректі мақтаншақтық, пайдакұнемдік, жеңілдік, салғырттық — бұл төрт нәрсе бірлән кірлетпей таза сақтаса, сонда сырттан ішке барған әр нәрсенің суреті жүректің айнасына анық рәушан болып түседі. Ондай нәрсе тұла бойыңа жайылады, тез ұмыттырмайды. Егер де бағанағы төрт нәрсемен жүректі кірлетіп алсаң, жүректің айнасы бұзылады, я қисық, я құңгірт көрсетеді. Енді ондай нәрседен онды ұғым болмайды.

Әрнешік тән қуатыменен сырттан тауыш, сырттан сақтайсыз, оның аты дәулет еді. Оның да неше түрлі кеселі, кесепаты бар нәрселерін білмесең, сақтай алмаушы едің ғой. Соған ұқсаған іштегі жан қуатыменен жиған нәрсенің аты ақыл, ғылым еді ғой. Оның да неше түрлі кеселі, кесепаты тиер нәрселері бар. Оны білмесең, бақпасаң — айрыласың. Және әрбір жақсы нәрсенің өлшеуі бар, өлшеуінен асса — жарамайды. Өлшеуін білмек — бір ұлken керек іс. Ойланбақ жақсы, іске тіпті салынып кеткен кісі ойын байлай алмай, қияли болып та кеткені болады. Ішпек, жемек, кимек, күлмек, көңіл көтермек, құшпақ, сұймек, мал жимақ, мансап іздемек, айлалы болмақ, алданbastық — бұл нәрселердің бәрінің де өлшеуі бар. Өлшеуінен асырса, боғы шығады.

«Нениң қызығын көп іздесең, соның қүйігін бір тартасың» деген. Баз махфи олмая⁵ ол, мен айтқан үш қуаттың ішінде екеуі, яғни «сила притягательная однородного» бірлән «подвижной

⁵ Баз махфи олмая (арабша-парсыша) — ашық болу, қупия болмау.

элемент» — бұл екеуі қосылып тұра түрған нәрсе, күллі пайда да бұлардан шығады, уа құллі зарар да бұлардан шығады. Мансап сүйгіштік, мақтаншақтық, ашуланшақтық, өтірікшілік, осыған үқсаған әрбір маскунемдікке тартып, құмар қылып, ақылдан шығарып жіберетүғын нәрселер осы екеуінен болады. Бұларды түбегейлеткенде жақсы нәрселерді түбегейлетіп, жаман нәрселерден, яғни жоғарғы айтылмыш секілді адамшылықтан шығарып, құмарпаздыққа салып жіберетүғын нәрседен бойды ерте тыйып алуға керек.

Пайда, залалды айыратүғын қуаттың аты ақыл едіғой. Бір ақыл қуаты бірлән мұны тоқтатып болмайды. Һәм ақыл, һәм қайрат — екі мықты қуат қосылып тоқтатады. Ол екеуі кімде бар болса, бағанағы екі қуаттың екеуі де аз болса, яки бірі бар, бірі жоқ болса, бағанағы екі қуаттар — бір басы қатты асаят, жүгенсіз тауға ұра ма, тасқа ұра ма, суға ұра ма, жарға ұра ма — Құдай білсін, әйтеуір, жолда көрген есті, ақылы дұрыс адамдар әлі сұрамай да қалады.

Сенде ерік жоқ. Екі етек жайылып, екі көзің аспанда, масқара болып кеткенің өлгеніңше.

ҚЫРЫҚ ТӨРТІНШІ СӨЗ

Адам баласының ең жаманы — талапсыз.

Талап қылышылар да неше түрлі болады. Ңәм талаптың өзі де түрлі-түрлі. Ңәм сол талаптардың қайсысының соңына түссе де, бірінен бірі өнерлі, тұрлаулырақ келеді. Үа, ләкин адам баласы я талапты, я талапсыз болсын, әйтеуір «бәрекелдіні» керек қылмайтұғыны болмайды. Әрнешік, орынсыз ба, орынды ма, «бәрекелді» деушіні көңіл ізден тұрады.

Адам баласы өзі қай жолда, қай майданда жүрсе, сол майдандағы кісімен сырлас болады. Оның үшін өзге жолдағылардан «бәрекелдіні» онды күтпейді. Маган «бәрекелді» десе, осы өзімменен серіктес, сырлас осылар «бәрекелді» дер дейді.

Талаптың ішінде адам баласы көбінесе басына қадір ізден, сол талапта болады. Біреу мал қуып жатыр. Сараңдықпен, арамдықпен, әйтеуір мал тапсан, «мал тапқан ердің жазығы жоқ» дейтұғын, «малдының беті жарық» дейтұғын мақалға сеніп, халықтың түріне қараї, ит те болса, малдыны сөге алмайды деп, бұл мал ңәм пайда, ңәм қасиет болады бойыма дейді. Мұнысы рас, қазақтың өз құлқына қарағанда. Бірақ адамдыққа, ақылға қарағанда, қазақ түгіл, көңіл жиіркенетұғын іс.

Осыған орай біреу ер атанамын, біреу қажеке атанамын, біреу молдеке атанамын, біреулер білгіш, қу, сүм атанамын деп, сол харекетте жүр. Әрқайсысы қазаққа яки бірі бар, бірі жоқ болса, бағанағы екі бұлдамақ та болып, басына «осыным бір

сыпыра елеу азық болар» деген талаппенен қылыш жүр.

Мұнысы қазақтың тамырын ұстап-ұстап қарайды дағы, «мынаны алып келіп берсе, қымбат алғандай екен, осы күнде мына бір істің біраз пұлы бар екен» деп, қазақтың өз бетінен оқып, ізденген талап болмаса, кітап бетінен оқып іздеген талап емес.

Оның үшін кітап сөзіменен ізденген талап болса, әуелі көкіректі тазалау керек дейді, онан соң ғибадат қыл дейді.

Қазақтың бетіне қарап, содан оқыған болсаң, ол талабыңды қыла бер, көкіректі тым тазалаймын деме, оны кім көріп жатыр, ішінде қатпар көп болмаса, күт-берекеге жағымды болмайды дейді.

Енді осыған қарап, қайдан оқып, біліп, ұмтылған талап екенін білерсің.

ҚЫРЫҚ БЕСІНШІ СӨЗ

Құдай табарака уатагаланың барлығының үлкен дәлелі — неше мың жылдан бері әркім әртүрлі қып сөйлесе де, бәрі де бір үлкен Құдай бар деп келгендігі, уа қәм неше мың түрлі діннің бәрі де ғаделет, махаббат құдайға лайықты дегендігі.

Біз жаратушы емес, жаратқан көлеңкесіне қарай білетүғын пәндеміз. Сол махаббат пен ғаделетке қарай тартпақпызы, сол Алланың хикметін біреуден біреу анығырақ сезбекпен артылады.

Нандым, сендім демек нандырамын, сендіремін деген емес.


Адамшылықтың алды — махаббат, ғаделет, сезім.

Бұлардың керек емес жері жоқ, кіріспейтүғын да жері жоқ. Ол — жаратқан Тәңірінің ісі. Айғыр биеге ие болмақта да махаббат пен сезім бар.

Бұл ғаделет, махаббат, сезім кімде көбірек болса, сол кісі — ғалым, сол — ғақил.

Біз жанымыздан ғылым шығара алмаймыз, жаралып, жасалып қойған нәрселерді сезбекпіз, көзбен көріп, ақылмен біліп.





БІРАЗ СӨЗ
ҚАЗАҚТЫҢ ТУБІ
ҚАЙДАН ШЫҚҚАНЫ
ТУРАЛЫ

Е

сте жоқ ескі мезгілде, монголдан бір татар аталған халық бөлінген екен. Қытайлар «татан» деп жазады, Асыл тұбі қазақтың сол татар. Осы күнде де қазақтың төре нәсілдері өзін, біз татармыз деп айтысады. Онысы біз келімсек емес, тұпсіз емес, таза тұқымбыз деген орынға айтылады, татардың кім екенін білгендігінен айтқаны емес.

Дін исламга кіре алмай қалған, осы күнде Күншығыс Сібірінде қазақтың ағайындары бар. Тілінен, әдетінен, түсінен туысқандығы анық көрініп тұр. Әсіреле, Енисейскі губернеде Минусинскі уезде «ясашынай татар» атында бір халық бар. Қазақты өздеріне ағайын тұтады дейді, және бір тұқымдас екендігіне көрген кісі таласпайды. Тағы еш қазақ, қыргыз берін қазақтың бір тұқымдас екеніне таласпайды. Сол қыргызды қытайлар «брют» деп атайды, өз тауарихларында оның себебін, неліктен қытайлар «брют» дегенін еш білдім дегенді көрmedім.

Біздің қазақтар Бийскідегі, Кузнецкідегі қалмақтарды «білеут»

дейді. Менің ойым: осы «білеут», «брот» бір сөзден шыққан деймін, о да қыргыздың нәсілі болмағы таң емес. Ол татарлар ұрысшыл, аңшыл, не болса соны киіп, не табылса, соны ішіп-жеп жүрген бір тұрпайы халық екен. Олардың орны Енисей, Аңқара суының бас жағында болыпты. Солардан аңшылар жыл жүріп, екі жыл жүріп қайтатұғын әдеттері бар екен. Сол аңшылардың естіген, көрген хабарымен бұрын көрмеген жерге, болмаған мақтау айтылатұғын әдетіменен қысы аз, жазы көп дегенде әуелден өздері жер шаруасы қылмай, мал сақтаушы халық болған соң «мал сақтауға жақсы жерге барамыз» деп, бұл жаққа қарай неше мәртебе халқы шығыпты. Соның бірі біздің қазақ екен. Қай-қай жерменен келгендігі, қанша жылда келгендігі маглұм емес. Әйттеір, Алатаудың бектеріне келіп, мекендейп тоқтапты.

Аргы жер бұрыннан ұйғыр нәсілді халықтың орнығып, иеленген жері болып, онаң әрі бара алмапты. Ол ұйғыр халқының ханы өзіне қараган халықты есептеп жүріпті. Бұлар қарадық десе де, ішінен дүниппан болып жүріпті. Әуелден өзін өзі билеп, азаттықпен жүрген халық, біротала біреуге бағынбақты ауыр көріпті. Тұбінде олар да маңғұл нәсілді болса да, бұларға жат көрініпті. Сол уақыттарда арабтан бұл Орта Азияга дін исламды үйретушілер көп әскермен келіп, халықты жаңа дінге қаратып жүргендерінде Құтайса атты кісі Қашқарға шейін келіп, халықты исламға көндіргенде, бұлар да мұсылман болдық депті. Сөйтсе де, бұрыннан бақсы-балгерге иланып, отқа-шыраққа табынатын әдеттері мен исламға тез түсініп кете алмапты. Ол кезде шала-пұла хат таныған кісі болса — оны «абыз» дейді екен. Ол «абыз демек әуелде шаман дініндегілердің өз молдасына қоятын аты екен. Дүниеде не нәрсенің, себебіне көзі жетпесе, сол нәрсені Құдай қылып тұр деп, дін тұтынатұғын әдеттерінің сарқынын біз де кей жерде көргеніміз бар: келін тұскенде ұлken үйдің отына май құйып, «От ана, май ана, жарылқа!» дегізіп, бас ұрғызыған секілді, «өлген аруаққа ариадық» деп шырақ жаққан секілді, жазғытұрым, әуел бұл құрқірегенде, қатындар көмішімен үйдің сыртынан ұрып, «Сұт көп, комір аз» деген секілді. Бұған ұқсаган көп еді, құдайға шүкір, бұл күнде жоғалып бара жатқанға ұқсайды.

Сол араптар көшпелі халықтарды «хибай» деп, «хұзаги» деп атапты. «Хибай» дегені кигіз шатырмен жүруші деген екен. Хұзаги дегені өз жүртүндә және хұзаги деген көшпелі халқы бар екен, соған ұқсатып айтқан екен. Сол уақытының бір ханы көшіп келе жатқанда бұлардың тіркеулі түйесін көріп, «міне мыналар шынымен қазақ

екен» депті, әдейі қайтқан қазға ұқсайды-ақ еken деп. Сонымен бұлар өзін өзі де, өзге жұрттар да қазақ атап кетіпті, бұрын өздерін «ұлыс» дейді еken де жүре береді еken.

Ол күнде Наурыз деген жазғытұрым бір мейрамы болып, наурыздама қыламыз деп, той, тамаша қылады еken. Сол күнін «ұлыстың ұлы құні» дейді еken. Бұл күнде бұл сөз құрбан айтына айтылады, ол уақытта жаңа дінге кірген соң бір Бұхарадан басқа шаһарлардың да, жер-сулардың да, халықтың да бұрынғы аттарын бұзыпты. Сондықтан да болғанға ұқсайды. Әйттеуір соナン қазақ атальпты.

Бұл қазақ Алатау бектерінде жүргенде егін салмақ секілді, сауда қылмақ секілді шаруаларға да көршілерінен көріп айналысқан еken. Өздерін өздері: «Қоңыр қазақ, қара қазақпыш» дейтүғыны, «Қазақ байдың баласымыз» дегені сол уақыттагы ғана біраз момындықпен тұрған кезі болса керек.

Қыргызға қыргыз деп ұйғыр хандарының бірі ат қойса керек. Олардың атты әскерінің алдыменен жүретүшінін солар бол қыргыз атальпты. «Өлтірт, жогалт» яғни дүшшанды қырушы дегеннен қойылыпты. Ол уақытта жай жатқан момын қазақтың «Аруақ аттаған оңбайды», «Ер азығы мен борі азығы жолда болса керек» деп, «Аттанып барып жылқы алған, ат үстінен үйкі алған» деп, барымташыны мақтап, бұзылған кезі Шыңғыстан соң болса керек.

Қашан монғолдан Шыңғыс хан шыққанда, қазақтар құтты болсынға барыпты. Бірақ қай жерде барғаны маглұм емес, сүйтсе де осы Шыңғыс тауында, әскері Қарауыл озенінің бойында жатып, он екі рудан он екі кісі монғолдыға, өз заңы бойынша «хан» деген ұлкен биіктің басында, ақ киізге Шыңғысты отырғызып хан көтерген дейді. Тауының, Шыңғыс атальп, биігі хан аталақ себебі де сол болса керек.

Сол он екі кісінің бірі қазақтың Майқы би деген кісісі еken. «Түгел сөздің түбі бір, түп атасы — Майқы би» деген мақал болған. Майқы сол кісі еken. Шыңғыс аламандыққа аттанып, әскер тартып шыққанда әскерінің көбі татар еken дейді. Оның себебі ол маңғұл өздері, татардай, ассыздық, сусыздыққа, ыстық-сұыққа шыдамды болмаса керек. Қазақтың соғысқа жараптық адамы сол Шыңғыстың әскерінен қосылып, бұларды Шыңғыс Жошы деген ұлкен баласына билетіptі.

Әуелде Қөр ханды өлтіріп, ұйғыр жұртын алыпты, онаң соң, Азияның тереңіне шейін еріп барса керек. Себебі қазақта мақал болып қалған «Жылан жылы жылыс болды, жылқы жылы ұрыс болды, қой жылы зеңгер тоғыс болды» дегені, «Самарқаннның сар жолы,

Бұлақбайдың тар жолы» дегені — бәрі Шыңғыстың сапарын көрсеткен сөз. Бұланай деп Гималайды айтқаны ма, Үндүкеш тауы ма? Әйтеір, бір тауды айтқан сөз екен. «Бұланайдан үлкен тау болмас, бұланнан үлкен аң болмас» деген мақалынан мағлұм.

Сонан соң бұлар бұрынғы Алатауды қалдырып, Ташкент төңірегіндегі тауларды мекен қылса керек. Қайсысында қанша жүрген, қайсысында бұрын, қайсысында соң жүрген, анық мағлұм емес. Ол орынға келген соң, бұларды Шыңғыстың Шағатай деген баласының нәсілі билеп тұрыпты. Ол Шағатай нәсілінде үлкен ханы Ташкентте тұрып, бұларды бір інілері билейді екен. Сондагы билеген хандары, билері бұларды ешбір дұзу харекетке түсіндірмей, дәйім барымтамен мал қумақ, ауыл шаппақ, бірде үл ел, бірде ол елмен жауласпақ, қырыспақпен құн кешіп, еш шаруа, өнерге үйрене алмай, өздері кедей болған һәм өспеген. Бұгін біреуді өзі талап қырып келсе, ертең өзін біреуі талап қырып кете берген. «Ерше барып, итше қашып» жүріп малын, басын жаудан қорғаудың да мәнісін білмесе керек. Қазақтың бар қатты осе бастаганы құба қалмақтың жұрты бұзылған соң, осы Сарыарқаға орныққан соң гана болса керек. Одан бұрынғысы «Барып жаудан қыз әкеліп қатын қыларсың, я ағанды өлтіріп, женгенді аларсың» деген мақалынша ұқсайды.

Әмір-Темір нәсілінен Құмар Шаих баласы, белгілі Бабыр патшаның шешесіменен бір туысқан екі бауыры болған. Үлкені Ташкентке хан болыш, кішісі қазақты билеген. Бұлар Шағатай нәсілінен Юніс ханның балалары болған. Сол қазақты билегенінің аты Ахмет екен. Сол өз уақытында аттанысқа жааралық қазақтан үш жұз әскер шығарып, үш жұз басыға билетіпті. Әр жұздің, халқы өз ынтымағыменен бір туысқанға есеп болыпты. Қазақтың «Үш жұздің баласы» дейтүгіны сол.

Ахмет хан қазақты көп шауыпты, көп қырыпты. Қалмақ рахымсыздығына қарај «мынау бір алашы болды ғой» депті—жан алушы болды дегеннің орнына. Сондықтан ол кісі Алаша хан атанипты, «Бабыр нәма»¹ да солай жазылған. Сонан соң хан үл атты қалмақ қорыққаннан қойды ғой, енді сіздер шапқан уақытта, «алашы-алашы» деп ұран-сүрен салыңыз деп бұйырып, бұларға айғай салғанда көп жанның айғайымен «алаш-алаш» деп кетіпти. Сондықтан «Алаш

¹ XVI ғасырда (Үндістанда) ұлы моңғол патшалығын үйімдастырған сұлтан Бабырдың сол замандағы болған уақығаны жазумен қатар, өз өмірінде басынан кешікен әңгімені жазған шығармасының аты.

болғанда, Алаша хан болғанда, қалмаққа не қылмап едік» деп, алаш ұранды қазақ атанған себебі сол еken.

Бұлар Шагатай нәсіліне қарап жүргенде, Жошы нәсілі өзбек халқын билеп жүрген еken. Сол Жошының Сибан яки Шибан деген баласының тұқымынан бір белгілі Шайбақ деген хан шығып, Әмір-Темір тұқымынан Һират, Бұқар, Самарқан шаһарларын тартып алғып жүргенде, ақырында мұның алдынан Алаша хан, Ташкендегі Жәнке хан деген ағасымен қосылып, қалың әскермен шығып, Оратөбеде женіліп, ағайынды екеуі де бала-шагаларына дейін Шайбақ өлтіргенде, біздің қазақ біз әуелден өзбек жүртіменен аталас едік және де Шыңғыс хан тірі күнінде бізді Жошыға тапсырып еді, «сарт садағам, өзбек — өз ағам» деп, Шайбаққа қарап кетіпті.

Сол сөз осы күнге шейін мақал болып қалған. Сонан кейін бізді қайтып Шагатай тұқымы билеген емес. Онан соңғы біздің ханымыз, төреміз — бәрі де Жошы нәсілінен болып келген.

МУСІРӘЛІНІҢ ЕСТЕЛІГІ

1885 жылы Семей қаласына қарайтын Зайсан, Өскемен, Кереку (Павлодар), Семей ояздарының Семейден жетпіс (шақырым) километр Шар өзенінің бойында Қарамола деген жерде төрт ояз бас қосып, ақы және ел ортасындағы дауларын бітіретін (чрезвечайный) съезі болмақ болады, ол съезді басқаруга оязной (начальник) шықпақ болып, бір ай бұрын сол төрт ояз елді хабарлайды, әр ояз елге өз ортасынан болыс басына бір би сайлан алыш келуге бұйрық беріледі. Ел жиылмақ шамада Зайсан, Өскеменнің отыз-қырық билері келіп, Ақметкерей Рақыш Төлей баласының аулына түседі. Рақыш Семей оязына қарайтын керей, матаі, уақ сықылды рулярға қадірлі, әмірі жүріп тұрган кісі еді дейді, бұл үш ояздың билері бас қосып, біз осы съезді төрт болыс тобықтыны, оның басшысы Абайды төмендетіп, аяқ астымызға бір салайық, бұл тобықты аз болса да көнбейтін ауыл болды, оның Абай сияқты кісісін осы жылғы съезге кіргізбесек, қалған тобықтыны жөнге салып, малы-басын шабындыға ұшыратамыз, сондықтан бір бас, бір тас болайық деп баталасты (сөз байласты).

Тобықтыдан басқа үш ояздың билері біріккен соң Кереку оязының билеріне кісі жібереді, оларды да көмекке шақырады. Кереку билері айтады, біздің тобықтыда қол жетпей жүрген ақымыз жоқ, Абаймен бас араздығымыз да жоқ, сондықтан, біз екі жаққа да қосылмай жай тұрамыз, — дейді. Енді уәделескен ояздың билері Абайды жамандап, дүниен пәлені жауып, осы съезде ол болмаса еken, ел бұлдіреді, ұры ұстайды деп оязной (начальникке) барлық билер қол қойып, мер басып арыз береді. Бұл хабар елге жайылып, жүрт Абайдың бір сүрінетін кезі келді ғой десіп жатады, сол хабарды

тобықтылар да естіп, бұл істің, тубі қалай болады деп, Абайға келген соң, Абай: «Бара көрерміз, қорқып, қашып жатуға болмайды» деп атқа мініп, жолдағы біздің Байқадам — Сқақ деген екі тап ауылға кеп, билер мен Абайлар бөліне қонысты. Сонда тобықтының мамай деген табынан шыққан Байқөкше деген ақыны ерте оянып келіп, Абайға бүгін бір тұс көрдім деп, тұсін өлеңмен айтады.

Абайжан, бір тұс кердім бүгін тұнде,
 Көкке ұшып, шарыққа шықтың мұлде,
 Ақ киімің ұстіңде, боз атың бар,
 Аспанда шағылыстың барып құнге.
 Сонан соң жоғарылап тағы да ұштың,
 Ілдің де екі нәрсе жерге тұстің,
 Орнықтың биік тауға қондың-дағы,
 Әлеумет бәрін көрді болған істің.
 Жаныңда тәрт аққу кеп қонды тағы,
 Лық толған ақ сұңқарға екі жағы,
 Қасыңда шалмалылар келіп, екі,
 Сөйлесті мәжіліс қып олар тағы.
 Қол жайып шалмалылар бата берді,
 Осыны жамагаттың бәрі көрді,
 Үйқымнан оядым да ғажаптандым,
 Отырдым ойға келіп арлы-берлі.
 Тұсімнің қәлеті жок, олай-бұлай,
 Жорыдым өз тұсімді, өзім былай:
 Ақ киімің, астыңда боз ат болса,
 Ағартар тұқымыңды сенің құдай.
 Қекті құшсан, бақытың кекті шарпар,
 Ақылық осы жүрген жаннан артар.
 Экелген екі нәрсең ғылым-білім,
 Сөзінді естігеннің бойы балқыр.
 Құнге шағылыссан боларсың ай мен қундей,
 Арқа — ұранды қазаққа тегіс бірдей,
 Ақ сұңқардың жаныңда лық толғаны,
 Тұқымыңнан жан қалмас атқа мінбей.
 Тәрт аққу: Құнке, Ұлжан, Айғыз, Нұрганым аналарың
 Шалмалы: би Өскенбай, Кенгіrbай бабаларың.
 Шалмалының бата қып қол жайғаны
 Бақытыңнан құр қалмас балаларың.

Бұл жолы артылады тағы басың,
Күннен күнгө болады бағың басым.

Абай атына мінерде: «Әй, семіз кедей, мұнда келші,— деп, мені қасына шақырып алып: Сен атыңа мін де, Әлімханға бар, болып жатқан жұмысты өзі де естіп жатқан шығар, Абай съезге барамын, соны Әлекеңе айт деп жіберіп еді, де»,— деді. (Бұл әңгімені айтып отырған Мұсірәлі — ескіше Семей уезі, Шыңғыс пен керей, Қекен болысына қарайтын уақ Байқадам — Сапақ деген таптан шыққан заты кедей, пысық жігіт екен, жақсылардың қасын көбірек жағалап жүретін болса керек, оны Абай тәуір көріп, «семіз кедей» деп атқойыпты. — Ә.Ж.)

— Ендігі менің съезге баратынымды айт деп, жұмсап отырған кісісі Әлімхан деген,— дейді Мұсірәлі, — о да Қекен болысына қарайтын уақ қандар деген таптан шыққан, ел ағасы қадірлі ақсақал еді дейді. Атыма мініп мен Әлімханға жүріп кеттім, ал Абайлар съезд болғалы жатқан Қарамолага жүріп кетті. Мен келсем Әлімхан тыста дәрет алып отыр екен, сәлем берген соң: «Мұсірәлі, қайдан келесің?» — деп ұрады да, мен Абайдың сөзін айттым. Әлімхан баласын шақырып алды да: «Менің атымды алып келіп, ерттең қойышы,— деп, маган,— үйге жүр,— деп ертіп үйіне келді. Дайын тұрған шай іштік, артынан қымыз ішіп, қасына бір атшы ертіп алды да, Қарамола жаққа жүріп кеттік.

Съезге тіккен көп үйлерге келгенде, «Мұсірәлі, сен бұл үйлердің кімдікі екенін айырып білесің бе?» — деді. Мен: «Мынау алдымыздығы керей, матай Рақыштардікі, мынау үй тобықты Абайлардікі болса керек»,— деп, тігілген үйлердің жөнін айттым. Әлімхан Рақыштың үйіне қарап тұра тартты, Әлімханның келе жатқанын тобықтылар да коріп танығандай болды. Үй сыртына келгенде Рақыш та үйінен шығып, Әлімханға сәлем беріп, атын ұстап жалпылдаپ қалды, үйге келісімен қымыз әкеп, сапырып отырып, Рақыш сөз бастады: «Әлеке, әнеукүні-ақ кісі жіберіп едім, келе алмадыңыз, мұндағы жаман інілерің елдің басын қосып, шеттен келген Зайсан, Өскемен билерімен бatalасып, елді көбейтіп алдық, осы жолы тобықтыны жер қыламыз десіп отырмыз, тобықтының сенетін Абайын да оязга мор басып көрсетіп, билікке жарамайтын қып таstadtық, енді өзіңіз келдіңіз, мына көпті бастап ақсақалдық қылышыз,— деді.

Сонда Әлімхан отырып: «Жарайды, сендердің адам болғанда-рыңа қуанамын ғой, бірақ осы төрт болыс тобықтыдан басқа жауларың

бар ма?» — деді. Рақыш: «Жоқ, жалғыз-ақ тобықты гой», — деді.

Әлімхан: «Сендермен баталасып отырған Зайсан, Өскемен билері қара-кереі, мұрын, бәйжігіт, матай адамдары осы біздің елде қыстап қала ма, жоқ ез еліне қайта ма? — деді.

Рақыш: «Жоқ, бұл жақта неге қыстасын, еліне қайтады гой», — деді.

Әлімхан: «Осы біздің Сырдың бүйрекіндей аз ауылдан құралған кереі, уақ, матай, бәрі сол Зайсан, Өскемен жаққа көшे ме, осы отырған орнында қала ма?» — деді.

Рақыш: «О неге, көшеміз!» — деді. Сонда Әлімхан аз үндемей отырды да:

«Әй, Рақыш, біз бүгін ел жиып, бас құрап, төрт болыс тобықтыны төрт ояз елдің талауына саламыз, басты адамдарын айдатамыз, сонда малдан, бастан айрылған, шабыншылық көрген тобықтының қалғаны бір жаққа ауып кете ме, жоқ осы Шыңғыста отыра ма?» — дейді. Сонда Рақыш бұрынғыдай емес, қыпалаңдап, «Қайдан білейін, қайда барады дейсіз, отырады гой» — деп жан-жағына жалтақтан жауап берді.

— Жә, олай болса, біз төрт болыс тобықтыны төрт ояз елге талатып жіберіп, көмексіз қалсақ, айгайласақ Зайсан, Өскеменге даусымыз жетпесе, аш-жалаңаш, малынан-басынан айрылып қалған тобықты, аяқ астында аман-есен малы көп кереі, уақ, матай отырғанда, тамақты қайдан іздейді деп ойлайсың?» — деді.

Сонда Рақыш жағасын ұстал, «Астапыралла, Әлеке-ай, мен батаға кіріп қалып едім, қайтемін?» — деді. Әлімхан отырып: «Сен бұл сөзге тоқталсаң, батаға сені мен шет қылғызбай-ақ құтқарымын. Өзің баталасқан елдің басты адамдарын маган шақыртып бер, көз алдыңда батадан құтқарайын», — деді. Рақыш баласына пәленді, түгенді шақыр, Әлекең ақсақал келді де, тез келсін де, — деп, сабыры кетіп, сасқалақтан қалды. Аздан соң біз отырған үйге қырық-елу басты адамдар жиналып қалды. Келгендер Әлімханмен амандасып, жөнін айтысып жатыр. Жиналып болды дегенде Әлімхан сөз бастады:

«Жиылған қауым, сіздер мына біздің Рақыш мырзамен баталасып, дос-жолдас болыпсыздар, сондағы жауламақ болғандарыңыз төрт болыс тобықты болыпты. Рас, төрт ояз ел жабылса, төрт болыс елді женеді де, өшіккен елді талауға болады да, бірақ бұл съезд тарқайды, сіздер елдерінізге қайтасыздар, бұл қалған аз гана кереі, уақ, матай жаудың қолында қалады. Мал-басынан айрылған тобықты қарап тұра алмайды, сонда сіздер мына қалған елге не

көмек бересіздер? Жоқ, біз мал айдап олжага батып қайтайық, қалған досымыз күймесе жанып кетсін дейсіздер ме?» — дегенде жұрт: «Жоқ, Әлеке, біз олай демейміз, біздің тілегіміз тобықтының ұрыларынан көретін — жоғалтқан малдарымыз бар, соның, барына мал, жоғына күмән алсақ, соған сіздер көмек қылсаныздар дейміз. Біз жаны ашымайтын жау емеспіз, жауга сіздерді тастап мал табамыз деп айтпаймыз» — деседі. Әлімхан отырып:

«Олай болса, тобықтыдан барыңа мал, жоғыңа жанды әперетін мен, осы топтың билігін маған беріңдер, пәле-жала құмаңдар,— дегенде, жұрт бір ауыздан: «Әлеке, не қылсаныз да өзіңізге бердік, бізге пәленің керегі жоқ», — деседі.

Сонда Әлімхан: «Ал, қауым, бұл жолғы билікті маған берсеңдер, мен төбе билікке Абайды сайлаймын, Абай момын ақысы залымда кетсін демейді және тобықты бөтен елден болған бидің билігіне мал бермейді, зорлықпен алам десең ел бүлінеді, қөнсөңдер менің айтатынның осы, екі жаққа бірдей пайдалы бітімді табу Абайдан басқаның қолынан келмейді», — деді. Қөшпілік: «Әлеке, не қылсаныз өзіңіз біліңіз, қөндік», — дегенде, Рақыш түрегеліп, «Әлеке! Қөп сізге берген сөзін қайтып алмайды, бірақ төбе билікке Абайдың қасына бір би қоссақ деймін, жауапкер де тобықты, би де тобықты болған соң, ел ақысына толық қолы жете алмай қала ма, деп ойлаймын», — деді. Әлімхан:

— «Әй, Рақыш, қате айтасың, біздін, бұл жиылған төрт ояз елде Абайды сөзден ұтатын, заңнан ұтатын кісі бар ма? Абайға кісі қоссаң, өз ақынды өзің кетірген боласың да?» — деді. Өзге көп «Әлекем жөн айтады, Абайды сөзден, жолдан жеңемін деп кім шыгады, жалғыз-ақ істің артына Әлекен өзі не болса болады да», — десті.

«Ал, олай болса осы қауым түгел жүріңдер, Абайдың үйіне барайық», — деп Әлімхан орнынан түрғанда, жұрт ду тұрды. Мен жүгіріп барып атыма мініп, кісінің тасасымен Абайдың үйіне шаба жөнелдім. Қөптен бұрын келе-сала Абайға: «Әлекен, қөпті ертіп келе жатыр, сізді төбе би сайлайтын болды, шүйіншіні өзім алам», — деп сасқалақтап айтып жаттым.

«Семіз кедейім, жарайды, сыртқа шығайын, адам көп шыгар, үйге сыймас, сендер анау үйлердегі билерді де хабарландырыңдар, олар да сөздің ішінде болсын, барынша қымыз дайындаңдар» — деп кісілеріне тапсырма айтып, Абай сыртқа шықты.

Әлімхандар да келіп қалған екен, сәлемдесіп, амандастып жатыр, үйдің сыртына алқа-қотан болып отырысты. Әлімхан сөз бастады:

«Абай мырза, өзің де естіп жатқан шығарсың, мына Зайсан, Өскеменнен келген ағайындар біздің Рақыш мырзага келіп, тобықтыда қолымыз жетпей жүрген ақымыз-дауымыз бар, найман, керей, уақтың, баласы едік, бізге жолдас бол, көмек қыл деген соң, бастарын қосып баталасып, сіздің елмен жамандасып, жауласпақ болған екен, соның ішінде бізге қарсы тұрып қайрат қылатын Абай гой деп, тілдері жеткенше жамандап, ұлықта сені шаққан көрінеді. Үйде жатыр едім, ел бүлінуге айналды дегенді естіп, шыдай алмай атқа мініп, ағайындарға келіп едім, мен әдейі ақ сақалыммен келген соң осы отырған үш ояз елдің ақсақал-қарасақалы сөзді, билікті маған берді. Мына мен әкеліп саған беремін. Сені Құнекем аруагына берем», — деді. Сонда Абай тұрғып:

«Әлеke, сіз сықылды ағаның бергенін аламын, бірақ, «Жаңылмас жақ болмайды, сүрінбес ат болмайды» деген мақал бар гой, мен серке боп көпті бастасам, сіз қойшы боп сырттан бағып жүресіз, — деді. Сөз тоқтады, қауым енді тына Абай осы съезге тобе би болсын, берекелі бітіммен топ тарқасын, бұдан былай да елдіктерің кетпесін деп Әлімхан бата берді, көп қол жайып бата қылышты. Әлімхан ендігі сөз оязда қалды, осы жиылған қауым түгел оязга барын, елдің тоқтасқанын, Абайды төбе биге сайлаганымызды айтайың деп, барлығы съезге келген топты ертіп оядың, үйіне жүрісті.

Ел келген соң ояз тысқа шығып, жүрттың сөзін тыңдал болған соң: «Ибраһим Құнанбаев, сен мұнда кел», — деп қасына шақырып алғып, екеуі орысша сойлесіп кетеді. Жұрт ол күні үйді-үйіне тараң кетеді. Мен Әлімханға еріп Рақыштың тіккен үйіне кеттім. Ертең ел тұрған соң Әлімхан Абайдікіне барды, Абай:

«Әлеke, оязбен сойлестім, орыстың біздің қазақ дауы туралы шығарған заңы тұра келмейтінін айттым, ояз оған тоқтап, олай болса, сен қазақтың ғұрпына, әдетіне, тұрмысына лайықты заң шығарып жаз, осы съезге жиналған билерге, елге оқып бер, егер оларға ұнамағаны болса түзет, сол көптің ұнаган заңын мен бекітейін, бұдан былай қазақ ортасына белгілі заң болсын, — деді. Соны жазып жатырмын. Үш күнге шейін билер жиналмай үйлерінде отыра тұрмақ болды, ал ағайынша сөзді өзі бітім қыла берер, жаңа заңды жұрт ұнатқанин кейін ояз бекітеді» — деді. Сонымен айтқан күні ел түгел жиналғып, оядың алдына барды, Абай оядың үйінде екен, екеуі шықты. Абай қолынша ұстаган қағазын ашып оқыды, жұрт тыңдал тұрды, бірақ шығарған заңы 93 статья болған екен десті, сол жердегі жиылған көшілік бір ауыздан дұрыстап шуласты, ояз Ибраї Кунанбаевичтің заңы бекіді,

бұдан былай билер, осы заңмен билік айтсын, — деді. Мен сол айтылған заңның біразын ауызша ұфып алғып едім, хат білмеген соң жазып алмай, ұмытып қалыптын. Бар есімде қалғаны осы еді,— деп, Мұсірәлі екі статьясын ғана айтып берді.

1. Ұрының ұлаған малы көп болады, өз қолындағы малы елдің ақысына жетпейді, сонда малды кім төлеу керек, дегенде — бұрынғы орыс заңында, ұрының туысқаны тартсын дейтін, Абай заңында, ұрының малы жетпесе, ұрыға ат беруші, ұрлығын сүйеуші тартсын деген.

2. Байы өлген әйел, қалған әменгердің мұлкін алады, ала алмаса, біреуге сатса да ерікті деген бұрынғы заңның орнына Абай байы өлген әйел басы бос болсын, ол бұрын бір рет сатылған, жасау-жабдықпен келіп, қалың малды төлеген, сондықтан екінші рет сатылмасын,— деп Абай заң шығарған дейді.

Мұсірәлі ақсақал бұдан басқасын білмейді.

1939 жыл.

АБАЙДЫҢ ІНІСІ ХАЛИУЛЛАҒА ЖАЗҒАН ХАТЫ

Сізге, ардақты және құрметті, жақсы көретін аяулы ініміз **Халиулла мырзага**, бізден ағаңыз **Ибраһимнен дүгай сәлем** және барлық ата-аналарыңыздан, аға-іні, жеңгелеріңізден көптен-көп дүгай сәлемдер жолдадық.

Құдайға шүкір, осы күнде өзің көрген жандар тегіс сәлематтыз.

Сізben, бізге хат жазған Камаридден моллага көптен-көп сәлем дегейсіз.

Әрбір сізге дінқарындасы тұрғысынан қылған жақсылықтары **Алла-тагаладан қайтсын**, өзіне хат жазуга уақыт тар болды.

Аягөзге келген уақытта почта жүрерге асыруда екен, әртүрлі хаттарды да көрген соң, көңіліміз жай тапты.

Және сізге жол қаржыға отыз теңге жібердік.

Жаңа Семейге маглұм еткен уақытыңызда **Құдайтағала қаласа** ат тағайындармыз.

Тәтеді¹ білімнің қайнар бұлағын үйренгенің турасында бек куанып жатыр.

Әрқашан **Құдайтағалаға** сыйынып талап қыла көрсін дейді.

Хатыңыз тиісімен ешбір тоқтамайынша Аягөзге келіп осы хатты жаздық. Нардайым, таупықты, абыроілы ғұмырыңызды тілеп хат жазушы, ағаңыз **Ибраһим Құнанбай** ұлы деп білесіз.

Тағы да көп-көп сәлем.

1866 жылында, 8 марта.

¹ Тәте — Құнанбайға балаларының қойған аты.

1885 ЖЫЛЫ СЕМЕЙ ҚАЗАҚТАРЫ ҮШИН ҚЫЛМЫСТЫ ИСТЕРГЕ ҚАРСЫ ЗАҢ ЕРЕЖЕСІ (БҰЛ ЕРЕЖЕГЕ АБАЙ ҚОЛ ҚОЙҒАН)

Ескерту: Ереже қазақ та, көлемді болғандықтан тек кейбір бабтары тана үзінді ретінде қысқартылып берілді. Ереженің тілі сол кездегі кеңсе тілі — демек шала қазақ тілімен жазылғандықтан, қазіргі әдеби тілге аударылып басылды.

Семей облысының бес дуанының, барша халқының ортасынан сайланған адамдарының, 1885-ші жылы май айында Шар бойында Қарамола съезінде жасалған заң ережесі.

1 -баб.

Болыстың съездерде даулар ұлкендігіне, сомасына қарай бітіріледі. Төтенше съездерде ұлықтардың әмірі бойынша әрбір уезд өзді-өзі арасындағы дауларын кезектесіп бітіседі.

31-баб.

Байға тиген қатынды біреу алып қашса, яки қатын өзі қашқан кісісімен өз елінің съез билеріне тұра қайтарылады. Билер қатын мен байын жарастырады. Егерде байы өз қатынның қайтып алса, алып қашқан жігітten бір тоғыздан үш тоғызға шақты айып алынады. Егерде байы алмаймын десе қатын көніл қосқан кісісінде қалады. Бірақ алып қашушы адам бұрынғы құйеуінің төлеген қалың малын толық қайтарып береді, ал қатын мал-мұліктен құр қалады. Егерде біреудің айттырған жесірін алып қашса, алып қашушы кісі қыз әкесіне толық қалың малын төлейді. Егерде қыз әкесі жасау беруге ихтияр болмаса қыз жасаусыз қалады. Қыз әкесі бұрынғы

күйеуінен алған қалың малын қайтарып, үстіне бір тоғыздан үш тоғызға дейін айып береді.

33-баб

Ұрыс-төбелес шығарғандар билердің билігі бойынша ат-шапаннан үш тоғызға дейін жәбірленушінің пайдасына айып төлейді. Ұрыс-төбелестің басшысы өзге жолдастарынан көрі айыбын артығырақ төлейді. Бұзықтың шығарған адамдар өз болысының приговорменем немесе осы положение бойынша билердің билігімен ақшага яки тиісті абақтыға жазаланады.

35-баб

Суга кетіп бара жатқандарға, өрт уақытында, боранда немесе сол тәрізді апатқа ұшырагандарға көмек етпегендер бас тоғызбен айыпталады.

36-баб

Мал өлімін тоқтатпақ үшін жасалған үкім бойынша жәһат қылмагандар болыстың приговоры бойынша 3 теңге айыпқа жазаланады. Көрші елінде мал өлімі болған уақытта жәһат етпегендерге жаза көбейтеді. **Жеті қүннен бір айға шақты абақтыға бұйырылады.** Арық бұзғандар, көпір, құдық бұзғандарға немесе өзге біреудің өз еңбегімен жасаған заттарын бұзғандарға шығыннан басқа, ат-шапан айып бұйырылады немесе ақша бойынша 15 теңге толетеді.

40-баб

Ұрлыққа жәрдем еткен адамдар ұрымен бірдей жаза тартады. Бірақ дүре мен абақты ұрыға серік болған ауқатты кіслерге билікке көнбекен жағдайдаған кесіледі.

46-баб

Егер қалыңдығы өліп қалып, балдызы жездесіне бармаймын десе, алған қалың малын қыз әкесі күйеуіне қайтарады.

47-баб

Байы өлген жесір қатын сүйсе байының бір туысқан бауырына яки ағайынына тиеді, егерде сүймесе ихтияры өзінде.

51-баб

Егер байы өлген қатын, баласы жоқ болса да, бар болса да, байға тимей отырса, байынан қалған барша малға ие болып, өзі билеп тұрады.

52-баб

Сойыс, қонақ асы, қазақ рәсімінде бар; бермеген кісі бір ат-шапаннан бір түйеге шақты айыпты болады. Бірақ бұлардың ішінен керуен немесе тракті жол үстінде, жәрменкес қасында, қайық аузында, съез мекемесінде, қала қасында тұрушылар — шығарылады.

55-баб

Біреудің жерін жеген дауларды билер жер пәленшешінікі деген елубасылардың қуәлігіне қарай тексереді. Тексерген уақытында жерді билер өзі барып көреді, немесе сенімді кісінің қуәлігі бойынша жеген жердің сомасына қарай билік айтады. Жер иесінің шытығының қайтарып үстіне айып салады.

Конған ауылда қонақтың аты жоғалса ауыл күймейді, сенбесе ат иесі ауылдан шаригат алады.

63-баб

Қазнаға һәм даугер адамға кесілген айып өзге кісіден қүйдіріп алынбайды. Кескен адамның малы жоқ болса айып орына абақты бүйірылады.

ЖАН ЖАРАСЫ ЖАЗЫЛМАҒАН ОЙШЫЛ

*Абайдың 150 жылдызына.
Ақынның аргағына махабbat
hәм құрметпен бағыштадым.*

A

Қазақтар ең бір ұлы ұлын аялай ардақтап — Абай атаған. Абай — ұлы ақын, композитор, аудармашы, философ hәм қоғам қайраткері.

Абай — қазақ поэзиясындағы ең бір трагедиялық тұлға.

Ол жан жарасы жазылмай кеткен ойшыл.

Өзім де басқа шауып, төске өрлемдім,
Қазаққа қара сөзге дес бермелдім.
Еңбегінді білерлік еш адам жоқ,
Тұбінде тыныш жүргенді теріс көрмелдім.

Қазақ поэзиясын, Абай тұңғыш рет терең философиялық қуатты оймен суарды. Дешті қыпшақ даласына жаңа поэзия қамалын соғып, ой мен суреткерлік тогысқан кенен бұлақтың, тұнық көзін алғаш ашты. Абай есімімен қазақ топырағына философиялық және стилистикалық бағыттағы жаңа поэзия келді.

Поэтиканың басты қос бағыттынан, егіз тармагынан, қазақ поэзиясының шалқар көкжиегі анық көріне бастап еді.

Қазақ ортасында идеялық жаңа тыныстың қанаттануына Абайдай жан салған ойшыл кемде-кем, идеялық өрістің отын жағу үшін,

шоқтанып қалған халықтың сезім мен ұлттық дәстүрді жедел дамыту керек болды. Сонау XIX ғасырдың сонында сомдалған Абай жыры XX ғасырдағы реалистік поэзияның биік шыңына айналды.

Поэзияда еншісі бөлінбейтін, жаттықтан ада ірі тұлға бейнеленуі қажет. Абай қашанда халық жағында, ақынның ой алаңында — халық, өнердің алтын діңгегі, әлемдегі рухани байлықтың жалғыз қазынасы болып ерекшеленеді.

Ақын халқының фольклордағы образдың тұтастық қасиетін сырттан ғана қызықтаған жоқ. Абайдың ұлылығы халық поэзиясының образ әлеміне терең еніп, өмір, махабbat, өлім ұғымдарына гарыштық мағына беруінде жатыр.

Абай поэзиясының бояуы, нақышы, әдеби, философиялық ерекшелігі мен еркіндігі барған сайын кемелдене түсті. Абайдың оқып отырып, оның ұлан-ғайыр суреткерлік шеберлігіне таң қаласың; әндік қайырым, импрессионистік дәлдік, нәзік стиль, салмақты терендік, жан тебірентер әуен, ақын ыңғайына көніп жүре береді.

Абай поэзиясы сиқыр үн мен құпия сырғатұнып тұр. Абай өлеңі — қуатты жан тебіренісі, қайыспас жанкештілік және ішкі бостандық. Сонымен бірге, адам баласының басына түскен әділетсіздікке қарсы, ұят пен намысқа толы ақын үні гайыптан қосылып атойладап тұрып алады.

Ақын шығармашылығы шексіз қайғы мен жанталас қасіретке толы. Абай лирикасы адамның қапалы өміріне назаланған жан азасы. Адам бойындағы сезім, өмір мен өлімге шақ болуы керек, өйткені, өлімнің еншісі жаңа өмірмен ғана қайырылмақ.

Абай поэзиясы ой мен сезім әлемін еркін жетелеп, қазақтың тарихи тынысын да ғаламдың болмыстың тынысын да кең ашады. Оның мұнға тұнған әндері биік ақыл мен биік тазалыққа шақырады. Абайдың бойына біткен өнер қуаты көңілінді қыздырып, жаныңды жаңғыртады.

Ақынның ұлылығынан жаратылып, сомдалған суреткерлік әлем қазақ даласының тылсым қуатын танытады. Оның шығармашылығы тірліктің терең тамырынан үздіксіз нәр алған.

Ақын жаны, әлем әдебиетімен терең суарылғаны сонша, араб, парсы, орыс ақындарының мыңдаған жолдарын жатқа айтып отыратын болған. Абай ұлы ақын ретінде, әлем тынысын өз жүргегінен откізді, сонымен бірге, өз жан әлемін өз ішінен қорытып шығара алды. Сонан да оның шығармашылығы сыртқы әшекей мен жалған бояудан мұлде ада.

Абай өмір бойы сыртқы ортадан бойын жиып, тартынып қана қойған жоқ, феодализмнің зорлық пен зомбылтық жеңген қапас құрасуынан құтылуға жан салды. Жасында зер қойып, қанаттанған дала ақындарының бір сарынды дидактикалық қайталауларынан ойысып, дара шығып, тың образ беріп тың идея аясына ұмтылды. Бұл көне тіршіліктің ыңғайында қалған күндерінен жеріп, жаңаша қалыптасқан адамдық идеялар мен адамдық ойларға батыл бет бұрысы болатын.

Ақын ерекшелігі, өмірді, сүйіп-күюдің ордасы, немесе тағдырдың межелі бөлігі деп емес, ұзақ, құрделі құрес жолы деп ұғынуында. Өлең әлемінде мәңгі ғұмыр кешу үшін, айтулы жанкештілік керек. Поэтикалық жанкештілік қана сөз құдіретін сөндірмей, адамзат көшін ілгері бастай алады.

Абай өлеңі енді поэтикалық шарттыққа емес, ұстамды ой әлемінің толассыз көшіне ілесті. Бұл сөз қадірін биік деңгейге көтерді. Ақын шығармашылығының басты бағыты — адам мен ғарыштың, жан мен тіршіліктің тынымсыз бірлікте екенін ұғындыру болды. Абай өлеңдерінде рухани һәм тарихи құбылыстардың ажары терең бейнелене түсken.

Абай әлемінің шын мәнін, қазақтың ой қеңістігіндегі алатын орнын пайымдағанымыз жиырмасынышы ғасырдың қырқыншы жылдарында ғана. Халыққа ақынның ұлылығын ұғындырган «Абай» романы еді. Абайдың классикалық ұлғідегі ақын екенін, оның ақиқатқа толы поэзиясында жаңа өмірдің ұрығы барын, сол жаңа өмірге талпынған, қуатты ой империялық езгіні жарып шығуға бет алғанын көрсеткен де ұлы Мұхтар Әуезов болатын.

Б

Абай поэзияда философиялық айқындық пен тереңдікке қатты бет бұрды. Ұлы ақынның қай-қайсысы да шалқар философиялық ой тұнығымен жан суарған. Шығыс пен Батыстың философиялық идеялары, ақын лирикасында, терең толғаныс елегінен өтіп, тың тынысты жаңа ойларға ұмтылыш жасайды. Абай шығармашылық өмірінде Шығыстың ұлы ақындары — Омар Хайям, Рудаки, Руми, Яссавилермен сұхбат-кеңесті мол өткізді.

Ішіп, терең бойлаймын,
Өткен күннің уларын.
Және шын деп ойлаймын,

Жұрттың жалған шуларын.
 Тағы сене бастаймын,
 Күнде алдағыш қулаға.
 Есім шығып қашпаймын,
 Мен ішеген у бар ма?

Абайдың философиялық толғаулары, өмірге өзінше қарau, адамның тіршіліктең позициясын айқындау. Абайдың ойлы поэзиясы — этикалық бағдар мен тағлым биігін көрсетеді. Ақын санаасы бір ортага, — адамгершілік бірлігін іздеуге үмтүлған, сол арқылы, ақын, адамды өлімнен қорықпауға, өмір сырын ұғынуға шақырады.

Абайға керегі адам, адамның рухани болмысы мен адамгершілік нысанасы. Сонан да Абай өлеңдерінде, адам табигат аясында жоғалмайды, ал табигат адамның ішкі кеңістігіне сиып кете береді...

Кеменгер Абайдың поэтикасы адаммен қауышу, адам мен адамның жүрек жалғастырған татулығын арттыру.

Абай халқын оянуға, жан тірлігіне, қалғымайтын намысқа, үздіксіз рухани еңбекке шақырады.

Шығыс поэзиясының түп-тамырында сөз құдіретіне деген айрықша құрмет жатыр.

Шығыс ақынының сөзі мен ісі бір жерден шығады. Айтылған сөз, атқарылған іс болып қабылданған. Тек осылай ғана адам жанын тазалық пен бірсөзділікте тәрбиелеуге болатын еді.

Ақын жырының өткірлігі, қазақ даласында алмас қылыштан асып тускен.

Шығыстың ақылды мен Батыстың озық ойлы идеясын Абайдай зерделеп өнеріне мұрат еткен қазақ ақыны болған емес.

Даланың дана ақыны Абай Шығыс пен Батыс поэзиясының суреткерлік ерекшеліктерінің басын құрап, аса терең магыналы гуманистік Батыс-Шығыс синтезін ашты.

Немістің ұлы ақыны Гете түзеген гуманистік Батыс-Шығыс синтезін Абай ары дамытып, қазақтың ой кеңістігіндегі орнын айқындаپ берді.

Бұл ұлттық догмалар мен «евроцентристік» отарлау концепциясына қарсы бағыт еді.

Пушкиннің шығармашылық әволюциясына тереңдей зер салсақ, оның поэзиясындағы Шығыс тақырыбының айрықша белгісін көреміз.

Шығыс өлеңінің нәзік әуенін Пушкин ерекше сезініп, сол сазды

әуенің үнін поэзиясында ардақтай сақтаған, тұңғыш орыс ақыны.

Атақты «Кавказ» өлеңінде цензураның қысымының кеселінен соңғы шумақтары түсіп қалған:

Так буйную вольность законы теснят
Так дикое племя под властью тоскует,
Так ныне безмолвный Кавказ негодует,
Так чуждые силы его тяготят...

Пушкин танымындағы Шығыс-Батыс синтезі, патшалық Ресейдің отаршылдық саясатының қыспагына қарсы ереуіл ой көтерді, орыс ақынының жаны мен болмысы азаттық аңсаған Кавказ халқының жағына шықты.

XIX ғасырдың соңында Ресей самодержавиясы Қазақ даласын темір бұғаға әбден шырман матаған кезі еді.

Отаршылдық қыспагында қалған Дешті-қыпшақ даласы экономикалық, әлеуметтік, мәдени құлдықтың шырмауда жанталасты. Шырмада қалған қошипенділер елінің мәдениеті де, санасы да қүйреді.

Дүниенің табиғи қозғалысы қүшпен үзілді. Ортадан өрбіген дөрекі, айдаһар күш дала омірін жоюға ұмтылды. Жандаралдың табаны астында дала талып жатты, даламен бірге поэзия, аңыз, ертегі өлді... Алмас қылыш пен қорғасын оқтап жан таңсыру адам табигатына жат құбылыс. Зорлық өмірге жаңа тіршілік әкелмейді. Әлемдік гармонияның бұзылуы сыртқы құштің озбірлігінан туады.

Бұл кезеңдегі қазақ ақынының, ғұлама ойшылының тірлігі қапас жалғыздық болатын. Дала ойшылының жалғыз бағыты, халық жүрегіне бастар жолғана. Абай даналығы, жалғыздықта жабырқаған жанының рахаты халық аясы екенін ұгуында.

Ол өз халқын рухани биіктен көруді армандады.

VII–VIII ғасырдан тартылған түрік тілдес қауымның дара жолының ерекшелігі соншама, қазақ ойы бұл кезде ерекше қуатпен, бұрын-соңды болмаган тілекtes ынтымақта жұмыс істеген.

Ортақ ой, ортақ мұdde, ортақ үрдей ұлттық мәдениет, философиялық тұжырым мен лирикалық межелерді бірдей қамтып кетіп еді.

XIX ғасырдың ұлы ақындарының бойында гуманистік синтез қайталанбайтын дара бітімде болды.

Айуандық пен әділетсіздікке қарсы тұрған күрескер, еркін азамат — Абай концепциясы ақын шығармаларының биік рухани бағасы болып табылады.

Дәл осындай таным-түсінік ұлы суреткерлер — Шекспир, Гете, Байрон, Пушкин, Лермонтов, Рабиндрат Тагорларға да тән болатын.

A

Абайдың поэзия мен прозадағы адамның өлшеулі ғұмыры тұралы ойлары ақынды Құдайға алып келді.

**Алла деген сөз жеңіл,
 Аллаға ауыз қол емес.
 Үңталы жүрек, шын қөңіл
 Өзгесі ҳаққа жол емес.
 Дененің барша қуаты
 Өнерге салар бар құшін.
 Жүректің ақыл суаты
 Махабbat қылса тәңрі үшін.**

Құдай дүниені жаратқанда, оны әұлымдық пен зар наланың орны қылышп җаратқан жоқ. Жұмыр жер адам үшін жаратылған, өйткені адамсыз, әлемде ынтымақ пен гармония болуы мүмкін емес.

Адамға берілген ақыл-ес — Құдайдың туындысы, ғаламды ұқсасын деуі, алған білімді биік мақсат үшін ұстансын деуі.

Нағыз ғұлама үшін көк аспан мен қара жерді айыратын құш жоқ.

Айуандықтың ордасы — надандық, оны жеңу үшін қажырлы білім керек. Адам санасының кірісер жері, адам жүргегінің мейірімін асыру, жаратушы Құдайға жол ашу, гармониялық бірлікті сақтау.

Абайдың ойынша, адамзат баласы ызалы жүректің құлы емес, сондықтан да Адам өмір сұруі, еңбек етуі және адамдыққа ұмтылуы қажет.

Көп жылдар бойы жанын толғантқан мазасыз ойын, іздегені мен тапқанын, үреі мен жанталасын, қапасы мен қуанышын, рух ұмтылысы мен азапты өмірін, қөңілін қөгендерен ыза мен құлышылығын жиып жазған «Faқния» былай басталады:

«Бұл жасқа келгенише жақсы өткіздік пе, жаман өткіздік пе, әйтеуір бірталай өмірімізді өткіздік: алыстық, жұлыстық, айтыстық, тартыстық — әурешілікті көре-көре келдік. Енді жер ортасы жасқа келдік, қажы-

дың, жалықтың, қылыш жүрген ісіміздің бәрінің баянсызын, байлаусызын көрдік, бәрі қоршылық екенін білдік. Ал, енді қалған өмірімізді қайтпі, не қылыш өткіземіз. Соны таба алмай өзім де қайранмын».

«Faқulia» ақиқат үшін жан салған ақын ойы. Бұл кітаптың идеясы қарапайым да құдіретті.

Дүниенің теңдессіз жетістігі Адам, сол Адамның жаны мен тәні сұлулық пен келісімнен айнымауы керек, деп айтудан Абай жалықкан емес, сол сезінен тайған да емес. Адамның жаны, ойы, тәні мен сезімі кәусар судай таза болуы керек. Адам санасын тек қана қайырымдылыққа, жоғары мақсатты рухани кемелдікке жұмсауы шарт.

Жеке адам қамынан, бүкіл адамзат қамына дейінгі ұмтылыш, Ақын жанының рухани бауына аса үлкен ықпал жасады.

Жер Ананың тынысы мен жеке адамның әлем алдындағы жауапкершілігін сезінуі — ұлы Ақынның басты олжасы еді. Осы жолға ақын жаны мен басын бірдей тігіп отті.

Тұған халқының алдына, Дешті-қышишақ даласының тағдыры туралы Абайдай аяусыз сұрақ қойған жан болған жоқ. Абайдың адамгершілік максимализмі, тұған халқының мешеу мінезін гайбаттау емес, қайта тұған халқын талмайтын зерделікке, ойлыштыққа шақыру. Сонаң да, Абай шығармалары адам сенімін қайрайды, коцілін толғандырады, қайырымдылықтың шегі болмайтынын үгіндірады.

Әлем мәңгі, ортақ және гармониялық бірліктे деп түсіндіреді Абай. Айырылышу, сағыныш, тіптен олім, гарыш гармониясын бұза алмайды, өйткені олар мәңгі сөнбейтін табиги құбылыш.

Сонғы демі біткенше, адам жанталаста, үзілмейтін үмітте бұлқыныш тұрады. Бұл сезім жарылышы, адам бойындағы қажыр-қайраттың тебіренісі, жанкештілік, бұларсыз рухани шабыт жансыз қалады.

Абай жанкешті, құдіретті суреткөр еді. Бұл жанкештілік ақынның өз тағдырына да, әлем тағдырына да ерекше нұр түсірді.

Адам өмірі, сұлу да қайғылы ғұмырдың мәңгі гармониясымен қозғалады: махабbat пен бостандықты өліммен ғана қайыруға болады, жанкештілік барға қанағат қылмайды, жанкешті жан соңғы демі біткенше арпалысты құн кешеді.

Құдай, Абайға ұлы Адамга тән мінез берген, ол сонаң да елдің өсек пен гайбатына, ақымақтардың ашық күндеуі мен қызғанышына пысқырып та қарамаған.

Тұған халқының ардагер азаматы болған Абай Адам алдындағы парызына дақ түсірмей, ақиқатқа жан-тәнімен қызмет етіп отті.

Махаббат, өліммен қатар қонады, өйткені жанкештілікке бас тікпеген махаббат махаббат емес. Бостандыққа тек басты бәйгеге тігумен гана жетуге болады.

Абай өлеңдерінен біз адамгершілік тәлім аламыз, өйткені ақын өмірі аңызға айналып кеткелі қашан.

Й

Тұған халқы ұқпай өткен ұлы Ақын Құдаймен бетпе-бет келіп, жалғыз қалды.

Көп адам дүниеге бой алдырған,
Бой алдырып, аяғын көп шалдырған.
Өлді деуте сыя ма, ойландаршы,
Өлмейтүғын артына сөз қалдырған?

Абай тұған халқын жанындай сүйді, сонан да оның ойлы сөздері қан татиды.

Ақынның нәзік жаны керіп тартқан садақтай шарт кетуге шақ қалған.

Бұл өмірден ақын еш адаммен ашылып сөйлеспей, қоштаспай, ұнсіз кетті. Оның ой кешкен тынышсыз жанын ұқсан, қадірлеп-қасиеттеген, аялаған адамдар, оны о дүниеде тосып жатқан.

Ақын саналы гұмырын, құш-қуатын, тұған халқын агарутға жұмсады, бірақ тұған халқы ақынның жан егілткен әндерін сүйсіне салғанымен, мұңзы өлеңдерінің ой қатпарларына тереңдеп барып, жанына дарыта алмады.

Ақынның өз халқына айтқан ақыл-өсіеті жаһан далада иесіз қалды.

Бұл Абай трагедиясының бастауы да, соңы да еді.

Ал еркін ойлы, қамсыз қазақ халқының трагедиясы белгі беріп үздіксіз өрби өсіп келе жатқан...

Роллан СЕЙСЕНБАЕВ
наурыз 1995.
Лондон

**АБАЙДЫҢ
ӨМІРІНЕ ҚАТЫСТЫ
ЖӘНЕ АҚЫН
ШЫҒАРМАЛАРЫНДА
КЕЗДЕСЕТИН
КІСІ АТТАРЫНА
ТҮСІНІК**

A

A

браты (1839–1320) — Абайдың замандасты, өзі шешен, қалжың айтқыш адам болған. Жұрт сол үшін оны «Сары жорға» деп атап кеткен. Намаз оқығанда Құранның қирагатын дұрыс оқи білмеуіне байланысты Абай оған өлең шығарған.

Абылгазы Баһадур хан (1643–1663) — 1642 жылдан бастап, 20 жыл бойы, Хиуага хандықеткен. Ол 1646 жылы Жаңа Үргеніш қаласын салдырады, «Шежірәй тұрік» деген кітаптың авторы.

Айтқожа — Тобықтының Бәкен дейтін руынан шыққан епті, жұғымды адамы. Абайдың «Қыздарға» деген өлеңіндегі аталады.

Ақсақ Темір (1336–1405) — Орта Азияда өмір сүрген ірі мемлекет қайраткери. Ол Қашқа-Дарыя ала-бындағы барлас деген рудан шыққан. 1370 жылы Самарқан ханы Ҳүсейінді жеңіп, оның орнына хан болады. 1398–1403 жылдардың ішінде Үндістанды, Сирияны, Түркияны (тұрік сұлтаны

Баязитті) жаулан алады. 1388 жылы Алтын Орда ханы Тоқтамыс Темірge қарсы шыққан. Темір 1395 жылы Алтын Орданы шауып, оның астана қаласы Сарай-Беркені өртеп жібереді, 1405 жылы Қытайға қарсы жорыққа шыққан бетінде Түркістан маңындағы Отырар қаласында қаза табады. Кезінде Ақсақ Темір Орта Азияның бірнеше қалаларында көптеген сарай, мешіттер салдырган. Қазақ арасында оны «Әмір Темір көреген» деп атаса, орыстар оған «Тамерлан» деп ат қойған.

Ақылбай (1863–1904)—Абайдың тұңғыш баласы. Бұл да ақын болған, ұсақ өлеңдерден басқа «Кисса Дағыстан Жұсіп» атты қолемді дастан жазған.

Аристотель (біздің заманымыздан бұрынғы 384–322 жылдар) — көне грек халқының асқан философи, ғалымы. Ескендір Зулқарнайынның (Александр Македонскийдің) тәрбиеші, ұстазы болған адам.

Аристодем — Сократтың шәкірті болса керек, аты-жөні белгісіз адам, ол жөнінде ешбір мәлімет сақталмagan.

Аталақ — бұл сол рудан. Абайдан бұрынырақ болып өткен адам. Мұның атын да Абай «Қыздарға» деген өлеңінде келтіреді.

Ахмет хан — Юнус ханның баласы. Осы Ахмет ханның ұлкен ұлы Тәшкенді билеп, кішісі — қазақтарды басқарыпты деген сөз бар. Ахмет хан қалмақтармен көп жауласқан. Қалмақтар оны: «мынау бір алаша болды ғой» деседі екен. Осыдан барып Ахмет хан «Алаша хан» атанған екен дейді.

Ахмет Риза — Семейдегі мешіттің имамы, Абайдың ескіше (қадімше) білім алған молдасы.

Ә

Әбдірахман (1868–1895) — Абайдың Ділдәдан туған екінші баласы. Әкесі оны жасында Семей қаласындағы орыс мектебіне оқуга береді. Кейін Әбдірахман Түменьдегі реальное училищені бітіріп, Петербургтағы технология институтына түспек болады, бірақ сол қаладағы Михайловское артиллерийское училищесіне кіріп оқиды. Бұл мектепті бітіргеннен кейін әскери артиллерия Академиясына түсемін деп жүрген кезінде сырқаттанып қалады да, 1895 жылы 1 январь күні Алматы қаласында қайтыс болады. Абай Әбдірахманға арнап көптеген өлеңдер жазған.

Әбілмәмбет хан (1771 жылы өлгөн) — Абылайдан бұрынғы орта жүздің ханы. Қалмаққа қарсы шабуылда (Абылайлап) ат қойып жеңген Сабалаққа сексеннен асып қартайған соң Әбілмәмбет өз ықтиярымен хандық тағын беріпті, ол содан Абылай атаныпты.

Әлімхан — Абайдың көнілдес, дос адамы. Уақтың беделді ақсақалы. 1885 жылы Қарамоладағы чрезвычайный съезде ыдыраған Керей, Уақ, Матай елдерін біріктіріп, Абайды төбе би сайлайды. Абай сол съезде қазақша заң жазған.

Әбугали Сина (980—1037) — даңқы дүние жүзіне әйгілі Орта Азиядан шықкан ғалым. Бұхара қаласының төңірегіндегі Афшана дейтін жерде туған. Иранда жүріп дәрігерлік өнерін, фәлсәфа ғылымын үйренген. Дәрігерлік жөнінде тұңғыш кітап жазған.

Әзірет Әлі — Пайғамбар Мұхамедтің қызын алған қүйеу баласы, төрт сахабаның бірі. «Зарқұм», «Салсал», «Қасан Шам» деген сияқты қиссалардың бас қаһарманы.

Әкімбай (1865—1874) — Абайдың Ділләдан туған баласы. Жасында мұны Абайдың інісі Үсқақ асырап алғып, соның қолында жүргенде жас шағында қайтыс болған.

Әріп Тәңірбердің (1856—1924) — ақын. Абайдың замандасы, оқыған адам. Оразбай Абаймен араздасып жауласқанда, Әріп те Оразбай жағында болады. Оспан, Базаралыны айдатып, Құнту болыс болған соң, олар қашып елге келгенде, Әріп Абайларға тіл тигізіп, Базаралыны мақтап өлең айтады. Көкбаймен айтысқанда Абайдың сүйегіне орынсыз тіл тигізгенде, Абай оны өлердей түйрекен:

Ақ сұғы дүниеден ұлсыз өткен,
Енеге жалшысынан бала біткен,
Өкіреш найман баласы болмаған соң,
Атасыз де, Найман көп — деп әкеткен.

Онысы Көкбайдың Абай жайын айтқан сөздерінде келтірілген (1940 ж. шықкан Абай өлеңдері жинағының екінші томында, 293 бет). Әріптің өзі шыгарған көп өлең жырлары бар.

Әсем Найманбайцы (1867—1923) — Абайдың замандасы, белгілі ақын, әнші болған. Оның терісі тар, ызақор мінездерін сынап, Абай «Біреуден біреу артылса...» деп басталатын өлеңін жазған деседі.

Әуез — Құнанбайдың замандасы, досы. Тобықты ішіндегі беделді қожа. Тұрік, шағатай, парсы әдебиетінен хабары бар мәдениетті адам болған. Әуездің қарындасы Нұрғанымды Құнанбай алған. Абай

«Разаққа» деген олеңінде Әуезді «Үлкен Қожа» деп атайды.

Әубәкір Оспанов (1887—1935) — Абайдың Ақылбайдан туған, бірақ Оспан асырап алған немересі. Әубәкір сұрыптың салма сатирик ақын, өткір, турашыл, өлеңді досына да, дүшпанына да күмілжімей айтатын кісі болған.

Б

Базаралы — Жігітектің батыры, белді кісі. Құнанбайлармен көп жауласқан. Оспан кейін осы Базаралыны абақтыға жаптырып, ағасы Балағаз батырмен бірге Үркітке (Иркутскіге) жер аударған. Он жылдан соң Базаралы елге келіп, Балағазы сол жақта өлген. Базаралының образы «Абай» романында көлтірлген.

Баймагамбет Мырзаханұлы — Абайдың досы, шәкірті, ертегіші. Абайдан естіген батыс, шығыс елдерінің әңгімелерін жаттап алғып, ел арасында айтып жүретін болған. Өзі Семейге барғыштап, ауылда көп болмайды екен. Абай оның әйелі атынан қалжың өлең шығарған.

Байқекше — Тобықтының Хабас деген табынан шыққан ақын (бұрынғы түсініктерінде мамай табы деп қате айтылған). Абайдың замандас құрбысы. Абай үнемі оның ақындығын мінеп, сынап отыратын болған. Абай Қоңыр-қекше еліне болыс болып тұрғанда, бір жолы Байқекше отырған үйге келіп:

Ойпаң жерге тебіндеп шөп бітеді,
Кей жігітке мал мен бас көп бітеді, —

ақын болсаң осының аяғын айтып бер, — деген. Сонда Байқекше:

Жаңа өспірім жастарды болыс қойсан,
Қашан түсіп қалғанша жеп бітеді,

— депті.

Байқекшенің өлеңі көп: «Абайға көрген түсі» т.б. Өзін Абай жақсы көрген.

Байцзак — Абайдың замандасы, «Қыздарға» деген өлеңде аты аталады, сол Қыздардың ағасы.

Байрон Джордж Гордон (1788—1824) — ағылшын халқының ұлы ақыны, XIX ғасырда бүкіл Европага даңқы жайылып, шығармалары көптеген тілдерге аударылған. Лирикалық өлеңдерінен

басқа Байронның кесек шығармалары да көп («Чайльд Гарольд», «Дон Жуан», «Корсар», «Лара», «Гляур», «Кайн», «Манфред» тағы басқалар). Лермонтов аудармасы арқылы Абай Байронның «Еврейская мелодия» атты шығармасын қазақ тіліне аударған.

Бөгембай — Қанжығалыдан шыққан Абылай заманындағы қазақ батыры. Қарт батыр Бөгембай қалмақ батыры Қасқага жекпе-жекке шыққалы түрғанда, оның орнына Абылай сұранып жеке шығып, Қасқаны өлтірген. Халық аузындағы жырларда Бұхар жырау сезінде де Бөгембай Абылайдың батыры ретінде аталады.

Бөжей — Тобықтының Жігітек дейтін табынан шыққан беделді кісі, Құнанбайдың тұргысы, Қенгірбай бидің немересі, Құнанбаймен әуелі төс қағысқан дос болып, кейін інісі Майбасардың зорлығына қөнбей араздасып, көп жауласқан кісі. Бұл жай «Абай» романында толық суреттеледі. Ақыры екеуі татуласып, Құнанбай өзінің бір қызын Бөжейге бала қылыш берген. Бірақ екі жасқа келгенде қызы Бөжей қолында өлген соң, араздық қайта қызып, аяғы ұзақ ру тартысы болып Абайдың басына да талай қауіп тондірген.

Бұхар жырау Қалқаманцы (1693—1787) — Абылай тұсындағы қазақ ақыны, Абылай ханның ақылшысы болған. Ақының «Керей қайда барасың» (екінші бір нұсқасында: «Садыр қайда барасың» деп те аталады), «Тілек», «Әй, Абылай, Абылай», «Айналасын жер тұтқан», «Бұхардың Абылай ханға айтқаны» деген тәрізді бірнеше толғаулары бар.

Бітімбай — Тобықтының Бәкең деген табынан шыққан. Абайдың «Қыздарға» деген өлеңінде аты келтірілген.

Бунин И. А. (1870—1953) — орыс жазушысы, әрі ақын. Лирикалық өлеңдерінен басқа көптеген прозалық әңгімелер жазған. Творчествосының алғашқы дәүірінде реалистік бағытта болса да, кейін ескішілдік сарынға көшкен.

Г

Гомер — көне грек елінің ұлы ақыны. Қай жылдарда өмір сүргені белгісіз. «Илиада», «Одиссея» деп аталатын екі эпосты Гомер шығарды деседі. Бұл шығармалар біздің заманымыздан бұрынғы VIII—VII ғасырларда мәлім бола бастаған.

Гросс С. С. (1857—1893) — 1880 жылдары Семейге ішкі Россиядан жер аударылып келген адвокат, Абаймен қатынасып жүрген.

Гете И. В. (1749–1832) — Немістің ұлы ақыны. Қөптеген лирикалық өлеңдерінен басқа «Фауст», «Жас Вертердің азаптары», «Прометей», «Вильгельм Мейстер» сияқты ірі шығармалары да бар. Гете ғылымның бірнеше саласынан да көрнекті еңбектер жазған.

F

Ғабидолла (1867–1932) — Абай аулындағы Ғабитхан дейтіннің баласы. Ғабидолла бірер жыл сауда істеп, байып алған соң әркіммен сөз таластырып, кісімсігенін көргенде Абай оған арнап «Жазғытұры қылтиған бір жауқазын» деп басталатын өлеңін шығарған.

Д

Дауылбай — Тобықтының Бәкең дейтін табынан шыққан аты-шұлы ұры, сол топтан шыққан Қыздармен араз болған. Абай оны Қыздарға деген өлеңінде атап, сынайды.

Джами Абдрахман (1414–1492) — тәжік-парсының ұлы ақыны. Ірі шығармалары: «Жеті тақыт», «Бахаристан», «Ескендір» т.б.

Джордано Бруно (1548–1600) — Италияның ұлы астрономы, философы. Бруноны жер айналып тұрады деген пікірінен қайтпағаны үшін католик діни сәуегейлері отқа өртеп өлтірген.

Досақ — бұл да сол рудан. Қыздарға жақын адам болған. Мұның атын Абай «Қыздарға» деген өлеңінде атайды.

Добролюбов Н.А.(1836–1861) — орыстың ұлы ойшылы, әдебиет сыншысы. Сыншылдық шығармаларында бұқарашылдық революцияны жақтаған. Чернышевскийдің серігі. Абай оны көп оқыған.

Долгополов Н.А. (1852–1922) — Семейге өткен ғасырдың 80-жылдары жер аударылып келген орыстың халықшылы, дәрігер адам болған. Абаймен кездесіп жүрген.

Дүлат жырау Бабатайцы (1802–1874) — XIX ғасырдагы қазақ ақыны. Оның «Ата қоныс Арқадан», «Ақ жайлай мен Сан-дыштас», «Замана», «Ей, айтайын арнап ишанға», «Барақ төреге», «Кеңесбайға», «Сұлейменге» деген толғаулары бар.

Дүйсенекіл — Абайдың ауылдасы.

Дүтбай Уанлықцы (— Тобықтының Көкше деген руынан,

Абайдың құдасы. Мінезі тұрақсыз болғандықтан Абай оны сынап өлең жазған.

E

Ербол — тобықтының Бекенші деген тобынан шыққан жігіт. Абайдың жігіт кезінің досы. Қуандықпен, Тогжан мен Абайды таныстыратын кісі осы. Ербол жайында, оның атасы Қодар жайында, «Абай» романында айтылады. Абаймен араздасып, кейін Оразбай жағына шығып кетеді.

Есімхан — Сығай ханның екінші баласы, Тәуекел ханның інісі, 17 ғасырдың басында хандық құрган. Жонғарлармен көп соғысқан. Үш жүздің басын құрап, заң шығарған. Ел аузындағы: «Қасым ханның қасқа жолы, Есімханның ескі жолы» дейтін сөздегі Есімхан осы.

Ескендір Эцлекарнайын (біздің заманымыздан бұрынғы 356—323 жылдар) — көне юнан жұрттының (Македонияның) патшасы, ұлы қолбасшысы. Көп елдерді жаулаган. Ескендірдің жорықтарын Низами, Навои жыр еткен. Ескендірді Европа жұрты Александр Македонский деп атайды.

Ж

Жаманбала — Тобықты ішінде Әнет руынан шыққан адам. Жаз Оспанның биесін сауып, қыс атын жайлапады. 1893 жылы соның 3 жасар баласы өлгенде Абай «Белгілі сөз өлді, өлді» деген қысқа өлең жазған.

Жанқожа — Тобықтының Бекең дейтін тобынан, ертеректе өмір сүрген адам. Абай оның атын «Қыздарға» деген өлеңінде қолданып, Қыздар мен Дауылбайдың ұсақ мінездерін шенейді.

Жақсылық — Тобықты ішіндегі Қоңыр Көкшеден шыққан ел билеген адам. Бірде қатты шығынданып қалса керек, 1880 жылы Абай Қоңыр Көкшеге болып барғанында, Жақсылық оған: «Менің шығынымды жұртқа сал» депті. Абай осы мінезін сынап өлең жазған.

Жәнібек хан — Өзбек Шейбани ханның тұқымы. Моголстанга барып «Ақ Орда» деп аталатын тұнғыш қазақ хандығын орнатқан осы Жәнібек хан. Халық арасында оны кейде әз Жәнібек деп те

атаған. Жәнібек хан 1480 жылы өлген.

Жәнке хан — Алаша ханның агасы, Тәшкент ханы болған. Шейбани Орта Азияға келгеннен кейін Жәнке мен Алаша хан екеуі де сол Шейбанидың қолынан өлген.

Жәмшид — парсы жұрттының ерте кездегі ертегісінде айтылатын патшасы. «Шаһнаманың» қаһармандарының бірі, Рұстем батырдың бабасы. Қазақ арасына революциядан бұрын «Жәмшид патша» атты қысса да тараған.

Жошы хан (1223–1227) — Шыңғыс ханның ұлken баласы. Экесі балаларына ұлыс бөлгенде оған Еділ, Ертіс, Қырым, Сырдың құярлығы, Үргеніштің теріскей беті қараган. Жошының баласы Батый хан Европаны жауап, Алтын орда хандығын құрган.

Жүніс хан — Шагатай ханның тұқымы. XV ғасырдың аяғында Самарқанд, Тәшкент маңын билеген хан.

З

Зере — Өскембайдың бәйбішесі, Құнанбайдың анасы. Зереден: Құнанбай, Құтты Мұхамбет ұлдары мен Тайбала дейтін қыз туған. Зере 90 жасқа келіп өлген, Абайдың бала құнінде оны аулының бәрі «Кәрі әже» деп атайды екен. Қартайған соң құлағы естімепті. Сол себепті Құнанбайдың балаларына дұға оқытып үшкіртетін болған. Абай өлеңмен үшкіреді екен. Зере Абайды қойнына салып, жұбатқан әжесі.

Зевксис (*Fайса тұғанға дейін V ғасырдың аяғы*) — ескі юнан жұрттының суретшісі.

К

Кәкітай (*Габдулхаким*) — Абайдың інісі Ұсқақтың баласы. Ол Абай қайтыс болғаннан кейін, Тұрағұл екеуі 1909 жылы Абай өлеңдерінің тұңғыш жинағын Петербордағы Богранскийдің баспаханасында бастырып шығарады. Кәкітай оқыған адам. Абай мұрасын өшпеүіне Кәкітайдың сіңірген еңбегі зор.

Келітен — Абылай заманында би болған, Абылайды Қалдан хан қолынан құтқарып алуға баратын елшінің бірі.

Кеңірбай — Айдостың туысқаны, Жігітектің баласы. Тобықты

елі Ақтабанда Арқага ауганда Кеңгір дейтін озеннің бойында тұган деседі. Тобықты Шыңғыс тауына көшіп келгенде, бүкіл тобықтының биі, әрі елбасы болған.

Көкбай Жанатайцы (1864—1926) — Тобықтының Көкше дейтін тобынан шыққан, ақын, молда. Абай біраз өлеңдерін Көкбай атымен жариялаған. Абылай, Кенесарыға арнап жазған дастанында Көкбай Кенесарының зорлық-зомбылығын ашып көрсетпей, орынсыз мадақтай берген.

Көжекбай Жамантайцы (1847—1916) — Абайдың достас адамы, Тобықтының Мамай деген руынан. Оның кейбір мінездерін ұнатпай Абай оған арнап өлең жазған.

Көр хан — XII ғасырдың бас кезінде Жетісу жерінде болған қара қытай елінің хандарын «Көр хан» деп атаған. 1212 жылы Көр ханды Шыңғысхан әскері жеңіп алған. Көр ханның орталық қаласы Іле бойындағы Баласағұнда болған.

Көтібақ — Абайдың төртінші бабасы Айдос бидің баласы. Тобықты елі «Ақтабан шұбырынды» кезінде Арқа ауганда Кеңгір дейтін өзеннің бойында тұган екен. «Котібақ» — Тобықтының бір руының аты. Пұшарбай, Қареке Котібақ руының жауынгер батырлары болған. Құнанбай оларды ұстамды кең мінездері үшін ерекше жақсы көрген. Бұл тарихи тұлғалар «Абай» романында коркем бейнеленген.

Күйісбай Эбенцы (1842—1910) — Тобықтының Мамай руынан шыққан адам, әкесі баукеспе ұры екен. Жасында өзі де ұрлық істеп, Абайдың ықпалымен онысын тастап, кейін беделді адамның бірі болған.

Күлембай Бозамбайцы — Абайдың құрдасы, 1888 жылы Бақанас өзені бойында болған Чрезвычайный съезде Мұқыр еліне болыс сайланған. «Болыс болдым мінеки» деген белгілі өлеңді Абай осы Күлембайға арнап жазған деседі.

Күнту Шүңқаңы — Тобықтының Бекенші табының басты адамының бірі, Абайлармен көп жауласқан адам. 1884 жылы сайлауда Мұқыр еліне болыс болған. Абай үстінен ұлыққа, губернаторға жалған шағым бергені үшін 1886 жылы орнынан алынған.

Крылов И. А. (1768—1844) — орыстың атақты мысалшысы. Абай оның бірсыптыра шығармаларын қазақ тіліне аударған.

Қ

Қабанбай — Найман, оның ішінде Қаракерей руының ішінен

шыққан Абылайдың батыры. Абылай қалмақтарға тұтқын болғанда, оны босатамыз деп елші боп Қалдан ханға баратын батырдың бірі. Елші боп барғандар — Төле би, Келтең, Қараменде, Бөгембай, Жәнібек батырлар.

Қалдан (қалмақ) — шын аты Галдан Серен. Жоңғарияның қанды балақ ханы. 1746 жылы өлген. Қалдан хан Сыр бойын жаулап алған. Соның салдарынан қазақтар арқага ауып, «Ақтабан шұбырынды, Алқа көл Сұламага» ұшыраған (1723 жыл).

Қаратай Сапақов — Тобықтының Көкше дейтін табынан шыққан айлакес, қу кісі. Абаймен заман таластырып, бәсеке, бақ-күндес болған адам. Әсіресе, Абайдың сонына Оразбайды салуга, Абайды тергеуге, сотқа тартқанда Бөрібаевты салған адам.

Қараменде — Аргынның атақты би. Руы дадан Тобықты, Абылайды Қалдан қолынан құтқарымын деп барушының бірі.

Қаржаубай — Абайдың інісі Үсқақтының көршісі. Тобықтының Сақ деген руынан. 1894 жылдар жетпістің ішіндегі шал екен. Қаржаубай беліне әкесінен қалған ұлken бір кісен байлақ жүретін кісі екен. Киімді ескіден қалған ұлғімен киген. «Ескілік киімі» деген олецді Абай соған арнап жазған.

Қарасақау (шын аты Құсайын Қиқымбайұлы) — руы Көкше, оның ішінде Балталы. Абайдың үнемі қасында жүріп, атын ерттеп беріп жүретін жолдасы.

Қасым хан (1495–1523) — қазақ ханы, Жәнібек ханның баласы. Қазақ хандығын нығайтуға көп құш салған адам. Ол жөнінде «Қасым ханның қасқа жолы» деген мәтел де бар.

Қожамберді Жапалакұлы — Шыңғыс тауы үшін Тобықты мен Найман елінің арасында болған барынта жорығында (1834 жыл шамасы) Тобықты Өскембай бидің қолына түскен Найман руы Матайдың батыры. Өскембай мен Құнанбай мұның денесіне темір қыздырып басып, сонаң соң Аяғөз абақтысына жатқызған.

Қондыбай-Қанай — Шыңғыс тауында байларға шөбін, жерін жылқыға жалдайтын нашар ауыл. Абай ауылдың жылқысы да сол Қанай жерін қыстайтын жылдары болған.

Қорамжан — Абай ауылдында жасында қой-қозы бағып, қызмет еткен адам. Бертін келе Абайдың досы болған.

Құнанбай (1804–1886) — Абайдың әкесі. Тобықтының Кішік деген руынан, оның ішінде Үрғызбай, Өскембай бидің баласы. Қарқаралы округтің аға сұлтаны болған. Бертін келген соң қажыға барған. Құнанбайдың 4 әйелі болған: 1) Құнке, одан: Құдайберді туған

(ертерек кезде өлген); 2) Ұлжан, одан: а) Тәңірберді, б) Ибраһим (Абай), в) Ысқақ, г) Оспан тұған; 3) Айгызы, одан: а) Халиолла, б) Ысмағұл тұған; 4) Нұрганым — бұдан бала болмаған.

Құсбек — Құнанбайдың бұрынғы Қарқаралы округының аға сұлтаны. Құнанбай осының орнына аға сұлтан болған. Құнанбай аға сұлтан боларында бұл орынға Құсбек, Жамантай (Бекей төренің тұқымы), Шалғынбай (Аблай тұқымы) таласқан. Бірақ Құнанбай жеңіп шыққан қарадан тұңғыш аға сұлтанның бірі.

Құтты Махамбет — Өскембайдың бір баласы. Құнанбайдың інісі, жас кезінде өлген.

Қиясбай — Олжай ішінде Борсақтан шыққан, арғы атасы Қодарды Құнанбай таспен атып өлтірген. Өзі киім кимей, екі иығына қызыл бұл орап жүреді. Бойы ұзын, үнемі екі аяғын салақтатып тайға мініп жүреді екен. Сыбызғышы музықант болған. Балаларға «Ақ сиырдан туады жирен айғыр» деген сияқты құлдіргі өлеңдер айтып думан қып жүретін болған. Оның үйқасы болмаған. Балалар оған: «Өлеңдерің қыыспайды ғой» десе, ол: «Жоқ, мен Абайға сынатқанмын» — депті. Шынында, Абай бір жолы оның өлеңін тыңдал:

«Үстіңдегі киімің
Киім емес, қызыл шу.
Жүрген жерің күнде ду.
Уайым жоқ, қайғы жоқ,
Атадан тусаң сендей ту,

— ал енді аяғын өзің айттып жіберші» дейді. Сонда Қиясбай:

«Тамағым тоқ, уайым жоқ.
Жаным-ау, менің өзім неткен қу!
Әгей, әгегей — тусаң ту.»

— депті.

Қыздар — Тобықтының Бәкен руынан шыққан. Абай оған арнап өлең шығарып, оғаш мінездерін шенеген.

Л

Ленский — Пушкиннің «Евгений Онегин» романындағы кейіп-

кердің бірі. Абай Ленскийдің дуэльге шыққан түні айтқан сөзінен екі ауыз өлеңін аударған.

Лермонтов М. Ю. (1814–1841) — орыстың ұлы ақыны. Абай оның өлеңдерін көп оқып, сүйсіне аударған.

Лекер — Абайдың «Қыздарға» деген өлеңінде аталады. Лекер Тобықты ішіндегі Бәкең руынан шыққан адам.

M

Магаяи (Магаш) (1870–1904) — Абайдың баласы, талантты ақын. Ұсақ өлеңдерінен басқа бірнеше поэмалар жазған («Медғат, Қасым», «Еңлік-Кебек»).

Майқы би — Шыңғыс хан қазақ жеріне келгенде, оны қарсы алуға 12 рудан 12 би шығып, Шыңғысты хан көтеріп алыпты-мыс, соның бірі — осы Майқы би деген аңыз бар.

Масақбай — Тобықтының Әсет руынан шыққан. Өзінің ұзақ өмірін (70 жыл жасаған) Құнанбай балаларымен бірге өткізген. Ұсқақтың болыс кезінде Масақбай оған атшабар болған. Даңгой, есерсоқтау адам болса керек, ал қатыны момын, салақ екен, үйге келгенінде араларында ұрыс-қағыс көп болған.

Мәшін-Жүсіп Көпесев (1857–1931) — Баянауылда туып өскен. Ауыз әдебиетін көп жинаған, публицист, ақын.

Михаэлис Е. П. (1839–1913) — өткен ғасырдың 80-жылдарында Семейге Россиядан жер аударылып келген адам. «Халықшылдар» қатарында болған, оқымысты кісі екен. Абай онымен Семейге барып жүрген кезінде кітапханада танысады, кейін ол да Абай аулына барып, ұзақ уақыт жатқан. Абайдың бірінші биографы Кәкітай Ұсқақұлы 1909 жылды Петербургте шыққан Абай жинағына жазған мақаласында: «Абай өле өлгенше менің әкемнен артық жаны ашырлық қылышп, дүниеге көзімді ашқан кісі Михаэлис деп айтып отырушы еді» деп жазды.

Мұрсейіт Бікесұлы (1860–1917) — Әнет руынан шыққан молда. Абай өлеңдерін қағазға түсіруге көп еңбек сіңірген адам. Мұрсейіт қолжазбалары арқылы Абай шығармаларының көпшілігі бізге келіп жетіп отыр. Қазір біздің қолымызда Мұрсейіт жазған үш қолжазба бар (1905, 1907, 1910). Оның екеуі Қазақ ССР Фылым Академиясының ғылыми кітапханасында (1905, 1910), үшіншісі (1907) Мұхтар Әуезовтің қолында сақтаулы болған.

1909 жылды Абай баспасының өлеңдерін осы Мұрсейіт да-
йындаған (көшіріп жазған).

H

Навои Алишер (1444–1486) — Өзбек халқының ақыны. Көбіне Герат шаһарында тұрып, тұнғыш рет түрік тілінде (шагатайша) өлең жазған. Оның «Хамса» (бес қисса) деп аталатын эпостық жыры бар. Бұған кіретіндер: «Хайратұл барап», «Фархад пен Шырын», «Ләйлі мен Мәжнүн», «Сабай Шаяра» (Жеті жұлдыз), «Садди Скендири» және төрт «Диуан», өлеңдер жинағы. Навои өзбек әдебиетінің классигі.

Нәсреддин шах (1848–1896) — XIX ғасырдағы Иранның Хаджар руынан шыққан патшасы. Бірнеше жылдар бойы Европа елдерін аралап саяхат етеді. Содан қайтқаннан кейін мемлекет аппараты бойынша реформа жасап, рухани дін қазыналарын жояды. Шейіттер бұған қарсы бас көтеріп, бұл қозғалысты Жамалиддин деген Сәйіт бастайды. Нәсреддинді осы Жамалиддиннің шәкірті Мырза Риза дейтін жас жігіт өлтіреді.

Назар — Тобықтының Қанай деген руынан шыққан адам, Абайдың замандасы.

O

Олжай — Абайдың бесінші бабасы. Олжайдың балалары — Айдос, Қайдос, Жігітек. Қайдостан — Бекенші, Борсақ тарайды.

Оразбай Аққылов — Абаймен араздасқан Тобықты Есболат табының шонжар байы. Мінезі қатты, қыңыр, қиракезік. Ол 1898 жылғы Семей уезіне қарасты болыс, билердің қайта сайлануында Бекенші, Жігітек руласының араздығын пайдаланып, Абайды сабатады. 1923 жылдары тоқсанның ішіне келіп өледі.

Оспан (1851–1891) — Абайдың кіші інісі. 1889–1891 жылдарда Мұқыр еліне болыс болған. Оразбайдың Абаймен өштесуіне осы Оспанның қаттылығы себеп болған. Абай Оспан өліміне арнап бірнеше өлеңдер жазған.

П

Пушкин Александр Сергеевич (1799–1837) — орыс халқының кеменгөр ақыны. Оның қөптеген өлеңдері мен дастандарының ішінен Абай, әсіресе, «Евгений Онегин» атты өлеңмен жазылған романын қызыға оқып, сол романдағы Онегин мен Татьяна арасында болған хаттарды аударады. Абай аудармалары тиісті әндөрі бойынша ел арасына тараң кеткен.

Платон — Көне юнан (грек) елінің идеалист философы. Біздің жыл санауымыздан бұрынғы 427–347 жылдар арасында Афинада өмір сүрген.

Р

Разақ — Абай ауылдындағы жас жігіт. Абайдың өзі және балаларымен құдандалы, досжар адам болған.

Рахымшал — Абайдың аулындағы Көжекбай дегеннің баласы. Тентек, бұзақы боп өскеннен соң, Абай оған өлең шығарған. Жасында Абайдың Тұраш, Мекаил деген балаларымен бірге ойнап жүріп, жаман үлгі көрсеткен соң, Абай Көжекбайға мінетін ат, сауатын мал беріп бөлек отырғызыпты.

С

Сабалақ — Абылайдың бала күніндегі аты. Қалмақтармен болған бір соғыста осы Сабалақ «Абылайлап» ұран шақырып, қалмақтарды жеңіп шыққан, содан байлай оның аты Абылай аталыпты.

Сабыrbай — Абайдан бұрын өткен Сыбан ақыны. Ақтайлақ бидің баласы. Сабыrbайдың ақын қызы Қуандық пен Абайдың досстығы болған. Сол Қуандықтан Төлеу ақын туған.

Саид (1184–1291) — Тәжік, Парсы елінің ұлы ақыны. Багдаттагы «Низамия Академиясында» оқыған. Туған жері Ширазга келіш, «Гүлстан», «Бостан» деген дастандар жазған.

Сайхали — XV гасырда өмір сүрген Шығыс ақыны. Шагатай тілінде «Диуан Сайхали» дейтін тарихи жыр жазған. Оnda дүниенің жарапалуынан бастап, Хұсайын Имамның 680 жылды Кербаланың шөлінде өлген кезіне дейінгі дәуірдің тарихын қамтып жырлаған.

Абайдың шәкірт кезінде оқыған ақындарының бірі осы Сайхали.

Салтыков-Щедрин М. Е. (1826—1889) — орыстың ұлы сатиригі. Бұқарашыл жазушы. Абай оны өзінің ұстазы деп таныған.

Серікбай — 1834 жылдар шамасында Матайлар (Найман) Шыңғыс тауындағы Тобықтының жылқысын барымталап қуғанда, Найманды бастап келген Матайдың ожар, тентек би. Өскембайдың замандасы. Өскембай жағының қолына түскен Қожамберді батыр:

Келді де қу Серікбай жылқыны алды,
Теп-тек жатқан еліме бұлік салды.
Құс төсектің үстінде жатқан басым,
Аяқ-қолым шегелеп байладап салды,

— дейді.

Тобықты мен Найманның жауласу себебі — Кеңгірбай заманында Тобықты Матайдың қонысы болған Шыңғыс тауын тартып алған. Осы жаулықтың сарыны «Еңлік-Кебек» дастанында да айтылған.

Сократ — біздің жыл санауымыздан бұрынғы (469—399 жылдар) көне юнан (грек) жұрттының идеалист философы. 399 жылы Гречияда демократия үкімет басына келгенде, Сократты «дінишілдігі» үшін айыпташ дарга аспақ болады, ол у ішін өледі.

Софокл (біздің жыл санауымыздан бұрынғы 495—406 жылдар) — ескі грек жұрттының ұлы жазушысы, трагедия жазған. Оның «Эдип патша» деген трагедиясы күні бүгінге дейін сахнадан түспей келе жатыр.

Сүлеймен (Соломон) — Дәүіт пайғамбардың баласы. Біздің жыл санауымыздан 9—10 мың жыл шамасы бұрын откен ескі еврей жұрттының патшасы. Ислам діни кітаптарында Сүлеймен пайғамбар деп аталады. Ол барлық 18 мың әлемге патша болған деседі. Шығыс елінде оның ішінде қазақта Сүлеймен жайында айтылатын ертегілер көп.

Спенсер Герберт (1820—1903) — ағылшының буржуазияшыл тарихшысы. Қоғам өмірінің дамуына байланысты қөптеген тарихи, фәлсафалық еңбектер жазған.

Т

Татьяна — Пушкиннің «Евгений Онегин» атты романының қаһарманы.

Тәүке хан (1680—1718) — Қазақтың ханы. Ол 1681—1684 жылдары қалмақтарды, 1710—1713 жылдары ойраттарды жеңіп, үш жүздің бірлігін орнатқан деседі. Қазақ елінің тарихында тұңғыш рет мемлекеттік заң шығарған адам. Тәүке ханның әдет заңы «Жеті жарғы» деп аталады.

Торғай — Абайдың төртінші атасы. Айдос бидің баласы. «Ақтабан шұбырынды» заманында Сырдағы қазақтар Арқага басқанда, Торғай өзенінің бойында туған деседі.

Толстой Л.Н. (1828—1910) — орыс халқының данышпан жазушысы. Оның жазған шығармаларының ең бастылары: «Софыс пен бейбітшілік», «Анна Каренина», «Воскресение», «Крейсерова соната», «Казактар», «Хаджи Мұрат», т. б. Абай ұлы жазушының шәкірті есебінде санаған.

Төле би — ұлы жұз үйсін елінің би, шешені. Ел аузындағы әңгімелерге қарағанда, Абылай (Сабалақ) жасында осы Төле бидің түйесін бағыпты деседі. Төрт тағандап ұйықтап жатқан Сабалақты көріп, Төле би: «Мынау төрт рұлы елді билейді екен», — дегін деген сөз бар. Төле би Арғын руынан, Қаздауысты Қазыбек бидің замандасы.

Тургенев И.С. (1818—1883) — орыстың ұлы жазушысы. Қоңтеген әңгімелерден басқа бірнеше романдар жазған: «Рудин», «Қарсаңда», «Әкелер мен балалар», «Тұтін», т. б. Абай «Масғұт» атты поэмасының сюжетін И. С. Тургеневтің «Восточная легенда» атты қысқа әңгімесінің желісі бойынша құрған.

Тұрагул — Абайдың баласы. Оқыған адам, ақын, аудармашы. 1909 жылы Кәкітай екеуі Абайдың олеңдерін тұңғыш рет Петербурда баstryрып шығарған. Тұрагұлдың аудармалары да бар. Ол Горькийдің «Челкаш» атты әңгімесін қазақ тіліне аударған. 1928 жылы «халық жауы» деп, қудаланып, Оңтүстік Қазақстанға жер аударылған. 1934 жылы Шымкентте кіші қызы Мәкеннің қолында қайтыс болған.

Тұңғайбай — Абайдың ауылдасы, оның Шәріп дейтін әйелінің сұық жүргісі болған соң Абай олең шығарған.

Ұ

Ұлжан — Абайдың туған шешесі, Құнанбайдың екінші әйелі. Оның төркіндері Қаракесек, оның ішінде Бертіс, Шашшар табынан шыққан Қантай, Тонтай дейтін сықақшыл, шешен, қу тілді кісілер. Шашшардың құларынан жұрт қатты қауіптенетін болған.

Х

Халиулла (Халел) — Құнанбайдың Айғыздан туган тұңғышы. Абайдың орыс-европа мәдениеті, дүние мәселелері жөнінде хаттар жазып, пікір алысып жүрген сүйікті інісі. Заманында орысша жақсы білім алған. Омбыдағы кадет корпусын бітірген офицер. Жастай өлген.

Хожа Хафіз — тәжік, парсы елінің ұлы ақыны. Оның шын аты Шамсиддин Мұхаммед. Туган жылы белгісіз, 1325 жыл шамасы. Үнемі Фазал (лирика) жазған. Өлеңдерінде махабbat, шарап, жаздың қуанышын, өмірдің рахатын, сүйіспеншілік сезімді жырлаған. Абайдың шекірт кезінде көп оқыған Шығыс ақындарының бірі осы Хафіз.

Ф

Фәзули — Сұлейман ұлы Ахмет, яки Махмуд (910—975) — азербайжан ақыны. Парсы, түрік тілінде шығармалар жазған. Олары: «Ләйлі, Мәжнүн», «Кәүзәте, Шаһида».

Фердауси—Абылқасым Туси (934—1027) — тәжік-парсы елінің ұлы ақыны. Ол парсы жұрттының исламнан бұрынғы тарихынан алып «Шаһнама» жырын жазған. Абайдың көп оқыған ақыны осы Фердауси.

Ш

Шагатай (XIII ғасыр) — Шыңғыс ханның екінші баласы. Шыңғыс балаларына ұлыс бөлгенде оған Орта Азия мен Иран жері қараган. Шагатайдың тұқымдары Орта Азия мен Иранды Әмір Темір заманына дейін билеп келген.

Шамси — Шамсуддин Табризи, 1247 жылдың қайтыс болған, тәжік-парсы елінің ақыны.

Шайбақ (Шибан) — өзбектің белгілі ханы Шейбани (1451—1510) — ол Әмір Темір тұқымдарын тақтан құлатып, Орта Азияны жаулап алған, өзбек хандығын нығайтқан.

Шәріп — Абайдың ауылдасты Тұңлікбай дегеннің эйелі.

Шортанбай Қанаїцы (1818—1881) — қазақ ақыны, оның «Бай-

ды құдай атқаны», «Тар заман», «Шортанбайдың бала зары» деген толғаулары бар.

Шотқара — Тобықтының Бәкендейтін тобынан шыққан би. Өзі жебір болған соң Абай оны «Қыздарға» деген өлеңінде ажуда еткен.

Шиллер Ф. (1759–1805) — немістің ұлы ақыны, драматург. Оның «Қарақшылар», «Жауыздық пен махаббат», «Дон Карлос», «Вильгельм Тель» деген сияқты шығармалары бар, көптеген өлеңдер де жазған. Абайдың «Кең жайлай — жалғыз бесік жас балаға» деген өлеңінің түп нұсқасы осы Шиллердікі.

Шыңғыс хан (1206–1227) — шын аты Тимушин Исугейұлы. Монгол жұртының ханы. 1203–1206 жылдардың арасында Көрей, Найман хандықтарын жеңіп, бүкіл монгол елін тұтас бір хандыққа ұйымдастырады. Сөйтіп, 1206 жылғы бүкіл монгол елінің құрылтайында оған Шыңғыс хан (Ұлы хан) деген атақ беріледі. 1215–1221 жылдардың ішінде Бейжінді (Қытай), Иран, Хорезмді жауап алады. Бұдан соң Кавказ елдерін бағындырып, кейін шегінеді. Оның немересі, Жошы ханның баласы Батый Шыңғыс Европаны жауап, 1249 жылы Еділ бойынан Сарай деген қала салдырады.

Шекспир Уильям (1564–1616) — дүниеге әйгілі, ағылшынның ұлы кеменгер драматурғы.

Ы

Ыргызбай — Абайдың үшінші атасы; Айдостың баласы. 1750 жылы Тобықты елі Сыр бойынан «Ақтабан шұбырындыдан» ауған жолында Ыргыз деген өзен бойында туған. Ыргызбай ержеткен кезде, Тобықты елі осы құнгі Шыңғыс тауына келіп қоныстанған екен.

Ысқақ — Құнанбайдың Абайдан соңғы баласы. Құнанбай қажылық жолына түсіп, ел билеу ісінен қол үзген соң, Ысқақ 1873–1882 жылдар арасында Мұқыр еліне 9 жылдай болыс болған.



МА ЗМЫНЫ

Кітап — ең сабырлы ұстаз	8
Қазақ халқының ұлы ақынды	10

ӨЛЕҢДЕР

«Кансонарда бүркітші шығады анға»	23
«Қақтаған ақ күмістей кең маңдайлы»	25
«Жасымдағы ғылым бар деп ескермедім»	27
«Сап, сап, көңілім, сап, көңілім»	28
«Картайдық, қайғы ойладық, үйқы сергек»	30
«Картайдық, қайрат қайтты, ұлғайды арман»	32
«Қыран бүркіт не алмайды, салса баптап»	34
«Қалың елім, қазағым, қайран жұртый»	35
«Байлар жүр жиган малын қорғалатып»	37
«Көнділім қайтты достан да, дүшпеннан да»	38
«Адасқанның алды — жән, арты — соқпақ»	40
«Бір дәурен кемді күнге — бозбалалық»	42
«Жігіттер, ойын арзан, құлкі қымбат»	44
«Патша құдай сыйындым»	48
«Базарга, қарап тұрсам, әркім бараз»	49
«Ғылым таппай мақтанба»	50
«Шоқпардай кекілі бар, қамыс қулақ»	53
Жаз	55
«Интерната оқып жүр»	57
«Өкінішті көп өмір кеткен етіп»	60
«Сабырсыз, арсыз, еріншек»	62
«Бөтен елде бар болса»	65
«Өлең сөздің патшасы, сөз сарасы»	70
«Біреудің кісісі өлсе, қаралы ол»	73
Күз	75
«Қараша, желтоқсан мен сол бір екі ай»	77
Қыс	79
«Желсіз түнде жарық ай»	80
«Ішім өлген, сыртым сау»	81
«Күлембайға»	83
«Біреуден біреу артылса»	88
«Мәз болады болысың»	90
«Білімдіден шыққан сөз»	92
Серіз аяқ	94
«Сәулең болса кеуденде»	101
«Мен жазбаймын өлеңді ермек үшін»	103
«Әуелде бір сұық мұз — ақыл зерек»	105
«Ғашықтық, құмарлықпен — ол екі жол»	106
«Қор болды жаным»	107
«Сен мені не етесің»	108
Жіргіт сөзі	111

Кыз созі	113
«Білектей арқасында орғен бүрым»	115
«Қажымас дос халықта жоқ»	116
«Жастықтың оты қайдасың»	118
«Жарқ етпес қара көндім не қылса да»	120
«Тұлпардан тұғыр озбас шабылса да»	121
«Бай сейілді»	122
«Ем таба алмай»	124
«Келдік талай жерге енді»	126
«Өзгеге, көндім, тоярысың»	128
«Кейде есер көнділ құрғырың»	130
Жазғытұры	131
«Асқа, тойға баратұғын»	134
«Ата-анаға көз қуаныш»	136
«Тайға міндік»	138
«Заман ақыр жастары»	140
«Козінен басқа ойы жоқ»	141
«Жастықтың оты жалындаپ»	143
«Қызыарыш, сұрланып»	145
«Козімнің қарасы»	147
«Менсінбеші ем наданды»	151
«Не іздейсің, көндім, не іздейсің?»	153
«Жүргегім, ойбай, соқпа енді»	155
«Кайғы пығар ілімнен»	156
Оспанға («Жайнаған туың жығылмай»)	158
«Кепегі Оспан»	159
«Құлімсіреп аспан тұр»	161
«Ұсынтың сұытқан»	163
«Бойы бұлғаң»	164
«Жақсылық ұзақ тұрмайды»	166
«Антненен тарқайды»	168
«Қарашада өмір тұр»	170
«Жас осірім замандас қапа қылды»	172
«Ғашықтың тілі — тілсіз тіл»	173
«Әсемназ болма әр неге»	174
Ескілік киімі («Ойланып ойға кеттім жұз жылғы өткен»)	176
Әбдірахман науқастаның жатқанда	177
Әбдірахманға («Алланың рахматын»)	180
Әбдірахманға Кәкітай атынан хат («Тілім, саган айттайын»)	181
Әбдірахманға Кәкітай атынан хат («Көзімнің нұрысызың»)	183
Қыздарға	184
«Галай соз бұдан бүрін көп айтқанмын»	186
«Лип қарын жұбана ма майлы ас жемей?»	187
«Баламық өлді, білдің бе?»	189
«Лай суга май бітпес қой өткенге»	190
«Олсе олер табиғат адам өлмес»	192
Әбдірахман өлгенде («Арғы атасы қажы еді»)	193
Әбдірахман өлгенде («Кепегі откен ер Әбші»)	195
Әбдірахман өлгенде («Тұла бойың ұят-ар едің»)	196

Әбдірахман өліміне («Жиырма жеті жасында»)	197
Әбдірахман өліміне («Талаптың мінші тұлнарын»)	200
Әбдірахманға («Орынсызды айтпаған»)	201
Әбдірахман өлген соң өзіне айтқан жұбатуы («Берменең құлға, қайтесің»)	202
Әбдірахманның әйелі Магышқа Абай шығарып берген жоқтау («Жылағанды тоқтатып»)	204
Әбдірахманның әйелі Магышқа Абай шығарып берген жұбатуы («Айналайын, құдай-ау»)	206
«Кешегі Оспан ағасы»	210
Немере інісі өлгенде айтқаны	211
«Малға достың мұңды жоқ майдан басқа»	213
«Тұғызған ата-ана жоқ»	214
«Бір сұлу қызы тұрыпты хан қолында»	215
«Сағаттың шықылдағы»	217
«Көніл құсы қүйқылжыр шартарапқа»	218
«Адамның кейбір кездері»	220
«Көкала бұлт сөгіліп»	221
Рахымшалға («Сұлу аттың көркі — жал»)	222
«Кек тұман — алдыңдағы келер заман»	223
«Сенбе жүртқа тұрса да қанша мақтап»	225
«Алла деген сез женіл»	226
«Мен сәлем жазамын»	227
Ғабидоллага	228
«Құлақтан кіріп бойды алар»	229
«Ерекше естен кеппес қызыңқ қайда?»	231
«Болды да партия»	232
«Қуаты оттай бүркүрап»	234
«Сүм дүнне тонап жатыр, ісің бар ма?»	235
«Өлсем орным қара жер сыз болмай ма?»	236
«Жүректе қайрат болмаса»	238
«Ауру жүрек согады ақырын жай»	239
«Есінде бар ма жас құнің»	240
«Жүргегім менің қырыңқ жамау»	241
«Адам — бір бοқ, көтерген бοқтың қабы»	242
Дүтбайға («Жылуы жоқ бойының»)	243
«Нұрлы аспанға тырысып өскенсің сен»	244
«Жүргегім, нені сезесің?»	245
«Көлеңке басын ұзартып»	247
«Қуанбаңдар жастыңқа»	249
«Ұяламын дегені көңіл үшін»	250
«Жапырағы қуарған ескі үмітпен»	251
«Осы қымыз қазаққа»	252
«Буынсыз тілің»	253
«Тоты құсті қебелек»	254
«Алланың өзі де рас, сөзі де рас»	255
«Жүрек — теңіз, қызықтың бәрі — асыл тас»	258
«Жалын мен оттан жаралып»	259
«Домбырага қол соқпа»	260
«Ойға тұстім толғандым»	262
«Мен боламын лемендер»	264

ПОЭМАЛАР

Ескендір	267
Масғұт	273
Әзім әңгімесі	279

Қ О Л Т А Н Б А (ФАКСИМИЛЕ)

295

А У Д А Р М А Л А Р

A. С. Пушкиннен

Татьянаның Онегинге жазған хаты («Амал жоқ — қайттім білдірмей»)	303
Онегиннің сипаты («Жасынан түсін билеп»)	306
Онегиннің Татьянаға жауабы («Таңғажайып бұл қалай хат»)	308
Онегин сөзі («Хатыңнан жақсы ұғындым сөздің бәрін»)	311
Онегиннің Татьянаға жазған хаты («Күп білемін, сізге жақпас»)	313
Татьяна сөзі	316
Онегиннің өлердегі сөзі	319
Ленский сөзінен («Барасың қайда, қайда болмай»)	320

M. Лермонтовтан

Дұға	322
Бородино	323
Теректің сыйы	324
«Әм жабықтым...»	326
«Кең жайлай — жалғыз бесік жас балаға»	326
«Сүргілт тұман дым бүркіп»	327
«Ал, сенейін, сенейін»	328
«Өзіңе сенбе, жас ойшыл»	330
«Қайтсе жеңіл болады жұрт билемек»	332
Тұтқындағы батыр	333
«Құлімсіреп аспан тұр»	334
«Рахат, мені тастап қоймадың тыныш»	335
«Фашықтық ізден тантыма»	336
«Махаббат, достық қылууга»	337
Ой	338
Қанжар	340
Альбомга	341
«Босқа әуре боп келдің бе тағы мұнда»	342
«Мениң сырым, жігіттер, емес оңай»	345
Қасиетті дұға	346
«Жолға шықтым бір жым-жырт тунде жалғыз»	348
Шайтан	349
Жалау	351
Жартас	352
«Көнілдің күйі тағы да»	353

«Асая той, тентек жиын, опыр-топыр»	354
«Күнді уақыт итеріп»	355
Вадим	356
«Көңілім менің қараңғы»	362
И. Гетеден	
«Қараңғы тұнде тау қалғып»	364
А.Мицкевичтен	
Тұтқындағы поляк жандаралының сөзі	366
И.Буниннен	
«Корқытпа мені дауылдан»	368
Я.Полонскийдем	
«Жүректе көп қазына бар, бәрі жақсы»	370
Белгісіз автордан	
«Қалқам-ай, мен үндемей жүремін көп»	372
И.Крыловтан	
«Мен көрдім үзын қайың құлағанын»	374
Емен мен шілік	375
Қазага ұрынған қара шекпен	377
Жарлы бай	380
Есек пен бұлбұл	384
Қарға мен бүркіт	385
Шегіртке мен құмырсқа	387
Әншілер	389
Ала қойлар	390
Қарға мен тұлқі	392
Қарға мен тұлқі	394
Бака мен өгіз	396
Піл мен қанден	398
Есек	400

ҚАРАСӨЗ (ФАҚЛИЯ)

.....	405	
Біраз сөз қазақтың қайдан шыққаны туралы		517
Мұсірәлінің естелігі	522	
Абайдың інісі Халиуллага жазған хаты	529	
1885 жылды Семей қазақтары үшін қылмысты істерге қарсы заң ережесі (Бұл Ережеге Абай қол қойған)	530	
Жан жарасы жазылмаған ойшыл	533	
Абайдың өміріне қатысты және ақынның шығармаларында кездесетін кісі аттарына туспінік	543	

ҚАМҚОРШЫЛАР КЕҢЕСІ

Мекеме аты	Жетекші	Мекені
KAZZINK	Никола Попович	Өскемен
ТИТАН-МАГНИЙ КОМБИНАТЫ	Бағдат Шаяхметов	Өскемен
БАНКТУРАНӘЛЕМ	Қайрат Жуаспаев	Семей
БАНКЦЕНТРКРЕДИТ	Бахытбек Байсейітов	Алматы
САПАР	Қайрат Сапарбаев	Шымкент
DHL	Юрий Шевченко	Алматы
АСЕМ-АЙ	Мұхтар Кочкаров	Шымкент
ШЫМКЕНТПИВО	Тоқтар Түлешов	Шымкент
ГРУППА КОМПАНИЙ «КОНТАКТ УПРАВЛЕНИЯ»	Қайрат Беркінбаев	Шымкент

**«АМАНАТ» журналы Кітапханасының
кітаптарын сатып алу үшін келесі
мекемелермен хабарласыңыздар**

АЛМАТЫДА:
Халықаралық Абай клубының өкілеттілігі
тел/факс: 8 (3272) 91 89 69;
e-mail: amanat70@list.ru

«Книжный мир семьи» кітап дүкені
тел.: 8 (3272) 91 35 83; т-факс 92 17 19
«Атамұра» кітап дүкені
тел. 8 (3272) 79 11 72

«Академкнига» кітап дүкені
тел. 8 (3272) 73 78 21

АСТАНАДА:
«Казахкитап» ЖАҚ
тел. 8 (3172) 39 72 49; 39 84 77

«Казна» кітап саудасы
тел. 8 (3172) 35 34 75

«Алтан Орда Астана» дүкені
тел. 8 (3172) 21 60 64

«Абай» ЖШС МС
тел. 8 (3172) 32 27 20


СЕМЕЙДЕ:
Халықаралық Абай клубының өкілеттілігі
тел/факс 8 (3222) 56 15 55, моб. 8 705 800 69 84

ӨСКЕМЕНДЕ:
«Коханов» ЖК
тел/факс: 8 (3232) 25 28 32, 25 86 37

ҚАРАҒАНДЫДА:
«Сары-Арқа» МС
тел/факс: 8 (3212) 47 50 48

أبا

أبا





Қазақ халқының ұлы ақыны, данышпан ойшылы, композитор, аудармашы, және корнекті қоғам қайраткері.

Абайдың әдеби мұрасын — өлеңдері, поэмалары, аудармалары, философиялық ой толғаулары — қазақ әдебиеті Тарихының бага жетпес қазынасына,

ӨЛЕҢ — СӨЗДІҢ ПАТШАСЫ

халқымыздың рухани мәдениетінің биік оресіне айналған.

А б а й к е м е ң г е р да на лы ғ ы м е н , з о р к о р е г е н д і г і м е н , жүр егінің ақсан сезімталдығымен, копшілікке қарсы тұра б і л г е н қ ай с а р батылдығымен Алланы танып-білген — Ақиқат Ерені.

Ақының еркін де шалқар дүниетанымы, асыл тастай жарқыраган ақындық таланты, олмес рухының асқақтығы қазақ халқы на таусылмайтын рухани азық һөм жол нұсқаушы — шапагатты нұр.